





Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
1060/A







Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
1060/A



Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
1060/A





Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
1060/A

1060 A



ANTONII MVS-  
AE BRASSAVOLI  
MEDICI FER-

RARIENSIS,  
DIALOGI VARII.

in omnium Trochiscorum, Unguento-  
rum, Ceratorum, Emplastrorum, Cata-  
rismatum, & Collyriorum, quo-  
rum frequens usus est apud  
Ferrarienses phar-  
macopolas.

a sedulo castigata, & Indice illustrata.



A  
P  
O  
C  
O.

LVGDVNI,  
Sebastianū Barptolomæi Honorati.

1555



21709

*Dialogi.*

- I. De prandio et cœnâ. 7.
  - II. De Murice &c. 199.
  - III. De æquali hominum  
naturâ. . . . 445.
  - IV. De Morte. 553.
  - V. De Jure dicendo. 696.
-

# HIERONYMVS

BRASSAVOLVS, AD

ILLVSTRISS. ATQVE

EXCELLENTIS. ALPHON-

SVM illustris. HERCV-

LIS II. Ducis Ferrariæ

IIII. Primoge-  
nitum.

\*



Nter tot, tamque cele-  
bres, ac ferè innumeras  
facultates, quæ ad vsum  
humanum, & vitæ ne-  
cessitudinem à summis viris inuen-  
tæ sunt, Excellentissime Princeps,  
illa potissimùm cæteras præcellere  
videtur, quæ à Græcis *ιατρική*, à La-  
tinis facultas medica nuncupatur:  
quæ non tantùm in sua nativa fan-  
tate homines conseruat: verùm & si

a 2

agri



4  
ægritudines inciderint, in pristinum  
statum, ac sanitatem restituit, imò  
& ferè semimortuum in vitam re-  
uocare potest. Cùm nobis igitur tot  
bona præstet, omnium facultatum  
regina nuncupari debebit: liceat e-  
nim mihi in præsentiarum tali no-  
menclatura medicam facultatem ap-  
pellare. Quis ergo eam magna cum  
diligentia non obseruabit? quis ean-  
dem maiori cum honore non vene-  
rabitur? & denique quis apertis vlnis  
maxima cum affectatione non am-  
plectetur, atque osculabitur? quid  
enim diuitiæ absque sanitate efficere  
possunt? quid pulchritudo ipsa, quæ  
absente sanitate deflorescit? quid cor-  
poris fortitudo? quæ ægritudine præ-  
sente languida efficitur, nulla est  
mediusfidius disciplina medica fa-  
cultate præstantior, nulla æquè uti-  
lis, nulla denique inuenitur, quæ  
illam antecellere possit. Itaque om-  
nibus



nibus perspicuum esse non dubito  
cæteris artibus nobiliorem esse, ac  
magis præclaram. Quam ob rem ab  
omnibus expetendam esse summi  
viri censuerunt, cum & emolumen-  
ta maxima, & maximas, ac innu-  
meras mortalibus afferat commo-  
ditates. Has ob causas, colendissi-  
mus genitor meus toto nixu, totis  
viribus hanc obseruauit, & in ea  
omnem diligentiam adhibuit, vt  
pro seipso, ac aliis optimum ipsius  
finem assequeretur, quem omnibus  
(quando opus est) impertiri posset.  
Idcirco post multa alia, quæ in ipsa  
scripsit medica facultate monumen-  
ta, nunc libellum istum de Trochi-  
scis in lucem exire finit: & vt in suis  
lucubrationibus alicui Principi in-  
scribendis negligens est, sinebat il-  
lum absq; tutore in publicum emit-  
ti: quod ego (vt filius, cui parentis  
dignitas animo est) ferre non potui,

a 3 sed

sed statim arrepto calamo libellum  
ipsum Excellentiae tuae dicaui, vt in  
lucem sub tui nominis tutela prodiret.  
Accipe igitur, Excellentissime  
Princeps, munusculum hoc, quae-  
lecunque sit, hilari fronte, vt  
à tuo illo benigno ac sere-  
no aspectu ad maiora  
exciter, atque  
accendar.  
Vale.







7  
ANTONII MV.


SAE BRASSAVOLI

MEDICI FERRA-

RIENSIS,  
DE PRANDIO ET CAENA.

Examen omnium TROCHISCORVM,  
qui apud Ferrarienses pharma-  
copôlas conficiuntur.

SE N E X.



R O S I T, proficiâtque: éstne  
apta hæc, ac conueniens pran-  
dendi hora? B R A S. Cur illi  
apta non est, qui ad hanc vsq;  
horam in rebus seriis ac hu-  
manæ vitæ necessariis occupatus fuerit?  
opus etenim fuit me ægrotos omnes, quos  
sub tutela & curatione habeo, inuisere,  
priusquàm prandere voluerim, iusteq; po-  
tuerim: nam tu in catharticis medicamē-  
tis, quæ cataportia non sunt, expendendis,  
me ad tardam horam occupaueras. S E N.  
Nunc mihi videtur potius esse antecœnan-  
di hora, quàm prandendi. B R A S. Tu for-

a 4 tē sen



tè senio confectus cum pueris antecœnas:  
 ego autem puerulis, & his qui crescunt, hoc  
 antecœnandi munus relinquo, nimirum  
 qui quinquagesimum exegerim annum,  
 neque amplius cresco, nisi vt cucumeres in  
 latus & in ventrem. **S E N E X.** At ego, qui ob  
 ætatem puer secundò effectus sum, cum il-  
 lis antecœno, & plærunque illos invito, qui  
 aliò qui lusibus occupati antecœnam despi-  
 ciebant. **B R A S.** Tibi (absque vllò pudore)  
 antecœnare concessum est, cùm vltimum  
 senium iam attigeris: hi etenim, qui in  
 hac ætate constituti sunt, sæpiùs edere de-  
 bent (Galeno teste) & pro vnaquaque vice  
 haud multùm, ne eorum natiuus calor, qui  
 pusillus est, tali copia obrutus suffocetur.  
**S E N.** Tempestiuè prandeo, & satis copiosè,  
 antecœno modicùm, & mediocriter cœno.  
**B R A S S A.** Cur potius opiparè non cœnas,  
 & mediocriter prandes? **S E N.** Ita à pueri-  
 tia assuetus sum: Medicos autem audiui de  
 hac cœnæ, ac prandij copia in meo phar-  
 macopolio vsque ad conuitia differentes,  
 qui nescio quem virum adducebant homi-  
 num mores peruertere tentantem, omni-  
 bûsq; suadentem cœnam prandio amplio-  
 rem esse oportere. **B R A S.** Cogitne quem-  
 piam hic vir ad tantam cœnam ac pran-  
 dium desumenda? **S E N E X.** An cogat igno-  
 ro, aud



ro, audiui tamen, quòd omnes illos imperitos esse arbitratur, qui aliud agunt, & hominibus aliud præcipiunt, & hoc conuitiis, ac blasphemis insequitur: imò addebant totam victus rationem LEONI X. Pontifici Maxim. immutasse. BRASSA. CLEMENTI, non Leoni, sed immutato viuendi genere breui obiit Clemens, qui diutius fortè superuixisset, si suo illo primo ac diu assueto viuendi genere vsus fuisset. SENE X. Quid censes tu in hoc negotio agendum? BRASSA V. Est medica disputatio, & antiqua, non recens, & hoc tempore orta (ut nonnulli censent) quâ ambigitur, num prandium cœna plenius esse debeat, an cœna prandio, & vnaquæq; pars suos habuit, habetque fautores. SEN. Quid facis tu in tuo proprio corpore? BRASSA V. Tecum ingenuè loquar. Ego in cœna & prandio hucusque nullam feci, neque facio differentiam: & deinceps ita sequar, nisi prospera ac secunda mea valetudo immutetur: nam & probè prandeo, & probè cœno: neq; contemplor an hoc plenius esse debeat, an illud, & neq; ex hoc, neq; ex illo dispendium sentio: imò si in prandio quæ magis sapiât adfuerint, plenius prandeo (nam quid pransurus, aut cœnaturus sim, semper ignoro: hoc etenim prouidendi munus, vxori, &

a s quæst



quæstoribus meis demandatum est) & si in  
cœna illa fuerint quæ magis sapiât, plenius  
cœno. **SEN.** Ergo medicè non viuis? **BRAS.**  
Quid est hoc medicè viuere? ego humani-  
ter uiuo, non medicè, & humanas seruo  
consuetudines, ægroti medicè viuât, & qui  
valetudinariam vitam degunt, hominem  
verè sanum suæ spontis esse debere Celsus  
testatur, nihil est quòd sapiat, à quo absti-  
neam. **SENEX.** Multos igitur fructus edere  
debes. **BRASS.** Imò paucissimos, nam me-  
diocriter sapiunt: si vehementer saperent, à  
nullo eorum genere abstinerem. **SEN.** Cur  
iubes vt alij à fructibus abstineant? **BRAS.**  
Hoc valetudinariis iubeo, & ægrotis, ac  
lurconibus illis, qui ventriculum ad os vsq;  
fructibus implent, sed sanos moderatè fru-  
ctus edere nihil incommodi est, imò ex fru-  
ctuum esu id cōmodi habetur, quòd aluus  
lubrica redditur: hocq; maxima fructuum  
pars efficit. **SEN.** Tu igitur semper pran-  
des, ac cœnas? **BRASSAV.** Rarum est, imò  
rarissimum (nisi ægrotauerim) quòd non  
bene prandeam, & bene cœnem, & si non-  
nunquàm me haud prandere contingat, in  
symptomata illa statim incido, quæ ab  
Hippocrate in libro de Ratione victus in  
acutis, & in libro de Prisca medicina refe-  
runtur. Cùm enim hora transit, confestim  
vehem



vehemens debilitas sequitur, tremor, animi defectus, os amarescit, in iram excitor, difficulter spiro, & ieiunare nonnunquam mihi morbi principium fuit, & origo. SEN. Nunquam igitur ieiunare deberes. BRASS. Rarissimè ieiuno: nihil enim vitæ meæ, meisque viribus magis noxium, magisque periculosum inueni ieiunio. semel à prandio abstinui circa alia occupatus, in tantam incidi imbecillitatē, ut vix loqui potuerim priusquam comederim, tam facile à ieiunio resoluor. SEN. Si in Aphrica ortus fuisses, semel tantum (pro patrio more) in die comedisses. Nam diuus Augustinus Carthaginensis, cum Romam profectus esset, fatebatur se monstra vidisse: monstra verò vocabat bis in die esitare. Romani etenim prandebant, ac coenabant, cum Aphricani semel tantum in die comederent. BRASS. Si diuus Augustinus in Galliam profectus esset, arbitror hos vocauisset plusquam mōstra. SEN. Quam ob rem? BRASSA. Quia in Gallia passim quinquies in die cibis vescuntur. SEN. Et in Austria semper. BRASSAV. Veruntamen si diuus Augustinus nunc esset superstes illi monstrum non videretur bis in die comedere, quoniam in præsentiæ Carthaginenses, & Tunesani, & ceteri Aphri, bis in die comedunt. At ordinem quandam  
period



periodorum cœli in constitutionum numero contemlemur. Multi sunt Romæ, qui semel comedunt: idem plurimi faciunt Florentini, in qua vrbe nonnulli sunt, qui non semel tantum, sed & adeò parcè, vt dimidium dici possit, quàm opus sit, Bononiæ bis comedunt, Ferrariæ ter, Mediolani, in Insubria, ac in regione Pedemontana quater, in Gallia quinquies cibis vescuntur? SEN. Quomodo id faciunt, & quo tempore? BRAS. Hoc ordine & temporibus quæ enumerabo. Cum è lecto surgunt, statim ientant, quòd *deiuner* appellant, nos dicimus *far collatione* panis buccellam accipiunt, & nonnihil bibunt, postea hora consueta prandēt, & cùm ad vespertas pulsatur, antecœnant: postea statuta quâdâ hora cœnant: denique cùm dormitum eunt, buccellam panis edunt, & subbibunt. quod appellant *prendre son vin*. Cùm è Gallia in Angliam transitur, semper homines edere inuenies, hoc est in die pluries: arbitròrque si ultra Angliam alia adesset regio, quòd in ea adhuc frequentius ederetur, nec abs re, quia esset regio magis frigida: frigida verò regiones multum appetere faciunt. SEN. Tu quid melius censes, semel, an bis in die comedere? BRAS. Bis in die. SEN. Cur semel tantum non est melius, vt amplius negotiandi



gotiandi tempus habeatur? BRASS. Quia  
ventriculus per multas horas vacuus esset,  
& nihil in quod ageret, haberet, quod natu-  
ra minimè fert: nam flatu, ac pituita imple-  
bitur. octo etenim aut nouem horæ ad co-  
ctionem quæ in ventriculo fit satis sunt: in  
reliquo temporis ad alterius vsq; diei ciba-  
tionem, opus erit, aut ventriculi actionem  
otari, aut ad se pituitam, flatu, ac prauos  
humores in quos agat attrahere. Hippocra-  
tes verò propè calcem secundi libri de Ra-  
tione victus in morbis acutis, ait semel in  
die comedere, emaciare, siccare, ventrem  
sistere, nam calor ventris humidum, & car-  
nes consumit: prandere verò cōtraria facit.  
SEN. Tamen Hippocrates in quarto de Ra-  
tione victus in morbis acutis libro, eorum  
discrimina refert. qui prandent, & non sunt  
prandere assueti: inquit enim (haud longe  
à libri calce) Etenim qui prandere nō con-  
sueuerūt, si pransi fuerint, venter eorum in-  
tumesceat, somnolenti redduntur, & pleni:  
quòd si prater eà cœnauerint, venter ipsis  
turbatur. BRASS. Hippocrates in hoc loco  
de inassuetis prandere verba facit, vt planū  
esse poterit contemplanti: nam & Galenus  
eodem loco sectione videlicet vigesima se-  
cunda, inquit, id esse ex repentina mutatio-  
ne, quia grauatur ab alimēto facultas. nunc  
verò



verò de his quæ assueta sunt, minimè loquimur: nam qui ad aliquid sunt assueti iuxta Hippocratem, omnia ad quæ sunt assueti, faciliùs ferre possunt. **SEN.** Cùm verò nos & prandere & cœnare assueti simus, quid plenius à sano homine faciendum est, prandere'ne an cœnare? **BRAS.** Qui sanus verè est, & probè concoquit, bene prandeat, & bene cœnet: at non intelligo hunc tuburcinari debere, & ad summum cibis se exple-re, sed ad probi ac honesti viri consuetum & commodum edere. **SEN.** In valetudinariis autem quid agere oportet? **BRAS.** Ut suæ valetudini confert. **SEN.** Mihi animo esset, ut hoc negotium expressius, & cum maiori rationum diligentia enodares: nam multa in meo pharmacopolio audiui, quæ à diuersis medicis de hac quæstione disserebantur, & quæ me ambiguum reddidere. nam aliqui prandiū cœna plenius esse oportere fatebantur, alij cœnam. **BRAS.** Si ambiguitates illas, quas mente concepisti, in medium afferre non contempnes, nos illas pro posse absolvere non grauabimur. **SEN.** In primis de prandio disputarunt, quâ hora apud antiquos sumeretur. **BRAS.** Antiqui diem, hoc est, lucem ipsam in duodecim horas tam hyeme, quàm æstate diuidebāt, & noctem, id est, tenebras in duodecim:  
erant



erant verò hyeme & æstate horæ inæquales, vere & autumno æquales, vt de æqualitate & inæqualitate horarū astronomi differunt, hīc negotia nonnulla statutis quibusdam horis perficiebant, quæ nunquā ad alias horas demandassent, in hac verò horarum distinctione, nona hora cœnabāt, de his autem horis ac negotiis in ipsis peragendis extāt Martialis carmina in quarto Epigrammatum libro, in epigrammate ad Euphemum, in quo ita cecinit:

*Prima salutes, atque altera continet hora:*

*Exercet raucos tertia causidicos.*

*In quintam varios extendit Roma labores:*

*Sexta quies lassus, septima finis erit.*

*Sufficit in nonam nitidis octaua palæstris,*

*Imperat extructos frangere nona toros.*

*Hora libellorum decima est Eupheme meorum,*

*Temperat ambrosias cū tua cura dapes.*

*Et bonus æthereo laxatur nectare Cæsar,*

*Ingenti que tenet pocula parca manu.*

*Tunc admitte iocos, gressu timet ire licenti*

*Ad matutinum nostra Thalia Iouem.*

Martialis Euphemū rogat, vt in suis carminibus Imperatori ostendendis hoc ordine vtatur, vt illa, quæ sunt seueriora ante cœnam ostendat, quæ verò sunt iocosa post cœnā. Cū igitur iubeat decima hora ostendendos esse iocos, indicium est quod nona  
hora



hora cœnauerint. *SEN.* Ad huius rei propositum quid facit hæc cœnandi hora antiquorum, & prandendi? *BRASS.* Nihil ut arbitror, at tibi retuli illos de hac re differuisse, sed nos illam prætermittere debemus, quia de cœna, & prandio sermo futurus est, ut in præsentiarum in usu sunt. Nam, & antiqui eisdem cœnabant horis, & prandebant ut nunc facimus, ut ex Hippocrate constat, & Galeno in libro de Ratione victus in morbis acutis, mirorq; de his nominibus quempiam ambigere. Nam statim qui de hac re differit per prandium esus ille intelligitur, qui manè fit postquam homo per aliquot horas negotia exercuerit, quod est quarta, aut quinta hora, postquam è lecto surrexerit: & per cœnā comestio illa vespertina intelligenda est, quæ fit per spatiū octo, nouē, vel decem horarū à prandio, & per spatium vnus, vel duarū horarū à decubitu. hæc est cœna, & hoc prandiū, de quibus sermo futurus est, ut apud nos cōsuetæ sunt vocari ac insumi, & eodē modo antiqui (fortè in aliqua horarū portione euariantes) intelligebant, ut hora scilicet matutina pranderent, vespertina verò cœnarēt. De hoc ergo prandio, & de hac cœna intelligentes (quia ita etiam Hippocrates, & Galenus intelligūt) differamus, quidnam plenius esse debeat.

Disput



Disputatio autē non erit pro hominū cōsue-  
tudinē, nec pro moribus, sed erit in se sim-  
pliciter, quia magna hominum pars de mo-  
re plus cœnat, quā prandeat. s. e. In maiori  
Ferrariensiu parte hoc intueri licebit, quod  
scilicet tenuius prādent liberiūs ac plenius  
cœnant. b. r. Hoc verum est tamen, & nōnul-  
li plenius prandent, & minus cœnant, sed  
rari sunt. s. e. Simpliciter igitur disseras cō-  
suetudinibus prātermisissis, & quid ratio di-  
ctet ostendas, & prātermisissis etiā agrotan-  
tibus, nam hi secundum ægritudinis genus  
& horas quibus monentur in victu sunt re-  
gendi. b. r. a. In simpliciter sanis, & qui ob  
aliud non coguntur, cœna prandio plenior  
semper esse debet: ita enim Galen. in septi-  
mo Methodi dicit: Quare primo loco le-  
ue sumendū his est (de his loquitur, qui resi-  
ciuntur) quod videlicet concoquatur celerri-  
mē, & excrementū eius discedat, & vacuus  
purusq; ventriculus secundum excipiat, At  
quoniā nō solūm quies & somnus, sed etiā  
longius tempus huius naturalem admini-  
strationem excipit, rationabile est, ut va-  
lentiores ciborū hoc maximē tempore of-  
ferantur, itaque etiam athletæ omnes sic fa-  
ciunt, qui eum vsum non solūm aliqua ra-  
tione inuenerunt, sed etiam longa expe-  
rientia comprobarunt. Hinc facile colligi  
b potest



potest ob lōgius tēpus, quòd inter cœnā & prādiū interponitur, & ob somnū ac quietē plenius cœnādū. s E. Galenus in hoc loco cōualescētibus, qui macilēti sunt & impiguarī cupiūt, sermonē habet. B R. Cōualescētes sani sunt, & ideò sub nostra consideratione continentur, adde rationem qua vtitur Galenus suis conuenire, nam in quiete cōsistit ac somno, & in cœna prandiū distantia, quę ratio sanis æquē competit. s E. Galenus de cibi multitudine loqui non videtur, sed de valentiore cibo athletę vescūtur, vt robur corporis faciāt. B R. Valentior cibus duplex esse potest, aut quòd ad suā naturā valentior vt bouis caro, aut quòd multitudinē. ad Galeni intentum siue primo, siue secundo modo sit valentior, in secunda cibatione quę cœna vocatur sumi debet, nam ad nutriēdū præbetur. s E N. Sani tanto nutrimento non indigent, vt conualescentes, qui macilenti sunt. B R A S. Imò & ipsi indigent, quia conualescentes vim habent concoctricē imbecillam, sani autem habent illam robustam, idcirco nutrimento indigent, in quod agat robusta vis, & Gale. ratio monet vētriculū purum esse debere, nihil in secunda cibatione, quę cœna est, continere, at à secunda cibatione ad primā hoc nō dicit ventriculū scilicet purū esse debere: quia tanta adest à  
cœna



cœna ad prandium distantia, ut necessario sit purus, & nihil cœna contineat. s e. Prosequaris obsecro. B R A S S. Nobis otium non suppetit de hac re abundè differèdi, idcirco nunc rerū capita attingemus, aliās seorsum quæstionem amplè tractaturi. sed aliud audias ad suadendum cœnam prandio ampliore esse oportere argumentū. Quo tempore naturalis calor intensior ac vehementior est, eo tempore iure plenius edēdū, sed noctu calor naturalis intensior ac vehementior est, igitur noctu, hoc est in cœna, plenius edendum. s e n. Ego huius argumenti minorem propositionem inficias irem. B R A S S A. Gaudeo plurimūm, te Dialecticum tam repentè euasisse. s e n. Imò à pueritia Dialecticam didici, neque in illa fueram mediocriter versatus, adhūcque veluti igniculi quidam in me relictī sunt, quibus facilè argumentorum genera deprehendere possum. B R A S S A V O L V S. En minorem illam, quam is inficias, probō. Cū naturalis calor retrahitur tunc vehementior fit, in seipso scilicet contractus, & veluti coadunatus, ac conculcatus, ut Hippocratis Galenique sententia est, quoniam in primo Aphorismorum libro, Aphorismo decimoquinto, iudicantur idè hyeme coctiones fieri potiores, quia

b 2 noctes



noctes longissimæ, imò, & præter horū authorum sententiam ratio ipsa id dictare videtur, quia naturalis calor in somno ad centrum contrahitur. vnde Galenus in primo de symptomatum causis, capite octauo monet, animales facultates in somno quiescere, naturales verò vehementiùs agere, & nō desistere. s. E. Ego libenter Galeni verba audirem. B R A. Hæc sunt. Liqueat autē non secus, & quod in somno, aut omnino feriētur sensus, aut exiliter, & obscurè agant. Ratio, nabile ergo est exiguum virtutis à principio in singulos tum confluere, & profundè quidem ac non profundè dormire, sicut vulgò loquimur, ex quantitate influentis virtutis contingit: cum tantò minùs eius influere sit credibile, quantò somnus est profundior. Igitur in toto eo tempore videtur animalis vis quiescere, naturalis autem vehementiùs operari. Hæc sunt Galeni verba quæ audire cupiebas. s. E. Tam dilucida sunt vt quod optabas planè ostendant, sed an naturalis calor intus retrahatur, iuxta Galeni dogma, nondum suasisisti. B R A S S. Possem hoc ex tota Medicorum ac Philosophorum schola suadere, sed nobis in præsentiarū institutum est Hippocrate & Galeno solis vti. hic nimirum in tertio de Causis pulsuū, quare pulsus in somni initio sunt imbec



imbecilliores, tardiores, atque rariores, deinde maiores fiunt & vehementiores, rationem reddit, quia calor cogēs se ad interiora, cibum inuenit, quem conficere debet, laboratq; vt illū superet, ac vincat, vnde quoad cibum superauerit imbecillior videtur: cū verò superauerit validior fit, pulsusq; maiores euadunt, ac vehementiores. s. e. Ita ego respondere possem, non esse vniuersale quòd cōcoctio melior in somno fiat, quàm in vigilia, si illa quæ digeri debent, æqualia fumantur. B. R. Imò in his de quibus sermo futurus est, in sanis scilicet, & qui non magis vni quàm alteri sunt assueti, semper melior fit in somno, quàm in vigilia concoctio, vt ratio ipsa dictabat. Adde, & ob noctis frigiditatem naturalem calorem vehementiorē euadere, nam noctu contrahitur, & in sese collectus intrinsecas partes magis calefacit, extrinsecas verò calore destitutas deserit, cuius rei testis est Galenus in primo Aphorismorum libro, Aphorismo decimoquinto, vbi ait: Causam verò ob quam hic idem calor in hyeme augeatur, etiā Aristoteles dixit. Resurgit enim propter circumstantem extrinsecus frigiditatem sicut rursus æstate ad sibi affinē protenditur. Atq; ita cōtingit dissolui quidē ac dissipari eius substantiā tēpore æstiuo: cōtineri

b 3 autem



,, autē ac cohiberi, & in profundum secedere  
,, hyemali. Ob hoc igitur & coctiones, & san-  
,, guificationes, & nutritiones his tēporibus  
,, sunt meliores. Verū hęc non contingunt,  
,, nisi ob frigiditatē, vnde & Hippocrates di-  
,, cebat, Ventres hyeme, & vere nō calidissi-  
,, mos esse, ob aëris frigiditatē, sed in nocte  
,, aëris frigiditas dominatur, igitur & natura-  
lis calor cōtrahitur & vehementior euadit.  
s e. Quod de hyeme adducitur, ad rē ipsam  
facere nō videtur, quia non omnes hyeme  
probè coquunt, sed illi solū, qui carnosī  
sunt, & calidi, quod à Galen. ostēdi videtur,  
animaliū exemplo in latibulis degentium,  
quæ per totā hyemē nō edunt, quia nec co-  
querent, quoniā eorū naturalis calor adeo  
imbecillus est, vt à frigore ferè extingua-  
tur, aut saltē sopiatur propterea nō omnes  
melius hyeme coquunt. b r. Hi qui frigidi  
sunt & macilenti non sunt verè sani, si ani-  
malibus in latibulis degētibus comparari  
possint. nā sunt adeo frigidi, vt hyeme su-  
perueniēte adeo infrigidentur, vt nullo pa-  
cto, vel modicè coquant. s e n. A' nonnullis  
audiui, quod & si calor sit vehementior in  
noctē, quā in diē tum ob noctem, hoc est  
obscuritatem, tum ob frigiditatem, tamen  
multæ adsunt noctu superfluitates, circa  
quas occupatur natura, idcirco minus cœ-  
nare



nare opus est, ut natura facilius in hæc excrementa agere possit, & illa expellere. BR. Hæc vana sunt, quia non sunt plura superflua in nocte, quam in die, nã si in nocte forte adsint prãdij superfluitates, in die etiam aderunt cœnæ superfluitates, idcirco illorum, quos adduxisti ratio, nullius momēti est, unde aliud audito argumentũ. In illa tēporis conditione, in qua naturalis calor aptior fit ad concoquendũ, in illa inquã plus edendum, sed in quiete calor naturalis fit aptior ad cōcoquendum, ergo in quiete amplius edendũ est, verũ omnium quietum maxima est in nocte, igitur in nocte magis edendum est: sed in nocte cœnamus, cœna igitur prandii denior esse debet. S E N. Hic adsunt multa, quibus assentiri nō cogimur, nam primam propositionē concedimus, secundam imus inficias, naturalem scilicet calorem in quiete aptiorem fieri ad cōcoquendũ, cū experientia ostendat coctiones potiores fieri, cū corpora exercemus. B R A. Si propositionem illam tibi verã esse suadebo, quid postea dices? S E N. Nihil aliud quã id fateri, quod probaueris, modò id rectè probare valeas. B R A S S A. Ita facile probabo. Calor qui ab exercitationibus excitatur, coctioni quæ in ventriculo, ac iecore fit, minimè confert. Prætereo ad hoc sua-

b 4      dend



dendum Auicennæ sententiam in Tertia  
 primi, doctrina secunda, in capite tertio &  
 septimo, & Rasis sententiam quarto ad Al-  
 manforem, & Auerrois in sexto Collectio-  
 num suarum capite secundo, sed id ratione  
 probo quia calor à motu factus ad circun-  
 ferentiam trahit, nam extimam superficiẽ  
 calefacit, quã calefacta id quòd intus est ob  
 calorem ad circunferentiam trahitur, idcir-  
 co coctio impeditur, quæ in ventriculo fit,  
 & quæ in iecore. Secus esset de tertia coctio-  
 ne, ad quam sequitur distributio, & assimi-  
 latio. Hinc Galeno placuit exercitationes  
 & motum post factas coctiones fieri oportere,  
 hoc à Galeno edocetur in sexto de Sa-  
 nitate tuenda, non esse scilicet exercendum  
 corpus, nisi postquam ventriculus, & vasa  
 crudis succi prorsus sint vacua. Imò, & iu-  
 bet prius, etiam urinam, & excrementa etiã  
 excreta. <sup>epni.</sup> S E N E X. Experientia tamen osten-  
 dit, illos qui corpora exercent, facilius con-  
 coquere. B R A S S A V O L V S. Hoc verum  
 est primis factis ante exercitationem con-  
 coctionibus, quia exercitatione calor vehe-  
 mentior euadit, at si fiat dum in ventriculo  
 ac iecore cruditates existunt, extimus calor  
 ad circunferentiam trahit, idq; trahit quòd  
 crudum est. S E N E X. Sequetur igitur per  
 totum corpus crudas materias distribui?

B R



BRASSAV. Proculdubio sequetur, & fiet.  
 Dic verò, nōne illo tempore plus edendū,  
 quò maior præcessit consumptio? S E N E X.  
 Ita videretur, modò non esset talis con-  
 sumptio, quæ vires imbecillas reddiderit,  
 tunc enim minùs præbendum est ac sepiùs.  
 B R A S. De tali consumptione non loquor,  
 sed de illa, ad quam hæc sequeretur, nisi ci-  
 bis occurreremus, quorum officium est, id  
 quòd deperditum fuerit, restaurare. at in  
 die, tum ob exercitationes ad vitam neces-  
 sarias, tum ob calorem diei, magna fit re-  
 solutio, quam vt reficiamus, & deperditum  
 resarciamus, plenius edere debemus: hoc  
 autē fieri debet vesperi, hac nimirum ho-  
 rā si plenè cœnauerimus id noctu reficitur, quòd  
 in die deperditum est. S E. Si coctiones no-  
 ctu sunt potiores, igitur summo mane o-  
 ptimè edendum erit, vt vires reficiantur, &  
 id resarciatur quòd deperditum est. B R A.  
 Deciperis, quoniā & si coctio noctu melior  
 euadat, tamē nō fit tanta resolutio, vt in die  
 fit, in quo mouemur, & corpora exercemus:  
 sed & aliud audito argumētū. S E. Iā audio  
 B R. Cū inter prādiū, & cœnā octo, vel nouē  
 horarum spatium intersit & nonnunquam  
 septem, spatium inter prandiū & cœnā eris  
 quindecim horarū, vel sedecim, vel decē &  
 septē: nisi verò plus cœnauerimus, quā prāsi-

b 5 finis



simus, per amplum spatiū ventriculus relin-  
 quetur vacuus, & ita flatu implebitur, ac pi-  
 ruita, & ipsius vires exoluentur. s. e. Igitur  
 simpliciter censes plenius cœnandū esse, &  
 tenuius prandendū? B. R. A. Ita censeo, si sim-  
 pliciter loquamur. s. e. At si quis plus pran-  
 dere assuetus esset quàm cœnare, quid tum  
 agendū? B. R. Si eiusmodi consuetudo diu-  
 tina fuerit, & ferè à pueritia incepta, & ho-  
 mo per multos annos antea illam observa-  
 uerit, à sua consuetudine dimouendum nō  
 esse arbitror, quia cōsuetudo est altera natu-  
 ra. At si breui temporis cōsuetudo sit, hic fa-  
 cilè consuetudinē transmutare poterit, ac  
 debet. De his ergo qui longa cōsuetudine  
 minùs cœnarunt, plus præsunt, impræs-  
 entiarum minimè loquimur: quia illos in sua  
 cōsuetudine, & in sua quodā modo natura  
 versari sinimus. Memini, patruū meū, Ioan-  
 nem Brassauolum virum (si quis alter) in-  
 tegerrimum, & qui septuagesimum quartū  
 agebat annum, vehementi ægritudine affe-  
 ctum, quē curavi, & in sanitatem restitutus  
 est, dum cōualesceret, illū blandis verbis al-  
 loqui cœpi. ô patrue, dixi, ad hanc tam grā-  
 dauam ætatem peruenisti, victum iam mu-  
 tare deberes (nam nihil penitus præter fru-  
 ctus edebat, & per totum vitæ curriculum  
 ederat) & plus viuere quàm fieri possit eni-  
 ti, car



ti, carnésq; edere, oua, & probos, pisces, & reliqua quibus cæteri homines vescuntur. tūc me defixis oculis intuitus est, & dixit, charissime nepos, ad hanc vsq; ætatē septuaginta quatuor annorum cum hoc victus genere perueni, & nunc victum immutabo, cum pedes mei sepulchri partē iam occupent? morte profectō prius præuenirer, quā consuetudinē immutare potuerim. Senis verba cōsiderans, illius consilium laudaui ac probaui, vt scilicet consuetudinem suam obseruaret, & præsertim quia carnes, & pisces non modo abhorrebat, sed & difficulter concoquebat: cuiuscunque verò generis fructus & probè concoquebat, & summè appetebat. Itaque per septem, aut octo annos adhuc cum suo hoc viuendi genere superuixit, vt denique sua sponte viuens, octuagenarius animam Deo reddiderit. Hinc inferendum censeo longas consuetudines non esse immutandas, & præsertim in victus ac in ordine sumendi victum. **SENE X.** Qui ergo assueti sunt ampliusculè prandere, & minus cœnare, in sua illa consuetudine relinquendi sunt? **BRASSA.** Certè: si longa sit consuetudo, quæ in naturam ferè transuerit. nam iuxta Hippocratem in secundo Aphorismorum libro, Aphorismo quinquagesimo. Quæ ex longo tempore consue-

ta



,,ta sunt, & si deteriora sunt, insuetis minus  
 molestare solent. imò si nōnunquā consue-  
 tudo in melius sit immutanda à Galeno  
 iubemur in quinto de Sanitate tuenda sen-  
 sim esse mutādā. & Hippocrates in secundo  
 de Ratione victus in morbis acutis libro,  
 docet lōgè melius esse nō tātū sanis, sed etiā  
 ægrotis vitiosam victus rationem seruare,  
 quā illā subitò, etiā si melior sit, mutare.  
 & Galenus in eodē quinto de Sanitate tuē-  
 da inquit: Sentibus vtilius esse consueto ope-  
 re exercitari, etiam si modicè noxium sit.  
 Contrā, iuuenibus ea mutare, quæ nocent,  
 tentandū est, etiam si à pueris his maximè  
 insueuerint. Hīsque vtitur verbis Gal. in eo  
 ,, libro. Ergo nec assuetudines ipsæ, tametsi  
 ,, prauæ sunt, displicentibus adhuc sibi corpo-  
 ,, ribus mutandæ sunt, nec per summam sani-  
 ,, tatem semper id est tentandū, sed tum,  
 ,, cū is, cui mutandæ sunt, à civilibus nego-  
 tiis maximè vacat. &c. Audiui Medicos illos  
 inter se altercātes dicere rusticos, & qui vi-  
 ctū suis manibus, & cū labore quærūt, plus  
 prandere debere, & minus cœnare: quia in  
 quotidiano labore multū cōsumūt. B R A.  
 Hoc vanum est, nam hi statim à pradio la-  
 bores subire coguntur. vt ob motum in ex-  
 trinsecis partibus calor accendatur, qui de-  
 inde cibum ad circumferētiā trahit, & præ-  
 terea



tere à corrumpitur potius, quàm coquatur, tamen in his regula esse non videtur, cum quater & quinquies in die esitent, & Ferrarienses rustici cū tritulant, quinquies in die edunt, testuacea, carnes bouillas, anseres, lagana, & cibaria crassa, ac difficilioris coctionis, tamen diu viuunt, & semper pleni laborant, quāuis ratio dicat, quòd in quiete pleniùs edere deberent. nam Galenus in secundo de Sanitate tuenda prius laborandū esse monet, postea edendum: quia vehemēs post esum motus cibos corrumpit. & ad circumferentiā trahit, cūq; hi qui ita laborāt vehemētius ac profundius dormiant, idcirco eorum naturalis calor vehementior est, & ita in somno id magis concoquere possunt, quòd in vigilia corrumpunt. In primo etiam de Alimētorū facultatibus, capite secūdo, à Galeno notatur si à somno arceātur hi, qui ita laborāt, egrotare. se. Experientia ostendit illos diu superuiuere, tamē in pradio plenē edunt, & in matutina ientatione, & in antecœna. **B R A S S.** Hoc ideò est, quia sunt assueti, & à parentibus orti, qui illis cibationibus erant, assuetudóq; in illis in naturam transiuit. Superioribus mensibus, cū Romam velociori equitatu proficiscer, si bene prandebam, cibus ventriculo ferè corrumpebatur. Si verò tenuiter prandebam



debam, erā postea vehemēter delassatus, ut bene prandere potius elegerim, & melius cœnare, quā tenuiter prādere: hoc tamen seruabā, quod in prādio modicē bibebam, potus etenim erat causa corruptionis cibi in vētriculo. s. e. Si quis esset noctu vigilaturus, & interdiu dormiturus, quid agēdū ab hoc esset? B R A S. Oppositum agendum, videlicet tenuiter cœnandum esset, & plenius prandendum, quia hic die, noctis loco utitur. Nonnullos vidi, qui sua sponte id agere tētarūt, scilicet nocte vigilare & interdiu dormire, qui cū naturæ ordinē immutare tētaissent, quę suadet negotia interdiu fieri, & noctu dormire, in ipsos ira percita breui ab hac vita in aliam permutauit. huius rei magnum exemplū fuit Hippolytus Cardinalis Estensis, qui hoc agens id summo ætatis vigore vita (magno omnium luctu) priuatus est. At si quispiam nonnunquam cogatur negotia quædam noctu perficere, Rasis monet vndecimo de Regimine, iter agentium capite vesperi non esse cœnandum, neque edendum, quoad quietis tempus inuenerit. s. e. Hoc mihi bellē quadrat, at si quispiam ob aliquā ægritudinem vesperi cœnare non posset, quid agendum? B R. Hic in nostra consideratione non continetur nam de sanis solū verba facimus, quia



quia ægroti eo modo regendi sunt, vt ipsa  
exigit ægritudo, si accessiones vesperi, aut  
statim in prima noctis parte fiant cœnādū  
nō est, quia vt habetur Aphorif. lib. I. apho.  
II. In accessionibus abstinere oportet nam  
cibū dare nocuū est, & propè etiā accessio-  
nes. s. b. Audiui eosdem Medicos dicentes  
noctu inter dormiēdum plures vapores in  
caput ascēdere, quā inter vigilādū, idcir-  
co plus prādēdū, minus cœnādū esse, ne ca-  
put noctu vaporibus impleatur. b. r. Nunc  
amplam difficultatem ingrederis, quæ est  
num ob cœnam, an ob prandiū caput ma-  
gis impleatur? s. e. n. e. x. Imò & hoc scire  
peropto. b. r. a. s. s. a. Si Galenum contem-  
plemur non pigeat, intelligemus caput va-  
poribus magis impleri post prandiū, quā  
post cœnam, nam sumpto prandio, quia ho-  
mo interdium exercetur, duo incidit incom-  
moda, primò, cibus haud probè coquitur,  
sed ob motus calorē, crudus, ad circūferen-  
tiam trahitur, secundò fumi in caput ele-  
uantur, illūque implent, propterea adest  
Galenī documentū in his, qui interdium cor-  
pus exercere debent, in quocunq; exercita-  
tionis genere, tenuiūs prandendum esse, &  
pleniūs cœnandum, quod ipse in se ipso  
exercuisse testatur, in sexto de Sanitate  
tuenda libro, Classe secunda pagi. 97. G

vbi ait



ubi ait eum morem obseruasse, cum erat in visitandis ægrotis, vel ciuilibus negotiis impeditus, quòd hora quarta diei panem simplicem absque alio obsonio & potu sumebat, panis verò in tanta erat copia, vt ad decimam vsque horam confici posset, quà hora deinde & panem & obsonia in cœna comedebat, vt scilicet carnem, oua, pisces, & reliqua quæ in vsu communi sunt cibaria, vinumque bibebat, erat verò eiuscemodi decima hora horarum equinoctialium vigesima secunda, horarum computum, incipientes, vt in nostro communi horologio facimus, hoc igitur indicatiu est caput magis impleri in die, quàm in nocte, coctionemque perfectiorem sequi in nocte, quàm in die. s e. Per quam viam caput à ventriculi vaporibus impletur? BRASSA. Per tres vias. s e n. Quænam sunt? BRASSA VO. Stomachus, id est gula, arteriæ, & venæ, adde prætereà & quartam viam, quæ est insensibiles meatus, quos Græci poros vocant: per arterias verò fumos in caput ascendere, in pulsum Introductorio octauo capite scriptum habetur, & in tertio de Virtutibus naturalibus, capite quarto decimo, quòd & per venas, gulam, & insensibiles meatus caput repleatur, eodem loco scriptum est. s e n. Hoc igitur à te discutien



tiendum venit, num vapores in vigilia magis in caput ascendant, an in somno. BRAS. Hoc iam discussum esse videtur, quāquā communis sententia oppugnet, quæ dicit post cœnam maiorē fieri capitis repletionem, quā post prandium. at nos oppositum esse censuimus, quoniam inter illa, quæ replent caput, ea quæ calefaciunt (iuxta Galeni dogma) summè replent, at vigilia calefacit, igitur & caput replet. S E. Calefacit quidem, sed extrinsecas partes. BRAS. Tamen calefacit, & somnus infrigidat, & si intellexeris extrinsecas partes: cū verò de ratione calidi sit attrahere, & quæ calefaciunt, ad attractionem faciant, igitur dum vigilamus, caput facilius replebitur, quā cū dormimus. S E. Per quos meatus vapores in caput ascendunt? BRAS. Per iam dictos. S E N. Durum videtur atque impossibile per arterias vapores in caput ascendere arbitrari. BRAS. Imò notissimum & facillimum est, vt Galenus docet in tertio de Virtutibus naturalibus, capite quartodecimo. hoc nimirum loco docet, quomodo arteriæ ad se trahāt, in arteriarum, etenim dilatatione, cū sint cuti propinquæ, & ad illam terminentur, aërem ad se trahunt, at arteriæ illæ quæ propè cor sunt, à corde ipso trahunt, illæ verò quæ ad stomachum

c termin



terminantur, ab eo etiam trahunt, docet-  
que vicissitudinem quandam adesse in ve-  
nis & arteriis, ut arteriæ à venis, venæ ab  
arteriis trahant. *SEN.* Quid trahunt venæ  
ab arteriis, & arteriæ à venis? *BRASSA.*  
Arteriæ sanguinem tenuem à venis exu-  
gunt, venæ spiritus ab arteriis attrahunt.  
*SENEX.* Arteriæ quid à stomacho, & cor-  
de trahere possunt. *BRAS.* Solæ sunt ar-  
teriæ cordi propinquæ, quæ spiritus à cor-  
de trahunt, sed quæ remotæ sunt, non  
quidem à corde, sed à cute aëri propin-  
qua exugunt, & à stomacho tenues par-  
tes vaporosas, idcirco arteriæ vaporibus  
replebuntur, quibus deinde caput reple-  
tur, & hic erit modus, quomodo per ar-  
terias caput impleri poterit. *SEN.* Quo-  
modo & per quam viam, arteriæ prope  
ventriculum vapores in caput transmit-  
tunt? *BRAS.* Hoc fit per duas illas arte-  
rias, quæ in caput ascendunt, & quæ de-  
inde in parvas dissecantur arterias, ex qui-  
bus denique retiformis plexus conficitur,  
quem rete mirabile vocant, uniuntur de-  
inceps, & duæ fiunt arteriæ, quæ per hanc  
viam cerebrum ingrediuntur, à Galeno  
etiam notatur in octavo capite libri In-  
troduçtorij ad pulsus, arteriam plus con-  
stringi, cum dormimus, quàm dilatari: cum  
autem



autem vigilamus, plus dilatari, quàm constringi. hinc concludi videtur, illa orificia in somno minus attrahere, quia minus dilatantur, in vigilia verò, quia magis dilatantur, magis etiam attrahere, est nimirum illarum officium, cùm dilatantur attrahere, nunquàm enim attraherent nisi dilatarentur. s. e. Scire optarem, num faciliùs vapores in caput penetrèt, & in alias etiam partes in somno, an in vigilia. B. R. A. S. Scito somnum à vaporibus fieri, qui caput petunt, ac obstruunt: vnde hi vapores qui somnum excitant, vias illas obstruunt, quæ in retiformi plexu inveniuntur, rete mirabili à recentibus vocato, quod in illo situm est in loco, in quo lacuna, colatorium nuncupata inuenitur. Cùm igitur in somno fumosæ illæ humiditates vias illas obstruant, vt vis sensitiua haud penetrare possit, idcirco impossibile est vapores per hanc viam faciliùs ascendere in somno, quàm in vigilia, quoniam in vigilia arteriæ magis dilatantur, & via reſerata est, cerebrum igitur in vigilia magis, quàm in somno incalescit. s. e. n. Eiuscemodi rationes non nihil probi inferre videntur, tamẽ experiẽtia ostẽdit, cùm homines summo manẽ expergiscũtur, multũ expuere, nares emungere, & oculis suspẽsas gramias cũ liquidas



tum præduras habere, idcirco in somno maior collectio fieri videtur. **BRA S.** Si materias contemplaberis, quæ interdiu expuuntur, & per nares emunguntur, & vapores qui per oculos diffiantur, hæc longè plura esse percipies, quàm illa, quæ in his meatibus in nocte colliguntur. & prætereà, quæ in nocte colliguntur, superflua sunt, quæ ex cerebri nutrimento & partium capitis deciduntur. **S E N.** Si vapores per arterias non ascendunt, per gulam saltem ascendere dicendum erit. **BRA S.** Scito vapores istos, qui per gulam ascendunt, arterias ingredi oportere: quæ tamen à vaporibus obstructæ sunt, qui somnum conciliant, vapores igitur in vigilia faciliùs ad caput penetrabunt, quàm in somno. **S E N.** Imò videntur & hi vapores, qui per gulam ascendunt per illam partem ascendere posse, quæ in palato sita est, colatorium vocata: nam si per illam sputa descendunt, per eandem vapores ascendere posse nihil impedit. **BRA S S.** Scito, cum natura in somno potius expellat, quàm recipere possit, idcirco materia potius in somno descendit, quàm aliqua ascendat. Neque arbitrandum est, quòd nihil penitus ascendat in somno, at minus ascendit, quàm in vigilia fiat. **S E N.** De venis autem quid dices? per venas saltem



tem, per quas caput nutritur, vapores ascendunt. nam vt nutrimentum ascendit quid impedit, & vapores illos ascendere, qui in venis continentur? B R A S. Scito venas non dilatari ad vapores attrahendos, vt arteriæ faciunt, quia motu illo dilatatio caret, & coarctatio. S E N. Venæ tamen vaporibus implentur. B R A S S A. Hoc non imus inficias, at dicimus venas non posse vapores ad cerebrum ducere: quia venæ per caluariam caput ingrediuntur, & per commissuras, quæ in caluaria sunt, arteriæ verò per inferiores partes ingrediuntur, & interiores in cerebrum, & non per exteriores & superiores, vt venæ faciunt. S E N E X. Cur ita effectum est à natura? B R A S. Non ab re, quia sanguis natura grauis est, spiritus verò, siue vapores leues. idcirco difficile est vapores, qui in venis sunt, in cerebrum descendere, quia venæ per superiorem caluariæ partem cerebrum ingrediuntur. Sed cum hi vapores tenues sint, potiùs ascendunt, & cum sint propè cutim per ipsam exeunt, & in cerebrum non descendunt. S E N. Hoc saltem mihi à te concedetur, quod in caput per porositates ascendunt. B R A S. Neque istud concedam, quoniam & in somnis porositates clauduntur, paucique sunt illi vapores, qui per po-



rositates penetrant, nanque illos potius per cutim semper expellere conatur, idcirco in somno multi contingunt sudores. *SEN.* Si caput noctu nutritur, sanguis necessario per venas in cerebrum tendit. *BRASSA.* Quis hoc it inficias? *SEN.* At hi spiritus sunt sanguini misti in venis, igitur & ipsi cerebrum ingrediuntur. *BRASSA.* Fatemur aliquam portionem cum sanguine descendere, qui cerebrum nutriturus est, tamen maior pars per cutem exit, & per cutis capitis insensibiles meatus. *SEN.* Duæ igitur solæ viæ relictæ sunt, per quas vapores in cerebrum ascendere possunt, gula scilicet, & arteriæ. *BRASSA.* Sunt quatuor hæ viæ, quia & per venas, & per insensibiles meatus ingrediuntur, sed magis per arterias, & gulam. nam per venas, & porositates in minima copia ingrediuntur, tamen & hæ duæ viæ, arteriæ scilicet, & gula in vigilia magis apertæ sunt, quàm in somno. *SEN.* Experientia ostendit, & ratio ipsa dictat, meatus in somno claudi, & vapores exhalare non posse, ut Auicenna in Secunda primi testatus est. dicit enim fumosos vapores detineri. à Galeno in pulsuum Introductorio, notatur capitibus octavo, & nono, arteriam in somno magis constringi, quia  
maior



maior est expellendi fumos necessitas. imò  
& anhelitus ipse in somno secundum ex-  
pirationem maior est, quàm secundum  
inspirationem, quia maior adest expellen-  
di superfluitates necessitas. Cùm ergo in  
somno vapores magis abundant, caput  
etiam magis replebitur. B R A S. Scito va-  
pores illos, qui per cutem exhalare non  
possunt retineri, & ob hanc causam in ca-  
put non ascendere, quoniam nec arterias  
ingrediuntur, idcirco fumi illi qui apti sunt  
in sudores conuerti, dum dormimus per  
sudores exeunt. S E N. Ergo crassi vapores  
retinebuntur. B R A S. Fateor. S E N. Ergo  
hi caput petent. B R A S. Hoc imus infi-  
cias, quoniam caput non petunt, nam ar-  
teriæ magis constringuntur, ob hoc va-  
pores illi ad extrinsecas partes potius pel-  
luntur. S E N. Si in somno calor intrinse-  
cus retrahitur, plures eleuabit necessario  
vapores, quoniam & cibus ipse magis ca-  
lescit. B R A S. Scito in vigilia magis ca-  
lescere corpus, quàm in somno: quia ex-  
ercitatio qua homo utitur, magis calefa-  
cit. in vigilia prætereà viæ sunt magis re-  
clusæ, Facilius ergo est ex cibi prandij va-  
poribus, quàm cœnæ magis repleti, plures  
etenim vapores per exercitationem eleuan-  
tur, quàm per caloris retractionem, quæ in



somno fit. **SENE**. Tot ansas neſtere non  
 poſſum, quin illas ſtatim diſſoluas. **BRAS**.  
 Eſt ipſa veritas, quæ ansas ſoluit, & ita  
 me reſpondere ſuadet. **SEN**. Quid de his  
 dices, qui caput malè affectum habent?  
**BRAS**. Auicenna ita reſponderet, cùm in  
 prima tertij in capite de Epilepſiæ cura-  
 ,, tione ait: Quantitas cibi quæ danda eſt in  
 ,, vna die, & nocte, ita diſponatur, quòd  
 ,, duæ cibi partes dandæ ſunt in prandio,  
 & vna in cœna. ergo in omnibus capitis  
 affectibus iuxta Auicennæ in hoc loco ſen-  
 tentiam, minus cœnandum eſt. **SEN**. Au-  
 diui Medicos illos diſſerentes, qui dice-  
 bant, in deſtillationis curatione non ani-  
 maduertiffe, an cœna prandio amplior vel  
 minor eſſe deberet. **BRAS**. At Rasi in pri-  
 mo ſui Continentis libro, vbi de Epilep-  
 ſiæ curatione verba facit, ait accipiendam  
 vnā partem in prandio, & duas in cœna.  
**SEN**. Audiui nonnullos ex illis Medicis,  
 qui in meo diſputabant pharmacopolio,  
 dicentes Rasi contextum eſſe depraua-  
 tum, & legi oportere duas partes in pran-  
 dio, & vnā in cœna. **BRAS**. Cùm Aui-  
 cenna à Raſi accipiat, potiùs arbitrandum  
 eſt Auicennæ contextum eſſe deprauatum:  
 Raſi verò cōtextum non eſſe deprauatum,  
 illud oſtendit, quia in cœna ſpecificat car-  
 nes



nes esse edendas, & pullos, nullámque de prandio mentionem facit. & hoc videtur Galeno cōsentire in sexto de Sanitate tuenda, cū docet quid illi agere debent, qui post prandium negotia acturi sunt. inquit panem sumendum quarta diei hora in tanta copia, vt hora cœnæ sit coctus, vt vigesima prima, vel vigesima secunda hora, qua erit à negotiis absolutus, hâcque hora carnes edet, & vinum potabit, cū nihil in prandio potasset, & balneo etiam utebatur, qui verò plenius prandent, negotiis occupati, his non solum caput vaporibus impletur, sed etiâ cibus è ventriculo exit crudus. s E N. Hoc ad rem nihil facere videtur, quòd ex Galeno adduxisti, nam in his solum verum est, qui post prandium negotia acturi sunt. B R A S S. Est argumentum per similitudinem, & quo tantum suadere volo Galenum plus dedisse in cœna, quàm in pradio: & quòd caput facilius ex cibo sumpto in prandio, quàm in cœna repletur, propterea in prauè affecto capite plus esse cœnandum, quàm prandendum, vt illum Rasi conformem redderem, vt potius dicendum sit, Auicennæ contextum esse deprauatum, quàm Rasis. s E N. Quid audio, immortales Dij, Auicennæ contextus est deprauatus! at audiui tot summos viros

c s Rasi



Rasim deprauatum esse asseuerātes, & non  
 Auicēnam, vt his potiūs crediderim, quā  
 tibi. **BRAS.** Quinam sunt hi, viri quos sum  
 mos vocas? **SEN.** Conciliator Gentilis de  
 fulgineo, Arnaldus de villa noua, & tot ce-  
 lebres Medici in Salernitano consilio ad  
 Anglorum Regem canentes,

*Si vis esse leuis, sit tibi cæna breuis.*

**BRAS.** Prauum est à pueritia falsis opinio-  
 nibus esse imbutum: nam difficulter cū  
 radices iecerint, euelli possunt. à Galeno pul-  
 chra sententia scripta est in initio octauī li-  
 bri de compositione medicamentorum se-  
 ,, cundum locos: Difficilimum esse ad verita-  
 ,, tem reuocare eos, qui sectæ alicuius serui-  
 ,, tuti se addixerunt. Et paulò pōst: Falsæ &  
 ,, enim opiniones animas hominum præoc-  
 ,, cupantes, non solūm surdos sed & cæcos fa-  
 ,, ciunt, ita vt videre nequeant quæ aliis con-  
 spicue apparent. Hi quos retulisti authores  
 & recentiorum multi falsis illis opinion-  
 bus seducti, veritati acquiescere non pos-  
 sunt, at audias quoniam modo probabo Aui-  
 cennæ contextū esse mendosum, & non il-  
 lum Rasī. **SEN.** Hoc libēter audiā. **BRAS.**  
 Iam probo, audias igitur. Quicquid Auicē-  
 na docet, quicquid scriptis mādāt, id totum  
 aut ex Galeno, cuius est interpretes, vt ex Pau-  
 lo, aut ex Rasī desumptum est, Rasī verò in  
 hac



hac epilepsiae curatione à Galeno accepit,  
in Consilio illo, quod pro puero epileptiam  
patientem scripsit: scripsit verò hunc in pran-  
dio: olera edere debere, ptissanam & oliuas.  
& tertiam panis partem, reliquas verò duas  
partes cum obsoniis robustioribus in cœ-  
na. En, quomodo Rasis cum Galeno in loco  
præcitato conueniat, propterea locus Aui-  
cennæ à me citatus, potius deprauatus esse  
videbitur, quàm hic Rasis locus, qui est Ga-  
leno conformis. s e n. Gentilis Rasim intel-  
ligit, quòd tertia illa in cœna dimittatur.  
B R A S S. Hoc absurdum est, quia Rasis de  
prædio mentionem facit, in quo vna portio  
sit prandio sumenda, & duæ reliquæ pro  
cœna reseruetur. si authorem tuum recipe-  
remus opus esset Rasim de cœna solû men-  
tionem fecisse, quod falsum esse nemo, qui  
leget, dubitabit. s e n. Nonnulli prædicto-  
rum Medicorum, qui de hac re differebant,  
Galeni authoritatem adducebāt in quarto  
de Ratione victus in morbis acutis, sectio-  
ne trigesimanona, vbi Hippocrates in præ-  
dio melicratû præbet, in cœna verò hordei  
ptissanam. B R A S S A v. Hi maximo duce-  
bantur errore, vepote qui arbitrarentur  
ptissanam esse tenuiorē cibum, quàm me-  
licratum, cuius oppositû Galenus in primo  
Aphorismorum libro, aphorismo quarto,  
testatur.



restatur. nam hoc loco docet, melicratum  
esse tenuiorem cibum prissana. s e n. In hoc  
hos viros aberrasse percipio. verum vt ad  
illud redeam, quod dicebas, in somno sci-  
licet vias esse obstructas, per quas vapores  
ad caput ascendunt, dicimus nonnullos di-  
xisse, vt fumus qui per fumarij foramina  
exit, eiusmodi foramina semper obturat,  
& tamen semper exit, eadem ratione fumi  
ad caput ascendentes, venas illas exeunt, ta-  
men non semper permanent hæ venæ ob-  
structæ ob nouum vaporem obstruentem.  
B R A S. O vana similitudo: quoniã & si fu-  
mus fumarij foramina obturans, continuò  
exeat, ob hoc id facit, quia extra fumarium  
nihil adest, quod per ipsius cōdensationem  
exitum prohibeat, vt in vaporibus contin-  
git, qui per venas & arterias ad cerebrum  
ascendunt. nam à cerebri frigiditate vapo-  
res illi in suis viis ita congelari possunt, vt  
noui vapores illis succedentes ascēdere pro-  
hibeantur, vt in fumo ascendere contingit.  
imò nonnunquàm & in fumario vento ali-  
quo vehemēter spirante descendunt fumi,  
& exire minimè possunt. s e n. Experien-  
tia, quæ rerum magistra est, planè ostendit  
multos ex ampliori cœna lædi. B R A S. Hoc  
multis de causis contingere potest, vel quia  
hic affectum aliquem habet, qui plenitudi-  
nem



nem non patitur, vel quia affectus de nocte  
mouetur. s e n. Quinam erit hic affectus,  
qui plenitudinem nō paritur? B R A s. Sunt  
thoracis affectus quibus obsunt vapores,  
qui ascendere nō possunt, sed potius descen-  
dunt, posset & hoc contingere ob inassue-  
tudinem. Idcirco homo paulatim assuesce-  
re debet, posset & hoc contingere, quia ho-  
mo supra modum se repleuerit, tunc enim  
nox efficitur valde grauis, quia ventriculus  
nimiam illam plenitudinem ferre non po-  
test, quæ fortè nimia est, & quo ad vasa, &  
quo ad vires. s e n. Audiui & illos Medicos  
ita differentes: Vis solis quæ in calore &  
lumine consistit, vim concoctricem adiu-  
uat, nam videmus & hoc calore fructus  
concoqui, ac maturari, igitur melius pran-  
dendum cum hic calor in die vigeat, mi-  
núsque cœnandum. B R A s. Imò nos dici-  
mus naturalem calorem à calore solis ad  
circumferentiam attrahi, propterea imbe-  
cillior fit præsentē Sole, & non vehemen-  
tior, sole verò absente, ad internas retrahi-  
tur partes, & egregiùs concoquit, idcirco  
Solis calor coctionē potius impedit, quàm  
perficiat. s e n. Nihil prorsus dici potest,  
quin statim solutionem paratam habeas, ac  
si isto in negotio diu versatus sis. B R A s.  
Quis non habebit solutiones statim para-  
tas



tas, qui Hippocratem ac Galenum fautores habuerit? qui in diuinis illis sententiis proclamant Ventres hyeme, & vere natura calidissimos esse, & somnos longissimos, & ob hoc coctiones fieri potiores, quia naturalis calor hyeme fit vehemētior. Cū autem & in nocte vehementior fiat, igitur & in nocte coctio erit perfectior. SEN. De his quid dices, qui à capite ad inferiores partes destillationes habent? BRASSAV. Quod mane & vesperi modicè esitare debent. SENEX. Adest & vulgatum de hac re carmen, scilicet:

*Esuriāt, vigilent, sitiāt qui rheumata curant.*

BRASS. Medicus ergo, qui rheumata curat esurire debet, sitire, ac vigilare, ex his igitur neminē sum curaturus, si medicum illa facere opus erit. SEN. Intelligo illum qui curatur, hæc facere oportere. BRASS. Dicas igitur,

*Esuriāt sistant, vigilet quos rheumate curas.*

Hi omnino neque plenius neque liberaliùs cœnare debent, tamen ampliusculè cœnare possunt, quàm prandere, nam medicus in his, quærit exiccare materias, quæ in eorum corporibus continentur, ne in vapores conuertantur, & caput petant, at eo tempore hoc potius fieri debet, quo hæc materiæ dissoluuntur, & penitus abolen-  
tur



tur, hoc verò in vigiliis fit, vt Galenus in decimo Methodi medendi libro docet capite tertio. Cùm verò his qui destillationem habent vigiliæ etiam post inediam præcipiantur, indicium est tunc minus esse dandum, cùm vigilatur, propterea his in prandio, aut modicè aut nihil præbendum, ob hoc tamen non infero, quòd in cœna plenè edere debeant, sed saltem quòd plenius, quàm in prandio. s e n. Tamen in nocte capita impleri hoc indicium est, quòd mane excreatur, expuitur, atque extusitur. B R A S S A v. Nõne aliàs dictum est, esse superflua non quidem cibi vesperi insumpti, sed nutrimenti cerebri, nam cerebrum eò nocte nutritur, quòd in prandio sumptum est, & in die eò nutritur, quòd in cœna acceptum est, quoniam cerebrum non nutritur nisi postquàm coctiones in ventriculo & iecore celebratæ sint, & nutrimentum ad membra distributum, propterea quòd in prandio sumptum est cerebrum noctu nutrit, si verò in prandio sumptum sit multum, nutrimentum erit multum, & æquè nutrimenti superfluum multum, itaque minus prandendum est, quòd autem in cœna sumitur cerebrum interdiu nutrit, quo tēpore multæ materiæ resoluuntur, & dissolantur, ac exeunt. in nocte præterea



tereà plures sunt obstructæ viæ, per quas vapores ascendunt. s e n. De his, qui exercitantur mirum profectò videtur, cur bene prandere non debeant, vt fortiores euadant, postea per horam à prandio quiescere, inde propria laboris munia subire.

BRASS. Quid arbitraris hoc esse, scilicet à prandio per horam quiescere? s e n. Arbitror cibum in ventriculo aptari, atque accommodari, & ad coctionem veluti parari. BRASSA. Hoc nihil est, sed opus esset

quiescere, quoad cibus ventriculum exiuerit, ac iecur, & per venas distributum sit. propterea Galenus in sexto de Sanitate tuenda, iubet, illum qui negotia in die subire debet, minùs prandere, & plus cœnare: & si quis in prandio solo pane vti voluerit, palmulas edat, aut oliuas cum pane, melli aut sali impositas, bibátque: nam ipse non bibebat quando erat negotiis occupatus: sed nonnihil panis absque potu solum edebat: peius verò esse negotiosis hominibus bene pransos esse, Galenus ipse

» eodem loco testatur, cum ait: Quippe si ex-  
» ercitari cupiant, eo maximè pacto citra no-  
» xam se exercitant, si quidem nō leue incom-  
» modū nonnullis accidit, cum repleti cibo se  
» exercitāt: nonnullis enim & caput repletur  
» vaporibus, & in iocinore, aut ponderis sen-  
sus



sus, aut distentionis, aut vtriusque percipi-  
tur. vt hinc facile discas, quæ incommoda  
his hominibus contingant, qui post pran-  
dium exactè sumptum se exercuerint. s e n.  
Experientia ostendit destillationes noctu  
potissimùm vigere. Dic tu quod volueris,  
nunquàm ab hac sententia dimoueri pote-  
ro, propterea qui hoc affectu capiuntur, ma-  
gis prandere debent, præsertim quia & in  
somno multi vapores ad caput feruntur.  
B R A S. At nos huic nodo iam satisfactum  
esse arbitramur: addimus tamen, cùm pitui-  
ta hyeme maximè vigeat, & Hippocrates  
iubeat eo tempore ventres magis impleri  
oportere quàm æstate, eo etiam tempore  
esse magis edendum, quo frigidior est aër:  
frigidior verò est in nocte. s e. Videtur esse  
in Hippocrate contradictio, qui cùm ponat  
pituitam in hyeme multam gigni: in Apho-  
rismis verò dixerit Ventres hyeme, & vere  
natura calidissimos esse. At quomodo cali-  
dissimi si pituitam gignunt? & quomodo  
pituitam gignunt, si calidissimi? B R. Gale-  
nus in libello de Natura humana hanc con-  
tradictionem diluit classe 1. 32. E. Nobis  
quidem videtur, ventres hyeme naturali ca-  
lido calidissimos. esse, hoc est, optimè tem-  
peratos: sed particulas corporis magis hye-  
me perfrigerari, nonnullis autē & ventrem

d ipsum



,, ipsum, siue quòd iter agant, siue quòd ege-  
,, ant operimentis, siue per viuēdi rationem,  
,, vel aliquot tale. Demergitur enim omni-  
,, bus frigiditas ambiētis quam multum, sed  
,, nonnullis etiam vsque ad vētris regiones,  
,, sicuti est dictum. Quò fit, vt tametsi venter  
,, probè cōquoquat assumptos cibos, nihilo-  
,, minus hi in mutatione sanè, quæ fit in ieco-  
,, re, haud suspiciāt sanguinis absolutionem  
,, exquisitam, sed ipsius elabitur nonnihil.  
,, Quin & venæ per corpus vniuersum per-  
,, frigeratæ haud ipsum pariter immutāt. Ad  
,, hoc autem accedit, & copia ciborum, quos  
,, hyeme assumūt vnà cum qualitatibus quæ  
,, magis sunt pituitosæ. Hæc Galenus ex qui-  
bus percipi potest, quomodo in hyeme & si  
vētres sint calidissimi, tamen in extrinsecis  
scilicet corporis partibus pituitæ generen-  
tur: nox verò hyemi comparatur, vt in pri-  
mo commētario in sextum Epidimiorum  
testatur Galenus. & ratio hoc dictat, quia  
nox frigida est, & calor natiuus intus retra-  
hitur, vt in hyeme facit: proptereà coctio  
erit noctu perfectior, & si nōnihil destilla-  
tionis contingat, est ob extrinsecas partes,  
quæ haud probè coquunt. se. Hoc aliud est,  
cui initeris. BRASSA. Tamem in idem  
tendit. Hæc igitur summa sit, in destilla-  
tionibus & grauedinibus, tam manè quàm  
vesperi



vesperi modicum edendum esse, tamen vesperi magis, quàm manè sumendum. SEN. Audiui Medicos illos Conciliatorem referentes, quem ita argumentari dicebant. Si cœna prandio plenior sit, non posse etiam manè exerceri, quia & si coctio quæ in ventriculo fit perfecta sit: tamen illa quæ in iecore & venis perficitur, nōdum erit: exquisita propterea hora, qua homo se excercere voluerit, coctio quæ in iecore fit, nondum erit perfecta. Itaq; sanguis nondum perfectè coctus ad circumferentiam, & extrinsecas partes trahetur. RR. Satis est iam perfectam esse in ventriculo coctionem: illa verò, quæ in iecore fit sanguificatio, vel iam cœpta sit, vel dimidiata: dico autem fatis esse ad inchoandum conueniēti tempore laborem: vnde ab Haliabate primo Practicæ, capite tertio, notatur, cū aliter fieri non possit, quia aliquis ante perfectas omnes coctiones corpus exercere cogitur, saltem hoc procuretur, vt cibus in ventriculo sit coctus, & in hepate iam coqui cœperit, si exquisitè coctiones omnes haberi non possint. SEN. Adducebant, & Medici illi Galeni exempla duo, ex quinto de Sanitate tuenda libro: sunt, verò duorum virorum exempla, qui longæui fuere, tamen plenius prædebant, & cœnabāt par-

d 2 cijs,



ciùs, igitur ad prorogandam vitam magis confert plus prandere, & minùs cœnare, hi verò erant primò Antiochus Medicus, qui octogenarius erat, et corpus exercens per tria stadia, et ægros visitans, tamen plenius prandebat quam cœnaret. Nam hic (vt Galenus dicit classe 2. 90. G.) mediocriter prandebat, primùm his sumptis quæ aluum diiciunt, post hæc, maximè piscibus vel quos saxatiles vocant, vel qui in alto mari degunt. Rursus in cœna à piscium esu abstinit, sed boni succi aliquid, ac quod non facile putresceret, sumpsit, utique aut farcum mulso, aut auem ex iure simplici, atq; hac quidem victus ratione Antiochus in senio vsus sensibus illæsis, membrisque omnibus integris ad extremũ durauit, postea aliud exemplum refert Telephi grammatici, qui centum ferè annos vixit, de quo Galenus dicit, quòd prandebat septima hora, aut paulò citiùs, primùm oleribus sumptis: deinde piscibus gustatis, aut auibus. vespere autem tantũ panem ex vino misto edebat. Igitur plus prandens quàm cœnans ad tantam ætatẽ peruenit Thelephus: prædium igitur cœna plenius esse debet. B R. Si eiusmodi exempla probè considerabis, percipies Galenum ex ipsis solùm probare senioribus ter in die porrigendum esse cibum,



bum, quòd & in commentatione Aphorismi tertij decimi primi libri Senes facillimè ieiunium ferunt, Galenus notat senes, scilicet decrepitos, parum & sæpè comedere debere, vnde hi ante prandium tentabāt, vel mel coctum vel crudum, vel aliquod simile, postea prandium differebāt ad illam horam, in qua quiescere debebant, & non erant amplius occupati: postea iterum edebant. quod Galenus prandium vocat, cū tamen tardius fieret, neq; Antiocho in cœna minus præbet, quia præbere auem in iure non est minus, quàm in mane piscē præbere. Thelephus tamen minus accipiebat, in cœna, vel fortè etiam magis cū vinum acciperet, quòd vt est pueris alienissimum, ita est senioribus aptissimum. Adde prætereà Thelephum rationabiliter se regere debuisse, vt illi regendi sunt qui refici debent. At Galenus in septimo Methodi mendendi libro, docet, quomodo reficiēdi sunt, qui conualescunt. & inquit: Quorum virtutes perinde vt in senibus imbecilles sunt, verū in illis qui reficiuntur plus præbet in cœna Galenus eodē loco, quàm in prandio. Igitur & senibus plus in cœna præbendum, & ita accipiebant Antiochus & Thelephus: & quāuis Thelephus qui erat grāmaticus, plus in prandio sumpisset, tamē An-



tiocho medico magis credendum erat, qui plus in cœna sumebat: nam Medico( in his quæ ad rem medicam spectant) potius credendum est, quàm grammatico. s e n. Rectè ais, tamen arbitrari oportet Thelephum grammaticum hoc genus victus nō exercuisse, ut grammaticus, sed potius ut ab aliquo medico edoctus. B R A S S A. Miror te grammaticarum mores nondum cognovisse, nimirum qui arbitrantur plus se scire, quàm probi Medici se scire putent. s e n. Quid de his dicis, qui oculis laborant? B R A S S A. Milies dictum est disputationem hanc circa sanos tantum versari, velim cum de ægris interrogaeris, idcirco tibi respondeo, & in prandio, & in cœna his modicè dandum esse, qui oculis laborant: tamen quod in cœna sumitur, plus esse debet, quàm id quod in prandio receptum est, quia & si vapores aliqui ad oculos tendant, tamen in vigiliis illuc multò plures ascenderent. s e. Multa alia ab his Medicis in meo disputabantur pharmacopolio, & multos fingeant casus, quos ex Conciliatore desumpsisse dicebant. B R. At casus illi ad rem nihil faciunt, cum de sanis tantum sermo noster intelligat. s e. Es'ne tu harum solutionum inuentor? B R A. Sunt à diuersis hincinde decies  
reper



repetita. s e. Quam sententiam ex his potius probas? B R A s. Illam, quæ maioribus fulcitur rationibus atq; authorum sententiis. Est verò illa, quæ suadet cœnā prandio pleniorē esse oportere: tamen & hoc addam, quod ipsi rei magis correspondere videtur, & experientia ita esse ostendit. s e n. Quòdnam hoc est? B R A s. Ambiguitatem hanc ita determinandam censemus. Si per rationes & antiquorū sentētiās de quæstione iudiciū ferēdū sit (insanis semper intelligēdo) plus cœnādū est, quàm prādendū. In diu affuetis plenius prandere, ac parcius cœnare consuetudo immutāda nō est, præsertim si fateātur ob hoc nihil incōmodi subire: qui verò diu affueti nō sunt, cōsuetudinē mutare debēt. Cū verò nonnulli sint, qui interdiu melius coquunt, quàm noctu, alij qui melius nocte, quam interdiu, dicimus illos, qui interdiu facilius coquunt, quàm noctu plenius prādere oportere, & minus cœnare: qui verò è cōtrario hi abūdātius cœnent, & minùs prandeāt: in his, qui non diu ad plenius prandium affueti sunt, si noctu melius coquant, quàm interdiu, consuetudinem mutare iubeantur. Si verò interdiu melius coquerēt, quā noctu affuetudinem illā prosequantur. neque admiratione afficiaris, quòd aliqui interdiu facilius coquāt, quàm

d 4 noct



noctu, quia experientia hoc ostendit: neque ratio aliqua abest. s e. Multos audiui, quibus prandere amplius placet, ac minus cœnare, & alios è contrario. B R A. Et hæc est experientia quam dico: diuersos homines interrogato, illos sententiis diuersos inuenies, multosq; reperies, quibus magis proficit prandere plenius, & cœnare parcius, & alios è contrario: & si nonnunquam oppositum faciant, mirificè læduntur: rationem prætereà illud dictare constat, quoniam reperiuntur homines qui naturalem calorem adeò vehementem habent, vt illa quæ sunt facilis coctionis putrefaciant; quæ verò difficilis probè coquant. de his Galenus loquitur in tertio de Alimētorum facultatibus.

„ Calidiores etenim vētriculi iecuscula, oua,  
 „ & alia facilioris coctionis putrefaciunt: bu-  
 „ bulam verò carnem, & alia quæ sunt diffi-  
 „ cilioris coctionis probè conficiunt. Cùm  
 „ ergo in his quæ ventriculum habent calidissimum, facilia concoctu corrumpantur, & in nocte calor vehementior euadat: propterea in his noctu cibi magis corrumpuntur, quia calor vehementior efficitur, at in prandio calor non est adeò intensus: idcirco post prandium melius concoquent, nec cibum corrumpent. quanquàm ex hac ratione quispiam colligere posset, suaderi potius



tius esse sumendos difficilioris coctionis  
 cibos in cœna, quàm in prandio: at quia ex-  
 perientia ostendit multis hoc usu venire,  
 ut interdiu melius concoquant, propterea  
 his istud concedatur ut in prandio plus su-  
 mant, qui forte ob assuetudinem sunt ma-  
 gis in hoc inclinati. **S E N.** Mihi iam fasti-  
 dio venit eiusmodi disputatio. **B R A S S.**  
 Imò & multum consumimus temporis in  
 illa enucleanda, quod in trochiscis exami-  
 nandis conteri poterat. **S E.** Sed neque illud  
 fuit inutile. **B R A S.** Neque apprimè utile,  
 cum omnes ferè homines sese regant, ut cõ-  
 tingit, & ut patrij mores exigunt, & ut ipsi  
 assueti sunt, neque hoc, vel illud, cum sani  
 sunt, considerant. **S E.** Diligentius verò con-  
 siderant, cum ægrotare cœperint. **B R.** Tunc  
 verò non est de prandio vel cœna disputan-  
 dum. nã ægritudinis ratione opus est ægro-  
 tum in victu & hora victus seruare. **S E.** Ad *Finis.*  
 primū igitur institutum redeamus. **B R.** Pri-  
 mum institutū erat de Trochiscis verba fa-  
 cere, & illos, ut de aliis compositis quæ in  
 pharmacopolijs Ferrariensibus seruantur,  
 seorsum fecimus, examinare. **S E N.** Ab his  
 igitur inchoemus. **B R A S S A.** Ut lubet in-  
 choato. **S E N.** Vnde dicti sunt trochisci? &  
 quo nomine à latinis vocantur? **B R A S S A.**  
 Trochisci à rotunditate dicuntur, vnde &

d s à circ



à circulo ac rotunditate, quàm habent à  
 Græcis *κυκλίσκοι*, etiam nominantur, quo-  
 niam Græci *τροχόν* reuolutionem & rotam  
 appellant, *τροχίσκον* vero rotulam, & *τρο-  
 χίσκιον* etiam diminutiuum, & *κυκλόν* ro-  
 tam vocant, *κύκλον* verò circulus dicitur,  
 & *κυκλίσκος*, paruus circulus, *κυκλίσκιον*  
 quoque diminutiue dicitur, à Latinis pa-  
 stilli vocantur, licet recētiores omnes Græ-  
 co nomine potius vti velint, quamuis &  
 Græci nomen aliud habeant, quo frequen-  
 ter vtuntur, nam illos à pane *ἄρτισκος* nun-  
 cupant, quòd verò à Latinis pastilli vocen-  
 tur, ex Celso summi potest, libro quinto  
 » capite decimosextimo, cùm ait: Mala-  
 » gmata verò, atq; emplastra, pastilliq; quos  
 » *τροχίσκος* Græci vocant. En quomodo tro-  
 chiscos Latina lingua pastillos nuncupa-  
 » uit, eodémque loco Celsus differentiam po-  
 » nit, inter malagmata, emplastra, & pastil-  
 » los. SEN. Ne pigeat Celsi verba adduci-  
 » to, vt differentiam hanc ex tanto autho-  
 » re discere possim. BRASSA. Hæc sunt  
 » Celsi verba: Malagmata maximè ex flo-  
 » ribus, eorúmque etiam surculis, Empla-  
 » stra, pastillique, magis ex quibusdam me-  
 » talicis fiant, & de pastillis ait, quòd fiunt,  
 » ne lædant vulnera, cùm imposita sunt.  
 » SENEX. Quomodo autem pastilli, & em-  
 » plast



plastra differunt? **B R A S S A**. Sequitur  
Celsus: Emplastrum utique liquati ali-  
quid accipit, in pastillo tantum arida me-  
dicamenta, aliquo humore iunguntur. pau-  
lo post modum conficiendi pastillos do-  
cet, cum ait: At pastilli hæc ratio est. Ari-  
da medicamenta contrita humore non pin-  
gui, aut vino, vel aceto coquuntur, & rur-  
sus cocta inarescunt, atque ubi utendum  
est, eiusdem generis humore diluuntur.  
addit præterea Celsus: Cum emplastrum  
imponitur pastillus illinitur, aut alicui mol-  
liori, aut cerato miscetur. Pastillum siue  
trochiscum nonnulli ita definiunt, esse com-  
positionem quandam rotundam, parvam,  
ad lupini similitudinem, tamen si phar-  
macopolarum mortem consideremus, ipsi  
trochiscos omnes quadratos effingunt, &  
in medio concavos. nonnulli huius for-  
mæ rationem reddiderunt, quia ita con-  
fecta facilius exiccantur, quam si essent  
in forma rotunda, nam in forma rotunda  
magis sunt unitæ, & collectæ partes, & ob  
eandem etiam rationem excavantur. **S E**.  
In hoc forma semper confeci, & semper  
confici vidi. **B R A S S A V O L**. Tamen hoc  
nihil ad rem facit, neque ad eorum faci-  
liorem breviorémque exiccationem magis  
facit, quod sint quadrati, quam rotundi,  
cum



cum in tam parua mole fiant, vt in vna-  
 quaque forma confecti facile exiccari possint,  
 nunquam etenim drachmam pondere excedunt,  
 imò mihi potius placeret, cum in tam leui pondere  
 fiant, vt rotundi efficerentur, quo simplicium vis  
 melius seruetur, & non conficerentur, in rotulas  
 vel in placentulas, quia hæ formæ sunt compressæ.  
 fieri etiã possent vti parui vnus drachmæ panes,  
 nam tunc verè pastilli erunt, & à nonnullis Græcis  
 ἀστίσκοι vocantur, ac si parui panes dixerint.  
 in quacunq; fiant forma nō magni refert,  
 modò commodè exiccari possint, & ingredientium  
 simplicium vis diu seruari. Paulus Aegineta libro  
 septimo, capite duodecimo, ita de trochiscis  
 ,, ait, Pastillos Græci ab efformationis figura  
 ,, τροχίσκοις, id est orbiculos, appellant.  
 ,, Sunt autem pastillorum genera tria, alij  
 ,, nanque πότιμοι, hoc est potabiles, alij  
 ,, τικοί, id est infusiles, qui per anum immittuntur,  
 ,, alij verò κτάρχιστοι, quod est inungibiles.  
 Hæc sunt tria apud Paulum trochiscorum genera,  
 ratione modorum, quibus vtimur nominata,  
 sed vnumquodq; horum modorum in alios diuiditur,  
 qui à suis denominantur actionibus. illi qui potabiles  
 dicuntur, nō ita dicuntur, quia vt trochisci  
 bibi possint, sed quia in quopiam dissoluti  
 liquor



quorum bibuntur, hi verò potabiles diuiduntur, quia aliqui sunt, ἐπισχυτικοί, quasi dicas Latinè, retentiui, eò quòd alui, vel sanguinis, vel alias quascūq; fluxiones, refrigerando vel astringēdo inspergēdove aut desiccando cōpescant. Alij sunt anodynī, sedandi dolorē vim habentes, vel quòd sensum stupefaciendo torporē inducant, quoniā dissipant. atq; diffundunt, alij ἐκφρακτικοί vocantur, qui obstructiones aperiunt, in quacūq; sint parte, vel lienis vel iecoris vel renum. Verum ex his qui infunduntur trochiscis, aliqui vim habent humorum acridinem obtundendi, vi illi qui in dysenteria præbentur, ad impediendum, ne humores acres intestina corrodāt. Alij sunt styptici & astringentes, alij déurendi vim habent, quorum vsus est in depascentibus vlceribus. κατὰ χεῖροι verò easdē habent cū his, qui infunduntur, vires, nā inter ipsos aliqui sunt styptici, alij déurētes. s. e. Nō abs re Paulus ita distinxit. B R A S. Non abs re quidem vt videtur, at nos singulatim de vnoquoq; trochiscorum genere agemus, ipsorumq; vires exprimemus. s. e. Quid illud erat, quod audiui, antiquos, scilicet sigillasse trochiscos? R A. Nemo ex antiquis de trochiscorū sigillo locutus est, nisi quispiā terram lemniam, quæ in pastillos antiquitus cōficiebatur, trochiscos



scos fuisse dixerit, nam Dianæ sigillo im-  
primebantur, sed fortè hoc audiisti, quia  
Mesue in confectione Galliæ sabellinæ in  
,, compositionis calce inquit: Fiant trochisci  
vt diximus, & sigillentur. s e n. Arbitror  
hunc esse locum, à quo illi accepere, qui tro-  
chiscos sigillandos esse monuerunt, sed  
quomodo sigillabantur vel sigillari debēt?  
B R A S. Nullus est qui de hac re agat præ-  
ter Albucasim in libro Seruitoris inscri-  
pto, in quo caput facit, cui titulum indidit:  
Modus faciendi sigillū, quo sigillantur tro-  
chisci. s e n. Huius authoris verba ( si me  
amas) referto. B R A S. Dere hac nimis am-  
plè nimisque diffusè pertractat, tamen vt  
tibi morem geram, nonnulla ex ipsius ver-  
bis referam, & tot, quòd tibi satisfacere po-  
,, terunt, inquit igitur: Accipe frustum ligni  
,, hebani, aut buxi, aut eboris, aut alterius cu-  
,, iuscunque vis, & sit crassitudo eius mensu-  
,, ra duorum digitorum, & latitudo trium,  
,, & lōgitudo vnus palmi, & præparetur for-  
,, ma eius bene: deinde sicca ipsum in longi-  
,, tudinem eius in duas partes æquales: ita  
,, quòd vnicuique tabulæ sit crassitudo vnus  
,, digiti: deinde fac ambas facies eius poli-  
,, tas, leues, bene inuicem cohærentes, deinde  
,, sculpe in ambabus faciebus tabularum scul-  
,, pturas rotundas secundum quantitatem tro-  
chisc



schiscorum, quos volueris sigillare, siue ma-  
gnos, siue paruos: deinde sculpe inter vnum  
quenq; circulum nomē trochisci quodcūq;  
volueris, scilicet ex quo fuerit factus. Hic  
est sigillandi modus, quem Albucasis do-  
cet, tamen nihil ad rem facit, eūm nostro  
tempore nō signetur trochisci. s e. Si essent  
signati, facilius cognoscerentur. B R A s. At  
ex pixidibus vos illos cognoscitis, quē illo-  
rum trochiscorum, qui in illis continentur  
nominibus inscriptæ sunt. s e. At si diuersa  
trochiscorum genera simul miscerentur, il-  
la absq; sigillo distinguere nesciremus. B R.  
Hoc esset pharmacopolæ negligentia attribuen-  
dum: qui propriis in pixidibus tro-  
chiscos reponere debet. s e. Cōtingeret pro-  
fecto ob pharmacopolæ negligentia, tamē  
euenire posset. B R A. Tunc illi omnes, qui  
simul misti sunt, Abiiciantur, nisi ad eandē  
sint facti intentionem. At tu iam trochiscos  
enumerare incipito, quos in vestris phar-  
macopoliis seruatis, & vnumquodq; genus  
per ordinem enarrato. s e N. Cur ordinem  
me seruare præcipis, cūm omnia absq; or-  
dine scripserim? B R A s. De ordine intel-  
ligo, quo intua scheda scripti sunt.

## S E N E X I I.

Trochiscorū de Rhabarbaro horū primū  
a me descriptū genus. B R. Apud quē autho-  
rem



rem inueniuntur hi trochisci? *SEN.* Apud  
Mesuen. *BRAS.* Mesue igitur compositio-  
nem referto. *SEN.* En refero.

*R.* Raues boni 3 x.

Succi eupatorij 3 iiij.

Rosarum 3 iiij.

Spicæ

Anisi

Rubeæ tinctorum

Seminis apij

Absynthij

Asari

Singulorum 3 j.

Alias litera habet 3 ij. β.

Amygdalarum amararum 3 iiij.

Fiant trochisci aur. vnus.

*BRAS.* Cur non apposuit liquorem Me-  
sue, quo confici debeant? *SEN.* Imò appo-  
suit, succum, scilicet eupatorij. *BRAS.* Hoc  
absurdum videtur, quoniam quatuor succi  
eupatorij drachmæ ad prædictos pulueres  
simul vniendos non sunt satis. *SEN.* Ex eu-  
patorij succo semper conficio, & alios phar-  
macopôlas ex eodem confecisse vidi. *BRAS.*  
Ergo opus est, vt plures sint, quàm qua-  
tuor huius succi drachmæ. *SEN.* Imò mul-  
tò plures, nam ad duas ferè vncias & semis  
huius succi contero. *BRASSA.* Si ex eu-  
patorij succo confici voluisset author, in  
comp



compositione eupatorij succum non addidisset. & prætereà quando inter alia alicuius succi in parua copia fit mentio, condensatus succus semper accipi debet. **SEN.** Et ita præcisè facio, nam condensatum succum appono, postea ex recenti eupatorij succo conficio. **BRA S.** Hæc tibi sit generalis regula, cum ab authoribus in similibus compositionibus, qua re confici debeant non apponitur, significatur illos ex quo conficeretur non magnificasse, sed ut pharmacopœlæ placebit conficiendum esse, & plerunque ex aqua pura confici innuunt, imò compositionem hanc ex aqua simplici fieri debere Haliabatis autoritas innuere potest ac suadere. nam suos de Rhabarbaro trochiscos ex aqua pura fieri iubet. Alij authores ex quo liquore conformari debeant, non edocent. **SEN.** Quo ergo liquore hos conformandos esse censes? **BRA S.** Et si authores quo formentur liquore, negligere videantur, tamen intelligere oportet liquorem accipiendum esse, qui affectui proprius sit, cuius ratione præbetur trochiscus. præbetur verò potissimum ad iecoris obstructions, propterea ex succo iecori proprio conformandi sunt, cum verò compositionē ipsam iam ingrediatur eupatorium, ex absynthij succo conficerem,  
e. nam



nam in iecoris medicamentis iuxta Galeni præceptum, nunquam prætermittendum est absynthium, ex recente igitur absynthij succo hi trochisci conformantur. s e n. Deinceps ita efficiam, tamen & eupatorium (vt nomen ipsum indicat) hepati proprium esse videtur. B R A s. Est profectò propriū, & easdem aperit obstructions, sed iam semel in compositione positum est, idcirco ex alio liquore confici voluisse arbitrandum est: inter succos verò iecori potissimum proficit absynthij succus. s e n. Reperiturne eiusmodi compositio apud antiquos? B R A s. Reperitur prorsus, nam Actuarius quandam pastillorum compositionem refert, quam pastillos ex Indico Rheo vocat, imò compositio est, quæ ad eadem conuenit, ad quæ pastilli de Rhabarbaro Mesue, idémque sunt Rhabarbaricum, & Rha Indicum, sola tantum differunt patria. s e n. Ad quos conuenit affectus pastillus de Rhabarbaro? B R A s. Mesue dicit ad hepatis obstructionem, dolorem, tumores præter naturam affectus inueteratos eiusdem, & hydropem & icterum & formæ compositionem. En modo quid dicat Actuarius de suo ex Rha Indico pastillo, prodest aduersus iecinoris & lienis obturantes infarctus, stomachum roborat, ad-  
de



de, febribus longis conuenire, & cuicunque obstructioni. nam præter id quòd materiam præparât, etiam educere possunt paulatim, ac sensim absque vllò incommodo.

SEN. Actuarij compositionem audire optarem. BRA S. Quid mihi erit lucri, si illam referam? SEN. Quod tibi placuerit. BRA S. En igitur illam refero.

℞. Rosarum siccarum

Absynthij

Rhei Indicæ

Singulorum duellam.

Spodij

Spicæ Indicæ

Iunici odorati

Lacæ purgatæ

Succi eupatorij

Singulorum 3 j.

Sandali citrini

Croci

Cassæ

Singulorum duplum, id est siciliquè.

Tragacanthæ

Mastiches

Singulorum sexquiseptulam.

Contusa & cribrata cum succo fœniculi subigito, & digerito in pastillos qui dentur ebibendi cum aqua, in qua maduerit lacha, vel ex oxysachare. SEN. Est longè diuersa.

e 2 eiusce



cuiuscemodi compositio ab illa Mesue, &  
 in simplicibus & in ponderibus, neq; mihi  
 displicet, quòd ex fœniculi succo conficia-  
 tur. **BRAS.** Imò si lubebit, & illam Mesue  
 ex hoc conficito succo, & non ex illo ab-  
 synthij, tamen absynthij succus iecori ma-  
 gis proficit. **SENE.** In hac verò Actuarij  
 compositione pondera quædam enarrasti,  
 quæ nunquàm audiui, nisi tu illa aperue-  
 ris: nam ex me ipso illa nunquàm inueni-  
 re scirem. **BRAS.** Quænam sunt hæc pon-  
 derum nomina, quæ ignoras? **SEN.** Tria  
 sunt, duella, siciliquum, & sexquisextula,  
**BAAS.** Conabor ut vires meæ poterunt,  
 illa tibi aperire. Duella est tertia vnciæ  
 pars, ut drachmæ duæ, & scrupuli duo, sici-  
 liquum verò est duarum drachmarum pon-  
 dus, ideò probè cum Actuarius quorundam  
 simplicium drachmam posuisset, postea  
 alia enumerans simplicia, dicit singul. du-  
 plum, scilicet ad drachmam iam prædictā.  
 Unde interpretari volens, quod per hoc du-  
 plum intelligeret dixit, id est siciliquum,  
 quod est duarum drachmarum pondus, Fe-  
 stus sic dictum vult, quoniam semiunciam  
 fecer. **SEN.** Sexquisextula superest exponen-  
 da, **BRAS.** A sextula deducta est sexquisex-  
 tula, quamvis nomen hoc non inuenerim,  
 sed bene semisextulam. Ut autem nominis  
 rationem



rationem habeas, sextula est vnciæ pars sexta, quæ drachmam vnam & scrupulum vnum complectitur: Sexquisextula verò drachmam vnam complectitur, & scrupulum vnum, & totius huius ponderis dimidium, quod est, drachmam semis, & scrupulum semis. **S E.** Erant ergo duæ integræ drachmæ. **B R A S.** Ita constat, si rectè colligantur. **S E N.** Quid intelligit per purgatam laccam? **B R A S.** In nostro Simplicium examine vocatam ab Arabibus laccam esse Dioscoridis cancamum docuimus. Est verò gummi genus ex Arabica arbore, plerumque verò cùm huiusmodi gummi colliguntur, simul adsunt festuæ, pulueres, & cortices. Actuarius per purgatam laccam illam ablutam intelligit, & à corticibus, pulueribus quæ mundam, vt alia gummi genera expurgari solent, & ab his emundari. **S E N.** Iam intellexi quid esset purgata lacca. at reperiunturne apud Arabes præter Mesuen hi trochisci? **B R A S.** Nullus est, qui hosmet referat trochiscos, author tamen apud diuersos medicos aliæ reperiuntur compositiones sub hoc nomine Trochiscorum de Rhabarbaro, vel de Rhaued. veruntamen hæc illa est compositio, quæ non solum Ferrariæ, sed & per totam Italiam in vsu est. **S E N.** Alias etiam Arabum compositiones



contemplemur, quæ sub hoc nomine trochiscorum de Rhabarbaro, vel de Rhaued continentur. **BRAS.** Ut lubet. en Rasis in nono ad Almanforem, capite sexagesimo-octauo, vbi de Iecoris dolore atq; abscessu verba facit, sequentem compositionem trochiscorum de Rhaued Seni scribit. Idem verò sunt Rha barbaricū, & Rhaued Seni, solo tantum differūt, in quo ortum duxere.

**R.** Mastiches

Succi eupatori;

Succi absynthij

Seminum fœniculorum

Anisorum

Singulorum 3 ij.

Rhaued 3 x.

Informētur trochisci pondere aurei vnus, ex quibus in potu vnus singulo die tribuatur. **SEN.** Idem ferè cum illis Mesue esse videntur, licet aliqua defint. **BRAS.** In intentione prorsus conueniunt, & fortè aliàs idem erant, sed qui exemplaria transcripsere, aliqua prætermisere, sua incuria simplicia, alia imprudenter addidere, tamen eadem intentio semper perseuerauit. **SEN.** Possémne hos conficere? **BRAS.** Quis prohiberet, si tibi animo esset? tamen Mesue compositionem huic præfero, & cum hos Indico trochiscos, illos Mesue confe-

ctos



ctos esse intelligo. s e n. Cùm in hac compositione absynthij succus recipiatur, & per succum semper densatum succum accipere debeamus, ad horum trochiscorum simplicia iungenda quid accipiemus? B R. Vel simplicem aquam vel citharach succum, vel præter succum, quem addis absynthij succum, absynthij nuper expressi succum accipito, quo trochiscos conficito. s e. Sũntne aliæ apud alios Arabes de his trochiscis compositiones? B R. Sunt profecto: nam Auicenna in quinto Canone hæc ponit.

℞. Rheu fini. ʒ viij.

Rubeæ lignorum

Laccæ mundatæ

Singulorum ʒ iiij.

Seminis apij

Eupatorij

Anisorum

Singulorum ʒ iiij.

Misce, & tere, & fac trochiscos. s e. Hi sunt Mesue trochiscis propinqui. B R A S. Sunt profecto, & in intentione mirè conueniunt. nam Auicenna dicit conferre ad ægritudines antiquas, & ad hepatis duritiem, ac grauitatem, & ad eiusdem abscessus, & ad dolores splenis, & percussione euenientem in corpore. s e n. Quid intelligit per rubeam lignorum? B R A S. Mendosus est



codex, & legi debet rubeæ tinctorum. nota quòd Actuarius dicebat laccæ purgatæ, hic Auicenna dicit laccæ mundatæ, vt notetur, debere esse mundam à festucis, & pulueribus, & corticibus. s e n. Quo liquore confici debent trochisci? B R A s. Absynthij succo. s e n. Reperiuntur ne apud alios auctores? B R A s. Serapio tractatu septimo, vbi de Antidotis agit, capite decimooctauo, similem ferè ponit descriptionem, dicens trochisci de Rhaued, quorum compositio hæc est.

℞. Rhaued sceni 3 viij.

Rubeæ

Laccæ

Singulorum 3 iiij.

Seminis apij

Succi eupatorii

Anisorum

Singulorum 3 iiij.

Terantur, & cribellentur, & fiant trochisci, quorum vnusquisq; sit drachmæ vnus, & præbeantur cum eo, quòd conuenit.

s e n. Eadem est præcisè cum illa Auicennæ compositio, vt alter ab altero accepisse videatur, fortè & hi cum absynthij succo fieri debent. B R A s. Non ab re est, cum ad eandem valeant intentionem, imò & Serapio ipse ait, valere ad grauitatem in hepate & splene



splene, & ad eorundem membrorū aposte-  
mata, & ad Iecoris percussione. s e n. Ea-  
dem præcisè intentio est, qualis aliorum, at  
miror Galenū virum diligentissimum ho-  
rum trochiscorum mentionem non fecisse,  
cū & hi affectus suo tempore vigerent.

B R A S. Adeandem intentionem pastillos  
parat Galenus in octauo de Compositione  
medicamentorum, secundum locos, vbi titu-  
lus, Hepaticus amarus. sed Rhabarbarū nō  
recipiunt. s e n. Galeni compositionē audi-  
re optarem. B R A S. Hæc est, quam refero.

℞. Anisi

Seminis Apij

Asari

Amygdalarum amararum mundatarum

Absynthij

Singulorum ʒ iiij.

Præpara cum aqua, & reduc in pastillos, ac  
exhibe drachmā vnam cum vini diluti cya-  
this tribus, febriētibus ex aqua mulsa. s e n.  
Rhabarbarū his addere possemus. B R A S.  
Cū hæc sint pro intētiōe perficienda sa-  
tis, idcirco addere nō est opus. In nono præ-  
tereā eiusdem voluminis libro, describit  
pastillum ad Ictericos, quem hepaticos iu-  
uare dicit. pastilli compositio hæc est.

Recipe Amygdalarum amararum munda-  
tarum ʒ iiij.

c ʒ

Anisi



Anisi

Absynthij

Nardi indicæ

Asari

Singulorum + 3 j. + 3 ij.

Tusa & cribrata aqua subigito, ac formatis  
pastillis drachmam vnam cum vini mulsi  
cyathis tribus non febricitantibus dato. s e n.  
Si Rhabarbarum reciperet, à Mesue com-  
positione haud multum differet. B R A S S.  
Non quidem viribus, sed in reliquis pluri-  
mum differre constat. s e n. Cur in his ieco-  
ris affectibus Rhabarbarum à Galeno præ-  
termissum est. B R A S S. Vel Rhabarbarum  
ignorauit Galenus, vel pro adstringente  
medicamento illud habuit, at in longis ie-  
coris affectibus, & in obstructionibus aper-  
tione indigemus. s e n. Nunc verò ad com-  
positionem trochiscorum de Rhabarbaro,  
quæ in usu est, redeamus. Nonnulli sunt  
qui legendum volunt amygdalarum ama-  
rarum drachmas duas, & nō drachmas qua-  
tuor. quid censes tu legendum? B R A S. Vel  
quatuor sint, vel duæ, haud magnifacio. ta-  
men cū in his affectibus amaræ conue-  
niant amygdalæ, vt ex Galeno constare po-  
test in compositionibus superius adductis,  
propterea arbitrarer quatuor potius sumē-  
das esse drachmas, quàm duas. neque illo-  
rum



rum ratio valet, qui dicunt in omnibus codicibus legi drachm. ij. quoniam in maiori codicum numero scriptum est, drachmas quatuor, & nos codices legimus ac habemus, in quibus scriptum est eupatorij, amygdalarum amararum ana drach. iiij. s e n. In compositione prætereà habetur seminis apij, absynthij, asari. debentne & absynthij, & asari accipi semina? B R A s. Absynthiū, & asarum non sequuntur ad semen, neque consuetum est harum herbarū semina accipere. quòd pharmacopôla contemplari debet, quando ambiguum est, an in aliquo authore semen legendum sit, an ipsa herba, tunc nimirum consideret, quid consuetum sit in compositionibus accipi, idq; accipiat. nam illud est quòd accipi debet. s e n. Eiuscemodi regula non mihi displicet, quā deinceps seruabo. B R A s. Et cur displicere debet, cū verissima sit? Dic verò, quomodo omnia misces? s e n. Illa in puluerem redigo, præter amygdalas, quas diligenter pinso, postea eupatorij succo recenter expressi in rotulas conficio, vel in quadratam figuram, sed posteaquàm iussisti, deinceps absynthij succo utar, nempe non dubito omnibus affectibus, qui prædicti sunt, conuenire. B R A s s a v o l. Illis tamen non detraho, qui eupatorij succum accipiunt, sed



sed absynthiū magis probo, cū iam iterum sit appositum eupatorium. cū verò de his trochiscis satis dictum esse videatur, illos qui sequuntur, refertò. **S E N.** Permite vt è crumena schedam illā educā, in qua singulatim descripti sunt. **B R.** Citò expedias.

**S E N E X. I I I.**

Trochisci de Rosis sequuntur. **B R A S.** Plures sunt pastillorū de rosis compositiones, quā sint ipsi authores, at vos quam paratā in officina seruatis? **S E N.** Illam Mesue, quæ prima in ordine inest, & quam nūc refero.

**℞.** Foliorum rosarum ʒ x.

Glycyrrhyzæ ʒ v.

Spicæ aromaticæ ʒ ij. & β.

Confice cum vino albo, quos si laxatiuos facere volueris adde

Scamonij ʒ iij.

**B R A S.** Tu fortè compositionem hanc seruas. **S E N.** Hanc prorsus seruo. **B R A S.** Tamen multi sunt, etiam Ferrariæ, qui tertiam compositionē in ordine parant. **S E N.**

Quænam est? **B R A S.** Illa, quæ incipit, Confectio trochiscorum de rosis, sicut confirmatum est in libris plurimorum iuuamentorum. **S E N.** Compositionem ipsam refero. **B R A S.** Iam refero:

**℞.** Rosarum ʒ iiij.

Ligni aloës ʒ ij.

Mastiches



Mastiches ʒ j. & β.

Absynthij romani

Cinnamomi

Spicæ

Cassia lignæ

Florum schœnanti

Singulorum ʒ j.

Fac trochiscos drachmarum duarum cum  
vino antiquo, & aqua decoctionis radicum.  
s E N. Audiueram nonnullos pharmacopô-  
las aliam seruare compositionem ab illa,  
quam seruo. at quænam esset, ignorabam.  
B R A S. Hæc est, quam retuli, & quam ma-  
gis probo, quam primam illam Mesue à te  
celebratam & confectam. s E N. At eiusce-  
modi cōpositio in multis abest Mesue codi-  
cibus. B R A S S. Sunt imperfecti codices ac  
diminuti, cū illa abest in illis cōpositio.  
s E N. Ad quos conuenit affectus eiusmodi  
compositio? B R A S. Ad ea, quæ à Mesue re-  
feruntur, nam dolori ventriculi conferunt,  
& imperfectæ obuiant coctioni, ad hydro-  
pīque initium conueniunt, & ad antiquas  
febres pituitosas, flatibus conuenit, qui in  
ventriculo abundant, vehementiūque hoc  
efficere possunt, quā primi à te enarrati.  
s E N. Quid intelligere oportet per aquam  
decoctionum radicum? B R A S S. Intellige  
quinque radicū comuniū, quæ sunt rusci  
radix



radix, asparagorum, apij, fœniculi, & petroselinii, hæ radices in aqua ebulliri debent secundum artem, postea exprimi, & ex hoc expresso fiant trochisci. **SEN.** Arbitror nullam esse compositionem, quæ plures habeat diuersitates ista, nulli etenim sunt pharmacopœlæ qui suas non habeant de rosis trochiscorum compositiones. **BRAS.** Hoc verissimum est, & tam antiqui, quàm recentes pastillorum de rosis pleni sunt. **SEN.** Antiquorum cōpositiones scire percuperem, recentiorum verò mīstiones negligo. Ni ergo circa alia occupatus sis, te oro, horror, atque obsecro, vt antiquorum compositiones pastillorum de rosis referas, vt experiri possim, num aliqua compositio cum hac Mesue, quæ in vsu est, conferenda sit. **BRAS.** Ita libenter efficiam, & à Nicolai Alexandrini compositione exordiar, quæ ab illo authore vocatur trochiscus diarrhodon. **SEN.** Aliud est diarrhodon, aliud pastillus de rosis. **BRASSAV.** Imò idem sunt, quia idem apud græcos significat τροχίσκος διαρροδων quod apud Latinos pastillus de rosis. **SEN.** Tamen video Mesuen de trochiscis de rosis, & de Diarrhodo distinctè loquentem. **BRAS.** Quatuor idcirco posuit compositiones trochiscorum de rosis, pro vna cōpositione, trochiscos diarrhodon



rhodon computando, imò & de illis mentio fiet, quia in Mesue compositionibus, cum trochisci diarrhodon recipiantur, illi accipi debent qui ab eo descripti sunt sub nomine trochiscorum diarrhodon. s e n. compositionem igitur referto. B R A S S. Est in illo autore capite centesimo & sexagesimo. & hoc conficitur modo:

℞. Rosarum viridium 3 xx.

Spodij 3 x.

Sandalorum rubrorum 3 viij.

Croci 3 iiij.

Camphoræ 3 j.

Rhodo stomatis quod sufficit.

In marmorea pillæ recentes rosæ sine intermissione terantur, deinde cæterarum specierum subtilissimus pului immittatur, & cum sufficienti rhodo stomate conficiatur, ad vltimum addita camphora, inde trochisci informantur, & ad vmbra siccati vsui reseruentur. s e n. Quid intelligit per rhodo stoma? B R. Aquam rosaceâ, ita enim illam vocat & græcorû vulgus. s e n. Ad quos valent affectus hi pastilli? B R A S. Vim quandam habent abstergerendi internas partes ac roborandi. s e n. Idem videntur cum trochiscis diarrhodon Nicolai Propositi. B R A S. S A V O L. Imò idē sunt. nōne aliās tibi dixi Nicolaum Propositum ab Alexandrino  
plura



plura accepisse? tamē in simplicium ponderibus differūt, & licet hi trochisci ab omnibus ferē parentur pharmacopōlis, tamen in alio vsu non videntur, quā quod Nicolai compositionē ingredi debet. **SEN.** Fuitne antiquus hic Nicolaus Alexandrinus? **BR.** A' nonnullis antiquissimus iudicatur, tamen in simplicibus recentiorū nominibus vtitur, & nonnulla refert simplicia, quæ vel ab antiquis non cognoscebantur, vel quæ in vsu non erant, hoc poteris in vna, quam afferam compositionē deprehendere, quæ & ipsa ad rem facit, nam capite centesimo octogesimo octauo sui libri cōpositionem quandam ex rosīs confectam refert, quam diarrhodon Iulij vocat, constat verò ex his, quæ sequuntur simplicibus.

**℞.** Cinnamomi  
 Cariophyllorum  
 Anthophyllon  
 Galangæ  
 Nardi  
 Gingiberis  
 Dactylorum carnis  
 Singulorum 3 iij.  
 Ligni aloës  
 Rhabbari  
 Nucis myristicæ  
 Macis

**Zedoaria**



Zedoariæ

Folij

Styracis

Singulorum 3 ij.

Pyretri

Cyperì

Costi

Iridis

Celticæ

Tragacanthæ

Anacardi

Cardamomi

Amomi

Anisorum

Seminum basilici

Singulorum 3 j.ß.

Osis Eboris

Osis de Corde cerui

Dactylorum osis

Corallorum

Thymi

Tymbræ

Hyssopi

Abrotani

Melenopiperis

Leucopiperis

Macropiperis

Amei

Singulorum 3 j.

f

Lim



Limatura auri puri argenti meri  
 Margaritarum perforatarū & integrarū  
 Hyacinthi  
 Berylli  
 Blactæ Byfantiaæ  
 Ambrae  
 Mosci  
 Balsami

Singulorum 3 β.

Mellis quod sufficit. Hæc est cōpositio.  
 SENEX. Nonnulla compositionem ingre  
 diuntur, quæ non esse antiqui authoris  
 ostendunt. BRASSA. Ita profectò est: nam  
 galanga sub hoc nomine apud antiquos  
 incognita est, & zedoaria atque anacardi,  
 neque os de corde cerui erat apud antiquos  
 in usu, neque blactæ byfantia sub hoc no  
 mine: est prætereà res noua ambra, vt hinc  
 arbitrari cogar hunc Alexandrinum Nico  
 laum non fuisse valde antiquum, sed à qua  
 dringentis annis vel quingentis citrà scri  
 psisse. SEN. De hoc non ambigo. BRASS.  
 Ex infinitis aliis Alexandrinum non esse  
 antiquum authorem ostendere possem, sed  
 hæc satis sint. Placuit verò ex hac compo  
 sitione aliis prætermisissis istud ostendere:  
 quia eiusmodi cōpositio ad propositū fa  
 cit: non est diarrhodon, id est, ex rosis confe  
 ctio. SE. Quid intelligit per anthophyllon?

BR.



BR. Nonnulli arbitrantur intelligenda esse maiora gariophylla: nam adsunt & gariophylla quædam ferè rotunda, quæ communia longè excedunt gariophylla. s. e. Cum tot recipiat simplicia, ad quos valet affectus? B R A. Author refert prodesse potissimum arteriacis, asthmaticis, dispnoicis. tussientibus: & ad omnia quæ ex frigida causa pectori & pulmone nocent, stomachi debilitatem confortant, Anatropen reuocat, dolorem mitigat, cardiacis summum remedium est, hydropicis & spleneticis medetur, debiles renes confortat, refrigerata calefacit, & perditam Venerem miro modo reducit. s. e. Est ergo compositio multis nominibus digna. B R A. Est profectò, & in deperdita Venere mira vidimus ut his qui frigidi vocantur. s. e. Cum verò tot simplicia compositionem ingrediantur, quæ diuersarum sunt naturarum, quoniam modo in globos reducenda est? B R. Audias authorem ita de compositione differentem. Confice sic. carnes dactylorū à crustulis suis purgatas diuissimè tere, & cum styrace in calidissimo melle indefinèter subige. Cumq; ad vnum corpus redactum fuerit, per rarum linteolum accuratissimè cola: Hoc toties fac, donec virtutes specierū mel recipiat, quod elicitur, & abiectis retrimētis succū mellitum

f 2

serua:



serua. Margaritas autē beryllum & hyacinthum, & corallū quater in marmoreo lapide tere, & cribrata in subtilissimum puluerem redige: & sic in sufficienti rhodostomate per totum diem vel noctē macera. Sequēti autem die inter duo lenissima marmora tandiu ducito, donec nullus pulueris strepitus persentiat: deinde ossa dactylorum mignata testa fictili incende, & cū eburneo osse tere, donec in subtilissimum puluerē cōfeceris. Cæteras autem species simul tere & cribra, & cum succo carnis dactylorum & styracis tempera, & sic puluerem ossis dactylorum, & eboris admisce. Deinde margaritarum puluerem cum sufficienti roseo melle, sicuti & aurum & argentum subtilissimè limatum, confectione adde. Adultimum verò ambram, moschum in calido balsamo soluta superfunde: & omnibus bene commistis in vitreo vase miscellam hanc conde, & vsui reserua. *SEN.*  
Quenam quantitas præberi debet? *BRASS.* Author dicit tres drachmas manè vel vespere cum vino, seu cum calida. *SEN.* Trochiscorum formam non habebunt, si ut dictum est, fiant. *BRASSA.* Neque opus est habere, sed est diarrhodon à rosis ita vocatū: quanquàm & hæc omnia possent in trochisci formam facilè duci. Adsunt & apud eund



eundem authorem multæ compositiones, quæ diarrhodon vocatur, vt cētesimo octogesimo nono, & capite centesimo nonagesimo. At apud Arabes innumeræ ferè sunt trochiscorum de rosis compositiones. s e. Illas referto, ne quicquā prætermittamus, quod in aliquo conducere possit. B R A S. Tot referre compositiones non est opus, sed loca tantum referam in quibus scripta sunt, quæ si legere placuerit, cum domi eris, nihil impediet. s e n. Neque istud mihi displicet. B R A S S. En igitur Rasis in decimo ad Almanforem cap. 11. vnā ponit descriptionem sub nomine trochiscorum diarrhodō: & in 9. eiusdem libri capite, descriptionem ponit trochiscorum de rosis: & in nono, capite sexagesimo tertio, aliam ponit descriptionem: & in Antidotario diuisionū duas habet trochiscorum de rosis cōpositiones. Auicenna & ipse in quinto Canone descriptionem ponit trochiscorum de rosis: & Serapio nonnullas habet descriptiones. Paulus prætereā Aegineta libro septimo pastillorum, diarrhodon mentionem facit. s e n. Optarem vt hunc Pauli pastillum saltem referres. B R A S. Id non inuitus efficiam, ita eum confici iubet Paulus:

℞. Acaciæ

Commeos

f 3

Rosar



Rosarum

Floris balauſtiorum

Hypociſtidis ſucci

Gallarum

Vniuſcuiuſque ʒ iij.

Succi roſarum viridium

Seminis plantaginis

Licij Indici;

Singulorum ʒ j. Miſce

s E. Quomodo ſimul hæc miſceatur author  
 referre nō videtur. B R A S. Imò refert, quia  
 roſarū ſucco, & plantaginis omnia miſcen-  
 tur. s E N. Probāsne tu eiufcemodi compo-  
 ſitionem? B R A. Non quidem ad antiquas  
 febres, vt illa Meſue conuenit, ſed valenter  
 adſtringit: propterea vbi adſtrictione indi-  
 gebimus, hac Pauli compoſitione vti po-  
 terimus, quia id valenter facit. s E N. Sūnt-  
 ne alij antiquiores authores, qui de his pa-  
 ſtillis mentionem faciant? B R A S S. Actua-  
 rius, qui & ſi non ſit antiquiſſimus author:  
 tamen neque recens eſt, & inter probatos  
 authores numerandus eſt. hic in libello de  
 Compoſitione medicamentorum ita dicit:  
 „ Paſtillus diarrhodon, id eſt, è roſis, cor & ie  
 „ cur roborat, dolorem capitis abigit, à ſan-  
 „ guine vel ſua bile concitatū. Modus eius  
 eſt ſextula, cum roſarum vel nymphææ zu-  
 lapio. s E N. Compoſitionem ni pigeat re-  
 fert.



ferto. B R A S. Ita ait author:

℞. Rosarum

Triasandalorum

Spodij

Seminis portulacæ

Intubi Violarum

Singulorum sextulam vnam.

Contusa cribratâque ex stillatitio rosarum latice fermentescant. S E N. Ab omnibus prædictis differt compositionibus. B R A S. Differt prorsus, at apud Græcos aliæ non extant trochiscorum de rosis compositiones, neque trochiscorum diarrhodon. S E N. Aliam igitur trochiscorū compositionem contemplemur. B R A S S A. Ut lubet: Primò autem notato in Mesue compositionibus vsum trochiscorum de rosis Mesue conuenire, & in Nicolai compositionibus trochiscorum de rosis ipsius Nicolai, tu hoc cōsiderato, ac obseruato.

#### S E N E X I I I I.

Trochisci de Agarico perpendendi occurrunt. B R A. In vfu non sunt. S E. Ego in mea officina illos semper seruaui. B R A S. Non arbitror apud tres pharmacopôlas Ferrarię inueniri, & tu fortè vel nunquàm, vel rarissimè vendidisti. S E. Bis aut ter in toto vitæ meæ curriculo illos vendidi, & illi adhuc in pyxide sunt, quos prima vice cōfeci:

f 4

verum



verum summopere delector nihil deesse in eo pharmacopolio ex his, quæ vel simplicia sunt, vel composita in usum quandoque veniunt: vel Medicus aliquis quandoque utatur, licet in usu non sint, & alij Medici hoc despiciant: at ne Medicus ille quandoq; me incautum inueniat, & sine sua compositione imparatum, & illam seruo. BRAS. At quam paras compositionem? SEN. Hanc quæ sequitur:

℞. Agarici electi ℥ j. & β.

Gingiberis ℥ j. ③ i.

Salis gemmæ ℥ β.

Conterantur omnia, & cum oxymelite simplici fiant trochisci. BRAS. Alij tamen aliam parant compositionem. SEN. Quamnam? BRAS. Illam quam Conciliator conficit in capite de Vomitu. SEN. Illam indigeat referto. BRAS. En refero.

℞. Agarici boni vigorati ℥ v.

Zingiberis ℥ j.

Salis gemmæ ℥ j. & β.

Mastiches ℥ j.

Calami aromatici ℥ j. & β.

Turbith ℥ ij.

Anisorum ℥ j. Aceti ℥ ij.

Misce & fiant trochisci, quos ex aqua calida præbero. SE. Duæ aceti drachmæ ad cōmiscenda incorporadāq; omnia simplicia, satis



fatis esse non videntur. B R A S. Idcirco non intelligo quòd duæ solæ drachmę accipiantur, sed quantum sufficit accipiendum sit tamen non erit etiam magna aceti quantitas illa, quæ ad eiusmodi iungenda simplicia recipietur. S E N. Quid intelligis per agaricum vigoratum? B R A S. Huius descriptionis authorẽ interrogato quid ipse intellexerit. S E. Non sum ipsum allocuturus, cùm diu sit quòd obierit. B R A S. Arbitrarisne te diu adhuc superuicturum? S E N. Vt Deo placebit, tamen spe quadam detineor me multos iuniores vitæ prorogatione excessurum. B R A. Dij faxint, nam viri in sua arte tam diligentes nunquàm obire deberent. Ad rem verò redeamus. arbitror authorẽ illum per agaricum vigoratum agaricum intelligere melicrato imbibitum, & nisi in cõpositione sal gemmæ adesset, intelligerem etiam sal gemmæ iunctum. vel intellige roboratum spica, & aqua casei. S E. Alia res est agaricum trochiscatum. B R A. Alia prorsus, sit verò trochiscatum agaricum, vt Mesue dicit in libro Simplicium, vbi de agarico agit, & atbitratur se loqui secundum Gale. ex ipso agarico, & vino, cui infusum est zingiber: nam dicit: Fiant trochisci ex eo & vino infusionis zingiberis in quo puluis ipsius sæpè submergatur, &

f s fiet



fiet operatio eius completa. **S E N.** Hoc est agaricum trochiscatum, quod in communi vſu ſeruatur. **B R A S S A.** Adde, nihil reſerre, etiam ſi trochiſcos de agarico voces, quia differentia fieri non debet inter agaricum trochiscatum, & trochiſcos de agarico, licet nonnulli trochiscatum agaricum vocent, cū in maſſam compositio redacta eſt, ad deinceps trochiſcos de agarico vocant, cū maſſa ipſa in trochiſcorum formam efficta eſt, vtrunq; verò (vt vides) idē eſt veruntamen prima illa compositio, quā adduxiſti, paſſim ſit ab omnibus pharmacopôlis, pro trochiſcis de agarico, & agarico trochiscato Meſue, at in Meſue trochiſcis non adeſt ſal gemmæ. **S E N.** Ego illud ſemper apponi vidi. **B R A S.** Meſue autem ſuos conficit trochiſcos cum vino infuſionis zyingiberis & agarico nullo alio ſimplici addito. **S E N.** Nunquā hoc vino vtimur ad illos conficiendos. **B R A S.** Idcirco nec ſecundum authoris mentem conficitis. **S E N.** Cur ſal gemmæ apponi non debet, cū agaricum rectificet? **B R A S S A.** Quid eſt hoc rectificare agaricum? **S E N.** Quid rectificare ſit ignoro, ſed à Meſue ita dicitur. **B R A S S A.** At ego quid rectificare ſit, tibi aperire non grauabor, eſt verò rectificare à medicamēto remouere, ſi quid ha-  
bet



bet venenosi, maligniue ac infestatis. at in  
agarico nihil tale videtur: nam nec aliquid  
habet venenosi, nec aliquid infestatis, quod  
corrigi desideret, si Dioscoridem & Gal.  
summos in re medica viros cōtemplemur.  
nam nullus horum, neque quisquam alius  
ex probis authoribus scriptum reliquit cor  
rigendum esse agaricum zyingibere, sale  
gemmæ, aut re alia simili: neque Galenus  
mentionem facit de vino infusionis zyingi  
beris, sed ait, sumptum, pondere drachmæ  
vnius cum vino diluto, vnde nullus est ex  
antiquis, qui vel agaricum corrigat, vel qui  
aliquid prauī habere dicat. ob hoc fortē  
Mesue coactus dixit esse pauci nocumenti,  
nisi quia imprimit læsionem in visceribus  
debilitās ea, quare indiget permistione ab  
stergentiū cum eo, vt nō profundetur eius  
virtus in illis totaliter, sicut dixerunt sapi  
entes. hæc Mesue. At nullus antiquus vel  
sapiens, quem viderim, hoc dicit. SEN.  
Audiui frequētius à Medicis referri, ventri  
culum ab agarico deiici. BRASSA. Si  
experientia contemplemur, agaricum ven  
triculi vires deiicere videtur, & in appe  
tentiam facere, atque subuersionem: vt  
viderim illos, qui agarico vsi sunt per ali  
quot dies edere non posse, quod & mihi nō  
nunquā contigit. SEN. Tamen videtur  
tales



tales qualitates habere ( vt omnes referunt) quę ventriculum potius roborare deberent. **BRAS.** Imò illas habet: nam adstrictione quadam amarum est, & ob nullas alias qualitates absynthium ventriculum roborare dicitur, & abrotanum ventriculo obesse dicitur, licet amarum sit: quia nihil habet adstringentis qualitatē, ventriculo autem aduersari videtur, quia diuersarum est partium ac qualitatū, propterea viscera reddit imbecilliora. verū hac de re aliās tractaturi sumus. **SEN.** Ad trochiscos ergo redeamus. **BRASSA.** Vt lubet. Si trochiscos de agarico à me dictos, Mesue trochiscos esse nolueris, sed Galeni, cū tamē Galenus horum trochiscorū nusquā mentionem fecerit, poteris trochiscos illos Mesue superius enarratos parare, qui salem gemmæ recipiunt ad tertiam partem, & cum secaniabin conficiantur. **SEN.** Possem & accipere trochiscos illos, qui in Mesue sequuntur, secundum Halym. **BRASSA.** Quos volueris facito, tamen illos potius probo, qui absque sale gemmæ conficiuntur, sed quīnam sunt illi, quos refert Haly?  
 „ **SEN.** Mesue inquit: Si ex eo sexta parte ipsius  
 „ ex Kcysim aut dauci, & quarta ipsius salis  
 „ gemmæ fiant trochisci cum viscositate po-  
 „ lypodij recentis, fit mirabilis consecutio  
 ope



operationum ipsius ad ea, quæ oportet. Ali  
 quæ etiam conficiunt ex infusione zingiberis, & sale gemmæ cum vino albo. B R A.  
 Scio & Iudæum secundum Mesuen cum oxymelite scillitico confecisse, ac dixisse eorum operationem eo magnificari, & magis magnificari, si aliquod acutum illi miscatur. S E N. Sumne hoc modo confecturus? B R A S. Vt libebit, tamen probarem ut eo modo conficeretur, quo à Mesue dictum est secundum Galenum ( licet Galenus id nunquam dixerit, vel somniauerit) nam illi sunt simplicissimi de agarico trochisci. S E. In quanta possunt præberi copia? B R A S S. Si hos simplicissimos præbebis, à drachma vna vsque ad duas præbeto: si verò compositionem illam feceris, quam superius aliquos conficere dictum est, ad tres drachmas progredi poteris: quia multa sunt enim agarico simplicia, quæ nō educunt. S E. Ad quos valent hi trochisci affectus? B R A S. Ad multos: nam pituitam crassam educunt, bilem crassam, & atram bilem: tamē eorum proprium est, ac peculiare pituitam educere, & tumores glutinosos, crassos, ac putridos, cerebrum mundificant, ac roborant, nervos vnā, ac musculos, sensus viuificant, & sensitiuis proficiunt membris, humores qui in posteriori sunt capitis parte educunt, pulmonem



monem, & pectus à glutinosis humoribus  
& putridis liberant, toròq; cōueniant tho-  
raci, & stomachū mundificant, iecúrq; sple-  
nem, renes, & in mulieribus vterum, & iun-  
cturas à materia liberāt, omnibus intrinse-  
cis corporis doloribus succurrūt, antiquum  
capitis dolorem remouent, epilepsiae cōdu-  
cunt, ac vertigini, maniae conueniunt, me-  
lancholiae, & neruorū ægritudinibus, cere-  
bríq; abscessibus, asthmatis congruunt, an-  
helitus difficultati, & pulmonis vlceribus,  
pectorisq; ventriculi dolores, & viscerum  
sedant, omnibus cōferunt obstructionibus,  
& omnibus vnà affectibus, qui ex obstru-  
ctione depēdent, vt sunt icteritia, hydrops,  
& splenis crassities, iecoris etiam dolori cō-  
ueniunt, lienis, & renum, abscessibúsque in  
ipsis succurrūt, vrinam prouocant, menses,  
atq; vterum mundificant, vermibus aduer-  
santur, & colorem bonum reddunt, ischiæ  
conferunt, & iuncturarum doloribus, anti-  
quis febris, quæ ex heterogenea materia  
constitutæ sunt, opitulātur, febriúmque præ-  
dictarum typum sedant. s e. Infinitas igitur  
hi trochisci dotes habent. B R. Sunt agarici  
dotes, quæ à Mesue referuntur, & quæ lon-  
gè plures sunt, quàm illæ, quæ à Dioscoride,  
& Galeno scriptæ sunt. sed his de agarico  
dimissis trochiscis, alios secundum tuum  
ordinem



ordinem referto.

**S E N E X V.**

Trochisci de alkekengi huc pedes conferūt.  
 B R. Quinquā in nomine erres, sino, vt ad  
 tua vota nominibus vtaris, modò in re ipsa  
 non erres. S E. In quo errem ignoro. B R A.  
 Erras quia alkekengi Barbarum nomen est,  
 Græci ἀλικάκιστον vocant, Latini autem ve  
 sicariam, vt trochisci de vesicaria nuncupa  
 ri debeant, at tibi vniuscuiusque nominis  
 vsum consentio, modò in re ipsa non dissen  
 tias. S E N. Non dissentiam vt spero. B R A.  
 Trochiscos igitur quos paras de vesicaria  
 referto. S E N. Iam refero.

**℞.** Granorum Alkekengi 3 iij.

Seminis citruli

Albatechæ,

Cucurbitæ

Singulorum 3 iij. & β.

Boli armeni

Gummi arabici Thuris

Sanguinis draconis

Papaueris albi

Amygdalarum amararum

Succi glycyrrhizæ

Tragacanthi

Amili, Granorum pini

Singulorum 3 vj.

Seminis apij

Charab



Charabæ, Boli

Hyoschiami,

Opij

Singulorum 3 ij.

Præbe drachmam vnā cum iuleb, aut cum aqua mellis. B R A. Hi sunt trochisci de vesicaria Mesue, & in omnibus ferè pharmacopoliis ipsorum est per totam Italiā vsus, quanquā variæ sint apud multos auctores descriptiones, tamen neque ista apud omnes, quo ad simplicium pondera eodem modo conficitur, nam aliqui vesicariæ genera apponunt, ad drachmas tres & semis. S E N. Hoc fortè melius est, vt vesicaria cum aliis saltem in eodem sit pondere, vt trochisci de vesicaria à quantitate denominari possint. nam nisi ingrederentur in tanta copia, quanta sunt alia simplicia, imò & in maiori non magis essent trochisci de vesicaria, quā de citruli seminibus, vt albatheæ. proptereā illos magis probo, qui granorum vesicariæ vnciam vnā apponūt, cū quia ita exigit vsus, tum vt meritò de vesicaria nuncupari possint, tum vt maior sit vesicariæ vsus, quā aliorum simplicium, nam vesicaria vrinas pellit, proptereā in hac descriptione in magna copia recipi debet, vt alia adstringentia simplicia ad vrinæ vias ducat, nam & ad hunc finem  
apij



apij semen additur, reliqua deinde præter  
grana pini, & amaras amygdalas adstrin-  
gentia sunt, & consolidationem parantia.  
idcirco hi trochisci ad renum, & vesicæ vul-  
nera quadrant, imò & omnibus opitulân-  
tur vlceribus. Valent prætereà ad vesicæ ex-  
coriationem: & ad dolorem, ac ardorem  
quem aliqui in meiando habent, imò quan-  
doque eorum vsus est ad extrinsecas partes  
vlceratas consolidandas. sed dic, quomodo  
hæc omnia simul iungis? s E N. Aqua mel-  
lis vt Mesue docet, vel iuleb. B R A S. Me-  
sue non dicit esse ex aqua mellis conficien-  
dos, sed ex aqua mellis præbendos, tamen  
nihil refert, si ex aqua mellis conficiantur,  
imò si ex ea sumi debent ex eadem confici  
posse quis prohibet? s E N. Nihil, vt arbi-  
tror. B R A S. Si ex iuleb conficiantur, quòd-  
nam iuleb genus sumis? s E N. Violaceum,  
& ita multi intelligunt, ac eo conficiunt.  
B R A S. Ad vrinx ardorem etiam conue-  
nit iuleb violatum, sed rosaceum vbi vlce-  
ra adfuerint, magis consolidat, vtrunque  
genus sumi potest: nam neque Mesue di-  
cit, quòd ex iuleb fieri debeant, sed quòd  
sumi debeant ex iuleb. mihi magis placet,  
quòd ex rosaceo conficiantur: tamen cum  
eo digladiari noluerim, qui ex iuleb viola-  
to conficeret. s E N. In huius compositionis

g

simp



simplicibus primò scriptum est Boli armē-  
næ, postea simpliciter scriptū est Boli, quid  
per hoc intelligēdum est? B R A S. At tu dic  
prius, quando hos trochiscos conficis, quid  
Boli loco accipis? S E N. Quandoq; terram  
figillatam accepi, quandoq; macram, id est  
terram illam rubrā, qua lignarij fabri vtū-  
tur. B R A S. Est illa, quæ fit ex combusta  
ochra, sed probarem potius, vt figillata ter-  
ra acciperetur, quæ est tenuiorum partium,  
quàm macra, & exulcerationes magis con-  
solidat. at quid accipis tu per bathecam?  
S E N. Anguriæ vocatæ semina. B R A S. Illa  
etiam deinceps sumito, nam quid sit, ambi-  
guum est, ad intentionem verò ista conue-  
niunt, quæ accipis semina: reliqua quæ com-  
positionem ingrediuntur, per plana sunt.  
S E N. Reperiuntur apud antiquos hi de  
vesicaria trochisci? B A A S. Imò inueniun-  
tur, & non possum non putare Mesuen à  
Nicolao Alexandrino accepisse, nonnullā-  
que simplicia addidisse. Dicit enim hīc vir  
in suo de Compositione medicamentorum  
libro, capite nonagesimo quinquagesimo-  
secundo, vbi inscriptio est Trochiscus dia-  
phisalidos Alexandri, & ita ait: Salutaris  
,, ad renum, & vesicæ passiones, ad eos qui cū  
,, vrina mucilagines vel sanguine reddunt, la-  
,, pides frāgit, & de renibus & vesica expellit,  
ad



ad vteras & vesicam vulneratam cū lacte  
mulieris, vel asinæ, aut sapa cū syringa inie-  
ctus, ad stranguriam, & dysuriam. s e n. Ad  
tot non conferunt Mesue trochisci, B R A S.  
Imò & ad plura, sed ipse omnia nō expres-  
sit. compositio verò hæc est:

℞. Physalidos, id est vesicariæ Ḡ xxiiij.

Seminis lapathi ʒ xiiij.

Seminis cucumeris domestici ʒ xij.

Seminum fœniculi ʒ vj.

Amygdalarum amararum ʒ iiij.

Nucleorum pini, Hyoschiami albi

Opij, Conij seminis

Singulorum ʒ iij.

Sapæ quod sufficit.

Opium cum sapa dissolue, & cum specie-  
rum puluere drachmeos trochiscos infor-  
ma, & cum apozemate apij vtere. s e n. Hic  
author suos hos conficit cū sapa trochiscos,  
cur postea non præbet ex aqua mellis? B R.  
Quia præbet ex re efficaciori. nā apij deco-  
ctum ad urinarias vias facilius medicamēta  
ducit, hæc simplicia ad prædictas intētiōes  
perficiēdas sunt satis. Verū tamen & idē au-  
thor refert trochiscos minores de vesicaria.  
Est verò capite 953. vbi inscriptio est, Tro-  
chiscus diaphysalidos minor. s e n e x. Ad  
quos confert hic minor affectus? B R A S.  
Authorem audito ita scriptis tradentem.

g 2 Ad



Ad vitia renum, & vesicæ ad stranguriam,  
& dysuriam. s e n. Ex quibus conficit hos  
trochiscos simplicibus? B R A S. Ex his quæ  
sequuntur.

℞. Phyalidos, id est vesicariæ ḡ xxv.

Seminis cucumeris domestici 3 xij.

Seminis hyoschiami 3 vj.

Fœniculi 3 iiij.

Nucleorum pini, Croci!

Lapathi. Seminis papaueris.

Singulorum 3 iiij.

Sapæ quod sufficit.

Ex hoc puluere cum sapâ drachmeos tro-  
chiscos informa, & drachmam vnâ cum  
apij decoctione dabis, & per virgam cum  
sapâ, in qua decoctæ fuerint baccae hederæ,  
iniicies. s e n. Non est magna inter vnâ  
& alteram compositionem differentia? B R.  
Non quidem vt video, tamen hæc compo-  
sitio nouem recipit simplicia, & quæ præ-  
cessit, decem, sapam numerando, qua com-  
miscetur, in secundâq; compositione adest  
crocus, qui non adest in prima: in prima  
verò duo sunt, quibus caret secundâ. verun-  
tamen & alij authores alias faciunt de ve-  
sicaria trochiscorum compositiones, inter  
quos vnus est Actuarius, qui in suo de Com-  
positione medicamentorum libro. ita in-  
scriptionem habet: Pastillus Diaphysali-  
don



don, id est è vesicaria pollet aduersus re-  
num, & vesicæ exulcerationes, fluentem  
sanguinem, & mucosa strigmenta excer-  
nentes, & vehementi dolore conflictatos.  
huius pastilli pondus drachmæ datur feбри  
non obnoxiiis ex dulci vino, vel sapa, feбриē-  
tibus cum dilutiore vino. s e n. Ex quibus  
conficit pastillum hunc Actuarius? B R A S.  
Ex his quæ sequuntur:

℞. Lachrymæ papaueris

Seminis cucumeris

Apij

Apollinaris herbæ

Fœniculi

Vesicariæ

Singulorum quadrantem.

Amygdalarum trientem

Croci sextantem.

Vini dulcis quantum erit satis, vt hoc  
veluti fermento concreascit in pastillos. s e.  
Cum aliquo prædictorum modo non con-  
uenit. B R A S. At in intentione saltem con-  
uenit. Verùm & apud authores adsunt de  
vesicaria pastilli ex mineralibus confecti.  
s e n. Quinam sunt? B R A S. Vnum genus  
apud Galenum reperitur libro quinto de  
Compositione medicamentorum per ge-  
nera. Est verò inter medicamenta, quæ  
scripsit Andromachus in calce operis de



Exterioribus, & denominatur Pastillus  
 Διαλικάκαβδρ, id est, de vesicariis. cuius cō-  
 positio hæc est:

℞. Argēti spumæ pondo denarium xxiiij.

Cerussæ pondo denarium xij.

Alicacabi radicis pondo denarium viij.

Calcanthi

Aluminis

Singulorum pondo denarium iij.

Minij quantum ad colorem accipiēdum  
 satis est. Ex aqua subigatur. SEN. Ex quo  
 aquæ genere? BRAS. Ex aqua fontis, quā-  
 quam & pluuialis aqua ad hæc recipienda  
 erit haud mediocriter idonea. Reperitur  
 & Dialicacabus Trochiscus apud Oriba-  
 sium in illis, quos conficere docuit trochi-  
 scis. SEN. Et mihi pergratum erit hos au-  
 dire. BRAS. Efficiam vt audias. nam au-  
 thor hic dicit vocari & cirros eiusmodi  
 trochiscos, qui faciunt ad crysipelas, & tri-  
 mala, & ad narium tumores resolutos cum  
 aceto, aut posca, aut aqua frigida.

℞. Lithargyrij ʒ xxiiij.

Psimmythij ʒ xij.

Aluminis scissilis ʒ iiij.

Calcanthi ʒ iiij.

Alicacabi corticis viridis vel pro alica-  
 cabo stryeni ʒ viij.

Sinopidem, si volueris ad colorem facien-  
 dum



dum mittes, & facies trochiscos ex aqua, & vteris aliquando cum vino, aut aqua. **SEN.** Quomodo sciuerim quando ex vino, & quando ex aqua sumendi sunt? **BRAS.** Cum adest febris, ex aqua adhibentur, absque febre ex vino. Adde, & vinum etiam in febre accipi posse, quia medicamentorum vim magis penetrare facit. Adest & hoc apud antiquos ( licet cum præcedenti conuenire videatur.) Ex alicacabo pastillus quem veficariam vocamus ad prægnantes aqua pustulas, & epynictidas efficax, narium vlceribus, & rimis sedis, & quibus citra dolorem ducere cicatricem placet auxiliatur. ipsius verò compositio hæc est:

**R.** Cerusæ lb j.

Spumæ argenti semissem

Aluminis scissilis

Corticis alicacabi

Atramenti sutorij

Sinopidis

Singulorum selibram.

Quæ aceto accipito. **SEN.** Medicamentum hoc per os sumendum non est. **BRAS.** Non prorsus, tamen potest & in virile membrum iniici, quando exulceratio aderit, in aqua vel succo plantaginis dissolutus, in reliquis extrinsecis applicandus est, sed & Paulus libro septimo, capite duodecimo,



vbi inscriptio est Pastillus *Διά φουσκαλίου*  
 inscriptus, refert trochiscos de vesicaria,  
 hæcque est ipsius Pauli compositio, quam  
 nunc refero:

**℞.** Sem. cucumeris satiui pelle exuti ℥ iiij.

Seminis alterci, Cicutæ

Singulorum ℥ ij.

Fœniculi

Seminis rumicis, Croci

Nucleorum pineorum

Amygdalarum amararum, Opij

Singulorum ℥ j.

Physalidis sextarios iij.

Vini quantum opus est.

**S E N.** Nōne edocetur à Paulo, ad quos va-  
 leant affectus hi trochisci? **B R A S.** Non edo-  
 cetur, sed tu ad eosdem conferre iudicato,  
 ad quos conferunt trochisci Nicolai Alexā-  
 drini superius enarrati, nam & eadem ferè  
 simplicia recipiunt, nonnullis exceptis. ha-  
 betur & alia compositio apud eundem Pau-  
 lum in eodem capite, cuius inscriptio est,  
 Pastillus *Διά ἀλικακάνθου*, id est ex vesicaria.  
 ita verò conficitur:

**℞.** Spumæ argenti denarios xxiiij.

Cerussæ denarium pondo xij. vel xxj.

Alicacabi radice pondo denariûm octo.

Calcanthi, atramētive futorij denariûm  
 pondo iiij.

Alum



Aluminis fissilis tantundem.

11-

Rubricæ quantum ad colorem induce  
dum sufficit. Aqua excipe. s e n. Non arbi-  
tror Paulum per os præbuisse eiusmodi  
pastillum. B R A s. Non quidem: tamen ar-  
bitrandum quòd in penem exulceratū inie-  
cerit in aqua plantaginis, vel re alia simili  
dissolutum. s e n. Sūntne alij apud antiquos  
huius generis pastilli? B R A s. Nulli adsunt,  
quos sciuerim sed apud Auicennam alij re-  
periuntur de alkanengi (vt eius vtar verbo)  
pastilli, qui à præscriptis diuersi sunt. s e n.  
Vnam aut alteram refer, si lubet. cōpositio-  
nem. B R A s. Id libēter efficiam, modò am-  
plius non me laceffas, vt Arabum compo-  
sitiones referam. s e n. In hac compositione  
amplius non te laceffam, de aliis verò secus  
erit. B R A s. En igitur hæc est compositio,  
quā in quinto Canone refert, & dicit Tro-  
chisci alkanengi conferentes ad dolores re-  
num, & vesicæ, & mictum sanguinis: & sa-  
niei, & ad vrinam mucosam, & confert ad  
scabiem vesicæ, quorum hæc est permistio:  
℞. Seminis melonis aur. xxxvj.

Opij aur. vj.

Seminis hyosciami albi

Apij

Acetosæ

Singulorum aur. vj.

g s

Sem



Seminis Hyoschiami nigri

Coriandrorum

Singulorum aur. viij.

Seminum fœniculi

Granorum pini torrefactorum

Croci

Amygdalarum amararum

Singulorum aur. viij.

Granorū alkanengi montani  $\bar{G}$  lxxv.

Confice, & fac trochiscos cum coagulo vac-  
cæ, dosis à duabus aureis vsque ad tres. SEN.

Mihi videtur, quòd aliquam habeant cum  
illis Nicolai Alexandrini affinitatē. BRAS.

Imò habent, ad eosdémque conferunt affe-  
ctus. verùm in Auicenna alia statim sequi-  
tur compositio. nam dicit Trochisci alka-  
nengi descriptione alia: qui conferūt ad vl-  
cus renum, & vesicæ, & ad destillationem  
urinæ. Ipsorum compositio hæc est:

$\mathcal{R}$ . Seminis Apij

Hyoschiami albi

Schedenegi

Singulorum  $\mathfrak{z}$  vi

Seminum fœniculi  $\mathfrak{z}$  ij

Croci

Semin. acetosæ sylvestris

Amygdalarum

Nucleorum pini, Opij

Amygdalarum amararū excoctarum

Sing



Singulorum 3 iij.

Granorum alkanengi numero xxv.

Seminis cucumeris 3 xij.

Tere, & cōfice, & fac trochiscos. SEN. Quo-  
modo confici debent? BRAS. Ab Auicenna  
non exprimitur, sed plantaginis aqua acci-  
piatur, vel mel rosatum colatū, vel aliud si-  
mile: possent & ex vino albo confici. SEN.  
Extant ne alia apud hūc authorē huius ge-  
neris compositiones? BRAS. Extat & tertia  
cōpositio, quam à prēdictis seorsum retulit,  
& alio nomine inscripsit, fortē arbitratus  
est cōpositionē aliā esse à trochiscis de vesi-  
caria, ita verò trochiscos proponit. Trochi-  
sci disulidis cōferentes ad vlcera renū & ve-  
sicæ, & ad mictum sanguinis, & vrinæ diffi-  
cultatem, quorum permistio hæc est:

℞. Seminis Apij

Hyoschiami albi

Semin. hedenegi, id est, cicuta

Singulorum 3 vj.

Seminis fœniculi 3 ij.

Croci

Granorum pini

Semin. lapathi acetosi

Opij

Amygdalarum amararū excoriatarum

Singulorum 3 iij.

Granorum alkanengi montani nu. xv.

Semin



Seminum cucumeris excorticatorum

Tere, & confice, & forma trochiscos. Compositiones omnes in aliquibus ferè conueniunt, imò & in maiori simplicium parte.

**S E N.** Quid significat vocabulum disulidis?

**B R A S.** Est corruptū vocabulum, & in aliquibus etiā exemplaribus scriptum est disalidis, cū legi deberet trochisci *Διά φουσάλιδων*, id est, de vesicaria: ita enim à Græcis vocantur.

**S E N.** Arbitrabar & ego illud vocabulum esse corruptum, sed vnā etiam putabam esse authoris nomen, qui trochiscos inuenit.

**B R A S.** At est nomen plantæ, quæ vesicas facit, & grana in vesicis clausa.

**S E N.** Sūntne aliæ apud authores compositiones?

**B R A S.** Et Serapio ipse in septimo sui Antidotarij trochiscos posuit de vesicaria, corruptoque vocabulo trochiscos, alesculidis vocat, cū dicere debuisset trochisci *Διά φουσάλιδων*: dicit verò ad renum vlcera, & vesicæ conferre, & ad illum qui sanguinem mingit, & ad vrinæ difficultatem: Ita verò refert Serapio.

**℞.** Semi hyoschiami

Apij

Fœniculi

Singulorum 3 vj.

Croci

Granorum pini

**Semi.**



Semi.acetosæ excorticati.

Opij

Amygd.amararum excorticatarum

Singulorum ʒ iij.

Granorum alkekengi numero xxv.

[ In alia descriptione sunt numero ʒo. ]

Sehedenegi ʒ viij.

Seminis citruli ʒ xij.

[ Et inuenit Serapio in alia descriptione

Thuris ʒ i.]

Terantur cum rob, aut iuleb, aut aqua tepida, & fiant trochisci vnus drachmæ, & administrētur post sex dies. s e n. In sex dierum spatio fermentari debēt, tamē & multum cōueniunt cum nonnullis supradictis compositionibus. b r a s. Imò eadem esse debuissent, sed scriptores peruerterūt: nam aliqua addiderunt, aliqua præteriēre, vt deinde compositiones alias describere cogantur, quàm sint illæ, quas ipsi ab antiquis accepēre. s e n. Ne amplius conteramus tempus in his Arabum compositionibus contemplandis. b r a s. Neque ego hoc libēter efficio: verū hoc non præteribo, & Rasim in diuisionū Antidotario, vbi de vrinæ medicinis agit, duas horum trochiscorū compositiones referre, quarum vna inscriptionem habet: Confectio ad vlcera renum, & vesicæ: secunda verò habet: Confectio trochiscorum



chifcorum vltimorū, qui nominantur trochisci alnakengi. Reperitur & apud Halym vna horum trochifcorū compositio: verū & vocabulum apud hunc authorē est corruptum: nam vbi legendū est *Δια φουσαλίδων*: legit absolidis. s. e. Extraneæ profectò sunt hæ vocabulorum corruptiones. B R. Pro exulcerato pene nonnunquàm sequētibus nostris trochiscis de vesicaria vfi sumus.

**R.** Vesicariæ sem.  $\zeta$  3 j.

Mastiches

Bolli armenæ

Terræ sigillatæ

Singulorum  $\zeta$  3.

Rosarum rubrarum

Balaustiarum

Singulorum  $\zeta$  j.

Misce, & cum syrupo myrtino fiant trochisci, quos in aqua plantaginis dissolui iussi, & in vrinarium meatum iniici, tamen & ad renum, ac vesicæ exulcerationem conueniunt. Aliis prætereà ad vrinam prouocandam sum vsus trochiscis, quorum compositio hæc est:

**R.** Granorum vesicariæ  $\zeta$  j.

Seminum vriticæ

Fœniculi

Apij

Petroselini

Amidis



Amidis

Singulorum 3 β.

Misce cum aqua saxifragiæ, quorum vnusquisq; sit vnus drachmæ pondere, qui præbeatur vel ex vino albo potentiore, vel ex aqua capillorū veneris vel saxifragiæ. *SEN.* Non mihi displicet te hos adduxisse, quibus vteris trochiscos, & quos ego in meo seruo in tui gratiā, pharmacopolio. *BRASSA VOL.* Aliud trochiscorum genus in examen afferendum est.

*SENEX. VI.*

Sua sponte trochisci de absynthio accedūt. *BRASS.* Multis sunt nominibus digni, vt & absynthium ipsum nobilissima est herba. sed eia, compositionem quam paras, referto. *SEN.* Ego Mesue compositionem paro, quam antiquis febribus conferre dicit, & hepatis obstructions, ac stomachi aperire, stomachum confortare, & membris nutritionis conferre, appetitūque excitare. *BRASSA V.* Ego his frequēter vtor in longis morbis, in quibus ventriculus, & iecur prauè affecta sunt. at compositionē afferto. *SEN.* Iam attulisses, nisi me interceptisses. *BRASS.* Fieri non potest, quando aliqua occurrunt loquenda, quin aliquādo homo loquatur. *SEN.* Hæc est apud Mesuen horum trochiscorum de absynthio compositio:

*℞. Ros*



℞. Rosarum

Absynthij

Anisi

Singulorum 3 ij.

Rhaued

Succi eupatorij

Afari

Apij

Amygd. amararum.

Spicæ

Mastiches

Folij.

Singulorum 3 j.

Fac trochiscos cum succo endiuia, da cum succo herbarū. **BRASS.** Quid intelligit per herbarum succum? **SENE.** Herbarum supradictarum, supradictæ verò sunt eupatorium, apium, asarum, absynthium. **BRASS.** Intelligisne omnium harum herbarum? **SENE.** Omnium prorsus in compositione positarum. **BRASSAV.** Præberesne tu hos trochiscos cum illarum herbarum succo? **SENE.** Præberem maximè, nisi ægrotus refugeret, tamen impræsentiarum sumuntur cum aquis vi ignis eliquatis. **BRASS.** At ego semper præbeo cum aliquo syrupo iecori, & ventriculo proprio, vel feбри conuenienti, fiuntque syrupi ex herbarum succis, idcirco cum bysantino præbentur hi trochisci.



Trochisci, vel cum aliis affectui propriis. At  
 quid accipis per Rhaued? **SE.** Rhabarbarum  
 simpliciter. **BRAS.** Probè agis, nam cū sim-  
 pliciter Rhaued dicitur vel radix, illa per  
 excellentiam intelligitur, quæ Barbarica  
 radix vocatur, nam omnes alias perfectione  
 superat radices, idcirco simpliciter proferē-  
 do radix ista intelligitur, & apud Mesuen  
 potissimum radix de sceni intelligitur, quæ  
 est exquisitissimum rhabarbarum. **SE.** Cur  
 non vocātur trochisci de rosis, vel de anisis,  
 vt de absynthio nominati sunt, cū hæc  
 sint in æquali pōdere in compositione cum  
 absynthio? **BRAS.** Quantum sit de rosis, ad  
 sunt alij vocati de rosis trochisci, de absyn-  
 thij verò potiùs, quàm de anisis nominati  
 sunt, quia absynthium magis efficax est ad  
 intentionem, ad quam confecti sunt tro-  
 chisci, quàm anisum. Adde paulò post Me-  
 suen trochiscos de anisis posuisse, propterea  
 non abs re fuit, vt hi ab absynthio denomi-  
 nationem sortirentur. **SEN.** In meo phar-  
 macopolio folium quoddam habeo, quod  
 Venetiis emi, & simplici vocabulo folium  
 nominant, & dicunt esse ex India Venetias  
 euectum, & esse verum folium, tamen post-  
 eà audiui non esse verum folium, cui profe-  
 ctò descriptio non quadrat. **BRASSA.** Fo-  
 lium quod malabathrum antiqui vocarūt,  
 h non



non habetur in Italia, nec ad nos ab Indis  
 defertur: tamen Indi folium quoddam ha-  
 bent quod mastificant ad hāitus suaueolen-  
 tiam incitandam, & ego folium istud na-  
 ctus sum ab Illustri Beatrice de Luna Lu-  
 sitana. nobilissima virago hæc ab Indis  
 Ferrariam illud vehi iussit, nomen quod il-  
 lud nomināt Indi à malabathro, deflexum  
 est, nā ipsi appellant hoc folium Betre, ab  
 Arabibus Tambul vocatur. Frutex est sur-  
 culosus foliis iuglandibus, maioribus, pin-  
 guioribus, frangi contumacibus tribus per  
 medium concurrentibus nervis, suauiter  
 spirantibus cū recentia sunt, sicca quen-  
 dam lauri gustum sub lingua referunt, ubi  
 que ferè in tota India perueniens, cultu, &  
 sine cultu nascitur, cultū magis probatur.  
 Indi foliū, & fructū quod Arecā nomināt,  
 & calcem ostreorum simul miscent, medi-  
 camentūmq; componunt ad abstergendos  
 dentes aprū, ad vētriculū firmadū, ad habi-  
 tus inculpato reddēdos, vice pacis hoc fo-  
 liū inter sese offerūt Illustris Beatrix de Lu-  
 na mulier, si quæ alia in toto orbe sit, soler-  
 tissima non tantū me participem fecit  
 malabathri, sed & ipsius histotiam, ac do-  
 tes scriptis tradidit. S E N. Tu igitur mala-  
 bathrum habes? BRAS. Habeo, & in gratiā  
 Illustrissimi HERCVLIS Ducis nostri  
 pro



pro conficienda theriaca seruo. SEN. Quo-  
modo scis tu illud esse folium? BRAS. Quia  
apud Indos nullum aliud inuenitur, quàm  
istud folium, quod in pretio sit, nec aliunde  
affertur, cui Dioscoridis figura conueniat,  
imò nec Dioscorides, nec Galenus, nec Pli-  
nius ipse de folio exquisitè locuti sunt, sed  
de eo loquuntur, tanquã de re ignota, neq;  
aliud est præter hoc folium in India, quo  
ad suaueolentiã excitandã vtatur. SEN. Nónne  
portionẽ aliquam huius folij mihi impar-  
tieris, vt trochiscos hos exquisitè conficere  
possim? BRAS. Nónne dixi tibi me in gra-  
tiam Illustrissimi Ducis nostri hoc folium  
seruare? SEN. Quid ergo à me folij loco ac-  
cipiendum erit? BRAS. Lege Galeni succe-  
danea, & vide quod malabathri loco po-  
nat: hoc, enim accipies, & absq; trochiscis  
de absynthio tuum non erit pharmacopo-  
lium. SEN. Quid tandem pro malabathro  
Galenus accepit, & quid illi substituit?  
BRAS. Nardum Indicam. SEN. Habemus-  
ne Indicam nardum. BRASSA. Quidmi?  
SENEX. Est'ne illa vulgata, quam Vene-  
tiis emimus? BRAS. Illa est, & illa inquam,  
quæ cum tenuioribus capillamentis cate-  
ris odoratior est. SEN. Reperiturne apud  
antiquos pastillorum de absynthio compo-  
sitio? BRASSA. Apud Græcos non reperi-

h 2 tur



tur, at apud Arabes multæ scriptæ sunt cõ-  
positiones, quæ in aliquibus conueniunt, in  
aliis differunt. Nicolaus autem Alexandri-  
nus capite noningentesimo septuagesimo  
tertio compositionem quandam refert tro-  
chiscorum hepaticorum, & ictericorum,  
quæ ex quinque simplicibus in Mesue posi-  
tis constat, nimirum dicti:

℞. Amygdalarum purgatarum

Absynthij

Asari

Anisorum

Apij

Aequalia pondera

Aqua quod sufficit. hæc omnia cribrata  
confice, & trochiscos informa, cùmque o-  
pus fuerit, cum vino dabis. SENE X. Hæc  
simplicia in Mesue compositione prorsus  
sunt, si per amygdalas amaras ipsas intel-  
ligamus, sed a Mesue multò plura dicun-  
tur. BRASSA. Reperitur & apud Gale-  
num trochiscorum amarorum composi-  
tio in octauo, de Compositione medica-  
mentorum secundum locos, quam ad sto-  
machicos valere dicit, & cœliacos, ven-  
trem mollire, ad somnum facere ex comen-  
tariis Aphrodæ, valet etiam vesicæ, & colli-  
vitiis.

℞. Apii seminis 3 vj.

Ani



Anisi tantundem

Piperis albi sexquidrachmam

Castorei 3 ij.

Myrrhæ

Nardi gallicæ floris

Opij

Cinnamomi

Singulorum 3 ij. & β.

Absynthij comæ 3 iij.

Aloës obolos iij.

Mastiches 3 j.

Ex aqua pastillos formato triobolares, aut drachmales, & dato cum aquæ cyathis tribus. **SEN.** Possunt & pastilli de absynthio vocari, quia absynthium recipiunt, & ob ipsum potissimum sunt amari. **BR A.** Neq; intentionem euariant pastillorū de absynthio, quamnis hīc opium ponatur. At **Galenus** apponi dixit, quoniā medicamenti author voluit simul, conficere medicamentum exiccans & anodynū, quodq; somnum induceret. **Actuarius** etiam in libello de Medicamentorū compositione, pastillos quosdā refert amaros, vocatos ad intentionē trochiscorū de absynthio **Mesue**: inquit verò trochiscus amarus, qui opitulatur stomachicis: item iocinerosis, lienosis, & regio morbo laborantibus: ita verò conficiuntur:

**℞.** Seminis Apij

℥ 3      Asar



Afari  
 Absynthij  
 Aniforum  
 Amygdalarum amararum.  
 Singulorum ℥ ij.  
 Misceantur.

**S E N.** Idem sunt cum Nicolai Alexadrini de  
 absynthio trochiscis. At cum non referat,  
 quo liquore confici debent? **B R A.** Cum ni-  
 hil ab authore dicitur, accipe vel aquam pu-  
 ram, vt Nicolaus facit: vel liquorem alium,  
 qui sit ad compositionis intentionem. Auicenna  
 (vt ab Arabes redeamus) duas ponit  
 trochiscorum de absynthio composi-  
 tiones, quarum vna hæc est: nō enim adeo sunt  
 spernendi Arabes, vt eorum compositiones  
 nunquam adducantur.

**℞.** Aniforum  
 Absynthij  
 Afari  
 Seminum apij  
 Amygdalarum amararum  
 Singulorum partes æquales.

Conficiantur cum aqua frigida, & fiant tro-  
 chisci, & dentur in potu. **S E N.** Idem sunt  
 cum prædictis. **B R A S.** Auicennæ compo-  
 sitionē adducere volui, vt eandem esse cum  
 prædictis nosceres: Auicennāq; dicit ad ali-  
 quas febres conferre, esse aperitiuos valde,  
 & pro



& prouocatiuos, & appetentiam proritare.  
s E. Postea quàm primam horum trochisco-  
rum apud Auicēnam compositionem retu-  
listi, & secundam afferre ne graueris. B R A.  
Ita dicit Auicenna: Trochisci de absynthio “  
alij facientes ad hepar, & ad splenem, ac sto “  
machum, & febrem, tertianam, & triangu “  
lam. Ita verò conficiuntur. “

℞. Anisorum aur. ij.

Afari

Absynthij rom.

Seminum Apij

Amygdalarum excorticatarum

Mastiches

Spicæ

Singulorum aur. j.

Aloës succotrini

Folij Indi

Singulorum aur. j. & β.

Succi eupatorii aur. j.

Terantur, & cōficiantur, & informantur tro-  
chisci. s E. Hæc compositio aliquo modo si-  
milis est cōpositioni Mesue. B R A. Similis  
profectò, præterquam in aloë, quæ in hac  
ponitur cōpositione, & in illa Mesue Rha-  
barbarum, & in Mesue compositione ad-  
sunt rosæ, quæ in Auicennæ compositione  
absunt. s E N. Audiui & apud alios authores  
alias esse compositiones ab his differentes.

h 4

B R



BRAS. Ad sunt profectò, & ad eandem sunt intentionem: nam Serapio in septimo tractatu, vbi de Antidotis verba facit, trochiscos de absynthio refert, quos ait obstructions in hepate aperire, & conferre ad febrem antiquam, & urinam prouocare.

℞. Absynthij

Anisorum

Afari

Sem. apij

Amyg. amararum

Singulorum partes æquales.

Terantur, & cum aqua conficiantur. SEN. His similes sunt, quos Actuarius descripsit. BRAS. Imò idem sunt, & eadem præcisè habent simplicia. Duæ etiam reperiuntur apud Halyabatem horum trochiscorū compositiones: quas breuitatis causa, cum eadē ferè sint, prætermittere decreui. SEN. Per herbarum succum, herbarum in cōpositione positarum intellexisti, cur non aliarum herbarum, cum herbæ hæ in compositione iam sint? BRASSA. Nihil refert, & si in compositione sint, iterum eas in succum redactas assumere: tamen si tibi placuerit, intelligere poteris illarum herbarum succum, ex quibus fit syrupus acetosus de succis herbarum, & infusio fit de herbarū succis: poteris per herbarum succos, illos intellig



telligere ita à Mesue vocatos. sē. Tādē quę  
sunt hę herbe, ex quibus hic syrupus cōfici-  
tur? & quare simpliciter hic succus, herbarū  
succus dicitur? B R A. Sunt endiuiā, lupulus,  
buglossum, borago, apium, & fœniculus.  
In hac verò compositione non est accipien-  
dus omnium harum herbarum succus, sed  
tantum fœniculi succus, & lupulorum: ta-  
men res hęc minimi negocij est, nec ma-  
gni refert, an hic, an ille sumatur, modò in-  
tentioni non sit oppositus. nos cum syrupo  
aliquo semper præbemus, vel cum aliquo  
decocto ad trochiscorum intentionem va-  
lente, & cum trochiscis de capparibus non-  
nunquā commiscemus, præsertim quando  
simul adest in liene durities. s ē. Ob hoc &  
consequenter de trochiscis de capparibus  
verba faciamus. B R A s. Sūntne in tua sche-  
da per hunc ordinem dispositi?

## S E N E X V I I.

Hoc nihil refert, modò trochisci de Cappa-  
ribus sub examen veniant. B R A s. Iam igi-  
tur veniant: posteaquā hic de illis tibi  
pertractare placuit. At compositionem quā  
paras, referto. SEN. Paro cum omnibus aliis  
totius Italię pharmacopōlis compositionē  
Mesue, quę ex his conficitur:

℞ Corticum radicum capparīs  
Seminis agni casti

h s

Sing



Singulorum 3 vj.

Nigellæ

Calamenti

Succi eupatorii

Acori

Amygdal. amararum

Nasturtij

Ammoniaci

Foliorum rutæ

Aristolochiæ rotundæ

Singulorum 3 ij.

Cyperij

Scolopendriæ

Singulorum 3 j.

Ammoniacum dissoluatur in aceto, & aliarum rerum pulueres cum eo cōficiantur, & sit dosis eius aur. j. cum vino, in quo coquantur radix capparis, cortex fraxini, & cortex tamarisci, aut extremitates ramorum eius, & cortex salicum, & sunt qui duplicant ammoniacum, & est melius. B R. In nota prorsus (vt dixisti) Italia est horum trochiscorū de capparibus vsus, quanquā apud Aui-cennam vna sit horum trochiscorum compositio ab hac diuersa. S E N. Quænam est illa? B R A S S A. Hæc, quam refero.

℞. Corticū radicū capparorū sextaria iiij.

Ammoniaci sextaria iiij.

Rhabarbari sextaria ij.

Sem



Seminis agni casti

Piperis

Singulorum sextaria vj.

Aggrega has medicinas tritas, & confice ammoniacum cum aceto vini, & aggrega cum eo medicinas, & fac trochiscos. **SEN.** Sunt longè distinctæ compositiones. **BRA.** Imò si Serapionis compositionem spectabis, ab his differre percipies. **SEN.** Illam (nisi referas) spectare non potero. **BRA S.** Referam, vt distinctionem agnoscas. Ita verò dicit Serapio: Trochisci de capparibus ad spleneticos:

℞. Corticum radicum capparorum

Ammoniaci

Singulorum sextarios ij.

Aristolochiæ longæ

Piperis

Semen agni casti

Semen Alphagdi

Singulorum 3 iij.

Soluatur ammoniacum cum aceto, & cōficiantur cū eo sicca, & fiant trochisci, quorum vnusquisque sit drachmæ vnus & semis, & dentur cum secanjabim. **SEN.** A prædictis profectò differunt. **BRA S S A.** Imò & alij scholæ Arabicæ authores in compositionibus differunt, vt Halyabas in primo practicæ, qui duas ponit descriptiones, quæ  
ab



ab illa Mesue distinctæ sunt. At Rasis duas & ipse refert descriptiones, quarum una multum convenit cum illa Mesue, alia minime. illa quam scribit in nono ad Almanforem in capite de Dolore splenis, cum hac Mesue haud modicè convenit. at illa, quam in Antidotario divisionum refert, in capite de Medicinis splenis, cum illa Mesue non convenit. **SEN.** Reperiuntne hi trochisci apud antiquos? **BRAS.** Hos, qui à Mesue describuntur, apud neminem inuenire licet: sed apud Nicolaum Alexandrinum duæ inveniuntur trochiscorum compositiones sub hoc nomine trochisci splenidion, ita enim ait author ille, validus ad duritiem, & ventositatem splenis, & diuersas eius intemperies, quo prior, & melior non inuenitur.

**℞.** Splenidion

Corticum radicum capparorum

Lepidos ferri

Spicæ

Matricis foliorum

Singulorum ʒ xvij.

Myrobalani ʒ x.

Thimi ʒ viij.

Pelecini ʒ v.

Stœcados ʒ iiij.

Scolopendriæ

Absynthij

Singul



Singulorum 3 iij.

Oxymelitis quod sufficit.

Ex his cum oxymelite, drachmeos trochiscos informa, quos cum oxymelite exhibebis. s e n. Intentio eadem omnino est. B R. Eadem prorsus est, idcirco & hi nuncupari possent de capparibus trochisci. s e n. Nónne Serapio multos refert spleneticos trochiscos? B R A s s. Multos nimirum, sed in usu non sunt, at Alexandrinus splenidion, trochiscum magnum vocat, quia alterum facit minorem splenidion, ad eandem tamen intentionem. s e n e x. Ex quibus conficitur? B R A s s A. Authoris verba tibi afferam. inquit, ille ad omnes passiones splenis, tumorem, & duritiem.

℞. Myrobalani

Stœcadis

Singulorum 3 x.

Guttæ ammoniacæ 3 ix.

Radiciſ capparisi

Myrrhæ

Splenidij

Squammæ ferri

Singulorum 3 iij.

Oxymelitis quod sufficit.

E' tritis cum oxymelite trochiscos conforma, quos cum oxymelite epotandos dabis. s e. Eadem est etiã in his trochiscis intetio, sed



sed rebus ipsis ab illis Mesue differunt. **BR.**  
 Non præteribo etiam tibi referre pastillo-  
 rum quoddam genus de capparibus ab his  
 diuersum ab Actuario in libro de Com-  
 positione medicamentorum descriptum. **SEN.**  
 Illud referas, ni molestum sit. **BR.** Minimè  
 molestum est, ita dicit ille author: Trochi-  
 scus è capparibus aduersus lienis œdemata.  
**Rx.** corticum radicum.

capparis

Costi indici

Lachæ mundæ

Spicæ

Polij

Singulorum duellam

Rhei

Aristolochiæ rotundæ

Casiæ duplicatæ

Iunci odorati

Hyeræ amaræ

Misceto cum apiorum aqua, aut cum aceto.  
**SEN.** Ad intentionem quidem aliorum tro-  
 chiscorum conuenire videntur, sed com-  
 positio ipsa ab aliis supradictis differt. Ar-  
 quid intelligit per duplicatâ casiâ? nōdum  
 enim legi casiâ esse duplicatam. **BR.** Nōn-  
 ne audiuiſti casiæ duplum idem pollere,  
 quod verum cinnamomum, atq; simplex?  
**SEN.** Audiui. **BRAS.** Hoc est, quod intelli-  
 git



git author in hac compositione (cū cin-  
namomo caremus) casiam, hoc est vocatam  
canellam, duplicari oportere, vt cinnamo-  
mi vim enanciscatur, erit ergo in compo-  
sitione ipsa accipienda casia ad duplum pō-  
deris aliorum simplicium. s e. Quid est  
hoc simplicium pondus? nam author dicit  
duellam, quid verò sit duella, ignoramus.  
B R A S S A. Cū omnia simplicia in æqua-  
li pondere in hac compositione ponantur,  
vnumquodque pondus intelligit posset, ac  
quia vsus est vocabulo duella, scito duel-  
lam esse tertiam vnciæ partem, vt, scilicet  
sit drachmæ duæ scrupuli duo. s e. Cur cy-  
clamen in Mesue compositione additum  
non est? B R A S S A. Ego plerunq; adiungi  
iubeo ad splenem attenuandum, & tunc  
præcipuè crassas materias atrabiles atte-  
nuant, quas etiam resoluunt, obstructions  
aperiunt, & splenis, ac hepatis duritiem re-  
mouent, crassos flatus in eisdem membris  
resoluunt. s e. Meministne horum trochi-  
scorum Galenus? B R A S S A. Non quidem  
horum, sed in nono, de Compositione me-  
dicamentorum secundum locos, compo-  
sitionem quandam ponit, cuius inscriptio  
est, Pastillus splenicus tumorem eliquat.  
Compositio verò est:

℞. Ericæ fructus 3 iiij.

Pip



Piperis albi  
Nardi syriacæ  
Ammoniaci thymiamatis  
Singulorum ʒ ij.

Arida tunduntur, & cribrantur, ammoniacum aceto scillitico dissoluitur, & aridis additum in pastillos cogitur, sunt autem pastilli drachmæ pondere, datur drachma una ex aceti mulsi cyathis tribus, qui pharmacum hoc tradidit, dixit porcellum ad tri dum hoc bibisse, & postea resectum sine liene inuentum esse. *SEN.* Cur non recipit cappares eiuscemodi compositio? *BRASS.* Non est semper necessarium cappares recipere, at alij sequuntur in Galeno splenetici pastilli, qui lienis tumorem tollunt, & cappares recipiunt. *SEN.* Quomodo conficiuntur? *BRASSA.* Hoc modo, secundum Galenum.

*R.* Ammoniaci thymiamatis  
Rubi foliorum tenerrimorum  
Singulorum ʒ viij.  
Capparis corticis ʒ iiij.  
Myricæ fructus  
Herbæ asplenij dictæ, quæ & scolopendrium, & hemionitis dicitur.  
Nuclei scillæ assatæ, & purgatæ  
Piperis albi  
Singulorum ʒ ij.

Excip



Excipe aquā, & redige in pastillos, atque exhibe drachmam vnam, cum aceti mulsi cyathis tribus.

*S E N E X VIII.*

Trochisci de Charabe, moras rumpunt, ut in examen veniant. *B R A S.* Cur potius non dicis de succino, vel saltem de electro, quæ sunt Latina nomina, quàm de Charabe, quod barbarum nomen est? *S E N.* Hoc ad rem nihil facit apud nos, ita consueti sunt nuncupari hi trochisci. *B R A S.* Neque nos de nominibus curare solemus. at à quo auctore illos accipis? *S E N.* A Mesue qui dicit, Confectio trochiscorum de Charabe abscindentium sanguinem de omni loco manationis eius. Compositio autē hæc est:

℞. Charabe aur. vj.  
Cornu cerui adusti  
Gummi adusti  
Coralli adusti  
Tragacanthi  
Acatia  
Hypocystidos  
Balaustia  
Mastices  
Laccæ  
Papaveris nigri assii  
Singulorum aur. ij.  
Thuris

i. Croci



Crocī

Opīj

Singulorum aur. j. &amp; β.

Fac trochiscos drachmæ vnius cum mucilagīne psyllij. B A A S. Hi sunt trochisci de charabe, qui passim per totam Italiam cōficiuntur. De charabe & simplicibus aliis, in nostro Simpliciuū examine à nobis vbertim scriptum est. S E N. Ad quos proficiunt hi trochisci affectus? B R A S. Sanguinem sistunt vnde quaque fluentem, sed potissimum profluuiū sanguinis narium obsistūt, & venarum ani profluuiū, & vteri. extrā applicati, etiam adstringūt, sed intus sumpti, vehementius hoc agunt, si ex plantaginis aqua, vel alia simili adstringente propinentur, & in anum iniici possunt per clysterem in dysenteria, si cū aliquo liquore misceantur. Sunt qui præbent, cū sanguis à thorace profluit, at in initis cōuenire possunt, cū verò sanguinis portio in thoracis cauitate in pus conuertitur, præberi nō debent, nisi aliis misti rebus, quia nimis adstringunt. S E N. Audiui quandoque hanc compositionem, quam attuli, in diuersis exemplaribus esse diuersam. B R A S. Hoc nihil refert, quia eiusmodi diuersitas non magni faciendā est. nam in aliquibus exemplaribus non adest gummi, nedum gummi adusti



adusti. Sed vel adfit, vel non adfit, parum refert, tamen potius adesse probamus, an verò magis adstringat gummi, quādo adustum est, & non adustum, tu ipse contemplator. nam lingua hoc facile deprehendere poteris. scito prætereā in aliquibus exemplaribus legi hypocystidis, in aliis hencystidis, vtrunque adstringens est, tamen maior codicum pars legit hypocystidis. SEN. Cū aliqua in hac compositione adurantur, aliqua assentur, ad quem finem hoc fit? B R. Adurantur medicamēta, & comburuntur, ac assantur, quando vis vna alicuius medicamenti transmutatur, & alia robustior efficitur, vt cū Rhabarbarum aduritur, & myrobalani, tunc pars tenuis, & quæ soluit, imbecillior efficitur: pars verò terrestris styptica augetur: assatio verò fit, vt pars humida remoueatur, & glutinosa attenuetur, vt in semine lini fit, quando assatur. Veruntamen aliud tertium est, quod præterire non oportet: hoc verò est torrefactio: quæ fit, vt parua quædam humiditas, quæ in medicamento est, aboleatur. at tu dicito, quomodo deprehendes medicamentum aliquod esse adustum, vel torrefactum, vel assatum? S E N. Tunc dicimus medicamētum esse torrefactū, quādo calor per totā substantiam penetrauit, sed non combussit. Tunc

i 2 verò



verò medicamentum combustum esse deprehenditur, quando calor naturalis, & medicamenti proprius in tota medicamenti substantia deperditur, & alium quendam calorem acquirit. *assatum* verò tunc est medicamentum, cum in superficie colorem mutare incipit, & ad oppositum eius, quod est, reducitur. *BRAS.* Quomodo aduris cornu cerui, genera gummi, & coralloſ? *SEN.* Ita facio, illa quæ aduri debent, primò in puluerem redigo, & in terrea olla digesta in furno pono, in quo tota nocte immorentur. si combusta sint, ab olla remoueo, sin minus, sequenti nocte in eundem furnum pono, & integrè aduri permitto, & tertio ac quarto (si opus sit) in furnum remitto, quoad fuerint combusta. *BRAS.* Ita faciendum est. *SEN.* Mihi videtur adustionem nulli competere medicamento, quia adustio substantiam medicamenti aufert, ut non sit amplius idem medicamentum, nec easdem habeat vires. *BRAS.* Iam dictum est aliquas vires resolui, alias roborari in medicamento, quod aduritur, at sex adduntur causæ, cur aduratur medicamentum: quarū vna est, ut medicamenti acrodo remoueatur, *Mesue* teste in Canonibus vniuersalibus, & ob hanc causam calchantum aduritur. Secunda causa est prima opposita,  
aduri



aduri quandoq; vt acredo in medicamen-  
tum inducatur, vt de lapidibus fit, qui cū  
aduruntur, calx efficiūtur, & acuuntur. Ter-  
tia causa est, quando medicamētum partes  
valde crassas habebit, tunc enim penetrare  
non potest, aduritur verò vt attenuetur, &  
ad internas partes penetrare possit, ob hāc  
causam cornu cerui aduritur. Quarta cau-  
sa, medicamentum quandoque aduritur, vt  
melius conteri possit, & ob hoc sericum  
comburitur, quod ante combustionem dif-  
ficulter conteritur. Quinta causa, cur me-  
dicamenta comburantur, est, vt ipsorum  
malitia remoueatur, ob quam causam scor-  
piones aduruntur. Sexta causa est aduri  
medicamentum, vt humiditas superflua  
resoluatur, ob hanc causam myrobalani  
comburuntur, Rhabarbarū & omnia gum-  
mi genera, quæ contra ventris profluua  
præbentur. Adde aduri quandoque medi-  
camenta, vt naturam mutent, quando hu-  
mectant, exiccandi. s. e. n. Hi omnes modi,  
& rationes hę apud Mesuen colligi possunt  
in suis vniuersalibus Canonibus, at in præ-  
sentiarum potius scire cuperem, num eius-  
cemodi trochiscorum compositio apud an-  
tiquos reperiatur. B R A s. Imò reperitur, li-  
cet ab hac sit diuersa. Nunc autē Auicēnam  
prætereo, qui in quinto Canone multas ha-



bet trochiscorum de charabe compositiones. Prætermitto & Rasim in nono ad Almanforem, in capite de Mictu sanguinis, & puris, vbi horum trochiscorum compositionem quandam refert, & in Antidotario diuisionum in capite de Medicinis mēstruorum, & hemorrhoidarum, alteram ponit descriptionem. Prætermitto & Serapionē, & omnes alios Arabes authores, quos tu ipse legere poteris. hunc verò Græcorum authorum compositiones solū adducam, quæ ita inter se diuersæ sunt, vt illæ etiam sunt diuersæ, quæ apud Arabes constant. **SEN.** Mihi rem pergratam feceris, si Græcorum compositiones in medium afferre non pigeat. **BRAS.** Imò erit gratissimum. Actuarius in libro de Compositione medicamentorum, compositionem refert *Αἰκία ἐκλεκτή*, id est de electro, siue succino: est verò hæc, quæ sequitur, quam dicit auxiliari sanguinem expuentibus, & tam inueteratis, quàm recentibus tussibus, mederi phthificis, humorem à pectore reiicientibus, purulenta excreantibus, cœliacis, dysentericis, inflante spiritu turgentibus opitulari. Est & medicamentum finiendis doloribus efficax:

℞. Pŷyllij ʒ xlv.

Ircos, Mastiches

Succini



Succini

Scobis loti

Crocī

Singulorum ʒ xxx.

Lachrymæ papaueris ʒ xv.

Psyllium in feruentem aquam coniectum, finitur macerari, dum glutinosa, & viscosa euadat aqua: dein humor exprimitur, & in pastillos formatur. s e n. Nihil habet cum pastillis de charabe Mesue commune.

B R A s. Nihil prorsus, tamen ad illa valet, quæ retulit author. s e n. Quid intelligit per loti scobem? B R A s. Loti arboris limaturam, vel friamenta illa, quæ decidunt dum lotus secatur. s e n. Alij antiqui suntne de hac compositione locuti? B R A s. Ab antiquis aliæ de electro, seu de succino scriptæ sunt compositiones. Nicolaus Alexandrinus vnam ponit capite nongentesimo quinquagesimo primo, de Cōpositione medicamentorum, vbi ita ait author: Valet hæmoptoicis, empiicis, dysentericis, diabeticis utilis est. Ita verò conficitur:

℞. Electri

Ireos maturi

Crocī

Mastiches

Singulorum ʒ lxxxv.

Psyllij coagulati ʒ xliiij.

i

4

Opij



Opij ℥ iiij.

Psyllij decoctionis quod sufficit.

E' puluerizatis cū decoctione pastillos in-  
forma. s e n. Video & hanc descriptionem  
à præcedente differre. B R A s. Differt so-  
lū in simplicium ponderibus, & in loti  
scobe, quæ præsentem compositionem non  
ingreditur. Paulus Aegineta libro septimo,  
capite duodecimo, pastillum refert ex ele-  
ctro ita confectum:

℞. Psyllij ℥ v.

Mastiches ℥ iiij.

Scobis electri

Ireos

Croci

Singulorum ℥ iiij.

Opij ℥ ij.

s e n. A' præcedentibus non differt. B R A s.  
Modicè differt. arbitrari esse mendum in  
compositione illa, in qua legebatur scobis  
loti, & legēdum esse scobis electri, nisi sta-  
tim in cōpositione iterū esset positum ele-  
ctrum, tu vel tuam sequaris de charabe cō-  
positionem, vel hanc Pauli conficito. s e n.  
Ego illā sequor quæ in usu iam est. B R A s.  
Illam ut lubet sequaris, nam non est despi-  
cienda compositio. s e n. Adsumtne aliqua  
apud antiquos huius generis compositio-  
nes? B R A s. Oribasius Sardinianus in tro-  
chisc



chiscorum compositionibus trochiscū *Δια  
ἐλ ἐκ* id est, de succino, ita confectum re-  
fert, quem dicit facere ad hæmoptoicos, &  
ad tussim antiquam, & recentem, & phthi-  
sicos, & anaphreticos, empiicos, cœliacos,  
dysentericos, in pneumatominos, est au-  
tem ad aurium causas bonus.

℞. Psyllij purgati ʒ xj. quidam ʒ xx.

Ireos illyricæ,

Mastiches

Electri

Limaturæ croci

Singulorum ʒ xxx.

Opij ʒ xv.

Psyllij semen in aqua calida infundens, &  
quando glutinosa fiet aqua, exprimes eam,  
& ex liquore ipso cōficies medicamen fin-  
gens trochiscos, & dabis tres obolos dormi-  
tum eunti. *SEN.* Arbitror particulam lima-  
turam non esse addendam ad crocum, sed  
potius ad electrum. *BRASS.* Tecum sum,  
quia electrum limaturā quidem habere po-  
test, id est scobem, quam crocū habere non  
potest. *SEN.* Eadem esse cum præcedenti-  
bus videtur compositio. *BRASSA.* Eadem  
profectò, nisi in pondere differret. *SENEC.*  
Miror apud Galenum horum pastillorum  
mentionem non fieri. *BRAS.* Imò fit, & o-  
mnes alij à Galeno accepere, in septimo de

i 5 Comp



Compositione medicamentorum secundum locos, prope quarti capitis finem, ubi Galenus ait: Pastillus ex succino, facit hæmoptoicis, diuturnæ, & recenti tussi, phthificis, sanguinem reiicientibus, suppuratis, cœliacis, dysentericis, & inflatis. est etiam Auricularis bona.

℞. Psyllij mundi ʒ lxx.

Ireos Illyricæ

Mastiches

Ramentorum succini

Croci

Singulorum ʒ xxx.

Opij ʒ xv.

Psyllium in aquam calidam cōiectum macerari finito, atque ubi viscosum, ac glutinosum de se in aquam deposuerit, liquorem exprimito, & cum eo pharmacū præparato, in pastillos ipsum cogendo, ex quibus obolos tres ad somnum euntibus dato. Sint autē aquæ sextarij tres, in aliis exemplaribus psyllium ad triduum madescit: deinde ter donec ebulliat coquitur, & ab igne adeptum rursus ad triduum finitur: atque tunc liquor ad pharmaci confectio- nem segregatur. s e n. Eadem cum aliis videtur compositio. B R A S. Pondere tantum in aliquibus differt. alias nunc compositio- nes prosequaris.

S E N



## SENE X. IX.

Trochisci de Spodio accedūt. B R A S. Quos de spodio paras trochiscos? S E N. Duas compositiones in meo, seruo, pharmacopolio, alterā simpliciter de spodio inscriptam, alteram de spodio cum semine acetosæ. B R. Vtraq; referto, nam & Mesue vtrasque scribit compositiones. S E N. En refero:

℞. Spodij ʒ iiij.

Rosarum rub. ʒ vij.

Seminis portulacæ Succi Glycyrrhizæ.

Singulorum ʒ ij.

Confice cum mucilage pſyllij, & fac trochiscos drachmæ vnus, & da cum succo mâli granati, & alij addidēre quatuor seminum, gummi arabici, tragacanthi, croci, Singulor. drachm. j. & sem. Hi sunt trochisci, qui simpliciter apud Mesuen de spodio vocantur. Qui verò dicūtur de spodio cum semine acetosæ ita fiunt.

℞. Rosarum rub. ʒ xij.

Spodij ʒ x.

Seminis acetosæ ʒ vj.

Sem. portulacæ

Granorum Coriandri infusorum in aceto, & torrefactorum

Pulpæ summachiorum

Singulorum ʒ ij. & β.

Amyli assi

Balaust



Balaustiarum

Berberorum

Singulorum 3 ij.

Gummi arabici afsi 3 j. & β.

Confice cum succo acrestæ, da cum aliquo ex robustis stypticis. **BRASS.** Multum differunt hi cum semine acetosæ à præscriptis, & ipsi etiam magis adstringunt, quos & si tu in tuo seruas pharmacopolio: alij tamen multi non seruant. **SEN.** Et nonnulli etiam secundam seruant compositionem, & non primam. **BRASSAV.** Probarem ut secunda hæc seruaretur potius quàm prima, quia intentionem, ad quam trochisci sunt cōfecti, magis perficit: nam ad acutas proficiunt febres, & ad stomachi inflammationē & hepatis, & ad sitim vehemētem, conueniuntque ad profluvia alui biliosa. At hi secundi hæc vehementius agunt quàm primi: valētque ad dysenteria, & ad omne alui profluuium. **SEN.** Ad quam copiam præbentur hi trochisci? **BRASS.** Ad drachmam vnam cum aliquo adstringente syrupo, vel cum aliqua adstringente aqua. Scito tamen non fuisse spodij vsum apud antiquos Græcos per os, sed Arabes qui ex præadustis cannis spodium faciunt, illud per os præbere possunt: tamē neque cum nostro confecti vero spodio venena sunt, si per os sumātur: quia  
magnam



magnam spodij quātitatem non recipiunt: neque est simplex spodium. in vlceribus his trochiscis plerunque vsus sum, & in clysteribus dissolutis cū aqua plātaginis, vel cum realiqua simili. vbi legitur amyli assī, à nōnullis amyli legitur, postea assa: at eiusmodi lectio conuenire non videtur, quia neque fœtida, neq; odorata assa ad horum trochiscorū intentionem cōuenit, propterea legēdum est, amyli assī. **SEN.** Semper ex asso amylo cōfeci. **BRAS.** Quomodo amyllum assas? **SEN.** Eo modo, quo & omnia gummiū genera assanda docet Mesue: nam in frustra redigo ad ciceris magnitudinem plus minus, postea sartago multū calefiat, & ab igne remoueatur, & in ipsa gūmi ponantur, vehementerq; ac citò conficiantur, ac moueantur, donec dealbescāt, si verò caliditas remitteretur, sartago iterū calefiat, idq; tertio, vel quarto, fiat gummi semper remouendo, cū verò album effectum est, tunc à sartagine remoueatur, quia assatio perfecta est. **BRAS.** De gummi generibus optimè dicis, sed quomodo amyllum assas? **SEN.** Eodem modo. **BRAS.** At eodem modo quòd assatum sit cognoscere non potes, quia gummi assatum esse cognoscitur cū dealbescit, at amyllum suapte natura album est. **SEN.** Amyllum assatū esse cognoscitur, quando



quando ipsius color alteratur, & immutatur, à te autem peto quare coriandra præparentur, & quare torrefiant? B R A S S. Præparari dicunt ut nescio quid venenosi ab eis auferatur, quod authores illis inesse dicunt, & Dioscorides iubet frequenter eius usum esse cauendum, quia mentem largius commouet magno discrimine. Dioscorides etiam, ubi de Vino in communi verba facit, de meraco, syncero, & austero dicit copiosiore haustum valere contra cicutam, & coriandrum: ut arbitrari videatur inter frigida venena coriandrum numerari, quia antidotum contra ipsum est vinum meracius, & in sexto libro capite decimoquinto inter venena coriandrum numerat, signaque ponit, ac symptomata quæ infert, denique cum quis illud ederit, & lædatur, antidotum est vinum meracius solum, aut meracius cum absinthio. S E N. Ergo vino præparandum erit? B R A S S A. Tu igitur quomodo præparas? S E N. In primis aqua padana coriandra lauo, ut pulvis abeat, optimæque lauentur, & in aqua per tres dies dimittantur, quotidie aquam mutando, sed ego muto etiam sæpius in die, deinde ab aqua remoueantur, & per quatuor dierum spatium in acerrimum acetum infundantur, quotidie verò sunt sæpius manu verteada, deinde



deinde colanda, postea per tres dies in cotoneorum succum, & aquam rosaceam ad æquales partes infundantur, & frequenter manu tractentur, deinde percolentur, & Soli exponantur, ut exsiccentur, itaque præparati dicuntur, sed egregie exsiccare debent.

**BRASSA.** Hæc est communis apud omnes præparatio. Et cum aqua frigida sit, acetumque frigidum, nescimus quomodo coriandrum præparare possint, quod sua frigiditate venenū est. **SEN.** Quid igitur agendum?

**BRASS.** Ego potius vino meraciore hoc modo pararem. vino meraco coriandra egregie lauarem, postea per quatuor dies in meracius vinum seruarem, interdum manu tractando. Denique in vinum creticum odoratum per alios quatuor dies seruarem, postea in Sole egregie exsiccarem, quia vinum venenosam coriandri naturam potius corrigit quam acetum, vel aqua, quoniam ut Dioscorides monet, coriandri noxæ meraciore vino corriguntur. **SEN.** Tamen vniuersus orbis ex aceto semper præparauit. **RR.**

Præparet quomodo lubet, hic est verus secundum Dioscoridem præparandi modus,

ex vino, scilicet meraciore. **SEN.** Cur dicis ita præparanda esse secundum Dioscoridem?

**BRASSAVOL.** Quia Galenus alterius sententiæ est: nam ut Dioscorides coriandra frigida



frigida esse iudicat, ita Galenus calida, & ex contrariis facultatibus constare, & composita esse, plurimùmque habere essentiae amaræ, quo ostenditur esse tenuium partium, & terrenarum, neque parum obtinere aqueæ humiditatis, quæ tepentis est facultatis, his habent nonnihil obstructionis adiunctum. Vnde illa quæ à Dioscoride dicuntur ad quæ valeant coriandra, vera prorsus sunt, sed illa agit variè, & non ex sola frigidityte. Dioscoridémque reprehendit, utpote qui dicat coriandrum cum pane, aut polenta illitum sanare erysipelas. At hoc absurdum est (inquit) si de vero loquatur erysipelate. at erysipelas profectò sanat, cum in declinatione est, & refrigeratum sit. Dioscorides præterea ex se ipso reprehenditur, qui dixerit coriandrū strumas discutere cum exiguo lomento, at si frigidum esset, hoc efficere minimè posset, propterea calidū esse oportet. **SEN.** Si calidum est, ergo nostra conveniet præparatio. **BRASSAVOL.** Iuxta Galenum convenire poterit. At ego non arbitror coriandra magnam habere caliditatem, sed illam solū, quæ in primo ordine est, habere, & fortè ad primam partem secundi ordinis attingere. Auerois primo ordine illud esse dicit, arbitraturque si quispiam succum coriandrorum in  
nouilunio,



in nouilunio biberet, moriturum esse. Auicenna verò secundum Humani illud frigidum facit in fine primi, vel in principio secundi, & siccum in secundo. hícq; Humani Galeno contradixit ex Rufo, & Archigene, quí coriandra fecere frigida. At Auicenna siccum quidem esse arbitratur. sed modicè calidum. Auicennâq; inquit, quatuor succi coriandrorum vncias hominem (tristitiam inducendo) necare, & ipsius frequentem vsum syncopin prohibere. SEN. Tu verò quid censes? BRASSA. Nunquàm probaui coriandrorum vsum, neque aliorum simplicium, quorum qualitates sunt apud authores incertæ, & sub dubio, illámque ex vino correctionem probo. SEN. Deinceps vt docuisti efficiam. sed ob quàm causam coriandra torrentur? BRAS. Vt magis stiptica sint, nã ignis vis illa magis exiccantia reddit. SEN. Reperitúrne eiuscemodi compositio apud alios authores? BR. Apud antiquissimos minimè reperitur, at Actuarius in libro de Compositione medicamentorum, pastillos conficit de spodio contra febrem acutam, & iocinoris excelsationem, & aduersus sitim, quæ continenter excruciat, quorum compositio talis est:

℞. Rosarum sextulas quatuor.

k Spod



Spodij

Seminis portulacæ

Succi dulcis radicis

Singulorū duellam.

Tragacanthæ candidæ

Amyli

Singulorum sexquidrachmam

Sacchari duellam.

Subigito cum psyllij succo. portio ex puni-  
 corum malorum latice. s e. Non magnopere  
 differt à prima compositione, quæ est sim-  
 plex de spodio vocata. B R A S S A. Tamen  
 differt, & si simpliciter illa accipiatur, &  
 etiam in illa addantur, quæ à Mesue sub-  
 duntur. s e n. Illane intelligis, quæ de qua-  
 tuor frigidis seminibus dicit? B R A S S. Illa  
 inquam cum tragacantho gummi arabi-  
 co, & croco, sed quid accipis tu per quatuor  
 semina, cum non se determinet Mesue de  
 quibus intelligat seminibus? s e. Ego sem-  
 per accipio quatuor semina maiora frigi-  
 da, communia dicta, quæ sunt peponis semi-  
 na, cucurbitæ, cucumeris, & citruli. B R A S.  
 Cur potius non accipis semina minora frigi-  
 da, quæ sunt lactucæ, endiviæ, fscariole, &  
 cicoreæ semina? s e n. Quia illa accipi con-  
 suetum est apud authores. B R A S S. Imò &  
 præter consuetum illa etiam meritò intel-  
 ligenda sunt, cum simpliciter dicitur, qua-  
 tuor



tuor femina maiora, scilicet frigida semina, cum quia nobiliora, tum quia perfectiora. **SEN.** Suntne alia horum trochiscorum apud Arabes saltem compositiones? **BR. A.** Imò multæ extant, quæ ad eandem tendunt intentionem, nam apud Halyabatem in decimo Practicæ, tres sunt trochiscorum de spodio compositiones, & Auicenna in quinto Canone duas refert compositiones, quæ & si aliquo modo ab his Mesue differant: tamen & ipse vnâ habet cum semine acetosæ, Serapio & ipse tres habet compositiones, quarum vna acetosæ semen recipit. Rasis verò non quidem in vno loco, sed diuersis in partibus diuersas etiam scribit compositiones, vt in nono, & in decimo ad Almanfotem, & in Antidotario. **SEN.** Auicennæ compositiones, & Serapionis saltem nã audire percuperem. **BR. A.** Tu illas cum otium dabitur legere poteris, interim ad alias trochiscorum compositiones te accingito.

**SENEX X.**

Trochisci de Camphora huc accedunt. **BR.** A quo authore illos accipis? **SEN.** A Mesue, qui ait ad febres conferre multæ inflammationis, & ad sitim vehementem, & incensionem cholæræ rubræ, & sanguinis ebullitionem, & supercalefactionem stomachi, & hepatis, & icteritiam, & conferunt

k 2 hec



hectica, & phthisi. BRAS. Quomodo illos conficit? nam per totam Italiam, hi seruantur de camphora Mesue trochisci. SEN. Ita illos parari docet Mesue:

℞. Foliorum rosarum ʒ iiij.

Spodij ʒ ij.

Sandalorum citrinorum ʒ ij.β.

Croci ʒ j.

Glycyrrhizæ ʒ ij.

Seminis citrulli

Melonis

Cucumeris

Cucurbitæ

Tragacanthi

Gummi

Spicæ

Singulorum ʒ j.

Ligni aloës

Cardamomi

Amyli

Camphoræ

Singulorum ʒ j. partes ij. idem ʒ ij.

Zucheri tabarzet

Tereniabin

Singulorum ʒ iiij.

Cōfice cum mucilagine psyllij, & aqua rosacea. BRAS. Auicenna quinque posuit horum trochiscorum compositiones, sed hæc sola illa est, quæ in usu habetur, veruntamen aliq



aliqua Auicennæ compositio ad hanc alludit, nulla tamen eadem est. Serapio vnā habet ab hac distinctam compositionem, & Halyabas in primo Practicæ duas, & Rasis duas refert compositiones. s. e. n. Sūntne in eodem loco apud Rasim? B R A s. Non prorsus, quia vna est in capite de Cordis tremore, altera verò in capite de Ictericia, sūntq; inter se differentes. Adde prætereā in capite de Medicinis hepatis aliam attulisse ab his descriptionem, hocq; est in diuisionum Antidotario, imò & in capite de Hectica febre aliam quandam describit, quas omnes surda aure pertransire decreuimus. s. e. Hæc compositio secūdum Mesuē conuenit ad febres multę inflammationis, & ad sitim vehemētem, at cur spicā recipit quę calida est? B R A. Cūm in biliosis præbetur febribus, spicam prorsus auferrem, crocum, cardamomum, & lignum aloës, quamquam rem hanc haud magnificiendam esse arbitror. s. e. Sūntne apponendæ æquales partes aquæ, & mucilaginis psyllij? B R. Minimè, at intelligenda est psyllij muccilago aqua rosacea extracta. s. e. Nonnullos audiui, qui inquit horum trochiscorum loco collyrio albo Rasis nos vti posse, quod calida haud recipit. B R A s. Cūm hi trochisci de Camphora per os quandoque sumā-

k 3 tur



tur, & collyrium album per os sumi non debeat, quia cerussam recipit, idcirco pro eodem accipi non debet. Quod autem superius dixi intelligendum esse psyllij mucilaginem aqua rosacea esse educendam, ita fortè intelligendum est, quòd gummorum genera, quæ compositionem ingrediuntur, aqua rosacea dissoluantur, reliqua deinde psyllij mucilagine cōmisceantur, & in trochiscorum formam reducantur, tamen quicquid sit, hoc non est magni momenti negotium, tu verò compositionem aliam adducito. *SEN.* Nullus est apud antiquos qui de his trochiscis mentionem fecerit? *BR.* Neq; ipsa camphora fuit antiquioribus nota, nedum de camphora trochisci.

*SENEX. XI.*

Ad trochiscos igitur de Terra sigillata pedem conferamus. *BRAS.* A quo autore desumuntur? *SE.* A Mesue. *BRAS.* Sunt ergo illi quos Mesue inuenit, qui ad sanguinis sputum, ac egestionem (vt ait) sunt summi iuuamenti, & præsertim si cum aqua arnoglōssæ recipiantur. Additq; Mesue nonnunquàm liniiri ex vno eorum supra frontem, & fluxum sanguinis à naribus sedari, & liniiri ex eo supra vterum ad menstruorum fluxum, & sedari, & quandoque (inquit) in matricem immittuntur, & quandoque



doque linitur supra pectinem, & immittuntur in vesicam, & nonnunquam supra membrum ponuntur, à quo sanguis emanat, & mirum in modum iuuant. at tu compositionem referto. s e. Hæc est quæ sequitur.

℞. Sanguinis draconis .

Gummi Arabici aysi

Ramich

Foliorum rosarum

Seminum rosarum

Amyli aysi

Spodij

Acaciæ

Hypocystidos

Lapidis hæmatitis

Eupistidos

Balaustia

Boli armenæ

Terræ figillatæ

Sedenagi

Coralli

Charabe

Singulorum 3 ij.

Margaritarum

Tragacanthi

Papaueris nigri

Singulorum 3j. vel partem tertiam.

Portulacæ assæ

Cornu cerui adusti

k 4 Thur



Thuris  
Gallarum  
Crocī

Singulorum 3 ij.

Misce & fiant trochisci cum aqua arnoglōssæ, & da cū aqua, id est decoctione spōdij, gummi, boli armenæ, & spicæ. Mesue post hæc ita sequitur, & quandoque inuitat necessitas, ut ponatur in eis opij 3 ij. & quādoq; plus, & quādoq; minus, ut oportet. BR. Cur non prosequeris? SEN. Compositio iam finita est. BRASSA. Multa alia à Mesue dici non ignoro. SEN. Ad compositionem verò non spectant. BRASSA. Tamen ad compositionis vsum magnoperè faciunt, propterea & illa adducenda sunt. SEN. Ita igitur prosequitur Mesue. Modus autem administrationis eorum est, secundum tres modos. Ad fluxum sanguinis ex pectore aut pulmone administrandi sunt cum aqua portulacæ. Et ad excoriationem cum rob citoniorum, aut cum aliquo robore stypticorum. Et ad manationē sanguinis ex partibus inferioribus confert iniectio eorum, cum aqua virgæ pastoris. BRASSAVOLI. Cur hoc erat prætereundum? at quid intelligis per sedenagi? SEN. Canabis semen, tu verò? BRASSA. Barbarum nomen est. quidam interpretantur terræ fumum, alij  
canab



canabis semen. Canabis semen potius intelligerem, cum sit adeò siccum, ut vehementer in corpus humanum siccitatem inducat. Nota verò aliquos, ubi dicit emphitidis, vel enstitidos intellexisse canabis semen, & per sedenegi lapidem hæmatitim, à quibus non dissentirem, nisi lapis hæmatitis iterum esset positus, propterea à arbitrator latinum nomen fuisse positum, & unà arabicum fuisse retentum, vel per enstitidem illud intellige, quod in nostro. Simplicium examine scriptū reliquimus. quicquid tamen sit, magnificandum non est. At dic sodes, quid accipis per ramich? s. n. Gallam moschatam accipio, & semper accipi. B. R. A. S. S. Et semper errasti, nam ramich compositionis nomen est, & Serapio capite ducentesimo quadragesimo libro de Simplicibus, inquit, esse materiam, ex qua fit galla, hoc est esse compositionem quæ gallam ingreditur. multæ sunt compositiones quæ ramich dicuntur, omnesque stypticæ sunt, & adstringentes, vnde ramich vnum fit ex gallis, aliud fit ex dactylis immaturis, aliud fit ex granatorum corticibus, aliud ex herbis asperis. In summa verò Albafari concludit, quòd huius compositionis species, id est pulueres ex quibus componuntur, sunt frigidæ, & siccæ. in Mesuæ

k s per



per ramich compositionem intelligo, quæ ex rebus fit adstringentibus, quæ gallam moschatam ingrediuntur, & erit moschata galla, si illi moschus addatur, et pulveres odorati, unde ita fiet ramich.

**R.** Ambræ, id est, succini partes tres.

Glutinis tragacanthi quantum sufficit.

Misce ex aqua rosacea quantum satis est ad commiscendum, vel fiat ramich ex gallis, si postea addideris illi compositionis quam ex succino, & tragacantho fecimus, xylo aloës partes quinque, moschi boni partem unam, & simul misceantur, tunc est perfecta galla moschata, ut hinc elici possit ramich gallam moschatam ingredi. Arbitror in hac compositione ramich istud accipendum esse, hæcque compositio est ex calidis, & frigidis composita. **S E N.** Tamen ego vidi alios, aliter confecisse ramich. **B R A.** Neque ego pharmacopolas ignoro, qui suum ramich ita conficiunt:

**R.** Succo acetosæ vel citoniorum ℥ xvj. Bulliant ebullitione una, cum uncia una foliorum rosarum, & cum unciiis duabus granorum myrti, & postea colentur, & in colatura misceantur gallarum recentium humidarum tritarum ultima contritione ℥ v. coquantur adhuc, deinde puluerizentur foliorum rosarum ℥ j.

Santal



Santalorum alborum ʒ j. & quartam  
partem

Gummi aſsi ʒ β.

Carnis ſummachiorū

Spodij

Singulorum ʒ v.

Succi agreſtæ ʒ viij.

Succi granatorum

Myrtillorum tritorū vltima cōtritio

Singulorum ʒ iiij.

Ligni aloës

Cariophyllorum

Macis

Nucis moſchatae

Singulorum ʒ iiij.

Inuoluantur omnia ſimul, & extende in  
ſcutella lapidea, donec ſiccentur, & poſtea  
ſubtiliter puluerizentur, & cum aur. vno  
camphoræ, & aqua roſacea fiant trochiſci,  
quorum vnusquiſque ſit ad vnus drachmæ  
pondus. ſ E N. Aliquos vidi, qui ex gallis, ac  
paſſulis ramich conficiebant. B R A S S. Imò  
& ramich multis aliis conficitur modis,  
quod tibi magis placuerit, accipito, mihi  
verò id ſumēdum videretur, quòd moſcha-  
tam gallam ingreditur, de qua ſuperiùs  
mentionē fecimus, tamen hoc quod ſtatim  
retulimus, eſt Meſue ramich, & eſt compoſi-  
tio quā dicit alias ingredi cōpoſitiones, &  
confor



confortare stomachum, cor, & hepar debilia, & ad viscerum valere lubricitatem, & intestinorū, acuitatēq; sedat, & biliosum fluxum sistit, ac vomitum, & sedat animā, & ex eo acquiritur in hoc iuuamentum magnum, & ad sanguinis fluxum vndecunq; confert, & exufflatur ex eo in nares ob sanguinis fluxum ex eis. **SEN.** Intentionem habet trochiscorum de terra sigillata. **BR A.** Prorsus habet, at nisi vniuersus orbis compositionem constringentem intelligeret, arbitrarer ego ramich nō esse legendum, sed rimech. Est verò rimech herbæ simplicis nomen, quæ in parietibus nascitur, & vim constringendi habet. **SEN.** Mesue ad tot affectus conferre dicit, tamen extrinsecus semper applicat, nōne posset & per os præberi? **BR A S.** Posset profectò, & debet, quando opus est, & nōnunquā per os exhibui, & Mesue per os exhibet. At alia iu præsentiarum prosequaris trochiscorum genera.

### SENE X XII.

Trochisci Stellæ huc accedunt. **BR A S S A.** Cuius authoris sunt? **SEN.** Hoc nunquā legi, neque audiui, sed in meo pharmacopolio semper parauī, vt præceptor meus, à quo hanc artem didici parare consueuerat. **BR A S S A.** Quomodo parabat tuus  
ille



ille præceptor? s E N. Hoc modo.

℞. Myrrhæ

Castorei

Spicæ nardi

Cassia lignæ

Terræ sigillatæ

Corticū mandragoræ

Singulorum ʒ iiij.

Opij

Croci

Costi

Stellæ terræ

Singulorum ʒ v.

Papaueris albi ʒ vj.

Dauci

Anisforum

Sileris montani

Seminis hyoschiami albi

Styracis liquidæ

Seminis apij

Singulorum ʒ viij.

Infunde Gummi in vino odorifero, & tere  
medicinas, & confice cum eo, & fac trocht-  
iscos, quorum vnusquisq; sit ponderis semi-  
drachmæ, & exiccentur in vmbra. B R. Ho-  
rum igitur trochiscorum authorē ignoras?  
s E. Prorsus ignoro. B R A. Quid deponeres,  
si illum tibi patefacere? s E. Quod tibi ani-  
mo erit. B R A. Sunt apud Serapionē septi-  
mo



mo de Antidotis tractatu, primiq; sunt in ordine trochisci, in hoc tantum à prædictis differunt: quia in prædictis drach.v. stellæ terræ ponuntur, in illis verò Serapionis drachm.iiij.sunt, & apud Auicennam in quinto Canone primo ordine, & Auicenna quinque stellæ terræ drachmas recipit. s E. Ad quos valent hi trochisci affectus. B R A. Auicenna dicit esse compositionem ab antiquis magnificatam, quæ non permittit vitam recedere, conueniunt (inquit) stomacho superfluitates recipienti ex reliquis membris expulsas, & auferunt eructuationem acetosam, & liniuntur supra frontem, & capitis dolorem sedant, & conferunt ad catarrhos, & ad dolorem dentium positi cum galbano in coroso ex eis, & conferunt ad auris dolorem, & ad sputum sanguinis, & cursum eius ex omni membro, & ad tussim chronicam, & conferunt ad periodicas febres sumpti in potu cum aqua samplici, & ad venena ex percussione cum aqua rutæ ebibita, & ponatur in eis stella terræ. s E N. Sunt ergo non modicè proficui trochisci. B R A S S A. Imò dignissimi, ut in usu sint, qui ita vocantur à stella terræ, quæ compositionem ingreditur, Est verò terræ stellares illa, quæ talco vulgò appellatur, de qua in Simplicium examine vbertim differuimus.



mus. Mesue in calce capitis de Tussi humi-  
da, mentionem facit trochiscorum stellæ  
secundū Galenū, sed neq; Galeni locū, neq;  
cōpositionem refert. Nam dicit Galeni tro-  
chisci cognominati affernus, & sunt tro-  
chisci stellæ, conferunt huic tussi iuuamētū  
sublime, & propriè dati cum rob. dosis eo-  
rum est à tertia vnus drachmæ parte, ad  
semidrachmam, & sunt ex hominibus, qui  
dant ex aqua hordei. s. e. Reperitūrne apud  
Galenum, aut apud aliquem antiquum  
authorem? B R A S S. Compositionem hanc  
apud antiquos nunquā inuenire licuit,  
tamen apud eosdem trochiscorum com-  
positiones inueniuntur, quas vocant Aster,  
quod nomen stellam significat Paulus Ae-  
gineta libro septimo, capite duodecimo,  
pastillum refert, cui cognomentum Aster.

Accipit Croci

Opij

Castorij

Spicæ nardi

Cassia

Myrrhæ

Terræ lemuia

Corticis mandragoræ

Singulorum 3 iij.

Dauci

Apij

Anisi



Anisi  
Seseleos  
Seminis alterci  
Styracis

Singulorum 3 viij.

In vino diligenter contere, & leuigato. s e.  
Hæc compositio illi mihi similis videtur,  
quam ex Serapione, & Auicenna adduxi-  
sti. B R A S S A. Imò hi authores à Paulo (vt  
arbitror) acceperunt. s e n. Tamen Fauli  
compositio terræ stellam non recipit. B R.  
Non recipit vt videtur, sed hos suos rochi-  
scos à dignitate Aster appellat, non autem  
ab astro, vel terræ stella, quæ compositio-  
nem ingrediatur. s e n e x. Sûntne alij au-  
thores, qui eiusmodi compositionem re-  
ferant. B R A S S A V O L V S. Imò adsunt.  
nam Aetius libro nono, capite decimo,  
vnam refert, quæ ab hac aliquantisper dif-  
fert, & ad infinita propemodum valere  
dicit. s e n e x. Ad quæ valet, nisi referre  
te pigeat? B R A S S A V O L V S. Imò non pi-  
get, idcirco audias quid de illa dicat Ae-  
tius. Inquit enim: Asclepiade pastillus  
, inexuperabilis, Aster appellatus, Pharma-  
, cum quod prosperè accommodatur, do-  
, lorem leuans, somnum inducens, multæ  
, omnino vtilitatis, etenim morbos circa  
, stomachum mirabiliter sanat, acidus ru-  
ctus



ctus, & difficilem concoctionem aufert, in-  
testinorum tormina, & voluolos, inflatio-  
nesque curat. prodest hic pastillus, ad capi-  
tis dolores potatus, & aceto dilutus forin-  
secus fronti illitus. Ad dolores aurium fa-  
cit, perdicij succo liquefactus: facit & ad  
dentium dolorem tritus, & galbano exce-  
ptus, aut fici succo, & cauernæ inditus. Ad  
oculorum affectionem, ex fluxionum im-  
pressionem, passo diluitur & lana ex eo irri-  
gata imponitur. In tonsillarum affectioni-  
bus tepesfactus ac dilutus ex aqua mulsa,  
præbetur gargarissandus. Vtilis est ad om-  
nem sanguinis fluxum vino myrtite disso-  
lutus. Ad destillationes, inueteratasque &  
recentes tussis affectiones vino scybelite,  
aut thereo eliquatus. Prodest suppuratis, &  
phthificis marrubij decocto liquefactus,  
prodest dysentericis, cholericis, & sangui-  
nem reiectionibus, sanguinariæ succo dilu-  
tus, prodest ad omnium reptilium plagas,  
ex rutæ decocto potatus. Soluit per circui-  
tum repetentes febriles accessiones, si dua-  
bus horis ante aduentantem febrem ex vi-  
ni diluti cyathis tribus exhibeatur. Fœmi-  
narum menses ciet, artemisiæ succo dilutus,  
ac potatus: facit & ad vesicæ affectiones vi-  
no mulso solutus, quo modo & ad vuluæ  
strangulationes prodest potatus: facit ad

1 artic



„ articulorum dolores, & podagram gentia-  
 „ næ decocto dissolutus, & potatus. s e n. Si  
 ad tot confert eiusmodi Aster, aliis non  
 indigebimus medicamentis. B R A S S A. Ad  
 multa prorsus valet, sed ad aliqua non tam  
 vehementer, vt alij faciunt trochisci. s e n.  
 Aetij compositionem referto. B R A S. Re-  
 feram, ita dicit author:

℞. Castorei

Opij

Myrrhæ

Vniuscuiusq; 3 iij.

Gingiberis 3 iij.

Spicæ Nardi

Casie

Terræ lemnis

Corticis mandragoræ

Vniuscuiusq; 3 iij.

Croci 3 vj.

Dauci

Styracis

Anisi

Seseli

Seminis hyoschiami

Singulorum 3 viij.

Gingiberem, styracem, & opium in vino  
 odorato dissolue. Reliqua autem cōtusa, &  
 cribrata insperge, ac simul vnita in pastil-  
 los redige ciceris magnitudinem æquan-  
 tes



tes, quibus in umbra desiccatis utitur. s. e.  
 Mihi non videntur à pastillis Pauli mul-  
 tum differre. B R A S. Nemo multum dif-  
 ferre dixit: nam in simplicium numero  
 non differunt: in eo autem differunt, quòd  
 vnus aliqua habet simplicia, quæ ab altero  
 non habentur: utræque tamen compositio-  
 nes in eandem intentionem collimant.  
 Actuarius & ipse in libro de Compositione  
 medicamentorum suum Astrum describit,  
 cui & multa attribuit, at non tot quot Ae-  
 rius, & hæc quæ ab Actuario dicuntur in  
 illis continentur, quæ ex Aetio retulimus.  
 Ita verò compositionem parari iubet A-  
 ctuarius:

℞. Croci terni oboli  
 Seminis apollinaris herbæ 3 vj.  
 Seminis apij 3 vj.  
 Anisi  
 Styracis  
 Seminis Dauci  
 Singulorum 3 iiij.  
 Cnici  
 Lachrymæ papaueris  
 Singulorum 3 iij.  
 Castorei  
 Myrrhæ  
 Singulorum siciliquum.  
 Sūt qui quaternas succi mādragoræ drach-  
 1 2 mas



mas adiiciant, vt Xenocrates, piperis candidi 3 vj, ex aqua coguntur in pastillos, qui trium obolorum pondus æquent, & ex aqua præbentur. s. r. Hæc compositio cnicum habet, quo aliæ carent compositiones, quinque præterea in ipsa defunt simplicia.

BRAS. Imò nulla defunt simplicia, quia talis est, qualem retulit author. s. r. Alij authores feceruntne astra ab his diuersa?

BRAS. A quo putas Aetium accepisse? à Galeno accepit prope calcem tertij capitis, octauj libri, de Compositione medicamentorum secundum locos, vbi duas refert compositiones, Astra nuncupata, quarum secunda ab illa Aetij modicè differt, imò vbi differt arbitrandum est Aetium esse mendosum, aut certa fide illa non accepisse, quæ à Galeno scripta sunt. Aetius verò omnia retulit Galeni verba in affectibus, ad quos valet, vt in ipso sunt authore, propterea repetere non est opus, sed compositionem tantum adducemus, vt differentiam quæ in his habetur Astris cognoscere possis: ita igitur conficit:

℞. Myrrhæ 3 iiij.

Styracis 3 iiij.

Nardi Indicæ 3 iiij.

Cassia fistulæ 3 iiij.

Terræ lemnia quæ sphragis, hoc est sigillum



lum appellatur, ʒ iiij.  
 Corticis mandragoræ ʒ iiij.  
 In alio exemplari etiam piperis ʒ iiij.  
 Croci ʒ vj.  
 Succipapaueris ʒ vj.  
 Seminis Dauci cretici ʒ viij.  
 Anisi ʒ viij.  
 Seseleos mafsiliensis ʒ viij.  
 Seminis Apij ʒ viij.

Myrrha, & styrax, atq; opiū vino dissoluū-  
 tur odorato, & teruntur. Arida verò tui-  
 duntur & cribrantur, ac deinde simul mi-  
 scentur, subiguntur, ac in pastillos cogun-  
 tur ponderis drachmæ dimidiæ, & in um-  
 bra resiccantur. **SEN.** Non adest in hac Ga-  
 leni compositione castoreum. **BRAS.** Nihil  
 ad me facit: nam satis mihi fuit composi-  
 tionem præ oculis tibi ostendisse, ut ex te  
 ipso differentiam deprehendere possis. **SE.**

Quòdnam est alterum Galeni Astrum?

**BRAS.** Hoc quod sequitur: tamen in Ga-  
 leno est ante præscriptum: inquit verò  
 Aster stomachichus, facit ad eos quibus ci-  
 bus in vètre acescit, ad tormina, destillatio-  
 nes, dolorem capitis spuentes sanguinem,  
 tabescentes, affectiones circa vesicam, &  
 vterum. præparatur sic:

℞. Succimandragoræ ʒ iiij.  
 Myrrhæ ʒ iiij.

1 3 Balauft



Balauftij 3 iiij.

Castorei 3 iiij.

Croci 3 iiij.

Opij 3 vj.

Anisi 3 viij.

Seminis apij 3 viij.

Styracis 3 viij.

Hyssopi cretici 3 xij.

Seminis hyoschiami albi 3 xij.

Componito pro more, & digerito in pastillos, dato pro viribus, liquor sit affectioni conueniens. *SEN.* Et hoc Astrum aliquam habet cum aliis affinitatem. *BRAS.* Adde & multam cum aliis habere differentiam. sed hoc ad rem nihil facit, pro stellæ trochiscis ego Astrum ex Galeno adductum in meo pharmacopolio conficerem. Serapionis verò, & Auicennæ stellam prætermitterem, quanquam neque horum authorum stella vitio vertenda sit: nam intentiones ferè æquales habent: at tu trochiscos alios in medium afferto.

*SENEX XIII.*

Trochisci de Thure sese sponte offerunt. *BRAS.* A quo desumuntur authore? *SEN.* A Rasi in nono ad Almanforem in capite de Singultu. *BRAS.* Quomodo illos conficis? *SEN.* Vt author ipse refert, qui ita conficit:

*℞. Thur*



**R.** Thuris 3 v.

Enulæ 3 iij.

Mentastri

Foliorum rutæ siccæ

Amyli

Singulorum 3 ij.

Seminis nemen 3 iij. & β.

Informetur ex his trochisci pondere vnus  
aur. **B R A S.** Quo liquore, aut qua re confi-  
ciendi sunt? **S E N.** Ab authore non expri-  
mitur: ego autem semper mel rosatum co-  
latum accepi. **B R A S.** Prosequaris & dein-  
ceps, nam ex melle confici summè placet.  
**S E N.** Per nemen quid verè intelligendum  
est? **B R A S.** Quid accepisti tu, quādo aliās  
eiuscemodi trochiscos parasti? **S E N.** Serpil-  
li semen semper accepi. **B R A S.** Et eo dein-  
ceps semper ytor, non sunt in magno vsu.  
**S E N.** At in meo pharmacopolio semper ha-  
bui, licet rarò vendiderim: verum ad quos  
conueniunt affectus? **B R A S.** Pars illa in qua  
apud Rasum referuntur, ad singultum con-  
uenire ostendit. At ad alias compositiones  
re conuertito.

### S E N E X X I I I I.

In meo inordinato ordine trochisci de Vio-  
lis suam sedem hic fixere. **B R A S.** A quo  
authore accipiuntur? **S E N.** A Mesue in suo  
Antidotario, qui illos ponit sub nomine ha-

l 4 mech



mech: unde nonnulli ita illos inscribunt, Trochisci de violis hamech. BRAS. Illi sunt, quos dicit inflammationes sedare, vētrem lenire, & pectus mundificare. Illorum verò compositionem referto. s. EN. En refero.

℞. Foliorum violarum inter humiditatem, & siccitatem mediarum aur. xij.

Turbith albi, & gummosi aur. vj.

Succi glycyrrhizæ aur. iij.

Tereniabim 3 iij. Fac trochiscos.

Dosis eorum est aur. ij. cum saccharo, aut pulpa casia fistulæ, & quandoque inuitat necessitas, & ponuntur in eis Scammonij aur. ij. BRAS. Bilem euacuant, & pituitam, & bilem magis, si scammonium receperint. s. EN. Deinceps ergo scammonium sum additurus. BRAS. Si addideris, illis frequētius vtar. & si dixeris hos esse in usu, non ita constat, quoniam Ferrariæ adsunt pharmacopôlæ, qui trochiscos de violis seruant à Mesue in capite de Turbith descriptos, quorum compositio hæc est:

℞. Turbith partem vnā

Foliorum violarum partes duas

Gingiberis partem semis. Misc. & fiāt trochisci. s. EN. Quo subigi debent? BRAS. Violarum foliis, quæ sicca esse non debent, sed humiditatem habere. At si folia non essent satis, violarum succus accipiendus esset, donec



donec conficerentur, compingerentur, ac subigerentur. s e n. Arbitror illos, quos ego præparo, esse meliores. B R A s s A v. Neque ego istud inficias eo, & illos potius probo quos conficis, qui ab eodem repetuntur auctore in capite de Asthmate, ubi ait, Confectio trochiscorū de violis est huiusmodi:

℞. Foliorum violarum mediocrium in siccitate & humiditate ʒ vj.

Turbith boni arundinei ʒ iiij.

Succi glycyrrhizæ

Tereniabin

Singulorum ʒ ij.

Scammonij ʒ ij.

Fac trochiscos, qui ad anhelitus cōstrictionem conferunt, naturāque leniunt, & petus mundificant. s e n. Ab illis in pondere differunt, & scammonium recipiunt, quod ego in meis trochiscis non pono. B R A s s. Tamen à Mesue dicitur quandoque necessarium esse, ut ponatur. s e n. Hoc necessarium à Medico prævidendum est, qui addere debet quando opus erit, & vrgebit necessitas ut scamoneo utamur, at audiui à Mesue varias fieri trochiscorum de violis compositiones. B R A s. Tres iam ex hoc autore retulimus compositiones, quartā in capite de scamoneo ponit, Haméchq; imitatur: hæc verò talis est:

l 5

℞. Scam



**R.** Scammonei partem vnam,

Succi violarum partes duas.

Succi glycyrrhizæ partem semis.

Misce cum oleo rosaceo, & fac vnus drachmæ ac semis trochiscos, dosis est drachma vna. **S E N.** Sunt vt illi, qui in capite de Turbith scripti sunt, sed hi turbith loco scammonium recipiunt. **B R A S.** Innuir ferè & aliam descriptionem in capite de Violis, illi similem, quæ est in capite de Turbith, & quæ in capite de Scammonio: nam dicit: Et quidam addunt quantitati earum scilicet violarum medietatem ex turbith, & faciunt trochiscos, & vigorant cum hoc operationem eorum, & quidam addunt scammonium. Ceteri quoque Arabes plures habent trochiscorum de Violis compositiones ab his Mesue differentes. Poteris apud Serapionem duas legere huius generis compositiones, apud Halyabat in decimo Practicæ vnam, apud Rasum in capite de Medicinis colicæ, duas. At si violæ illæ, quas semiuirides recipis, non essent satis ad pinsenda, ac iungenda simplicia, quo liquore vteris ad illa simul densanda? **S E N.** Ex succo violarum conformo, vel ex aqua violarum per infusionem factâ. **B R A S.** Manna liquefieri poterit in modico vini optimi, & ex hoc erunt reformandi trochisci, & tunc à Serapione

non



non dissentiet, qui ex vino trochiscos de violis informat. At Rasis ex psyllij mucillagine, & Halyabas ex aqua conficit. **SEN.** Arbitror non esse magni momenti negotium, siue hoc, siue illo liquore conformentur.

**BRAS.** Tamen compositionis intentionem sequi debet. **SEN.** Quinam trochisci sunt illi, qui apud Nicolaum vocantur diaui?

**BRASSA.** Imò sunt, & qui eisdem vocentur diani, cum legi debeat *Δία ιαυ*, id est, de violis: nam *ῥορ* viola est. Ita verò apud Nicolaum Propositum conficiunt.

**℞.** Foliorum violarum albarum viridum ʒ v.

Seminis plantaginis ʒ j.

Amyli ʒ iij.

Seminis papaveris albi ʒ ij. ʒ j.

Balsami ʒ j.

Rhodo stomatis quod sufficit.

Ad modum præcedentium trochiscorum. arbitror autem Nicolaum istum ab antiquiori Nicolao Alexandrino accepisse. nam ipse prius horum trochiscorum compositionem retulerat capite ceteresimo sui libri de Compositione medicamentorum, ubi ait:

**℞.** Florum violarum ʒ xv.

Amyli ʒ ix.

Seminis papaveris albi ʒ vij.

Rhabarbari electi ʒ v.

Seminis



Seminis plantaginis 3 iij.

Balsami 3 j.

Rhodo stomatis quod sufficit.

Confice ad exemplum proximè præcedentium. **S E N.** Est eadem omnino compositio, sed in ponderibus differunt. quod etiam ab hoc Alexandrino sumpserit alter Nicolaus, extrema compositionis verba ostendunt, cum ait: Confice ad exemplum proximè præcedentium. nam & Præpositus dicit ad modum præcedentium trochiscorum conficiendos esse. Sed cur Nicolaus Præpositus dicit foliorum violarum albarum, cum Alexandrinus simpliciter dicat violarum? **B R A S.** Omnes arbitrantur albas violas accipendas esse, tamen nullus rationem cur ita fieri debeat, reddit, sed omnes Nicolaum ita dicentem adducunt. at mihi videtur posse nigras violas intelligi, neque ratio adest, cur hæc potius, quam illæ sint recipiendæ, nisi quispiam dixerit ab re non esse albas violas recipere, quoniã diamargariton ingrediuntur, ut album euadat. **S E N.** Semper albas accipiendas audiui, licet rarò huius generis trochiscos in pharmacopolis viderim. **B R A S.** Et ego nũquàm illos vidi, propterea ad alios trochiscos pedem conferas.

**S E N E X. XV.**

Trochisci de Berberis sese sponte offerunt.

**B R A S.**



**BRAS.** Cùm infinitæ sint ferè apud authores trochiscorum de Berberis compositiones, quam paras tu? **SENEC.** Illam Mesue, quæ in ordine prima est, & ex his quæ sequuntur, conficitur:

**℞.** Berberorum, aut succi eius

Spodij

Succi glycyrrhizæ

Seminis portulacæ

Singulorum ʒ iiij.

Rosarum ʒ vj.

Spicæ

Croci

Amyli

Tragacanthi

Singulorum ʒ j.

Seminis citruli ʒ iiij. & β.

Camphoræ ʒ β.

Confice cum tereniabin.

**BRAS.** Maior pharmacopolorum pars, qui trochiscos de Berberis seruant, hos seruant. dixi qui seruant, quia haud multi seruant, neq; inter illos qui seruant, omnes hos seruant, quos retulisti, sed aliqui secundam apud Mesuen compositionem conficiunt, quam ne desyderes, refero:

**℞.** Berberorum ʒ ij.

Spodij

Xyllo aloës.

Seminis



Seminis acetosæ

Mastiches

Galliæ

Spicæ

Singulorum 3 j.

Rosarum 3 v.

Gummi 3 iij.

Confice cum aqua rosacea.

SEN. Ad quos conferunt affectus? BRASS. Mesue de primis dicit, ad febres valere inflammatorias, & eas extinguere, & vnâ angustiosam sitim. De secundis dicit, conferre ad calefactionem, & ad ventris solutionem & hepatis dolorem. SEN. Quam compositionem magis probas? BRASSAVO. Primam, quia secunda galliam habet spicam, & xyloaloëm quæ calida sunt: hæc verò prohibent ne tam acriter contra caliditatem pugnent, primos verò contra sitim valere, si in ore seruentur, expertus sum. SEN. Antiqui medici suntne de his trochiscis locuti? BRASSAVO. Si de Arabibus intelligeres, responderem Auicennam in quinto Canone septem posuisse trochiscorum de Berberis compositiones, Serapionem tres, Rasim duas, alteram in nono ad Almanforem, vbi de Iecoris dolore agit, altera in Antidotario diuisionum, vbi de inflammato hepate pertractat. SENEX. Scire optar



optarim, num antiquiores Græci de ipsis sermonem habuerint. BRASSA V. Inueni apud Actuarium in libro de medicamentorum Compositione pastillum ex oxyacantha, quem dicit obstructo iocinori, lienique auxiliari, in iis spiritus pellere, qui iam aqua intercutem tentantur, potionis modus sextula cum oxyfachare, & aqua. Vides aliam esse horum trochiscorum de oxyacantha intentionem, quam sit intentio trochiscorū de Berberis, apud Mesuen tamen pro eodem accipiuntur, oxyacantha & Berberis de hac autem re nostrum lege Simplicium examen. SENEX. Compositionem, ni pigeat, referto. BRASSA. Non piget hæc verò est.

℞. Oxyacanthæ

Succi dulcis radicis

Rosarum

Seminum cucumerorum

Singulorum ʒ iiij.

Mastiches

Spicæ

Eupatorii

Singulorum ʒ ij.

Rhei

Croci

Singulorum ʒ j.

Castuæ

Seminis



Seminis intyborum

Singulorum ꝓ iij.

Spodij sextulam vnam

Mannæ ꝓ vj.

Tusa cribratâq; in pastillos redigito. *SEN.*

Sunt longè diuersi ab illis Mesue. *BRASS.*

Idcirco nec admiratione afficiaris, si intentionem aliâ his attribuit Actuarius, quàm Mesue fecerit suis. Verùm cùm nihil sit in Mesue compositionibus adnotandum, idcirco ad alias te cōferas trochiscorum compositiones.

*SENEX. XVI.*

Trochisci de Lacca suam sedem post prædictos habent. *BRASS.* Sedeant igitur, & tu eorum compositionem referto. *SEN.* Hæc est, quam in meo, seruo, pharmacopolio ex Mesue sumpta.

*Rx.* Lacca mundatæ

Succi glycyrrhizæ

Absynthij

Berberis

Succi eupatorij

Rhæud

Aristolochiæ longæ

Costi

Asari

Amygdalarum amararum

Rubæ tinctorum

Apij



Apij,

Schœni

Singulorum 3 j.

Fac trochiscos, quorū vnusquisque sit vnus  
drachmæ. **BRASSA**. Conferunt hi trochi-  
sci iecoris, & splenis obstructionibus, feбри  
bus diuersis, & antiquis: asciti, & vrinam  
prouocant. **SE**. Per laccam estne cancamum  
intelligendum? **BRASSA**. Nostrum lege  
Simplicium examen, ne vbique omnia mi-  
scere cogamur. plerique autumant semper  
abluendam esse laccam, cū aliquam com-  
positionem ingreditur, quod minimè pro-  
bo. At quo liquore simplicia nectis, & in  
pastillos digeris? **SEN**. Semper accepi ari-  
stolochiæ, & schœni decoctum, quo ad  
abluendam laccam passim vtuntur. **BRAS**.  
Alij sunt, qui ex absynthij, aqua, vel succo  
conficere malunt, alij ex vino, alij ex eu-  
patorij decoctione, vel apij, at haud magni  
faciendum est an hoc an illo modo, & an  
hoc liquore vel illo conficias, quoniam  
liquor ille, quo simplicia iunguntur, in  
pauca copia recipitur, tamen absynthium  
semper probabo, & alia, quæ iecori conue-  
niunt, & obstructiones aperiunt. **SENEX**.  
Estne apud antiquos eiusmodi compo-  
sicio? **BRASSA**. Non, quod sciuerim: apud  
Arabes verò multæ sunt horum trochisco-  
m rum



rum descriptiones, Auicenna in quinto Canone sequentem refert compositionem.

**R.** Laccae lignorum

Rubeæ

Anisforum

Seminis apij

Absynthij

Asari

Amygdalarum amararum

Costi,

Cinnamomi

Aristolochiæ longæ

Succi eupatorii

Misce, tere, & trochiscos confice.

**SEN.** Si hæc compositio quatuor haberet simplicia, eadem esset cum illa Mesue. **BR.** Differunt præterea, quia hæc recipit cinnamomum, quod illa Mesue non recipit, & illa Mesue quatuor habet, quæ dixisti simplicia, scilicet glycyrrhiæ succum, berberi, rhæued, & schœnum, quæ in hac non adsunt, tamen apud Auicennam in calce ferè illius partis, in qua de Trochiscis agitur, compositio alia habetur trochiscorum de lacca. **SEN.** Hæc referto, ut differentiam inter ipsas contemplari possimus. **BRAS.** Hæc est.

**R.** Laccae

Rubeæ

Anisforum



Anisorum

Seminis apij

Absynthij romani

Asari

Amygdalarum amararū excorticatarū

Costi

Aristolochiæ longæ

Succi eupatorii

Succi Glycyrrhiæ

Succi berberis

Singulorum partem vnā.

Informantur trochisci drachmæ vnus, & dentur in potu cum eo, quod conuenit de syrups. s. e. In his compositionibus omnes conueniunt, quod singulorum simplicium æquales partes recipiunt, neque liquorem aperiant quo confici debeant. B R A S. Est modicus error, differunt verò, quia hæc plura recipit simplicia, quàm præcedens: at illa Mesue compositio plus habet schœnum & rhaued, quàm ista, arbitror autem Mesuen ab Auicenna accepisse, quia Auicēna expressè utitur verbis, quibus vsus est Mesue. nam dicit ad iecoris obstructions cōuenire, & splenis, & febrem assiduam, & prouocare vrinam. s. b. n. Non dubito, quin acceperit. at Serapionis compositionem his comparari optarim. B R A S S. Comparato, Serapio ita dicit, Trochisci de lacca com-

m 2 ferea



ferentes ad oppilationes in hepate, & lie-  
ne, & ad febrem antiquam, & vrinam pro-  
uocant. s E. Eisdem ferè verbis vsus est Me-  
sue. B R A S. Compositio hæc est.

℞. Laccæ mundatæ

Rubeæ,

Anisorum

Seminis apiij

Absynthij,

Asari

Amygdalarum amararū excorticatarū

Costi,

Rhaud

Aristolochiæ longæ

Succi eupatoriij

Succi glycyrrhiæ

Succi berberis

Singulorum partes æquales.

Terantur & cribrentur, & fiant trochisci,  
quorum vnusquisq; sit drachmæ vnus, &  
detur cum eo qui conuenit ex potibus. s E.

Hi Serapionis idem præcisè essent cum il-  
lis Mesue, si in ipsis adesset schoenon. B R A.

Halyabas in decimo Practicæ composi-  
tionem refert his quidem in multis simi-  
lem, sed & in aliquibus diuersam. s E N.

Omnes (vt video) eandem sequuntur inten-  
tionem, & eandem fortè habuerunt compo-  
sitionem, sed à diuersis trāscriptoribus ali-  
qua



qua fuere addita, alia prætermiffa. **BRAS.**  
 Ita factum esse nõ dubitarem, nisi Serapio  
 in compositionis calce omnia simplicia,  
 quæ illa ingrediuntur, enumeraret, & dicit  
 esse tredecim, simplicia verò quæ Mesue  
 compositionem ingrediuntur, quatuorde-  
 cim sunt, at istud haud magnificandum  
 est. Rasis prætereà in nono ad Almanforem  
 in capite de Iecoris dolore, & in Antidota-  
 rio diuisionum in capite de Medicinis he-  
 patis similem ferè horum trochiscorũ com-  
 positionem describit. **SEN.** Postquàm simi-  
 lis est illam reticere oportet. **BRAS.** Tu ergo  
 trochiscos alios in medium vocato.

**SENE X XVII.**

Hos in mea scheda trochisci Alandaal se-  
 quuntur. **BRAS.** De his in Pillularum exa-  
 mine locuti sumus, at ne laborem subter-  
 fugere videamur, de eisdem impræsentia-  
 rum iterum agemus, cum illo in loco non  
 sint exquisitè pertractati. compositionem  
 refer, vt à Mesue præcisè scripta est. **SEN.**  
 Ita scriptum inueni:

**R.** Pulpæ colocynthidis albæ, & lenis, &  
 mundæ à granis 3 x.

Incidantur cultro incisione conuenienti, &  
 fricetur cum vncia vna olei rosacei, deinde

**R.** Tragacanthi

Gummi

m 3 Bde l



Bdellij

Singulorum ʒ vj.

Infundantur in aqua rosacea per dies quatuor, & cōficiatur colocynthide incisa cum glutino eorum: & fiant inde trochisci, & exiccantur, in vmbra, deinde iterum terantur contritione bona, & iterum cōfice cum glutino eorum, & fiant trochisci, & admistrentur. BRASSA. Hæc estne Mesue compositio? SEN. Et integra. BRASSA. Hinc colligi potest, quomodo præparetur colocynthis, nimirum ex madefactione in oleo rosaceo, & ablutione, & admistione gummi arabici, bdellij & tragacathi. Nonnulli notant id, quod legitur drach. x. legendum esse, vncias decem, quia oleum esset nimis, veruntamen si nimis sit in decem drachmis, minus est, quam esse deberet in decem vnciis, idcirco ego intelligo drachmas, vt omnes ferè contextus scriptum habent: nec opus est, vt tota vncia in ablutione consumatur, sed tantum de oleo recipit colocynthis, quantum recipere potest. si verò petas, quanto tempore fricari debeat, ego intelligo fricari debere per spatium trium dierum, non quidem continuè, sed intermittendo, postea fiant trochisci. nonnulli per hos trochiscos alandaal nihil aliud intelligunt, quam colocynthida præparat



paratam. deinde probè exiccentur in Sole,  
 vt oleum magis penetret. scitòque hoc me-  
 dicamentum ab Arabibus trochisci alandaal  
 vocari, sed Latine dicitur trochisci de  
 colocynthide. **SEN.** Non præbentur Soli.  
**BRASS.** Tamen præberi possunt, at ma-  
 gnas ingrediuntur colocynthidis loco com-  
 positiones, quod & à Mesue notatur, cum  
 ait: Confectio trochiscorum alandaal, qui  
 ponuntur in hiera Hermetis, & in aliis con-  
 fectionibus loco colocynthidis, ego illis so-  
 lis nonnunquam vsus sum in morbo galli-  
 co ad pituitam euacuandam, quam à remo-  
 tioribus partibus mirificè euacuat, tutèq;  
 præbentur, sed opus est, vt sit prædicto mo-  
 do parata, & non accipiantur decem vnciæ;  
 quia illa quæ corrigunt essent in minima  
 copia, semidrachmam præbeo, plenè edu-  
 cit, quãdoq; ad duos ℥ deueni, nūquam præ-  
 bui drachmā, vt alia potius secū cōmiscere  
 volui. Dioscor. colocynthidis vim veneno-  
 sam alio modo corrigit. **SE.** Quonā? **BRASS.**  
 Quatuor medullæ colocynthidis obolos in  
 aqua mulla cum nitro & myrrha præbet, et  
 decocto melle deuorata, vt possint hi tro-  
 chisci secundum Dioscoridem ita parari.

**℞.** Pulvæ colocynthidis ℥ x.

Myrrhæ, Nitri

Singulorum ℥ vj.

m 4

Ex



Ex melle cocto cōficiantur, & ex aqua mulsa bibantur. **SEN.** Sūmne hanc compositionem paraturus? **BRASS.** Satis est te illam feruare compositionem, quam ex Mesue adduxisti, quoniam illam sexcenties expertus sum, quanquā neque ista ex Dioscoride compositio despicienda sit.

**SENE X XVIII.**

Trochisci de Myrrha, vt ad examen veniant, contendunt. **BRASS.** Bene venerint, illorum faciem detege, vt ipsos videre possimus. **SE.** Quam faciē dicis? **BR.** Eorū compositionē. **SEN.** Hęc est, quę sequitur à Rasi descripta in nono ad Almanforem libro in capite de Mensium prouocatione.

**℞.** Myrrhæ ʒ iiij.

Lupinorum optimè tritorum ʒ v.

Foliornm rutæ ʒ iiij.

Mentastri,

Pulegij ceruini

Cymini,

Rubeæ tinctorum

Singulorum ʒ iiij.

Assæ fœtidæ

Serapini

Oppopanacis

Singulorum ʒ iiij.

Conterantur omnia, & conficiantur trochisci cum aqua, in qua bullierint, & coctæ fuerint



rint drachmæ duæ seminis iuniperi. **B R A.**  
 Antiquos vidi, qui ex sabinæ decoctione cō-  
 ficiebant, quos etiam non improbo, sed  
 quid accipis per ceruinum pulegium? **S E N.**  
 Aliàs serpillum accipiebam, nunc vsuale  
 pulegium accipio. **B R A S.** Quantum sit de  
 re ipsa, id est, de compositionis intentione,  
 vtrunque sumi potest, tamen pulegium po-  
 tius accipiendum est, omnibus notissimum,  
 vt Dioscorides ait. nam menses trahit secū-  
 dos, ac partus. nihil habet amplius compo-  
 sitio, quod contemplatione indigeat, cum  
 addiderim omnia, quæ ad vterum spectant  
 aperire.

# S E N E X X I X.

Ob hoc trochisci de Eupatorio in medium  
 accedant. **B R A.** A quo authore desumun-  
 tur? **S E N.** A Mesue qui asserit cōtra febres  
 antiquas, & earum rigorem valere, hepa-  
 tis, & lienis obstructions aperire, & esse  
 medicamenta optima abscessurum in ipsis  
 icteritiis conuenire, & in initio hydrope  
 captis. **B R A S S.** Compositionem referto.  
**S E N.** Refero.

**℞.** Tereniabin

Succi eupatorij

Singulorum ʒ β.

Rosarum ʒ β.

Spicæ ʒ iij.

m s Raced



Rhaued Afari

Aniforum

Singulorum ʒ ij.

Spodij ʒ iij. & β.

Factrochiscos cum succo herbarum, & da cum eis. B R A. Quid accipis per herbarum succos? s E. Id quod superius etiam dictum est. B R A s. Sunt qui intelligant eupatorij succum, quos nō probo: quia iam eupatorij succus receptus est. alij accipiunt quatuor herbarum succum, ex quibus syrupus bysantinus conficitur. hæ verò sunt herbæ endiuia, apium, eupatorium, & borago, cū dicitur herbarum succus prædictarum succus intelligitur, & cū hæ herbæ ad trochiscorum intentionem conueniant, illarum succo uti poterimus, & si etiam veri eupatorij, quod nunc vulgò agrimonium dicitur, succo vtereris, nihil referret. Serapio horum trochiscorum cōpositionem quandam ponit, quæ nihil cum hac cōmune habet. s E. Quæ nā est Serapionis cōpositio? B R A. Hęc quę sequitur, Serapio in primis inquit, Trochisci auctrion, & est eupatoriū conferentes ad febres antiquas, & dolorem hepatis, atque icteritiam

℞. Rosarum ʒ v.

Spicæ ʒ ij.

Spodij ʒ j.

Succi



Succi eupatorij ʒ viij.

Terantur, & misceantur cum aqua tereniabin, & fiat trochisci, & dētur cum eo, quod cōuenit ex potibus. *summa medicinarum est res quatuor. s e.* In illis Mesue octo ad sunt simplicia. *B R.* Idcirco dixi valde differre, quāquā hęc quatuor in illis octo Mesue cōtineātur. Auicēna & ipse in quinto Canone trochiscos de eupatorio ad eandē quidē intētionē refert, sed ab illis Mesue differūt. *s e.* Cōpositionem audire optarem. *B R. A s.* Audias igitur

**R.** Succi eupatorij sextaria vj.

Rosarum rubrarum ablatis capitibus  
Spicæ odoriferæ.

Singulorum sextaria ij.

Tereniabin mundatæ, sextaria vj.

Spodij ʒ iiij.

Misce, & puluerizentur, & fiant trochisci. miror Auicennam dixisse valere ad febres inflammatiuas, & ad sitim, cū sint calidi trochisci, & antiquæ febres non sint inflammatiuæ, sed potius ex materia crassa sint, glutinosa, pituitosa, vel atrabilari, & quamuis aliqua frigida recipiant, tamen calida superant. *s e n.* In vno simplici Auicennæ cōpositio est magis propinqua Mesue compositioni, quā illa Serapionis. *B R.* Si id, quo miscentur, rectè perpendas  
in



in pondere tantum differre percipies, sed & Halyabas aliam refert compositionem que ab his aliquo modo differt, quam vocat trochisci casetti, id est, de eupatorio. s e n. His posthabitis Arabibus, suntne antiqui de his pastillis locuti? B R A s. Actuarius in libello de medicamentorum compositione, pastillorum de eupatorio meminit. s e. Quænam est apud hunc authorem compositio? B R A s. Hæc quam refero,

℞. Absynthij

Iunci odorati      Succij eupatorij

Rosarum

Seminis fœniculi

Mastiches

Singulorum ʒ β.

Anisorum

Tragacanthæ albæ

Singulorum ʒ ij.

Santali citrini      Spodij

Singulorum sextulam.

Tusa, & in cerniculo creta cum intyborum succo subigito, & in pastillos ex aqua, in qua laccam aduertit, & oxymelite cogito. s e. Sunt longè distincti hi trochisci ab illis Mesue. B R. Rectè dicis, tamen omnes recipiunt eupatorij succum, imò nisi illum reciperent, nulla esset ratio cur de eupatorio nuncupati essent. s e. Ad quam intentionem

suos



suos conficit Actuarius? B R A. Authoris verba audito, qui ita ait: Pastillus ex eupatorio, iecur, & stomachum adiuuat, inflationes discutit, & horrores febriū, quas pituita creauit. S E. Ad eandem ferè valent intetionem cum aliis. B R. Cū nihil aliud in his trochiscis cōsiderandū videatur, ad alia trochiscorum genera sermonem conuertito.

## S E N E X X X.

Trochiscis omnibus illi finem imponunt, qui constrictiui nuncupantur. B R A. Quid intelligis per finem imponere? S E N. Intelligo esse in mea scheda vltimos. B R A. Tam paucos igitur seruatis trochiscos? S E N. Nō plures seruamus, imò ego plures seruo trochiscorum species, quàm alij faciant vbiq; locorum pharmacopôlæ. B R A. Ob hoc, & ob tuam, quam adhibes diligentiam in optimis emendis simplicibus, & in compositis probè concinnandis pharmacopolium tuum semper omnibus prætuli, qui in tota sunt Italia, neque vnquàm, ob ista te ipsum laudare desistam. at à quo authore sumuntur hi constrictiui trochisci? S E N. A' Mesue. B R A S. Tamen in illa hāud sunt parte, in qua de trochiscis sermo habetur. S E N. In vniuersalibus canonibus scripti sunt, in capite tertio, Canone secundo. B R A S. Compositionem referto, vt si quid ambiguum

in



in ea sit, illud contemplemur. SEN. Hæc  
est quam refero.

℞. Balauſtiarum

Corticum glandium infuſorum in ace-  
to, & torrefactorum

Summachiorum

Granorum myrti

Hypocystidis

Singulorum ʒ ij.

Cymini carmeni

Gallarum iuſuſarū in aceto, & torrefactarū

Capitum granatorum

Fructus tamariscai

Maceris

Xylo aloës

Galliæ Aromaticæ

Maſtiches, Spicæ

Singulorum ʒ j.β.

Seminis acetosæ

Gummi

Boli

Singulorum ʒ j.β.

Granorum paſſularum torrefactarum

Granorum coriandri iuſuſorum in ace-  
to, & aſſatorum ʒ ij.

Misce, & fac trochiſcos vnius drachmæ ex  
vino pontico, et ſit doſis trochiſcus vnus cū  
Syrupo cotoneorum, vel cum aliquo ex ro-  
bub ſtipticis. ℞. Quid boli loco ſimplici-

ter



ter posito accipis? s e n. Armenam bolum.  
B R A s. Probè agis. quid verò intelligis per  
grana passularum torrefacta. s e n. Ipsius  
vnæ grana intelligo. B R A. Deinceps intel-  
ligito semina, quæ valde adstringunt, idq;  
vehementius agunt, si fuerint torrefacta.  
per gummi verò simpliciter positum quod  
intelligis? s e. Arabicum gummi. B R. Nec  
ab re est quia cū simpliciter gūmi dicitur,  
illud per excellentiam intelligere oportet.  
Tu, & non multi alij pharmacopôlæ Ferra-  
riæ compositionem hanc seruatis: alij verò  
sunt, qui nullam seruant constrictiuorum  
trochiscorum compositionem, sed cū in-  
dicuntur, trochiscos de charabe præbent,  
vel de terra sigillata, aut alios similes. Alij  
sunt, qui aliam seruant trochiscorum con-  
strictiuorum compositionem à Mesue po-  
sitam prope finem ferè illius partis, in qua  
de Fluxu sanguinis ab ore verba facit, &  
dicit Paulus: Confectio trochiscorum re-  
stringentium sreatum sanguinis, etiam si  
sit antiquus, & sedantium agitationes, &  
inducentium somnum, quorum compo-  
sitio hæc est.

℞. Acaciæ lotæ

Hypocystidis

Balaustiarum

Singulorum 3 v.

Flor



Florum mali granati

Gallarum 3 j. & β.

Opij, Croci

Singulorum 3 iij.

Misce, & fac trochiscos cum aqua pluuiali,  
dosis est aur. semis cum aqua frigida. s e n.

Neminem vidi, aut audiui qui hos confice-  
ret trochiscos, B R A S S. Deinceps ita dicere  
non poteris. s e. Sūntne aliqui antiqui, qui  
constrictiuos confecerint trochiscos. B R A.

Multi quidem antiqui constringentes pa-  
stillos confecerunt, sed non sub hoc nomi-  
ne, solus Nicolaus Alexandrinus capite nō-  
gentesimo quinquagesimonono sui de Cō-  
positione medicamentorum libri, trochi-  
scos refert, quos adstrictorios vocat, ad o-  
mnes ventris fluxus & cacoëthica vulnera.  
s e. Ex quibus suos conficit trochiscos Ale-  
xandrinus? B R A. Ex his, quæ sequuntur:

℞. Chartæ combustæ 3 x.

Calcis extinctæ

Libani

Singulorum 3 v.

Stypteriæ scissæ

Lemnij figilli

Singulorum 3 iij.

Sandaracæ

Oppopanacis

Singulorum 3 ij.

Vini



Vini quod sufficit. E' contritis cum vino trochiscos informa, quos cum decoctione balaustrorum offeres, & cum vino clysterizabis. **SEN.** Hi (ut arbitror) vehementer adstringunt trochisci. **BRAS.** Ita prorsus est, sed potissimum per exteriora adhibentur, per os verò minimè. Dixisti nullos alios adesse in tuo pharmacopolio trochiscos, nonne superiori anno, **M D XLIX.** In pestilentia illa, quæ Ferrarienses vexauit, trochiscos nostros confecisti, quos de bolo armenæ nūcupauimus, & quibus vfi sumus, & multum profecere in præseruando à pestilentia, & in affectos sanando? **SEN.** Et confeci, & magnam copiam vendidi: sed in hac scheda trochiscos scripsi, antequàm illos confecerim, quorum compositiones & nunc memoria habeo. **BRAS.** Illam refero. **SEN.** En refero,

**R.** Boli armenæ ʒ iiij.

Terræ sigillatæ ʒ ij.

Scordei Thlaspi

Singulorum ʒ iiij.

Vincitoxici ʒ j.

Theriacæ magnæ ʒ β.

Moschi, Ambracani

Singulorum ḡ ij.

Coralorum rubrorum

Santalorum luteorum

n

Camp



Camphoræ

Styracis calamitæ

Ligni aloës

Singulorum Ḡ iij.

Misce, & cum syrupo de acetositate citri  
fiant trochisci. *B R A S.* Mirum est, quòd se-  
nio cōfectus tanta memoria polleas. verum  
cū nullos alios habeas in tuo pharmaco-  
polio trochiscos, & cæteri pharmacopôlæ  
fortè pauciores habeant, quid nobis dein-  
ceps agendum erit? *S E N.* Quod tibi lube-  
bit. At veterisne tu his omnibus trochisco-  
rum generibus? *B R A S.* Omnibus profe-  
ctò in diuersis affectibus, diuersisque homi-  
nibus vtor, imò in his, qui sunt adstrictæ  
alui, & qui clysteres renuunt aloëm plæ-  
runque addo, vel aliquod pillularum ge-  
nus in pauca copia cum trochiscis, vt pau-  
latim fiat aliqua materierū, quæ sunt in viis  
euacuatio, & ægroti facilè reualescāt, hócq;  
absq; clysteri fiat. *S E N.* Tu ergo materiam  
euacuas antequàm sit cocta? *B R A S.* Hoc nō  
est materiam euacuare, quæ cōcoqui debet,  
neq; quæ in aliquo sit fixa loco. sed est pau-  
latim eam, quæ in viis continetur, absq; cly-  
steriorum incommodo euacuare, hic vero  
locus non est de materiæ concoctione disse-  
rendi, cū de ea satis supérq; in secūdo cō-  
mentariorum Galeni in librum Hippocra-  
tis



his primum de Morbis vulgaribus disserue-  
rimus, & ostēderimus quid sit coquere, cō-  
coquerēve, & alia omnia aperuerimus, quæ  
ad hāc materiam spectare videbātur. Nota  
verò frequētissimum fuisse apud antiquos  
trochiscorum vsum, nunc verò nō est adeo  
frequens, præterquā in longioribus affe-  
ctibus, & in materia frigida, glutinosa, pi-  
tuitosa, atq; atrabiliari, & in iecoris, ac lie-  
nis obstructionibus, ac duriciebus. **SEN.** Er-  
go non omnium, quos retulerim est vsus?  
**B R A S.** Aliqui sunt, qui rarissimè in vsum  
veniunt. **SEN.** Ob hoc non miror, si aliqui  
sint in meo pharmacopolio trochisci, quos  
statim confeci cū pharmacopolium crexi  
& aperui, imò adhuc sunt plenæ pixides.  
**B R A S.** Amplius boni non sunt. **SEN.** Ob  
quid, si theriaca ad ducentos perdurat an-  
nos? **B R A S.** Post tertium annum trochisco-  
rum vires euanescūt. Imò aliqui sunt, quo-  
rum vires citiùs etiam resoluuntur. **SEN.**  
Quinam sunt? **B R A S.** Illi potissimū, qui  
ex herbarum succis conficiuntur, hi etenim  
singulis annis de nouo parari debent. Tibi  
igitur suaderē, vt illos quos tandiu seruasti,  
vti inutiles eiicerēs, nā ægrotis potiùs ob-  
esse possunt, quā prodesse. **SE.** Animaduer-  
tito autē, quòd ab illis frequēter situm abi-  
go. **B R A S.** At vetustatem non abiges: quæ  
n 2 est



est omnium rerum edax, & consumptrix: vetustate nimirum simplicia corrumpuntur, & composita marcescunt, ac putrent, imò & in venenum transmutatur, dic verò ni refugis, quot anni sunt, quòd hanc artem exercere cœpisti? **SEN.** Illam exercere cœpi **M. D.** in Mense Ianuarij, vt quinquagesimus annus iam agatur. **BRAS.** Ego eodem anno ab utero matris in lucem prodij, & in eodem mense, vt vnà cum tuis trochiscis sim quinquagenarius. **SEN.** Si hæc ætas abiectiorem desiderat, ergo & tu cum illis abiiciendus eris. **BRAS.** Si vt illi putridus, & sine viribus ero, abiici non recusabo, at nondum accessit mea vetustas, vt tuis contigit trochiscis, imò nemini (Dei gratia) in hac ætate inuideo: veruntamen cùm de trochiscis finitum sit, ad alia transeundum esset, nisi hora serotina colloquium dirimeret, at cras vngueta in examen vocabimus, & de illis vnà differere poterimus. **SEN.** Me igitur ad omnia vnguenta, quorum apud Ferrarienses pharmacopôlas vsus est, pro crastina luce præparabo. **BRASSA.**

Imò ne deficio, vt cras de ipsis sermonem perficere possimus. **SEN.** Vale igitur.

**BRASSA.** Et tu quoq; Vale.





ANTONII MV-  
SAE BRASSAVOLI  
MEDICI FER-  
RARIENSIS,

Examen omnium vnguentorum, quo-  
rum apud Ferrarienses pharmacopô-  
las vsus est:

AD ILLVSTRISS. AC  
PVDICISS. VIRGINEM  
LVCRETIAM  
*Estensem*

Hieronymus Brassauolus.




ICVT inter antiquiores  
Romanas matronas nobi-  
lissima uirgo Lucretia illa  
pudicitiae specimē inter tot  
eiusdem æui mulieres omni honore digna  
existimabatur, ita & nostris his tēpori-  
bus tu ipsa Lucretia Estensis inter no-  
strates, ac uirtute præditas uirgines pri-  
mum locū proculdubio obtines: nam non  
n 3 solum




solum omnibus animi, ac ingenij dotibus  
 (absit assentatio) es prædita: uerū & in  
 Græcis, ac Latinis litteris adeò profeci-  
 sti, ut nemini sis in his, qui tuā agūt ætatē,  
 secūda: in clemētia uerò, liberalitate, pu-  
 dicitia, ac reliquis animi moribus ceteras  
 adeò superas, ut omnes te amare, uenera-  
 ri, ac suspicere cogas. De corporis autem  
 dotibus mihi nihil attinet dicere: quoniā  
 hæc ad naturam spectant, quæ te tam pul-  
 chram, tamq; decorā effecit, ut nulla un-  
 quā fuerit, neq; sit in præsentiarū, neq;  
 in posterū futura sit, quā pulchritudine,  
 & decoris gratia nō excedas. Nulla igitur  
 admiratione afficiaris illustrissima  
 Virgo, si ego, in cuius manibus est patris  
 mei libellus imprimendus, illū tibi dicare  
 statuerim: quoniam & longè maiori mu-  
 nere digna es, utpote quæ omnes pulchri-  
 tudine, doctrina, ac uirtutibus moralibus  
 excedis. Accipe igitur Virgo illustris.  
 munusculum, quod ab eo qui te summo pe-  
 re diligit, ac obseruat, prodit. Vale.





ANTONII MUSAE BRAS-  
SAVOLI MEDICI FER-  
RARIENSIS,  
Senex Brassauolus.



Vid' agis mi Antoni? ad te nū-  
quàm accedo quin libroseuol-  
uentē ac legētem inueniā. **B R.**  
Hoc modo misera hæc, & infe-  
lix vita traducenda est, vt nun-  
quā in orio sit, ne torpore marcescat. **S E N.**  
At quid illud est, quod nūc præ manibus ha-  
bes? libellus videtur manu scriptus. **B R A S.**  
Nugas quasdam pueriles legebā, de insigni  
Hieronymi Brassauoli amitini mei. **S E N.**  
Quód nā insigne? **B R.** Murex, nunc eius En-  
comiū, ac naturā legebā. **S E N.** Quid per mu-  
ricem intelligis? **B R.** Egregiū corpus qua-  
tuor acuminibus cōstans, ad maximos rerū  
effectus ortū: nā vnusquisq; eius situs, quod  
sequi debeamus ostēdit, hoc est omnē obli-  
quam spurcitiam, & inquinamenta euita-  
re. **S E N.** Mihi pergratum feceris, si huius  
muricis naturam aperire non gaudeberis. *grava*  
**B R.** Hoc fieri nequit, nisi à diuisione quadā *beris*  
mathematicarū rerū exordiamur. **S E N.** Vt  
lubet facito. **B R A S.** Duplex est mathema-  
tica



ticæ pars, discreta, hæc in numeris, & oratione consistens, cōtinua, illa, quæ circa magnitudines versatur, cuius initia paucis ad quadrangulum vsque percurrenda sunt. **SE.** Fortè ad hoc vsque peruenire oportet: quia murex quatuor angulis cōstat. **B R A S.** Rem ipsam prorsus vaticinatus es. **SE N.** Sequaris igitur obsecro. **B R A S.** Punctum Geometriæ initium est, & rerum, quæ huic sciētix supponuntur: quod in primo Elemētorum ita definiuit Euclides, punctum, est cuius pars non est, quā definitionem Censorinus decimonono operis de die Natali capite secutus est. Boëtius verò è Græco in Latinū hoc modo interpretatus est, punctum est, cuius nulla pars est. **SE N.** Punctum ita definiri semper audiui. **B R A S.** Tibi fortè mirum videretur, si definitionem hanc absurdam esse demonstrarem. **SE N.** Imò mirificum. **B R A S S A V O L.** Philosophi definitiones illas vanas esse arbitrantur, quæ definito pressiores sunt, vel plus complectuntur, at eiusmodi definitio plus continet, quàm opus sit. idcirco vana est. **SE N.** Quòdnam continet amplius, quàm continere deberet? **B R A S S A.** Multa: nam Deus est, cuius pars non est: Deus igitur punctum est. **SE N.** Nec ego dubito Deum esse punctum cuncta complectentem.

**B R A S.**



BRASSAV. Tamen nō est mathematicum punctum. Intelligentiæ prætereà sunt, cuius partes non sunt, & eiusmodi generis anima esse dicitur. SEN. Et hæc indiuisibilia sunt.

BRASSAV. Tamen ipsis geometrici puncti definitio quadrare nō debet. Imò adde, & unitatem id esse, cuius pars non est, tamen unitas in diuerso genere à puncto continetur. Aut igitur unitas punctum est, aut definitio alteri competit à definito. SEN. In puncti definitione subintelligitur habere positionem, quā unitas caret. BRASSA. At hoc ab authore ipso expressum non est, deniq; res fictitiæ, quas philosophi chimæras vocāt, sunt cuius partes non sunt. Erunt igitur puncta, quod absurdum esse nemo dubitat. chimæras verò appellant, qualis illa, quam poëta tertio Aeneidos libro refert, & scyllam nominat, cum ait:

*Prima hominis facies, & pulchro pectore virgo* “  
*Pube tenus, postrema immani corpore pistris,* “  
*Delphinum caudas vtero commissa luporum.* “

Harpyias prætereà eodem loco ita describit:

*Virginei volucrum vultus, fœdisima ventris* “  
*Proluies vnæq; manus, & pallida semper* “  
*Ora fame.* “

Pingit & in septimo libro Aleæti formam his verbis:

n s Odit



- „ Odit & ipse pater Pluton, odere sorores  
 „ Tartarea monstrum. tot se se vertit in ora;  
 „ Tam seua facies: tot pullulat atra colubris.

Horatius Flaccus in initio libri de Arte poetica, fictitiū illud monstrū fingit:

- „ Humano capiti ceruicem pictor equinam  
 „ Iungere si velit, & varias inducere plumas,  
 „ Undique collatis membris, vt turpiter atrum  
 „ Desinat in piscem, mulier formosa supernè.

Adde sexto Aeneidos librō omnia ferē fictitia enumerari, cūm poēta ait

- „ Centauri in foribus stabulant, scyllæq; biformes,  
 „ Et centum geminus Briareus, ac bellua lernæ  
 „ Horrendū stridens, flammisq; armata chimæra,  
 „ Gorgones, Harpyiæque, & forma tricorporis  
 „ vmbra.

At recentiores illā potissimū chimæra vocāt, quæ ita à Lucretio describitur.

- „ Prima leo, postrema draco, media ipsa chimæra.

Hæc omnia quæ enarrata sunt, puncta esse videbuntur, cūm eorum nullæ partes sint. S E N. Cūm chimæra nihil penitus sint, absurdū est dicere, Chimæra est cuius, pars non est, nam chimæram esse dicimus, quæ re non est, sed solo intellectu concipitur. BRAS. Hanc solutionem absurdam esse ita ostendo. Aristoteles in libro primo Posteriorum dicit, definitionē positionem esse, non propositionem. Verbum igitur est, in  
 definit



definitione acceptū, enuntiatiuè sumptum non est, nihil igitur impedit, si dicamus, chimæra est, cuius pars nō est, cū verbum, est, chimæram esse non ponat, præterea in secundo de Interpretatione libro ab Aristotele docetur Homero etiam non existente propositionem illam veram esse, Homerus est poëta, quod absurdum esset, si verbum est, enuntiatiuè sumeretur, cum hoc verò similitudinē habet, Chimæra est, cuius pars non est. **SEN.** Arbitrabar propositionem illam esse falsam, Homerus est poëta, nisi Aristoteles veram esse asseuerasset. **BRAS.** Frequentissimus etiā est apud Philosophos huius propositionis vsus, chimæra est ens fictitium, quam vti veram recipiunt, igitur & hæc vera censenda est, chimæra est, cuius pars non est, cū in vtraque propositione chimæra perimatur, hæc Hammonius in Predicamentorum commentariis contemplatus, puncti definitionem sua sponte absurdam esse fassus est. **SEN.** Quæ igitur vera erit, & cōueniens puncti definitio? **BRAS.** Stoici definitionem quādam præbent, quæ huic proposito cōmoda esse videbitur: nimirū dicunt, Punctum est lineæ finis, notæque minima. **SEN.** Cur potius principio quam fine non definiunt? Adde minimum non semper esse indiuisibile. **BRASSAA.**

Per



Per finem extrema intelligūt, hoc est ipsius  
lineæ terminos, & per minimū indiuisibile  
intelligunt. *SEN.* Ad rem ipsam redeamus.  
*BRAS.* Ut lubet. In puncti definitione aut  
lapsus est Euclides (quis autem aliquando  
non labitur?) aut ipsius definitio in glosse-  
matibus in alium sensum deducenda. pun-  
ctum hoc modo definiendum esse arbitror,  
Punctum, est continuæ quātitatis initium,  
cuius pars nō est, vel partibus carens, quod  
sub aliis verbis, sed sub eodem sensu ab Al-  
berto cognomēto Magno in suis Prædica-  
mentorum cōmentariis definitur. *SEN.* Al-  
berti verba libenter audirem. *BRAS.* Audi-  
to, ita ille dicit, Punctū, est indiuisibile ha-  
bens positionē. *SEN.* Intelligentiæ positio-  
nem habēt, & indiuisibiles sunt, ergo intel-  
ligentiæ puncta erunt. *BRAS.* Diuus Tho-  
mas prima parte Summæ theologiæ, quæ-  
stione quinquagesima secūda, articulo pri-  
mo, & in primo suarum quæstionū, Quoli-  
bet vocatarū, quæstione tertia, ad quartum,  
intelligētias positione carere ostēdit. *SEN.*  
His prætermisissis, rem ipsam proseguaris.  
*BRAS.* Aristoteles in primo de Anima li-  
bro, sectione sexagesima octaua, antiquio-  
res refert, qui lineam ex ductu puncti fieri  
arbitrati sunt, imò & illos reprehēdit, quia  
& animam vnitatem esse censuerūt. At in-  
quit



quit qua ratione id astringere possunt, quia anima positionē habet, punctum igitur est, & nō vnitas. at fluens punctum lineam suo ductu perficit, anima igitur non quidem actiones proprias, sed lineam faciet. S E N. Non mihi videtur magnificandum argumentum. B R A S. Neque magni momenti est, nisi aduersus illos, qui animā punctum esse vel vnitatem faterentur. Adde positionem habere puncti definitionē ingredi, vt per hoc ab vnitatem separetur, vnde pūctum ex omni parte dimensionibus caret, neque enim longum est, neq; latum, neq; profundum. Si verò fieri posset, vt punctum colore aliquo coloratū duceretur, linea resultaret, quam oculis præsentem videremus. At cū ipse hęc fieri non possint, satis erit hęc imaginatione ac cogitatione contemplari, est verò linea longitudo absque latitudine, & profunditate, ē lineæ ductu planū, id est superficies efficitur, vnde superficies longitudo est ac latitudo absq; profunditate. S E. Euclides lineā his verbis definire videtur, est longitudo absq; latitudine, & profunditate, cuius extrema sunt duo puncta. B R A S. Ita profectò definiuit Euclides, sed audias definitionis errorem: nam omnibus lineis non comperit, cū illis tamen competere deberet. S E N E X. Quomodo hoc suadebis?

B R A S.



**BRAS.** En infinitarum linearum extrema non sunt duo puncta, cum infinitæ lineæ extremis careant, quo argumento & Diuus Thomas vsus est prima parte Summæ, quæstione octuagesima, quinta articulo octauo, ad secundum. **SEN.** Linea infinita sub lineæ definitione haud contineri debet.

**BRASS.** Hoc absurdum est, quia communissima est lineæ definitio, quæ omnibus lineis accommodari debet. Adde & circularem lineam à definitione excludi, & cum & extremis careat, & duobus in extremis punctis. **SEN.** Nonnullos audiui dicentes, circularem lineam puncta virtute solùm continere. **BRAS.** At absurdè loqui videntur, quoniã æquè dicere potuisset, linea est longitudo sine punctis. **SEN.** Quomodo id fieri poterat, cum actu puncta habeat linea recta? **BRAS.** Dicam his potestate carere, ut dici debeat, Linea est longitudo sine punctis in potentia. **SEN.** Possétne excusari Euclides? **BRASS.** Quid impedit? nam nullus est Euclidis error, sed interpretis, vel potiùs interemptoris, aut eorū qui libros formulis excudunt inscitia literarum, inopiáque iudicij, ab Euclide nimirum scriptum est, *καὶ μὴ ἀπλάτῃς*, id est, linea verò longitudo est absque latitudine. in aliquibus codicibus additur sine latitudine, &  
 profund



profunditate, in aliquibus solùm adest hæc particula, sine latitudine, & abest particula, & profunditate, at contextus quem habemus, solùm habet verba illa, quæ ex authore adduximus: author verò post definitionem statim addit, *ἡ ἀμμήρ δὲ περιτὰ σημεῖα*, id est lineæ autē extrema sunt puncta. hæc autem verba non sunt definitioni coniungenda, sed ab authore post definitionē addita sunt, ut finem atque finitarum linearum terminos afferret. hoc non solùm Græcus contextus ostendit, sed & vulgata passim Boëtij interpretatio, & Gellius vnà in primo libro capite vigesimo. Scito præterea verbum illud sine latitudine, Græcè esse *ἀπλαγῆς*. quod nonnulli interpretantur illatibilis, quibus minimè assentio, cùm lineæ eatenus (ut illorum verbis utar) latibilis sit, quatenus superficies euadat. SENEK. Arbitror & addendam esse lineæ definitioni profunditatem, si lineæ in profundum absque latitudine ducatur. BRASSAVOL. Respondemus lineam in profundum duci non posse, nisi prius in latus profluxerit. nam profunditas sine latitudine longitudo est, cùm ex primo puncti ductu longitudo fiat, ex secundo, vnde vis facta, latitudo, ex tertio deinde profunditas. SENEK. Legi Sipontinum Episcopum in suo Cornucopio



nucupio in scripto libro Euclidis definitionem adducentem, atq; dicentem ex puncti fluxu corpus vnus dimensionis fieri. BRAS. Hic est maximus apud philosophos error; qui tribus dimensionibus corpus constare arbitrantur, nisi idē per corpus intelligere voluerit, quod & per hoc nomen res exprimitur. SEN. Hæc excusatio cōueniens non videtur, quia in eo loco secundum Mathematicos verba facit, qui nunquā corpus vocant nisi tribus dimensionibus constitutum sit. Adde fluentem lineam superficiem inducere (hæc verò in intellectu solo concipiente intelligenda sunt) Auerroet tertio Physicorum libro, sectione sexagesima prima, dicēte, hoc esse de capitulo propositionum opinabilium, quæ sunt quasi fundamenta Geometriæ, nam ipsa linea oblonga est latitudine, & profunditate carens, si verò linea fluat, superficiem efficit, quam definiunt esse longitudinem, ac latitudinem absque profunditate, cuius extrema sunt duæ lineæ. SENEX. Eadem argumenta, quæ lineæ definitionē reprehendebant, videntur posse & superficiæ definitionem reprehendere, quia circularis superficies, & infinita in extremis lineas non habent.

BRASSAVOLI. Respondere possem de infinitis nihil loquendum esse, cum infinitum



rum nihil sit, neq; in rerū natura inueniri possit. s E. At solutionem hanc reprehendā: quoniam vnius prædicamenti differentia inueniri non potest, nisi & differentia sibi opposita inueniatur: at in quantitatis prædicamento finitum inuenitur, igitur & in eodem prædicamento infinitum inueniri oportet, adde Aristotelem in tertio de Anima libro, scriptum reliquisse intellectum omnia facere, & omnia cogitare, igitur si Mathematici animi vigilantiam adhibuerint, infinitum assequi posse non veredum-  
 B R A S. At idem Aristoteles in tertio de Physico auditu libro, censuit omne corpus siue naturale, siue mathematicum sit, esse finitum, nā corporis ratio est esse planitie terminatum, igitur & lineæ, & superficies in suis constabunt terminis, & non erunt infinitæ. s E N. Aristoteles hoc intelligit re ipsa, quòd corpora omnia sint finita, non autem imaginatione, ac cogitatione. B R A. Idem Sipontinus Episcopus inquit, si lineā geminemus, alterum mathematicum corpus effici, quod duabus dimensionibus constat. s E N E X. Verba hæc & Philosopho, & naturæ aduersari videntur, vt nūc rationibus probabo: nam duæ istæ lineæ ex quibus corpus illud efficitur sunt ne continuæ an continguæ. B R A S S A V. Nec vnum nec  
 o alter



alterum esse possunt. s. e. Probè quidē dicis: nam si contiguas esse diceret, absurdè loqueretur, quia illa quæ contigua sunt, partes habent, quibus se contangant, at linea nullas habet penes latitudinem partes, sed solum penes longitudinem, Philosophi verò continguum vocant cuius partes se cōtangunt: si verò duas has lineas continuas esse contendat, en quo errore ducatur, quoniam aut pars parti, aut totum toto coniungitur, nō quidem pars parti, quia linea secundum latitudinem partibus caret, at si totum toto cū vtræque lineæ secundum latitudinem sint indiuisibiles, ex ipsis duabus iunctis nihil maius eueniet, nam iuxta Aristotelem, indiuisibile additum indiuisibili, non facit maius. Præterea continui definitio, quæ est, continuum esse diuisibile in infinitum, absurda esset, si huius authoris sententiam veram esse fateremur, nam diuidentibus indiuisibilia statim occurrerent. B R A S. Denique superficie data, corpus efficitur, quòd trina dimēsiōe, hoc est longitudine, latitudine, & profunditate constat. Inquit vir ille (doctus aliqui) corpus ex quatuor lineis confici, cum duabus aliæ duæ supponuntur, tunc enim corpus fitque, quòd à Græcis *συστόπ*, id est solidum, à nostri quadrantal appellatur & hu



& huius denominationis rationem reddit:  
quia sex latera habet, hæc verò à Gellio pri-  
mo libro capire vigesimo pro parte acce-  
pit. **SE**. Argumēta illa, quæ suadebāt ex line-  
is superficiē nō fieri, idonea sunt vt prædictā  
sententiā deiiciāt. **BR**. Fortè diceret se intel-  
lexisse lineas esse planorum terminos, non  
quòd illas suo contactu efficiat. **SEN**. Hæc  
non est digna excusatio, quia planis inquit  
verbis duas lineas super alias duas poni ad  
corpus ipsum conficiendum, vt de his in-  
telligere ostendat, quæ vnā coniunctæ sunt.  
**BRAS**. Sed alio errore ducitur, cū ait, id  
quòd ex hoc linearum contactu efficitur,  
cubum esse. nam & si sex lateribus constet,  
nihil tamen fieri prohibuit huius figuræ  
costas inæquales esse, cubus autem id est (vt  
in numeris nunc loquamur) quod ex ductu  
numeri in se ipsam per se ipsum euenit,  
vt ter tria, ter viginti, septem efficiunt, qui  
numerus, scilicet viginti septem, est ternarij  
numeri cubus, idem in figura spectare  
oportet aucta ex se ipsa in se ipsam quanti-  
tate. vt contigit cū apud Athenienses pe-  
stilentia vigeret, ab Apollinis oraculo re-  
sponsum fuit sedaturam pestilentiam, si  
altaris cubus multiplicaretur, ipsi cubum  
aliū eiusdem magnitudinis altari addi-  
dēre, at pestilētia adhuc vigeat, & vigit,

0 2 quo



quoad Mathematicus quispiam admone-  
ret multiplicandum esse altaris cubum per  
se ipsum, itaq; effectum est, & pestilentia  
cestauit. Cùm verò ad huius negocij ratio-  
nem satis dictum esse videatur, quæ dicta  
sunt, breuibus repetere oportet. ex fluente  
puncto fit linea, ex ducta linea superficies:  
ex superficie eleuata vel depressa, corpus.  
SEN. Cùm toties de puncto mentio facta  
sit, optarem in hoc Horatij carmine quod  
punctum significant edoceri.

„ *Omne tulit punctum qui miscuit, vtile dulci.*

BR A. Generalis est interpretum expositio  
de suffragiis Horatium intelligere, vt poë-  
ta ille omne tulerit punctum, idest, suffra-  
gium, qui iucundè in suis poëmatibus fabu-  
las connexuerit, & iocos, necnon & probos  
ac sanctos mores, & rerum naturas miscue-  
rit. S E. Hæc interpretatio mihi conuenire  
non videtur. BR A S S A. Illa fortè tibi non  
displicebit, quæ apud Platonem inuenitur  
duodecimo de Legibus libro, vbi Athenien-  
sis Cliniam admonet, qualis debeat esse in  
„ gubernanda Republica, & inquit: Quod  
„ trito prouerbio fertur, id nobis, amici, nūc  
„ communiter competit ac si de vniuersa re-  
„ publica periculum subire velimus, faciēda  
„ omnia sunt ita, vt ter sex, vel tres talos ia-  
ciamus. Erasmus in Prouerbiis, ter tres le-  
gisse



gisse videtur, de quo mirandum est, cum Plato ter sex sua lingua scriptum reliquerit, inquit enim: ἢ τρις ἑξάσι, ἢ τρις κύβρις βαλλόντων, antiquiores nimirum tribus tessaris in lusibus utebantur, (ut nunc etiam fit) vndique tamen inscriptis, nonnullósque alios habebant ludendi modos. Cum enim tres aut quatuor vnà colluderent, æqualem numerum deponebant, postea taxillos iaciebant, si quis vnitatem depromississet, modò senio abesset, numerum depositorum cumulo numum addebat, qui verò ter sex iaciebat, omnes superlucratur numos, in tessaris enim nullus erat maior numerus isto. Horatius fortè in hoc sensu intellexit, Omne tulit punctum, id est, ter sex iecit, quo numerus alter in astragalis maior inueniri nequit, hoc est, is omnes superauit, qui miscuit vtile dulci. nostri hunc lusum Raffa nescio quo omine appellat, nisi quia æqualia in omnibus tessaris puncta iacentes, vniuersam depositam pecuniam rapiat, antiqui verò in senario tantum vinci permittebant, nostri & in cane sinunt vinci, modò tres ipsæ tesserae canem in superficie ostendant, at semper apud antiquos canes erant damnosi, propterea ab Ouidio decantatum est:

*Quid valeant tali, quo possis plurima iactu*

o 3 Ting



„ *Tingere, damnosas effugiâque canes,*

Canem verò pro vnione accipiebant, in opposito latere senio aderat, & in latere Veneris effigies. Nec deerant apud antiquos tesseræ vndique non inscriptæ, quales & nunc illæ sunt, quas vulgus talos farinæ, fortè ob albedinem laterum non signatorum, nuncupat, de quibus in libello de Astragalorum ac tesserarum ludis differemus. Nūc ad rem ipsam redeamus. Plato in ciuitate horum hominum cœtus, qui ætate, doctrina, moribus, cōsuetudine ad custodiam idonei sunt, constituit, inde quæ discenda sunt, ipsa prætereà, in quibus percipere oportet. singula frustra scribentur, neque enim possunt ipsi qui discant, cognoscere quando quid opportunè discat, atque in eorum animo rei ipsius scientia est. Quæ igitur in his palàm dici non possunt, non rectè tentantur. Dici autem non posse inquam, quoniam si dicantur, nihil planiùs explicant. Interrogat autem Clinias hospitem Atheniensem, quid igitur agendum sit in his rebus, quæ palàm dici nō possunt? Atheniensis respondet, omnia sunt facienda, id est, totum animum, totam mentem in his ponere debemus, quemadmodum si respublica subiret periculum, poneremus: ita vt terrex, vel tres talos iaciamus, id est, eatenus appon



apponendus est animus, virésque intenden-  
da, quatenus totum perfecimus, vt Hora-  
tius in hoc sensu loquatur. s e n . Erasmus  
aliter Platonem præscripto loco interpre-  
tatur. B R A . Cæterùm in periculis, ac sum-  
mis laboribus mulieres nostræ idem ferè  
vsurpant adagium, cùm inquirunt duo de vi-  
ginti iecit, nostra vero materna lingua, *l'ha-  
butta disdotto*. s e . Ex his, quæ superius dicta  
sunt, noua quædam huius carminis succur-  
rit expositio, fluens punctum lineam, hæc  
superficiem, ista corpus efficit, at nihil est  
(demptis intelligentiis) quin vel corpus,  
vel in corpore sit, corpus verò à puncto ceu  
à quodā primo emanauit, vt ducere punctū  
apud Platonem in paræmiā cesserit, pro eo  
quod est, omnia facere, vt Horatij sensus sit,

*Omne tulit punctum, qui miscuit utile dulci.* 6

Id est, omnia fecit poëta ille, qui utile car-  
men tabellis dulcibus intermiscuit. B R . Nō  
est despicienda expositio, præsertim à phar-  
macopōla inuēta, de his verò plus satis. Ad  
id quod est huius libri caput redeamus. s e .  
Prosequaris, vt lubet. B R A s . Ex lineis figu-  
ræ conficiuntur, è superficiebus corpora,  
vt Geometræ figuram hac definitione per-  
fecerint, figura est, quæ termino vel ter-  
minis clauditur: omnium verò figura-  
rum simplicissima est circularis, quæ vna

o 4 lin



linea constituta est, eandem in simplicitate sequitur oualis, ab oui figura nuncupata, & ex duabus minoribus semicirculi portionibus constituta, quanquàm figuras aliter diuiserit Gellius primo Noctium Atticarum libro, capite vigesimo, & Censorinus vigesimo etiam capite sui libri de Die natali, æquè & superficies, rotunda corpora constituunt, & forma oui referta, triangularia, utque in summa dicam, omnia plurium angulorum corpora efficiunt, pluriangulæ figuræ ouales sequuntur, quamuis & ipse ouales angulorum quandam speciem præ se ferre videantur, inter has verò pluriangulas figuras cæteris simpliciores sunt triangulares: quas in huius sermonis initio pertractemus oportet, aures igitur dicendis accommoda. S E N. Iam accommodaui, & pileum ab ipsis remoui. B R. Triangulus figura est tribus lineis circumposita, qualis hæc est, quæ sequitur.  $\triangle$  S E N E X. Quot trianguli species à philosophis instituuntur? B R A S S. Tres æquilaterus, isochelēs, & scalenon, prima species lineas omnes æquales habet, secunda duas tantum habet æquales, & reliquam inæqualem, tertia omnes habet inæquales. S E N. Ut hæc quæ enarraſti facilius percipiatur, horum formulas subscribere libuit, æquilaterus.  $\triangle$ . Isochel



cheles.  $\triangle$ . Scalenon.  $\triangle$ . B R A. Has formulas præsignandi labore me leuasti, Scito autem angulum ab incidentibus lineis constitui, quem rectum vocant, si à recta linea supra rectam incidentem, & non obliquè fiat: acutum, si modicè sit recto minor: obtusum, si recto maior euadat. s e n. Neq; impræsentiarum horum exempla præteribo.  $\perp$ . angulus rectus.  $\angle$ . angulus acutus.  $\sphericalangle$ . angulus obtusus. B R A s. Rogo diligenter auscultes quatuor triangulis æqualiteribus vnà coniunctis tetragonum corpus efficitur, quod vndecunq; iacueris, recto acumine sistit, tribus probasi subiectis. s e. Hinc arbitror priscos illos Romanorum Duces, murices excogitasse, dura militum vafra-  
menta, quibus in castra, aut naues ceu semina iactis equorum, & hominum pedibus auersantur, vtile iactoribus instrumentum, hos verò sollicitat in quorum dispendio seminatur. B R A s s. De hoc murice nunc loquar, & ita commentabor, vt neque sine voluptate, neque sine fructu sis auditurus. s e. Hæc attentius, quàm aliàs vnquàm expecto. B R A s. Murex omnes tetragoni partes non habet, idcirco illo perfectior redditur, tetragonus etenim ratione qua ad Mathematicum spectat, nullam materiam sibi asciscit, vt mathematicarum rerum con-

o s suct



suetudo est, Auerroë quarto de Physica  
auscultatione libro, sectione quinquagesi-  
ma prima dicente: Vacuum & mathematicū  
corpus haud differre, murex verò ex ostrea  
cuiusdam aculeatae, qua pannos inficiunt,  
similitudine dictus est, vulgò tribulus vo-  
catur, non ut aliqui putant, quia tribulet,  
& mortalibus malum incutiat, sed à cuius-  
piam feminis vestigio in senticetis orti,  
eò est à materia semotior tetragano, quò  
magis excavatus, & quò excavatio mathe-  
maticae speculationi propinquior, tamen  
eiusdem generis sunt, idest, quatuor sunt  
angulorum corpora, sed non pauca de tetra-  
gono exordiemur, quæ de murice ducta  
esse putato. Tetragonum corpus ceteris  
sine controuersia angulos habentibus per-  
fectius est, ob eius naturam orbiculari cor-  
pori propinquam, nam in se ipsum quasi  
circulus, aut sphaera reuertitur, ac regira-  
tur. **S E N.** Adde angulorum numerum præ-  
stantiam huic corpori adderi. **B R A S.** Non  
ab re dicis, nam quaternarius est pariter  
par, in numeri ratione trino perfectior. **S E.**  
Hac in re audiendi non sunt, quidam ma-  
lè feriat viri, qui numeri perfectionem à  
rebus numeratis accipiunt. **B R A S.** Verum  
si nos hæc assidue pertractemus, tetrago-  
num ex numeri substantia perfectionem  
sum



sumere deprehendemus, quæ partim in  
 diuisione consistit, vt aliàs suo loco docui-  
 mus. SENE X. Imò & si à rebus ipsis nume-  
 ros locupletari libeat, quid erit quaterna-  
 rio perfectius? quo elementa metimur, an-  
 ni tempora, mēsum hebdomadas, elemen-  
 torum qualitates, hominum humores, &  
 eorundem ætates, quatuor rerum formas:  
 esse inquam, vegetari, sentire, ratiocinari,  
 vires animæ, Ecclesiæ doctores, sacri my-  
 sterij Euangelistas, quatuor mundi partes,  
 lunæ quadrans, dentes gelasinos apta ad re-  
 ctè loquendum instrumēta, curriculi rotas, *id est*  
 & alia infinita, quibus supersedendum po- *qui in*  
 tiùs censui, quàm te hoc catalogo detinere. *risu*  
 B R A S. Nullus esset numerus, qui ex odo- *apparent*  
 re rei, quam metitur, non probaretur, si ex  
 numerata re præstantiam vllam sumeret  
 numerus, contempleris interim nonnul-  
 los aberrare, qui triangulum pro fide po-  
 nunt, quibus consuetudo errorem relaxat,  
 si admoniti resipiscant, quod verò tetrago-  
 no fidem planius ostendere potest? quid ef-  
 ficacius? vis hieraglypho aliquo inuiola-  
 tam demonstrare, quæ nec morte turbari  
 possit? illam tetragono conferas, quem nec  
 decliuis accessus, nec lubrica via impedi-  
 re possunt, quin angulum semper eleua-  
 tum erectumque habeant, tribus pro basi  
 subiec



subiectis, nec ratione subiecti triaguli hoc  
 euenire arbitreris, sed ob quarti anguli na-  
 turam ita euenit. Nam vniuersa tetragoni  
 essentia ex quarto angulo perficitur, ma-  
 thematica nimirum corpora ex vltima  
 vnitare, vel angulo speciem sumunt. *SEN.*  
 Insuper accedit, Aristotelem in Ethicis sa-  
 piētem virum tetragono comparasse, cū  
 » ait, Sapiens scit bene ferre fortunam, quia  
 » habet se sine vituperio, sicut tetragonum.  
 » nam tetragonum corpus quocūque proii-  
 » citur, firmiter stat, vti sapientis animus con-  
 » stans permanet, quacūque fortuna immi-  
 » nente. *BRASSA.* Miranda igitur est te-  
 tragoni, vel muricis natura digna, vt sa-  
 piens illi conferatur, tanquā sapientia  
 ipsa participet, Aristoteles item in secun-  
 do de Anima libro, sectione trigesimapri-  
 ma, animæ passiones, vel potentias appel-  
 lans, tetragono comparauit, cū inquit:  
 In anima esse vti tetragonum in trigono,  
 quem locum Auerrois de figura interpre-  
 tatur, dicens alteram altera priorem & po-  
 steriorem esse, triangulus nimirum qua-  
 drangulo prior est: nam hic triangulum  
 potentia includit, quia quadrato existen-  
 te triangulus est: quo posito quadratum po-  
 ni non est opus, æquè in animæ viribus nu-  
 tritium sensitui prius est, in quo potentia  
 contin



continetur, cum re sensibile sit, nutritium est, è contrario minimè. s e n. Miror Auerroim, qui inter præcipuos philosophos numeratur, figuram non esse figura priorem ignorasse, nam omnes figuræ species sunt naturalibus etiam perfectiores, quoniam mathematicæ dimensioes naturalibus præstant, cum illis sint certiores, nec eisdem specierum conditiones desunt, quarum vna est (Aristotele in Post prædicamentis teste) simul esse, & non per prius, aut posterius genera participare. nam triangulus ita terminis clauditur, sicuti triangulus, igitur æqualis naturæ sunt figuræ species, & vna non est prior, vel posterior alia.

B R A S S A V. Obuiabunt fortè hinc tuæ sententiæ recentiores, quia figuræ ad duo referri possunt, nam nonnunquam ad genus referuntur, & ita vna aliis prior esse non potest, quia æquales sunt sub eodem genere species, quandoq; ad materiam cui inhærent, referri possunt, vt triagulus huic materiæ inhæret, illi quadrangulus, & hoc modo in prius & posterius naturam variare possunt. At hi Ammonij argumento in Porphyriana commætatione reprehendendi sunt. Author hic specierû exempla subscribens, inquit. Triangulum figuræ speciem quidam verò eo tempore Porphyrium



rium repræhendebant, & triangulum quadrangulo priorem esse suadebant, quoniam tria quatuor priora sunt, non est igitur figuræ species. nam in speciebus æqualis est temporis, rationisque natura. SEN. Facile est horum argumentum euitare. BRASSAVOLVS. At prius audias quid à nonnullis diceretur, qui Porphyrium absurdè defendere conabantur, nam & ipsi triangulum quadrangulo priorem esse arbitrabantur, Porphyriumque excusabant, quòd exempli gratia ita locutus esset, hos, vt digni erant, Ammonius repræhendit cuius argumentum, & in præcedentes etiam militare percipies, inquit verò:


Νῦν δὲ οὐδεμία ἐστὶν ἀνάγκη ἵνα γένηται τὸ τετράγωνον, τῷ προϋποκείσθαι τριγώνον, εἴτα τῇ σιωθῇ τῶν τετάρων, τὸ τετράγωνον γίνεσθαι, ὥς ὁ Εὐκλείδης ἐν τῷ τεσσαρακτῷ αὐτῷ θεωρήματι, ἀνευ τριγώνου τὸ τετράγωνον δι' εὐθείας ἀναγράφει διδύσκει, ὁ δὲ κωλύει καὶ τριγώνον μὴ ὄντα τέσσαρας εὐθείας ἐπιζεύξαντας ποιῆσαι τετράγωνον. ὥς τε δὲ ἀληθὲς τὸ ἀνευ τριγώνου σιωπῇ καὶ τὸ τετράγωνον.

Quæ si Latina lingua referre voluerimus  
ad



ad verbum, ita ferè dicunt: Nunc nulla est  
necessitas vt fiat quadrangulus, eò quòd tri-  
angulis supponatur, postea horum compo-  
sitione fieri quadrangulum, quemadmo-  
dum Euclides in quadragesima ipsius spe-  
culatione, sine triangulo quadrangulum  
per rectam designare docet, nihil verò im-  
pedit & triangulo non existente quatuor  
rectas coniugatas quadrangulum facere,  
quam ob causam falsum est triangulo abla-  
to auferri quadrangulum. s e n. Ammonij  
sententiam audiui, ex qua colligitur neque  
Auerroem esse veritati propinquum, vel so-  
lutionem illorum, quæ ad particularia con-  
fugit. nã Euclides atq; Ammonius de par-  
ticulari loquuntur, qui ab homine fieri po-  
test. B R. Minus etiã illi audiendi sunt, qui di-  
cunt exempli gratia locutum esse, at multa  
ab Ammonio in eodem loco referuntur, quæ  
(ni pigeat) in nostra Porphyriana Panoplia  
legere nihil impediet. s e n. In his ambigui-  
tas mihi occurrit cõtemplanda. quia Plato  
de figuris in Timeo loquens, rectilineas o-  
mnes pluriangulas in triangulum resol-  
uere, ceu in simplicissimam figuram docet.  
B R A s s. Respondemus Platonem non ita  
resoluere, quin animaduernerit pluriangu-  
lam à minori angulo nō fieri, id verò dixit  
quoniam in figuris vna denique reperitur:  
qua



qua angulorum numero nulla minor fieri potest, at in additione nunquam terminus adhibetur: nam in infinitum ut numeri figuræ crescunt, ob hanc rationem diuinus Plato usus est nonnullis figuras in trāgulam resoluisse, hūc nimirum inuenit, tanquā vltimum in figuris angulorum paucitate, imò in corporibus, & non in figuris authoris sermo versatur. Cæterū Diuus Thomas contextum illum trigessimū primum secundi de Anima libri his verbis interpretatur: Plato numerorum ideam instituit  
 » alterius naturæ, quam aliarum rerum specimina, homines ideam habent non modo dicē seiunctam, & boues æquē ac reliqua.  
 » In numeris verò eadem est, qui nō sunt inuicem separati, sed naturali quodam ordine se consequuntur, hinc dualitas omnium  
 » consequentium numerorum causa est, idem in figuris intelligere oportet, Trigonam, scilicet, vnāquāq; pluriangularum figuram ingredi, & earum est causa, ostendit  
 » præterea exemplo trigonū in tetragono potētia cōtineri, nihil enim prohibet in duos  
 » trigonos tetragonum partiri, ut subiecta formula ostendit.  Hæc deinde diuus Thomas ad animæ rationē componit. Nos autem arbitramur Diuum Thomā in hac solutione Aristotelis mentē haud attigisse,  
 nam



nam verum prorsus est dualitatem numerorum causam fecisse, imò vnaquæque addita vnitas, causa est vt numerus in specie constituatur. Ad tria igitur non est necesse duo exigi, id est, speciem hanc numeri quam dualitatem vocant, sed tres vnitates expetuntur, quarum tertia speciei rationem tribuit. Minimè ambigo numeros ob vnitates ordinem habere: nullus verò numerus in sui compositione alium recipit numerum, sed quantusquantus est, tot sibi vnitates asciscit. *SEN.* Numeros igitur ita exoriri arbitraris? vt binarius duabus constet vnitatibus, secundaque vim speciei formalem tribuat? *BRAS.* Ita intelligo, & ternarius eodem conficitur modo ex tribus vnitatibus, in quarum tertia formalis ternarij ratio existit, nec ternarius binarium claudit, id est, speciem hanc numeri, quam dualitatem vocamus, imò tertia vnitas duabus adueniens ternario rationem formalem addit, qua resecta, scilicet vnitate tertia, duæ vnitates derelictæ binarius haud sunt, id est, species illa numeri binarius appellata, hocque intellige ratione, qua duæ illæ vnitates pro ternarij perfectione accipiebantur. Cum verò vnitas resecatur, relictæ vnitates statim aliam numeri speciem subeunt, sed nō ratione qua erant ternarij vni-

p      tates



tates. & hæc, quæ de ternario numero dicta sunt, unicuique numero accommodari possunt. *SEN.* Arbitror eandem esse & in figuris rationem. *BRAS.* Imò eadem prorsus est, nec tetragonum à trigono fit, quoniam ex recta linea fieri utrumque potest. quod quadragesima speculatione Euclides ostendit. *SEN.* Quid etiam prohibet ex linearum accessu, & recessu trigonum in tetragono, & tetragonum in trigono collocari? *BRAS.* Nihil, at in Diui Thomæ quaestionibus, Quolibetalibus vocatis, articulo sexto primi quolibet partem illam libri de anima adductam ita exponit ipse Thomas, trigonum scilicet esse in tetragono virtute, & hunc, videlicet tetragonum in trigono. *SEN.* Sed cur æquè in trigono tetragonum virtute non est? nam trigonum (ut scriptum reliquerat) tetragoni causa est, quæ causarum virtute, & potentia completitur. *BRAS.* Non absque ratione Diui Thomæ sententiam reprehendisti, qui prima parte summæ Theologiæ quaestione septuagesimasexta, articulo tertio, inquit, Pentagona figura non per aliam figuram pentagona est, per aliam tetragona, ita est in animabus. in quibus locis Aristotelem exponit, ac si de pentagono & tetragono verba fecisset, cum de trigono solum, & tetrag



tragono scribat: vna tamē est & eadem sententia, sed animaduertisse volui, vt integrum ac purum Aristotelis sensum, ac verba haberemus. *SEN.* At Themistius de hac re cautiùs locutus est, verùm & hoc authore prætermisso ad reliqua sermonem conuertamus. *BRAS.* Aristoteles de tetragono corpore, & trigono locutus est, nihil etenim refert, an corpus, an figuram intellexerimus: siquidem ex quatuor æquilateribus tetragona pyramis efficitur priusquàm verò quartum addideris, tres illi admisti trigonum esse videntur, quarto addito in tetragonum transit, hinc trigonum in tetragono esse iudicauit, aut triangulus in tetragono corpore est, quia vnaquæque eius corporis superficies triangulus est, hunc ignis figuram habere in Platonis Timæo ostenditur, tetragonum prætereà corpus ex crystallo compositum philosophicas speculationes, & admirandas habet, quas easdem in Euclidis trigono videre licebit. *SEN.* Sæpè colores illos in trigono contemplatus sum, & mihi res visa est mirifica. *BRAS.* Ac fortè non ita inspexisti, vt ego feci, nam superciliis admotus, rebùsque per crystallum inspectis, infinitæ videntur colorum varietates, quæ nunquàm possent vel arte pulchriores. fieri, quales in Iride appa-



rent. verum hi tanto Iridis colores superant,  
 quanto crystallus terfa magis est, lenigata,  
 alba, & diaphana nube, nanq; ibi puniceum  
 colorem videbis, coelestem, xanthum, fulgi-  
 dum, coccineum, viridem, subviridem, &  
 sexcentos alios columbarum collo, ac pa-  
 uonum pulchriores. si trigonum sumpse-  
 ris angulo in supercilia admoto, & in co-  
 stam superiorem, vel inferiorem despexe-  
 ris, mille colorum figuras inspicias. Idem  
 euenit angulo superciliis admoto, & altero  
 supra nares, oculique costa tegantur, postea  
 in exteriorem vel interiorem angulum de-  
 spicies, trigono autē supra nares, & super-  
 cilia vno latere posito, si in angulum inspe-  
 xeris, quaecunq; recta sunt, obliqua præsenti-  
 tabit, vt hominum pedes ad capita, & rerū  
 apices in fundamēta tanquā in aēre pen-  
 dere videantur. Idem fit angulo superciliis  
 admoto, si costam superiorem inspicias, co-  
 sta praesertim fronti adnixa, ceterum sine  
 coloribus res apparent & coloratae admo-  
 dum, & quasi in gyrum ac in semiorbē reda-  
 ctæ, vt quidam pinguis mineruæ Iridē esse  
 putarint. huius rei periculum feci crystalli-  
 no tetragono à pudicissimis virginibus  
 mutuò accepto, Diua Isabella, simul & diua  
 Iulia Taraconensibus Federici Regis Par-  
 thenopei filia, omnibus ingenij atq; animi  
 dotibus



dotibus præditis, quarum memoria donec  
aura vitalis hos artus moderabitur, à no-  
stris cogitationibus nullo momēto est ab-  
futura. Viragines sunt & formosæ pariter,  
& probæ, doctæ, integræ, benignæ, affabi-  
les, in literis egregiæ, nō dissimiles in mo-  
ribus cœlestibus Diuis, imò Diuæ ipsiis com-  
parandæ, humanitate, gratia, clementia, in-  
dulgentia, liberalitate, moderatione, fidu-  
cia, fortitudine, immensa rerum fortuita-  
rum patientia, & animi stabilitate. Videor  
videre antiquas illas nobilissimas Roma-  
nas in vtrasque sorores transmutatas, pul-  
chriores sunt ipso pulchro, venustiores ve-  
nusto, præstanti præstantiores: & si quid est  
præstans, venustum, pulchrum in his cadu-  
cis rebus, ipsæ sunt, Isabella inquàm & Iu-  
lia Taraconenses, de quarum laudibus tu-  
bam nostra maiorem exoptaremus, quæ  
illas Diis pares esse ostenderet, nos autem  
viæ ignari, ad reliqua properemus. S E N.  
De his Regiis filiis tot dici non possunt,  
quin etiam plura supersint dicenda. ad tri-  
gonum sermonem vertas. B R A S. Si præ-  
sentem hominem per crySTALLinum trigo-  
num inspicere lubeat, in duplo ferè maior,  
quàm sit videbirur. Si verò noscere volue-  
ris, an ipsum inspicias, te quispiã è regione  
conspiciat. nã si illi quatuor oculos habere



respicis, illum aliter videre non potes. mira est huius trigoni natura, cuius causam rimari difficile est. *SE*. Has tamen scire exoptarem. *BRAS*. Nos breui sermone de his agemus, ut viribus nostris ac menti concessum erit. *SEN*. Neque aliud scire voluerim, quam id, quod tu ipse depromes. *BRAS*. Non dubito eandem esse coloris in trigono, & Iride causam, quam Aristoteles in tertio Meteororum libro, refractionem esse docuit: visuales etenim lineæ in trigono constitutæ, ob earum varietates in coloribus quoque varietatem faciunt. nam ob variam trigoni crassitiem vario modo flectuntur. in angulis etenim tenuior est, prope medium crassior. hinc multæ linearum, ac umbrarum flexiones fiunt, quæ in crystallino subiecto vndique lucido, opacam umbram demonstrare nequeunt. Causa autem cur hinc magis albæ, illinc nigriores appareant, maior atque minor angulorum crassities est. *SEN*. Et quonam modo? aperias obsecro. *BRAS*. Duo sunt colores extremi: album, & nigrum: umbra magis propinqua nigro est, at lucidi corporis umbra in nigrum ita non vergit, sed quanta est ad opacum intercapedo, tantò umbra luci magis affinis est, at quod à nigro parū abest, in albū declinat, ceterum nihil prohibet



bet, infinitos fieri secundum maiorem accessum, & recessum ad album, atq; nigrum colores. hinc colores prope trigoni angulos; quia umbra tenuior albo sunt magis affines, in crassitie verò sunt nigriores. quo igitur loco umbra intensior est, eò color prorsus nigrior efficitur, quò tenuior, magis albus est, trigonus autem ordine quodam magis & minus in acumen transit, ob hoc hi colores ordinem habent, ut nigriores primum appareant, virides deinde, tertio loco punicei, & ita in magis albos accedunt. SEN. Difficilis est eiusmodi umbrarum speculatio, atque maxima corporum in lucido reflexio. BRAS. Experimētum esse possunt solares radij, si alicuius fenestree aduersam partem illustrauerint, quam è vestigio claudas rima derelicta, per quam rerum umbras in terra conspiciere possis; omnia è contrario videbis superiora inferiorius, & è contrario, quæque antea, post. porro trigoni costa rei imaginem è regione existentem præfert, sed in costam reflectitur, in quam visum exercemus, hinc quæ sursum sunt, inferna esse videntur: inferiora verò superius, dextra in sinistrum, & quæ sinistrorsum sunt, ad dexteram inclināt. Si autem corpus esset omni parte in crassitie homogeneum, nullos colores intuitu assequere



reris.nā & vmbrae homogeneae essent, resq;  
in proprio colore modicum fuscae cerneretur,  
& magis etiam ac minus, vt corporis  
Diaphani crassities impenderet, luxq; cir-  
cumcirca praefulgens vmbri nonnihil mo-  
menti addens. Praeterea trigonum noctu  
sume, inde vnico tantum oculo per costam  
versus lampadem inspicere, mira assequeris,  
dextera inquam sinistrorsum & e contra, ac  
superiora deorsum, pars item rei lumini  
propinquior phoenicea praesentatur, remo-  
tior autem viridis: vna deinde tres lampa-  
des redduntur, si sumpto trigono & angu-  
lo superciliis admoto per interiorem tri-  
goni costam in lampadem inspexeris, lam-  
pas prima deorsum videtur, & naturalis, se-  
cunda in medio subuersa, tertia sursum de-  
cliuus mille coloribus picta. oculus huius  
apparentiae causa est, qui naturalem lam-  
padem dempto trigono videt, deinde per  
inferiorem costam secundam lampadem  
intuetur, & tertiam per superiorem costam  
mille coloribus circumseptam. s e n. Dispe-  
ream, nisi haec actu ante tres dies experiar.  
B R A S. Id fieri facile poterit, sed reliqua  
audias: Angulo e regione oculorum posi-  
to, per inferiorem costam superiora, per  
superiorem inferiora concipies, hocque  
differentis costae ratione fieri arbitror.  
idem



idem euenit costa supra oculos constituta, si deorsum exterioris anguli inspexeris superiora deorsum apparebunt, inferiora sursum, te ipsum cernere poteris trigono sumpto si deorsum per costam inspexeris, nam te ipsum in lampadis parte, & lampada vbi es, tu inspicies. Denique angulo supra oculos posito, si per costas in terram despexeris, quæ opponuntur, geminata esse apparebunt. sed vt vno expediam verbo, trigono oculis admoto, atque in varios situs deuoluto, ex te ipso mille rerum figuras, mille colores inuenies: qui nequeunt aut calamo describi, aut verbo doceri, sola inuenti experientia, eadēque probati: nam leuia corpora sexcentas figuras habere possunt, vt in chalybeo speculo modicè cōcauo: quo ignis accenditur, exemplum haberi potest, de quo Plinius capite centesimo decimo libri secundi, mentionem facit, si oculis propinquè admoucas, rectam faciem tibi demonstrat tua longè maiorē, equinos dentes tibi refert, atque nasum rhinocerotis, supercilia suillis setis crassiora, næuos vt vngues refert, palpebras digitales, carnis scabritiem vti monticulos representat, vultus tubercula, grandiores vesicas esse arbitraberis. SEN. Hoc millies expertus sum, sed adde si longinquè te ipsum inspexeris,

P 5 facies



facies decora tibi videbitur, caro pulchra, præstans aspectus, sed quod mirum est, faciem subuersam repræsentat. BRASS. Ita profectò est, at si corpus leue sit, ac diaphanum, ceu crystallinum trigonum, longè præstantiora, & fœcundiora referètur. quin & Parianus Artemidorus, de quo in primo Naturalium suorum, mentionem facit Seneca inquit, si concauum effinxeris speculum, quod sit rectæ pilæ pars, si extra medium constiteris, quicumque iuxta te steterint, vniuersi tibi videbuntur priores à te, quàm à speculo. SEN. Quid? fieri possunt arte elaborata specula, quæ vnico præsentem hominem, vti populum ostendunt, sit verò ex paruis minutisque speculis eiusmodi speculum. BRASSA. Adde quadrangularia specula altera parte magis longa, si excavata fuerint, vultum per arctiorem costam inspectantibus ita latum præsentabunt, & per latiore adeò strictum, vt non modò risum inducant, sed ad hunc magnoperè impellant. his lineis quibusdā alterius materiæ vel cereis superadditis, quot erunt lineæ, tot diuersos ac seiunctos nasos ostendent, os palmo in continuitate longiusculum, lumina nasus numerosiora. SEN. Atqui speculum fieri potest, quod non solum turpes ostendet illas, quas refert figuras, sed  
& attras



& atras, & obscuras, atque cornutas, ea re mutata quæ speculo subest, ad quam radij refraguntur, atque flectuntur: illo etenim absente subiecto formæ delitescerent, & quasi per transfennam oblitterarētur, in speculis nimirum bractea vel tenue quodam ac densum desideratur formas in visum deflectens, nam formæ per vitrū natura diaphanum transcurrentes frustra spectarentur? BRASSAVOL. Iam verò quid referam mille in columbarum colli flexu colorum varietates? Seneca carmen refert in primo Naturalium de his columbarum collis, à Nerone decantatum, quod ne desideres, ita cecinit:

*Colla Tyberiacæ splendent agitata columba.* 11

SEN. Variis etiam coloribus pavonum cervix aliquò deflexa nitet. BRASS. At hi potissimū colores mortalium animos iugi cogitatione discruciant, qui à cœli arcu referuntur, rutilantes, crocei, glauci, phœnicei, & floridi omnes, hæc nonnihil poëtarum animos commouere, vt arcum hunc Deorum nuntium facerent, Virgilius Irim Iunonis nuntiam fingit, ἀπὸ Ἰρίης, id est nuntiare, dictam, cū cecinit:

*Ergo Iris croceis per cælum roseida pennis* 11

*Mille, trahens varios aduerso sole colores* 11

*Pernolat, & supra caput astitit.* 11

SEN.



SEN. Alio quoque in loco ita cecinit:

„ *Irim de cœlo misit Saturnia Iuno*

BRAS. Et deinde sequitur:

„ *Illa viam celerans, per mille coloribus arcum*

„ *Nulli visa, citò decurrit tramite virgo.*

Philosophi nimirum inquirunt lucem, & quæcunque ab ea fiunt, nulla temporis ratione habita fieri, sed immediatè induci, & non per quendam partium successum.

SEN. Mox addit poëta:

„ *Cum dea se paribus per cælum substitulit alis,*

„ *Ingentemque fuga secuit sub nubibus arcum.*

BRAS. His in carminibus nonnihil ambigui mihi occurrit, cùm Iris sit ipsa Dea, quomodo sub nubibus arcum secuit? commodius videbatur dicere eammet in nubibus sistere, & in aëre gradus defixisse, prætereà nō secuit sub nubibus arcum, sed potius in nubes impressit, quas etiā coloribus ornauit. SEN. Fingūt poëtæ quoad illis fingendo progredi liceat: his verò eò progredi cōcessum est, quò heroum gesta res naturæ, rustica fabulamēta per aliquas species obliquis figurationibus summo cum decore, & maxima cum delectatione conuersa traducant: quod à Strabone elegāter proditū est,

„ cùm dicit: Sicuti quispiā argēto circumfun-

„ dit aurū, sic & poëta veris contemplationi-

„ bus fabellas apponit, quibus elocutionē & dulced



dulcedine conciliat, & ornatu. Irim poëta  
Deam esse fingunt in cælo, hoc est in aëre  
sedem habēte, uisus effectus in nube viden-  
tur, ob hoc Iunonis nuntia appellata, quod  
in aëre inter nos, & Iunonem medio verse-  
tur. in Iridis verò contemplatione, duo oc-  
currunt consideranda. Vnum est arcus ipse,  
alterum diuinitas, quæ tali ratione ab aëre  
se iungitur, quali diuinæ essentia speciem  
participant, quanquā sint re ipsa idem, à  
Virgilio igitur decantatum est.

*-Secuit sub nubibus arcum.*

Quia Iridis diuinitatem ab arcus figuratio-  
ne secernebat, interpretari que debet secuit,  
id est, duxit atque induxit arcum sub nubi-  
bus. nam & in sexto Aeneidos secare pro-  
ducere in illo carmine usus est:

*Ille viam secat ad naues.*

Aut diuitas<sup>n</sup> ad Troianas mulieres accessit,  
quas ad cōburendā classē excitauit, arcus  
verò in nubibus ad quē, igne accēso Troia-  
norum nauibus debacchātibus regreditur,  
diuinitas igitur Troianis derelictis ad arcū  
se recepit, vt intelligatur, secuit, id est arcū  
secuta est, qui in nubibus expansus, diuini-  
tatē expectabat. nā & Vergilius in decimo  
Aeneidos, secare pro sequi utitur, cū ait:

*Qua cuique est fortuna hodie, quam quisque  
secat spem.*

Vel



Vel secuit, id est insigniuit, & arcum in nubibus impressit, ut pictores faciunt, qui lineas secant, id est, in aliquod subiectum imprimunt. **BRAS.** Nescio unde tam repente grammaticus euaseris. **SEN.** Nondum quæ iuuenis didicerim, tibi aperui, at commodum videretur de Iridis coloribus non nihil pertractare. **BRASS.** A nobis in hoc loco de Iridis coloribus disputandum non est, quomodo scilicet fiant, & an re ipsa ita sint, vel fieri videantur, & hominum lumina fallantur, putantia aliquid flammei, aliquid lutei, aliquid cærulei, & alia in picturæ modum subtilibus lineis ducta cernere, ut in his carminibus expressum est:

» *Sed nunc diuersi niteant cum mille colores,*

» *Transitus ipse tamen spectantia lumina fallit.*

**SEN.** Cur de his impræsentiarum agendum non est? **BRAS.** Quia suo, ac proprio tradentur loco. nunc verò te docebo, quot modis arcus cœlestis colores in his inferioribus rebus inspicere possis. **SEN.** Neq; istud mihi ingratum videbitur. **BRAS.** Si mille pelues sereno die acceperis, & è regione Solis in orbem ac debitum ordinem disposueris, Iridis colores referent, mille aquæ, aut roris guttæ idem efficiunt supra mille folia in singulis singulæ ordinatæ. nam bis quingenti soles effulgebunt, si modò tu inde  
tanto



tanto abeas spatio, vt particulares in singula gutta aut in singulo pelui soles inspicere non possis, sed tibi corpus vnum ex omnibus reintegrari videatur, Iridem sereno die, aut eius imaginem inspicere poteris, quàm si volueris paruam inspicere, fistulam aqua impleto, cui modicum foramen efficias, vt aqua aduerso sole guttatim stillet, Iridis speciem ac colores in singula stillante gutta videbis, & Aristoteles in Meteoris dicit, aquam aduersus Solem per remum fractam, Iridis colores reddere, quod nauarum experimento sapiùs comprobant, eosdem refert colores striata crySTALLINA virgula, vel pluriangula, in modum clauarum tortuosarum, si è regione solis ponatur. agè vitrea perlonga admodum virga in circum flectatur, Iridis colores inspicies, præsertim si à vitro procul abeas. nam humida spatio decepta distinctos inter se colores, ac Solis imaginem cernere nequeunt, sed quoddam integrum multis coloribus intersertum, ac si Iris sit, spectabunt. nec mirum est oculos intercapedine falli, qui & celeritate, vt in stellarum cursu, & tarditate, vt in gnomone falluntur. Aristoteles in libro de Insomniis inquit, Sol oculos distantia perturbat, vt sapientes etiã (inquit Seneca) pedalem esse contenderint, quem velocissimum omnium



omnium esse scimus, nemo nostrū moueri vidit, nec ire crederemus, nisi appareret ipsum mundum hunc præcipiti velocitate labentem, & ortus, occasusq; intra momentum temporis reuoluētem, nemo nostrum vidit procedere, quia si obiectū nimis propè sit, alia sub specie præsentatur, imò & in ipsis oculis hæc percipi possunt. Plinio teste, capite trigesimo sexto libri vndecimi, vt hi quæ longinquius sunt, inspiciant, hi non nisi propinqua, multorum visus solis fulgore præsentē constat, at nubila die non videt, nec post solis occasum alij interdiu hebetiores, noctu præ cæteris cernunt. S E N. Horum causas libenter audirem. B R A S S. At illas in præsentiarum dicturus nō sum, sed de illis tunc agemus, cū de oculorum ægritudinibus verba faciemus. S E N. Rem igitur propositam prosequaris. B R A S S A. Sol vitreæ fenestræ oppositus, ex reflexo Iridis colores repræsentat, iidē apparebunt, si strictis in vitrum oculis, per quod sol transit aciem direxeris. fullonem observa, quoties aqua in os sumpta panum inspergit, animum tuum mouebunt illi, qui in his guttis fiunt admiratione colores. S E N. Scio res maiores videri, quæ per vitrum inspiciuntur, & plerunque mutare colorem. B R A S S. Pulchiora prorsus apparent, quæ



quæ per vitrum visuntur, & maiora, vnde fructuarij emptores decipiunt vitro cancellis appposito, vt poma ac reliqui fructus per vitrum inspiciantur, nã ampliores apparent, quàm propria natura sint, & colorationes, vt hinc transeuntes rei pulchritudine allekti, fructus emant. *SEN.* Nunc tempus videtur, vt ad muricis historiam reuertamur. *BRASSA.* De Murice illa vltimo loco referam, quæ erant in primo limine dicenda. Murex nomen est multiplex, nonnunquàm pro genere conchæ accipitur, quo lanas inficiunt, Recetiores purpuram esse arbitrati sunt, quibus Plinius libro nono trigesimo sexto ac quinquagesimo primo capitibus aduersatur: cùm ait muricem à purpura alterum esse, vnde cùm à Virgilio in Bucolicis scriptum est:

*Ipse sed in protis aries iam suaue rubenti:* “

*Murice. Seruius non probè exponit murice.* “

Id est, coclea: vnde tingitur purpura, at murex (Plinio teste) purpurâ non tingit, imò concha est eodem nomine vocata, non deest tamen murici suus color, qui & ruber est, & purpuræ affinis, quo lanas inficiebât. hinc à Virgilio dictum est: *Suaue rubenti* “  
*Murice. SEN.* Imò & ipse Seruius in quinto Aeneidos, pro saxi acumine, muricē interpretatur, cùm à poëta scriptum est. Et

q

acut



- », acuto in murice remis obnixi crepuere.
- », B R A. Tamen nihil impedit de murice concha Virgilium intelligere, quæ aspera cautibus semper inhæret, nam illa quæ cautibus insunt, saxa vocantur, non murices. s E. Ad sunt & murina vocata vasa, de quibus mentionem facit Plinius capite secundo libri trigesimi septimi. cum ait, Neronem ad bibendum c c c c. sestertiis sibi trulam parasse. B R A. At ad muricem, de quo loquimur, reuertamur. instrumentum est, quadruplici latere aculeatum, de quo in militaribus vafamentis Vigerius tractat, & non nihil Valerius, trigonus vulgò nuncupatur, ex triplici cui inhæret acumine, at nos potius tetragonum appellemus, quia eius essentia quarto angulo perficitur. s E. Pleriq; verò nō trigonum, sed tribulum vocant, à cuiuspiam spinæ similitudine, cuius semē acculeatū est. de qua ita dicit in Georgicis Virgilius, Lappæq; est tribuliq; . B R. Vel ita nuncupatum est ab instrumenti similitudine, quo spicas in grana deglubebant, tribus lateribus constituti, de quo eodem loco Vergilius dixit: Tribulique tragæque cuius figura agricolis nostro tempore satis consultæ non est. s E N. Nonnulli instrumentum hoc curriculi genus deorsum asperi esse volunt. B R A S S A. Alij instru-
- ment



mentum triplici baculo confectum, quorū  
vno triturantes manubrij vice vtuntur, reli  
quis duobus spicas concutientes vt grana  
deglobent, à Ferrariēſibus ruſticis *cerchia*  
vocatur, hoc fortè instrumentum illud est,  
quod *Hornam* Hebræus Dauidi dedit, vt  
ignem in sacrificium Domino succēderet,  
cū ipse in area tritureret, ita enim in pri  
mo Paralipomenōn libro, capite vigesimo  
primo scriptum est: Sed & boues do in ho  
locaustum, & tribulas in ligna, & triticum  
in sacrificium. SEN. Adde tribulum fruticis  
genus esse in lacubus, aut aquis ortum du  
cens aculeatum, quem mulieres clixant,  
acuminibus castrant ac mandunt. BRASS.  
Denique vt huic negotio finem impona  
mus, vel hinc vel inde murex nomen acce  
perit antiqui ab ostrea, vel pisce denomi  
narunt, recentiores verò ab his iam enar  
ratis trigonum, vel tribulum nuncupa  
runt, de cuius natura hæc in Hieronymi  
Brassauoli militis strenuissimi gratiā scri  
pta sunt. SENEX. Nihil aliud nobis supe  
rest quàm ea pertractare in quorum gra  
tiam huc accessi. BR. Hoc ad te spectat, iam  
te ipsum labori accingas. SE. Antè quā huc  
accederē eram accinctus, & omnibus Vn  
guentorum generibus bene pramunitus.  
BRASSA. Eia igitur de Vnguētis per  
tract

q 2 tract



tractare incipito, ut vnumquodq; quod paras in examen ducamus.

SE N E X I.

Cum ergo de Vnguētis tractaturi simus, sæpiusque audierim nō fuisse eadem apud antiquos vnguenta, qualia sunt impræsentiarum apud recentes, idcirco à te scire optarem, quæ essent apud antiquos vnguenta, & quæ sub vnguēti nomen veniebant.

BRASSAV. Erant prorsus diuersa antiquorum vnguenta ab his, quæ nunc vnguēta vocantur, imò ampliusculè loquar, tria hæc nomina, Vnguentum, emplastrum, ac ceratum, alia hoc tempore significat, quàm antiquitus significarent, & adeò impræsentiarum confusa sunt, ut cerata nōnunquam vocentur vnguenta, & emplastra vnguenta, & è contrario. Antiqui etenim illa solum vocabant vnguenta, quæ ex odoratis conficerentur, nunc adsunt & fœtidissima vnguenta, vocabant prætereà emplastra illa, quæ ex metallicis erant confecta, nunc autem vnguenta vocantur, emplastra verò apud recentes sunt illa, quæ ab antiquis cataplasmata vocabantur. adde cerata fuisse apud antiquos ex oleo & cera confecta, nunc illa tantum vocantur cerata, quæ cerā quidem recipiunt & oleum, sed maximè inhaerent, ut quandoque si auferre tentes, pillos vnā



vnà adimant, ob hanc vehementem inhærentiam à Galeno ἰχινόλλα vocantur, at his præterminis ad vnguentū veniamus, quod ab usu videlicet vngendi nomen accepit, & quamvis apud antiquos per hoc nomen vnguentum odorata significarentur, quæ & μυρόκοπα vocabant, tamen vnguentum crassitiem quandam habere debet, & lentorem vt inhæreat. ne à loco facillè dilabatur. Idcirco hæc esse videtur inter oleum & vnguentum differentia, quòd vnguentum maiorem lentorem habere debeat, quàm oleum. tamen non est maxima differentia, imò quandoque apud antiquos inuenies vnum & idem esse vocatum oleum & vnguentum, vt in primo de Compositione medicamentorum secundum locos, capite primo, apud Galenum videre est. vbi simplicia ponit ad alopeciam præsidia, & ait: Quæ autem sufficienter, scilicet calefaciūt, laurinum siue oleum, siue vnguentum aut quocunque tandem nomine appellare velis. Paulò post in hoc eodem loco, vbi illa in ordinem ponit, quæ sunt magis calida, & minùs calida, calidissimis enumeratis inquit, Et laurinum oleum siue vnguentum velis appellare, vt facillè colligi possit laurinum vocatum nunc oleum, à Galeno & oleum & vnguētum vocari, nam

q 3 olea



olea verè sunt, quæ ex oliuis exprimuntur  
reliqua exquisitè olea non sunt, sed per  
similitudinē ita vocātur, idcirco baccharū  
lauri expressum & si oleū vocetur, verè oleū  
non est, sed baccharū lauri expressum, pro-  
pterea Galenus nō magni facit, siue oleum  
hoc vocare volueris, siue vnguētū, siue alio  
nomine vtaris. Vnguēta crassitiem habere  
oportere Dioscorides atq; Galenus in sexcē-  
tis locis ostēdūt: nā cū de aliquo simplici  
odorato verba faciunt, inquit valere ad  
spissanda vnguenta, vt hinc elici possit,  
vnguenta apud antiquos fuisse crassiora,  
semperq; fuisse confecta ex aliquo oleo, &  
re alia odorata. in eodē libro superius cita-  
to, Galenus mellinū vocat & vnguentum &  
oleum. prætereā vnguenta fuisse spissiora  
hoc manifestè ostendit, quia idem Galenus  
in tertij libri de Simplicij medicamentorū  
facultatibus calce, inter oleū rosaceū, & vn-  
guētū rosaceū differentiā facit: quia in oleo  
nihil odoramenti positum est, quod tamen  
est positum in vnguento ad olei spissamen-  
tum. Alexander Tallianus libro quinto ca-  
pite vigesimo secundo, in illa parte, vbi do-  
cet non esse adhibendam aquam frigidam  
hecticis, modum docet rosaceum ceratum  
cōficiēdi, quod hecticis applicat, & inquit:  
Si plus aquę addatur, & olei, vt mollius fiat,  
esse



esse vnguentum. vt author hic inter cera-  
tum & vnguentum differentiam facere vi-  
deatur, quod vnguentum liquidius sit, cera-  
tum minùs liquidum. & Galenus in quar-  
to de Sanitate tuenda, capite octauo, vn-  
guentum cū cerato affinitatem habere do-  
cet, nam ceratū facit, & vocat vnguentum,  
cū ait: Quod si nec ea sit ad manū (scili-  
cet libanotis) betæ albæ radix, & cucurbitæ  
agrestis, & althææ & vitis albæ efficaciter  
euaporant, vbi suam ipsę qualitatem, virēs-  
que in oleo aliquo similis facultatis dimi-  
serunt. Quodcunq; verò sic præparatū oleū  
est, in id si vel ceram solam, vel cum ea resi-  
nam iniicere voles: non solū pulcherri-  
mum, sed etiam quod in loco bene hærebit,  
vnguentum facies. vt hinc colligi possit, ce-  
ratum ex oleo & cera, & aliis quibusdam  
additis vocasse vnguentum: & si etiam pro-  
bè inhæreat, vnguentum verò multa reci-  
pere debere, & odorata, Dioscorides te-  
stari videtur in illius partis præfatione, in  
qua de vnguentis acturus est, cū ait:  
Verū quoniam & vnguenta in aliquot  
malis olfactu aspersione & medicamentis  
adiecta vtilia sunt: exigere rei ordinem  
existimamus, vt eorum ratio etiam à no-  
bis tradatur, in quorū probatione con-  
templari oportebit, an id ex quo tempe-



ratum vnguentum fuerit, odorem indicet, optimum enim iudicium hoc est, & si in aliquibus seruandum non sit, quod euincunt sæpenumerò, quæ vehementiora admista fuerint, vt in amaracino, crocino, ex sænu græco, aliisque quibusdam quæ ex eorum tractatione & vsu probanda erunt. **SEN** Dio-scorides igitur ab odore vnguenta probat. **BR A.** Ob hoc tibi dixi vnguenta apud antiquos fuisse odorata.

### SENEX II.

**A** Græcis quomodo vocantur vnguenta? **BR A S.** *μύρα*. **SEN.** Ita fortè vocabantur, quia ex myrrha conficiebant. **BR A S S.** Ita prorsus arbitrantur authores, tamen Chrysippus myra vocari putauit, quasi mora, hoc est, fatua, quia post crapulam, & comotationes vnguentis vti solebant nam in secunda mensa cum bellariis & coronis vnguenta ferebantur, Lacedæmones vnguentarios vrbe eiiciebant, vtpote qui oleum corrumperent. Nomen hoc *μύρον*, id est vnguentum primus omnium vsurpauit Archilochus. & quamuis Homerus de vnguentis mentionem faciat, illa tamen vocat olea, Callimachus Veneri vnguentum tribuit & speculum, Mineruæ oleum, quia illa voluptati, hæc labori præest. Vnguento capit delinire, antiquus fuit mox, sed à satyris, &



& à fabulatore repræhensus, quia odor ascendit, idcirco odor qui supra caput est, ab eo non sentitur, qui odoramento delinitus est, ob hoc, alij vt vnguentorum suauitatem perciperent, barbam sibi delinibant, vnde à Dauide Psalmo cxxxij. decantatum est: Sicut vnguentum in capite quod descendit in barbam, barbam Aaron. Adde Aristotelem scriptis prodidisse vnguentorum vsum ad caput, breui caniciem inducere. SEN. Alia ergo sunt illa, quæ impræsentiarum vocantur vnguenta, & illa quæ antiquitus vnguenta dicebantur. BRASS. Quis ambigit? nam omnia ferè erant odorata, nunc verò fiunt & fœtidissima vnguenta. at nos qui de vnguentis tractaturi sumus, vt nunc in publicis conficiuntur pharmacopoliis, de vnguentis, recentiorum more differemus. Vnde nemini mirum videri debet, si illa vnguenta vocabimus, quæ nunc publicitus vnguenta dicuntur, quamquam aliqua sint cerata, alia cataplasmata. SEN. Hoc ad rem ipsam nihil facit, modò in re, de qua agitur, conueniamus, licet antiqui nominibus aliis vfi sint. Verù vt edocuiſti, inter emplastra cerata & vnguenta haud magna est differētia. BRASS. Audiuiſti eandem rem paulò molliorem esse vnguentum, paulò densiorem creatum, vt Trallia-

q s nus



nus docuit, & Galenus in quarto de Sanitate tuenda, id quod ceratum est vnguentum vocauit, vt prorsus haud magna videatur esse apud hos authores inter vnguētum, & ceratum differentia. *SEN.* Quicquid antiqui de vnguento senserint, à nobis impræsentiarum prætermittatur, cū illa solū pertractaturi simus, quæ nunc vnguenta vocantur, & quæ tu cum indicis vnguenta vocas, siue redoleant, siue malè oleant. *BR. A.* De his igitur solis agamus, & ab illo incipe, quod tibi in mentem venerit enodando. *SEN.* Schedam accipiam in qua scripta sunt, ne errem, & primū quod occurrer, referam. nam per meæ schedæ ordinem incedens, nullum præteribo vnguētum, quoniam si vt in mentem venerint, referre voluerim, multa præterire possem, quæ menti nō subirent, at omnia in hac schedā ita in ordinem redacta sunt, vt labella in meo sunt pharmacopolio disposita. *BR. A.* A' primo igitur incipias, ne in hoc ordine referendo tempus incassum conteratur.

*SE N E X I I I.*

Omibus in mea charta descriptis vnguentis rosaceum carceres aperit. *BR.* Neq; ab re, quoniā inter vnguenta propriè numerari posset, nam suauem spirat odorē. at à quo authore illud accipis? *SEN.* A Mesue. *BR.* Et hoc



hoc Mesue rosaceū apud omnes Italiae phar-  
macopolas in usu est. **B R.** Compositionem  
afferto. **S E.** Ita conficio, vt Mesue ipse facit.

**R.** Axungiae porcillae recentis quantita-  
tem quam volueris, & lauetur in aqua cali-  
da nouies, & tantundem cum frigida aqua  
lauatione vltima, deinde teratur cum ea ro-  
sarum rubrarum recentium quantum ipsa  
est, & dimittatur marcescere per dies septē,  
deinde coquantur cum facilitate, & colen-  
tur, & iterum tantundem rosarū terantur,  
& per alios septem dies dimittatur, & fun-  
datur supra eiusmodi compositionē suc-  
ci rosarum circiter partem dimidiam, olei  
amygdalini partes sex, & iterū coquatur,  
cum facilitate vsque ad succi consumptio-  
nem, deinde reponatur, & administretur.  
**B R A S S A.** Hæc est vnguenti rosati, apud  
Mesuen compositio. At Mesue nonnun-  
quā addit opium. **S E N.** Non me latet:  
nam statim sequitur. Et quandoq; disrum-  
pitur in aqua rosata parum opij, & proiici-  
tur in decoctionē, & est mirabile, vbi oportet,  
& propriè, quando vigiliæ adsunt.  
**B R A S S A.** Nullus tamen est in Italia, qui  
opium addat. **S E.** At addi potest. Verūm ad  
quos affectus utilis est eiusmodi vnguen-  
tum? **B R A S S.** Ad illos, quos Mesue refert:  
nam inflammationes sedat erysipelata, &  
ignem



ignem, persicum, sodaq; calidæ confert, & stomachi inflammationi, atq; hepatis. SEN. In soda debetne caput inungi? R A S S A. Imò debet, quia ad nullum alium vsum effectum est, præterquàm vt eò partes inungantur. S E. Ad quod lauare in aqua calida, postea in frigida? B R A. Primò in aqua calida lauatür, vt emollescat axungia, & pelliculæ quædam, quæ axungię insunt, facîle remoueri possint, adde id auferri, quod in ea superflue vngit, hæc ab aqua calida facîle præstantur, postea per frigidã aquam axungię lotio perficitur. Et si quid habuerit admisti salis cū prædictis lotionibus, aufertur, vel si quid rãcidi nacta sit, S E N. Quid intelligit Mesue per vltimam lotionem? B R A. Nihil aliud, quàm exquisitam lotionem. est Arabum loquendi modus, cū enim alicuius perfectionem annotare volunt, vtuntur vocabulo vltimū, ac si dicant extremum, & exquisitum: quãquàm dici posset vltimam lotionem in frigida aqua fieri oportere. At tu dicito, cur album efficitur eiusmodi vnguentū cū rubras recipiat rosas, & rosarum succum. S E. Recipit prorsus rubras, & succum, sed colantur, & in agitatione remittitur color, qui neque albus est, sed in luteum vergit. B R A S S A. Imò si diu agitetur album efficitur



ficitur vnguentum & odoratum iussi nonnunquam olei amygdalarum dulcium loco, rosaceum omphacinum recipi, & inflammationibus mirè contulit: nam ipsis magis aduersabatur, quàm faceret vnguentum rosaceum ex oleo amygdalarum dulciū. SE. Cur Melue dixit marcescere? BRASSA. Arbitror mendosum esse codicem, & legendum esse macerari: quanquàm & legi possit marcescere: quia corrumpuntur, non quidem tali corruptione ut fœteant, sed tali ut eliquentur, nam rosæ per triplum, & amplius spatium in axungia loco seruari possent: tamen non marcescerent. SENEX. Vidi nonnullos qui secunda vice percolabant, & alios, qui non percolabant: quid agendum censes tu? BRASSA. Non dubito percolandum esse. ne rosæ in compositione videantur. SEN. Illi tamen qui non percolabant, diligentissimè pinsebant. BRASSA. Quantum lubuerint pinsant, rosarum vestigium semper permanebit: si verò percolentur non permanet: verum quo instrumēto vteris ad percolandum? SEN. Sacculo tela crassa confecto, vel prædensa staminea, ut vocant, & torculari exprimo. BR. Probè agis. At cum fuerit eliquatum, si vehemēter tractetur ac ducatur, album euadit: nonnunquam cum eo vti volo, iubeo bis vel ter rosacea



facea aqua lauari, ad infrigidandum conuenit: neq; est adeò frigidum vt Galeni infrigidans: vnde vbi non est magna infrigidandi necessitas, eo vtor loco Galeni infrigidantis, quando opium addere volueris in quanta addis copia? s. e. In tanta, quanta ab authore refertur. B. R. A. At author quantitatem minimè refert, quippe nimirum inquit, & quandoque disrumpitur in aqua rosacea parum opij: hoc verò quod dicitur parum, relatiuum est, & nullam ponit certam quantitatem. s. e. Nullam profectò & causam ignoro. B. R. A. S. Scisne axungia recipiendæ quantitatem? s. e. Neque ab authore hoc refertur. B. R. A. S. Tamen potes illam quantitatem accipere, quæ tibi lubuerit. Idem de opio efficere poteris. Idcirco regulam hæc seruato, pro singula vnguenti uncia singulum opij granum commisceatur, cum opio magis adhuc infrigidat, & cum vigiliæ adsunt, mirè prodest, frontem inungendo, tempora, & nates. s. e. n. Estne huius vnguenti apud Galenū facta mentio? B. R. A. Meminit prorsus vnguenti rosati Galenus, at nō est cōpositio qualis hæc est, sed est purum oleum, nā olea odorata, & quæcūq; similia odorem spirantia ab antiquis vnguenta vocabantur, ob hoc Galenus in quinto Methodi medendi libro ad dimidias ferè libri partes: rosa-



Ceo vtitur, & illud vocat vnguentum, quod  
& multis aliis in locis facit. s e. Reperitū-  
ne apud antiquos alios, si nō apud Galenū?  
B R A. Non reperitur, quod sciuerim, inter  
alia verò, quibus conuenit, illud est præci-  
puum, quod hæmorrhoidarum ardorem se-  
dat, in hoc etiam volo te esse admonitum,  
cū inquit olei amygdalarum dulciū par-  
tes sex, legendum esse partem sextam: nam  
sexta esse debet totius compositionis pars.  
s e n. Mihi videbatur nimirum, quomodo  
tanta huius olei copia ingrederetur, & tan-  
tam copiam nūquā apponebam. B R A s.  
Et hoc etiam est, quod multos pharmaco-  
pōlas errare facit, & in vno pharmacopolio  
vnguentum liquidius, in alio minū liqui-  
dū inuenies, vt quisq; pro libito huius olei  
summam apponit. Verūm satis est totius  
compositionis pars sexta: hoc eodem mo-  
do possunt fieri, & ex violis, & ex aliis odo-  
ratis floribus vnguenta. s e n. Cur axun-  
giam recipit, potiū quā butyrū, vel pin-  
gue aliquod? B R A s. Quia cum probè lota  
est, nullum habet odorem, & omnes reci-  
pere apta est, vt nostri myropōlæ oleum  
de rosetis (vt eorum verbis vtar) oleum de  
citrangulis, & eiusdem generis alia ex oleo  
amygdalarum dulcium conficiant: quia  
vel minimum habet exoticī odoris, & odo-



res alios recipere potest. In hac verò dote omnia alia oleorum genera oleum balaninum ex glande vnguentaria cōfectum exuperat, quod oleū de Been vulgò vocatur. Et id myropôlæ ad suscipiendos odores ceteris lubentius accipiunt. Docet & Dioscorides lib. ij. modum abluendi suillâ adipem, & de odoratis adipibus pertractat, quæ diuerso fiunt modo, ad hunc eūdem modum multa vnguentorum genera fieri possunt, vt violaceum, nenupharinū, amaracinum. **BRAS.** Hoc me non latet, verū ad aliam vnguenti speciem considerandam accedamus. **SEN.** Vt lubet. **BRAS.** Illam igitur in examen afferas, quæ secundo loco in tua sceda scripta est.

#### SENEX IIII.

Vnguentum infrigidans Galeni vocatū sequitur. **BRAS.** Neq; ab re, quia vbi infrigidare tam vehementer animus nō est, rosaceo vtimur vnguento, vbi vehementius infrigidare, hoc Galeni. At quomodo illud cōficias? **SEN.** Vt Mesue facit Galeni cerorum vltimum in infrigidatione valēs ad febres acutas, & solam calidam pulsatiuam.

**R.** Cerae albæ ℥ j. vel ℥ j.

Olei rosati omphacini ℥ iiij. vel ℥ iiij.

Aquæ fontis claræ, & propriè vehementis frigoris quantum sufficit, oleum multoties



toties & bene lauetur lauationibus multis,  
 & quantò magis elaboratur in lauando, tan-  
 tò illud fit excellentius. **B R A S.** Quomodo  
 aquam, & oleum simul misces vt oleum la-  
 uetur? **S E N.** Ego simul misceo oleum, & ce-  
 ram vt ex ipsis mistis vnum corpus euadat,  
 quod postea lauo. **B R A S.** Quot vicibus la-  
 uas? **S E N.** Numerum non habeo, sed toties  
 lauo, contrecto, & lauando misceo, quòd  
 album efficitur. **B R A S.** Veram habes lauan-  
 di regulam. nam toties lauari debet vt al-  
 bum efficiatur. cùmq; vnguētum hoc haud  
 esse album videbis, illa non esse probè lota  
 iudicato, vel saltem non fuisse probè ducta,  
 aut agitata spatula, vel baculo. Tamen &  
 seorsum lauatur oleum aqua in phiala, vel  
 in vitrea cucurbita. **S E N.** Cùm bis, aut ter  
 fuerit elotum, quid facit amplius elotio?  
**B R A S.** Semper aliquid pinguis ab oleo  
 aufert, & aliquid mellis à cera, & frigidius  
 semper euadit, frigidàq; aquæ qualitas ve-  
 hementiùs imprimitur, nam frigidissima  
 aqua lauari debet. **S E N.** Nonnulli sunt qui  
 rosacea lauant: éstne melius? **B R A S.** Imò  
 peius, quia non est adeò frigida, vt aqua fon-  
 tis, vel alicuius nostratis putei, nam frigi-  
 dissimam opus est accipere aquam. adde &  
 hoc vnguētum humiditatem exigere, quia  
 eo plerunq; vtimur ad infrigidādum vnā  
 r. & hum.



& humectandum. at maiorem humectandi vim huic præstabit aqua fontis, quàm rosea: quæ fortè illi nonnihil addet siccitatis, fortè conuenire posset quando laxiora mēbra à nobis inungēda sunt, quæ aliquo adstringente semper indigēt: tale membrum iecur est. **SEN.** Iecur ergo hoc infrigidante inungendum quandoq; est? **BRAS.** Cur eo non inungendum iecur, si sit opus? **SEN.** Arbitrabar lumbos, ac renes hoc esse inungendos, & nunquàm ad alium finem vendidi, quàm ad istum. **BRAS.** Quid scis tu, an pro dorso, an pro alio mēbro fuerit emptum? **SEN.** Ita semper audiui. **BRAS.** Tamē plarūque alia refrigero, & humecto isto linimento membra. Verū absque aceto videris conficere medicamentum. **SEN.** Nondum finiui, Nam cū ad acetum perueneramus, impediui me, ad alia sermonem conuertēdo, at Mesue ita sequitur. Vltimo verò conquassetur cum aceto albo, & claro, & pauco, & seruetur. **BRAS.** Hoc album Galeni vnguentum (ita enim ab aliquibus nominatur) vel ceratum infrigidans, vt Galenus in decimo Methodi vocat, vel ceratum album est in maximo apud Medicos vsu in febribus, cū dorsum, aut renes dolent: nos verò eo etiam vtimur ad infrigidandum atque humectandum cor, iecur, & alia



alia mēbra, quæ his qualitatibus indigent.  
 SEN. Cū à Mesue dicatur esse Galeni cō-  
 positionem, quoniam loco de illa pertracta-  
 uit Galenus? BRAS. In decimo Methodi,  
 classe septima, pag. 64. H. SEN. Fitne eo-  
 dem modo, ut retulit Mesue? BRAS. Me-  
 sue arbitratur Galeni compositionem de-  
 scripsisse, sed rem exquisitè non est affecu-  
 tus, quia Galenus aquam in composi-  
 tionem recipit. SEN. Galeni modum addisce-  
 re optarem. BRAS. Si aures erexeris, Ga-  
 leni modum te docebo, & ipsius verba re-  
 feram. de his loquitur, quæ in febribus re-  
 frigerent, atque humectent, & ait: Inci-  
 piam autem ab eo medicamine, quod om-  
 nium quæ humectent ac refrigeret, est sim-  
 plicissimum. quo etiam aduersus erysipela-  
 ta vtor, & phlegmonas in pudendis, utique  
 inter initia, priusquam depascens aliqua  
 subindicetur putredo. Præparandi verò  
 modum statim edocet, cū ait: Debebit  
 autem ad id præparata esse cera, quæ opti-  
 ma, & elota. En quod ipse ceram lauat, &  
 docet quæ nā sit optima cera, inquiēs. Sanè  
 optima fuerit vel alba Pōtica, vel q̄ ex Atti-  
 cis fit fauis, Esto autē & rosaceū, quod ex o-  
 leo fit à nōnullis vocato omphacino, ab aliis  
 crudo, quòdque citra salē sit cōfectū. Maxime  
 verò ad rē pertinebit, si & ipsū oleū tenuiū



,, prorsus fit partium, cuius modi Sabinū est.  
,, Cū vti voles, ambo mista liquato in vase  
,, duplici. Factoque humido cerato: cuiusmo-  
di, scilicet erit quod triplum aut quadru-  
plum ad ceram rosaceum habet. s e n. In  
hoc mihi placet Galenus, qui ad vncias aut  
libras non se determinat, sed accipit ceræ  
quantum lubuerit, olei rosacei ad triplum  
aut quadruplum. B R A S S A. Fit mollius, si  
oleum ponas ad quadruplum, si ad triplum  
minus molle. s e n. Compositionem obse-  
,, cro prosequaris. B R A S. Ita Galenus sequi-  
,, tur, Postquam ipsum fuerit refrigeratum,  
ei paulatim in mortario tantum aquæ ad-  
datur, quantum in se, dum cum ea molliat-  
tur, accipere possit. s e n. Erit ergo perpau-  
ca aqua. B R A S. Erit prorsus perpauca, sed  
intelligitur ceram esse prius egregiè lo-  
,, tam. sequitur deinde Galenus: Expedi-  
,, autem & ceratum ipsum prius admodum  
,, esse refrigeratum, atque etiam, quæ huic  
,, admiscebitur aquam esse frigidissimam.  
,, Abundè autē ceratum refrigerabis, si cum  
,, modicè coiuit totum vas, in quo contine-  
,, tur, in aquam frigidissimam dimittas. s e n.  
,, Galenus ergo acetum huic vnguento non  
miscet. B R A S. Nondum finiui, nam dein-  
,, de sequitur. Quòd si aceti quoque admo-  
,, dum tenuis, ac clari paululum adiacere ve-  
lis



lis, utique magis adhuc tum refrigerans, , ,  
 tum humectans, medicamentum efficies. , ,  
 SEN. Ergo necessario non est apponendum , ,  
 acetum. BRA S. Non, ut ex Galeno patet,  
 nisi cum illud volueris frigidius & humi-  
 dius efficere, & magis penetrans: hocque  
 notato de huius cerati usu, quod dicit Ga-  
 lenus. Non debet autem medicamentum  
 hoc eo usque super agrum corpus manere,  
 dum manifestè incaleat, sed assidue subin-  
 de mutari. SEN. Video Galenum hoc voca-  
 re ceratum. BRA S. Et ceratum refrigerans,  
 nam ceram recipit, & ab effectu quem facit  
 refrigerans vocatur, imò Ferraria ab omni-  
 bus pharmacopôlis Galeni refrigerans vo-  
 catur, ab aliis album Galeni ceratum dici-  
 tur, inualuit etiam consuetudo ut vnguen-  
 tum pro dorso, ab aliis pro renibus nuncu-  
 paretur, cum tamen & ad alia infrigidanda  
 membra eo Galenus usus sit, & conveniat.  
 SEN. Non videtur ergo magna esse diffe-  
 rentia inter adductam ex Mesue composi-  
 tionem, & hanc, quam tu ex Galeno addu-  
 xisti. BRA. Non est tanta, ut magni facerem  
 utram sumeres ac conficeres: tamen Galeni  
 mos seruandus est, ut viri autoritas con-  
 seruetur. meminit & huius cerati in primo  
 de Simplicium medicamentorum faculta-  
 tibus libro capite sexto: & in sexto de Sani-



tate tuenda. Sed hoc in libro aceti loco semperuii succum miscet, solani, cotylidonis, psyllij, poligoni, tribuli, portulacæ, lactucæ, & aliorum plærunque iubeo ceratum cum aceto confectum semperuiæ succo pluries lauari. Nota denique, cum oleum rosatum omphacinum conficitur, esse accipiendas rosas nondum perfectas, & nõdum apertas, hoc à Mesue notatur in capite de Rosis, quia oleum ex his rosis cõfectum est magis stypticum. *S E N.* Arbitror nullum esse ceratum in maiore usu, quàm istud. *B R A S.* Ita prorsus est, sed in maiori adhuc erit usu, si eo Medici ad omnes infrigidandas partes, quæ infrigidatione indigent, vtantur, & eo non vtantur tantum ad renes infrigidandos. At tertium propone in tua scheda descriptum vnguentum.

*S E N E X V.*

Vnguentum de Nenuphare citrino tertio loco sedem habet. *B R A S.* Nec ab re fortè, vt infrigidans cerotum sequatur, cum & ipsum infrigidet. At à quo authore illud accipis? *S E N.* Ignoro prorsus, & arbitror ex compositionibus esse, quæ magistrales vocantur. *B R A S.* Hoc profectò fatebor in usum venisse sub nullo authore, imò vt nullum habet authorem, ita est tam varia compositio, vt duo Ferrariæ inueniri non possint



sint pharmacopôle, qui eandem præcisè habeant compositionem, quæ in pondere non differat, & in Simplicibus, at tu quam seruas compositionem? s e n e x. Hanc, quam nunc audies:

℞. Olei de nenuphare citrino lb iij.

Pulueris florum nenupharis ʒ ij.

Sandalorum rubrorum

Seminis acetosæ

Coralorum rubrorum

Singulorum ʒ j.

Osis de corde cerui

Margaritarum non perforatarum

Singulorum ʒ β.

Camphoræ ḡ iij.

Misce omnia puluerizando, & cum modico ceræ nouæ ablutæ aqua rosacea fiat unguentum secundum artem. B R A S. At tu modò aliorum pharmacopôlarum compositiones audito. vnus est, & tibi etiam pernecessarius, qui ita conficit:

℞. Olei nenupharini lb j.

Pulueris nenupharis citrini ʒ j.

Sandalorum rubrorum alborum

Coralorum rubrorum

Seminis acetosæ

Singulorum ʒ iiij.

Osis de corde cerui

Margaritarum non perforatarum

r 4

Sing



Singulorum  $\mathfrak{z}$  ij.

Camphoræ  $\mathfrak{z}$  xij.

Ceræ albæ  $\mathfrak{z}$  iij.

Misce, & secundum artem confice vnguentum. s e n. A' mea compositione in pondere penitus discrepat, & alba recipit sandala, quæ in mea descriptione non sunt. B R A S. Audias & aliam compositionem, quã alius seruat pharmacopôla. s e n. Iam audio, & totus sum aures. B R A S. Est hæc.

$\mathfrak{R}$ . Olei nenupharini.  $\mathfrak{lb}$  iij.

Pulueris nenupharis citrini  $\mathfrak{z}$  iij.

Sandalorum rubrorum

Seminis acetosæ

Corallorum rubrorum

Singulorum  $\mathfrak{z}$  iij.

Osis de corde cerui

Margaritarum non perforatarum

Singulorum  $\mathfrak{z}$  ij.

Ceræ albæ aqua rosacea lotæ, vel nenupharis quantum sufficit.

Misce, & fiat vnguentum secundum artem. s e n. Et hæc compositio in aliorum simplicium ponderibus, præterquàm in oleo à mea differt, & camphoram non habet. B R. Audias & alium nostratem pharmacopôlam, qui ita vnguentum hoc conficit:

$\mathfrak{R}$ . Olei nenupharini  $\mathfrak{lb}$  ij.

Pulueris nenupharis citrini  $\mathfrak{z}$  ij.

Sand



Sandalorum rubrorum

Seminis acetosæ

Corallorum rubrorum

Singulorum ʒ iiij.

Margaritarum ʒ iiij.

Camphoræ ʒ j. G iiij.

Ceræ ʒ iiij.

Misce, & fiat vnguentum secundum artem.  
 s e n. Hæc compositio à mea differt in simp-  
 plicium ponderibus, & os etiam de corde  
 cerui prætermittit. B R A s s A. Non est ma-  
 gnum dispendium, vt deinde ostendemus.  
 Dixisti hoc esse vnguentũ (vt vocatis) ma-  
 gistræle, si illud apud aliquem authorẽ in-  
 uenirem quid præmij afferres? s e n. Quid  
 tibi luberet, sed arbitror nõ esse authorem  
 alicuius momẽti. B R A s. Imò non est, pro-  
 pterea illum spõte prætermitto, à te petens  
 quĩsnam sit ipsius vnguenti vsus. s e n. Di-  
 cunt cor infrigidare, ac roborare, & potis-  
 simũ in febribus. B R A s s. Vnguentum  
 est, quo prorsus carere oporteret, si quidem  
 ad cor roborandũ adhibeatur, Nymphæam  
 etenim cor roborare à nullo authore vsquã  
 dictum est, os verò de corde cerui, quod est  
 ossea quædam cartilago, ita cordi confert,  
 vt os de corde aselli, quod nihil penitus ad  
 hoc valet: ignoróque vnde ortum habuerit  
 hæc fabella, quòd cor roborare sit aptum,

r 5 sola



sola odorata cor roborare apta sunt. At neque os de corde cerui, neque nymphaea odorata sunt, quia nymphaea potius foetet. demptis sandalis, ac camphora nihil est amplius quod redoleat. Paucam prætereà præbeo fidem in cordis roboratione margaritis. **SENE**. Ut concipio tu compositionem hanc haud probas. **BRASSAV**. Minimè omnium probo. Adde multò meliora adesse vnguenta ad cor refrigerandū, quàm istud, inter quæ ceratum album Galeni, quod infrigidās vocatur, potissimum est. sed aliud adde, illa, quæ in febribus refrigerant non debere simul exiccare, quod facit hoc vnguentum, proptereà quando opus est in febre refrigerare infrigidante Galeni vtaris, & si magis roborare volueris, adde odorata frigida, imò & si aliqua etiam commisceantur calida, modò frigida superēt, nihil refert. **SEN**. Possum ergo in meo pharmacopolio vnguentum hoc prætermittere. **BRASSAV**. Potes quātum ad me spectat, quoniam illo nunquam deinceps vtar, & superioribus annis rarissimè vsus sum, sed illius loco Galeni infrigidante vtar, aut simplici, aut aliquibus additis odoratis, vt cor magis roboret, nam sua sponte refrigerat, & humectat, quæ qualitates non adedè egregiè à nenupharino vnguento induci possunt.



possunt. s e n. Veruntamen si illud conficere voluerim, scire optarem, quibus simplicibus uti deberem, & quomodo sit faciendum. B R A S S A V. Ego os de corde cerui, & margaritas à cōpositione abiicerem, veluti ad vnguenti intentionem inutilia. s e n. At tu ad refrigerandum cor, atque roborandum quo vnguēto huius nenupharini loco vtereris. B R A S S A V. Infrigidante Galeni cerato vterer. nam rosæ cor roborant, quia odoratæ. tamen si vehementius infrigidare voluerim, & roborare ita vnguentum parari iuberem, & cordis regionem inungi.

℞. Vnguenti infrigidantis Galeni ℥ iij.

Sandalorum rubrorum

Luteorum

Singulorum ∅ β.

Ambracani Ḡ j.

Moschi Ḡ β.

Succi limonis ℥ β.

Misce. hoc ita paratū cor refrigerat, & vehementer roborat. s e. Posteaquā huic vnguento fidem non adhibes, ad aliud, quod in mea scheda sequitur considerandum transeamus. B R A S S. Ut lubet.

S E N E X. VI.

Vnguentum Sandalinum sequētem locum occupat. B R A S S. A quo authore accipitur.

SEN.

SEN.



s E N. A' Mesue, licet ipse sub nomine cera-  
ti de sandalis illud referat. B R A S. De nomi-  
ne non erit quæstio, compositionem ipsam  
adducito. s E N. Hæc est quæ sequitur:

℞. Rosarum ʒ xij.

Sandalorum rubrorum ʒ x.

Sandalorum alborum

Luteorum

Singulorum ʒ vj.

Boli armeni ʒ vij.

Spodij ʒ iiij.

Camphoræ ʒ ij.

Ceræ albæ ʒ xxx.

Olei rosacei lb j.

Conficiantur, & administrentur. & sunt qui  
lauant oleum, & ceram prius, & postea per-  
miscant cum aliis, & est melius. B R A S. La-  
uâsnetu ista? s E N. Semper laui. B R A S S A.  
Non probo rosaceum lauari, sed oleum po-  
tius, è quo rosaceum confectum est, debuit  
esse probè lotum, imò & esse omphacinū.  
s E N. Ego ex communi oleo rosaceo con-  
ficio, quod prius probè abluo. B R A S S A V.  
In hoc erras, quia rosaceo odorem aufers,  
atq; vires. s E N. De odore ita esse experien-  
tia vidi, de viribus autem ignoro. B R A S S.  
Imò non ignoras, quia si odorem aufers, in-  
diciū est non esse amplius rosaceum, &  
rosarū vires amisisse. imò & hoc tibi addo  
non



non esse abluendam ceram, si alba accipis  
vt Mesue dicit. nam sæpiùs abluta est, inso-  
lata, atque expurgata, non enim dicendum  
est accipiendam illam quæ multum alba est,  
de qua alicubi mentionem facit Galenus,  
quia eiusmodi cera non habetur. Nam al-  
ba, quam habemus arte confecta est. s e n.  
Ne autem arbitreris me aqua simplici hæc  
abluere, sed rosacea vtor. b r a s. Vt lubet  
facito, tamē non est necessaria eiusmodi  
lotio. s e n. Est ne verum, quod sit vltimum  
ad sedandam inflammationem, & aposte-  
mata calida? b r a s s a. Imò non multum  
infrigidat, nam rubri, & lutei sandali cali-  
ditatem quandam habent, atque spodium.  
De camphora ambiguum est num sit cali-  
da, an frigida, vnde tantam frigiditatem  
in hoc vnguento non percipio, vt extremè  
frigidum dici debeat. s e n. A' Mesue dici-  
tur sedare super calefactiones, quæ in sto-  
macho sunt & hepate, tamen nunquam vi-  
di medicum qui hoc vnguento ad linien-  
dum stomachum vteretur, sed omnes ad ie-  
cur infrigidandum eo vtuntur. b r a s. Ta-  
men vehementer non infrigidat, vbi vehe-  
menti indigemus refrigeratione. s e n. Ad  
iecur igitur refrigerandum quo vti debere-  
mus? b r a s. Galeni infrigidate, & eo iecur  
liniri. cum autem iecur sit membrum laxum,  
neceffe



neceſſe eſt linimēta quibus deliniri debeat, aliqua ſtyptica ſemper recipere, & aſtringentia. Idcirco ad iecur refrigerandum, in-  
frigidante Galeni vtor cum portiuucula ſandalini: cū verò iecur reſolutione indi-  
get, oleo de abſynthio vtor, cui non nihil addo ſandalini vnguenti. & licet Galeni re-  
frigerans roſacei ratione aliquam habeat ſtypticitatem. Tamen tanta non eſt, quan-  
tam exigit iecoris mollities, egòque hoc vtor vnguento, vbi mediocriter exiccare, & nō calefacere opus eſt, vt in renibus non-  
nunquā contingit. In ſumma igitur vn-  
guentum hoc vel ceratum nō eſt vehemen-  
tiſſimum infrigidans inflammationum, & calidorum apoſtematum, licet adſtringat, & laxa mēbra roborare poſſit. **SEN.** Sūntne antiqui de hoc cerato locuti? **BRAS.** Non quod ſciuerim, & quomodo eorū quiſpiam de hoc cerato tractare potuit. cū apud an-  
tiquos ſandali eſſent ignoti? nam Arabes ſunt ſandalorum inuentores, & ab Indis ad nos deferūtur. **SEN.** Aliquos audiui de ſan-  
dalis diſceprantes, & omnibus albos præfe-  
rentes. **BRASSAV.** Decipiuntur hi: nam alij potiùs præſtant, quia odorati, albi ve-  
rò nihil penitus habent odoris. At de ſan-  
dalino vnguento ſatis dictum erit, ſi huc Serapionis compoſitio adducatur, quam  
refert



refert tractatu septimo de Antidotis capite vigesimo septimo, quæ est Dimat de sandalis, & ita conficitur.

℞. Rosarum ʒ x.

Sandali albi

Rubri

Singulorum ʒ v.

Croci ʒ ij.

Camphoræ ʒ j.

Ceræ ʒ j.

Olei rosacei ʒ iiij.

Misceantur, & administrentur.

SEN. Est minor compositio, quàm illa Mesue. BRASSAV. Nonnulli Ferrariæ sunt qui in tota compositione in pondere differunt, & ita conficiunt:

℞. Ros. rub. ʒ ij.

Sandalorum rubrorum ʒ xx.

Citrinorum

Alborum

Singulorum ʒ xij.

Boli armeni ʒ xiiij.

Spodij ʒ j.

Camphoræ ʒ β.

Ceræ albæ ʒ vij. & β.

Olei rosati lb ij.

Misce. Alij ponunt in compositione communi ceræ vnc. vj. SEN. Quem sequi debeo? BRASS. Mesuen.

SEN



Vnguentum de Semperuiua ad examen venit. BRASS. A quo authore istud accipis? SEN. Authorem prorsus ignoro, sed à quibusdam audiui vocari vnguentum de semperuiua Domini Bernabonis: ab aliis vnguentum de semperuiua Montagnanæ.

BRASSAV. Parum refert siue huius sit, siue illius authoris, nam illorum nemo famigerabilis est, & potius fibulis calciamentorum Galeni fides adhibenda est, quàm his omnibus simul. SEN. Tamen & ij fuere suo tempore probi viri, diuites & qui in medica facultate multa negotia agebant. BRASS. Quod dicis profectò verum est, tamen non sunt antiquioribus conferendi. At compositionem ipsam referto. SEN. Hæc est, quæ sequitur.

℞. Olei violati Rosati.

Singulorum ℥ j.

Pinguedinis anseris ℥ vj.

Succi semperuiuæ ℥ iiij.

Bulliant omnia simul vsque ad succi consumptionē, postea adde croci scrup. j. & fiat vnguentum. BRASS. Emollit vnguentum hoc, & infrigidat, hocque vehementius facit, quàm Galeni infrigidans, sed non adeò penetrat. idcirco dici potest Galeni infrigidans magis refrigerare intrinsecas partes.



partes, quàm vnguētum de semperuiua. At in superficie magis infrigidat vnguentum de semperuiua, quàm Galeni ceratum hoc inungi possunt & iecur, & renes, & omnes partes. quæ in superficie refrigeratione indigent, & si vna durities adesset emollienda magis conueniret. s. e. Cur succus in hoc vnguento consumi debet? B R A S S. Quod in hoc dico, idem in omnibus aliis intelligito, quæ succos recipiunt, cùm herbarum succi citò corrumpantur, propterea si oleis miscerētur, omnia simul corrūperentur: idcirco ars modum inuenit vim succorum seruādi, quā vis succi ipsi absint, qui aliò qui totā cōpositionē corrūpēt. Vna igitur causa est, cur cōsumi debeāt succi putredo, quæ in tota cōpositione sequeretur: in illa verò ebullitione, & si aliquo modo succi frigiditas remittatur: tamē in oleū imprimitur, ac recipitur, visque semperuiuæ seruatur, imò & præsente pinguedine magis adhuc seruatur, quia illi magis inhæret. Præterea succi consumuntur, quia semper in magna sunt copia, magnāq; fieret cōpositio, si integri in compositione seruarētur. Adde & in hac ebullitione, maiorē acquiri succis penetrationē. s. e. Cur additur crocus? B R A S. Ad emolliendum simul cum pinguedine, propterea ad inflammationes maturandas aliqui

s

qui



cui vnguento isto vsi sunt. s e. Quódnam  
oleū rosaceum accipi debet? B R. Omphaci-  
num quando infrigidare intendimus. At si  
non intēderemus ram refrigerationi quàm  
murationi rosaceum simplex potius con-  
ueniret. s e N. Rari sunt qui hoc vnguento  
vtantur. B R A s s. Tamen vt tuo illud ser-  
uas pharmacopolio. s e N. Seruo prorsus,  
quia nonnunquàm in vsum venit, aliqui eo  
vtuntur ad combusta. s e. Fitne apud ali-  
quem authorem ex Arabibus saltem huius  
vnguenti mentio? B R A s. Non quòd sci-  
uerim, tamen Serapio cuiuspiā cataplasma-  
tis ex semperuiua mentionem facit, Tra-  
ctatu septimo, capite vigesimo septimo,  
quod iecori duro ex caliditate confert. s e.  
Serapionis descriptionem libenter audi-  
rem. B R A s s A. Audies, si aures accommo-  
dabis. Ita enim inquit Serapio:

℞. Summitatum semperuiuæ recentis  
Summitatum violarum siccarum  
Summitatum rosarum siccarum  
Sandalorum alborum  
Singulorum aur. iij.  
Camphoræ 3 j.  
Dhererati non aromatizati aur. j.  
Cera sextatia iij.  
Olei rosati quantum necess est: miscean-  
tur, & administrentur. s e N. Alia compo-  
sitio



positio hæc est ab vngueto de semperviuâ,  
tamen ab ipsius intentione non multum  
dissentit. B R A S. Non, vt videtur. alij sunt  
Ferrariæ pharmacopôlæ, qui tale seruant  
de semperuiua vnguentum.

℞. Olei rosati  
violati

Singulorum ℥ iiij.  
Pinguetinis anseris ℥ ij. 3 ij.  
Succi semperuiuæ ℥ viij.  
Ceræ citrinæ ℥ j. 3 ij.  
Croci 3 j.

Misce, & fiat vnguentum secundum artem.  
s f. Crocus hîc additur ex superfluo. B R A.  
Veruntamen & Ferrariæ, & Venetiis alij  
sunt pharmacopôlæ, qui maiorem & am-  
pliolem conficiunt compositionem, ita ve-  
rò componunt.

℞. Lithargyrij ℥ β.

Tutiæ præparatæ

Cerussæ

Singulorum ℥ j.

Mastiches

Sandaracæ

Sarcocollæ

Singulorum 3 ij.

Olei rosacei lb ij.

Ceræ albæ 3 viij.

Succi semperulæ 3 iiij.

s 2

Misc



Misce, & secundum artem fiat vnguentum.  
*s e.* Nisi me coëgeris illam semper seruabo  
 de semperuina, quam retuli compositio-  
 nem. *BRAS.* Et ego semper illam seruandā  
 esse intelligam.

*SENEX. VIII.*

Ad vnguentum ergo de Plumbo pedem  
 conferamus. *BRAS.* Conferamus & manus,  
 si pedes non sint satis, verū à quo authore  
 accipitur eiuscemodi vnguentū? *s e.* Audiui  
 compositionem esse cuiuspiam Leonardi  
 de Bertapalea Patauini. *BRASS.* Fuit suo  
 tempore laudatus vir ille: & quod potuit in  
 hac arte adimpleuit. Eo enim tēpore, quo  
 ille scripsit, aderat & librorum, & præcepto-  
 rum inopia, tamen finem suum affecutus  
 est, & vnguentum hoc in capite de Erysipe-  
 late descripsit: quod inquā vnguentum  
 in maximum venit vsum ad infrigidandū  
 & exiccandum, vt in tota Europa iam rece-  
 ptum sit, & in omni inueniatur pharmaco-  
 polio: sed huc ex quibus cōstat adducito, vt  
 compositionem ipsam contemplemur. *s e.*  
 Hæc est huius vnguēti compositio.

*℞.* Plumbi vsti cum sulphure

Lithargirij

Singulorum ℥ ij.

Cerussæ Antimonij

Singulorum ℥ j.

Olei



Olei rosacei quantum sufficit.

Misce, & fiat vnguentum molle. **BRASS.**  
Refrigerat, & exiccat, propterea erysipelas  
inungendum est, quoniam caliditas ipso  
remittitur, & materia exiccatur, quæ erysi-  
pelas facit. serpentinis etiam confert vlce-  
ribus, cancris, & omnibus in summa exe-  
dentibus, quia sua frigiditate materierum  
acritudinem sedat. **SEN.** Audiui in his casi-  
bus multum conferre. **BRASSA.** Et in alijs  
etiam similibus vbi exiccare, & refrigerare  
oportet, sed quomodo aduris ex sulphure  
plumbum? **SE.** Plumbeas laminas accipio,  
quas postea in ollam pono, & supra eas non  
nihil sulphuris iniicio, ac extendo, demum  
laminas alias abrado, & supra primas ex-  
tendo, sulphur etiam superiniiciendo, &  
extendendo, hocque quater, quinquies, &  
sexties facio, quoad olla sit plena, postea  
supra ollam ignem accendo. cum plum-  
bum inflamamatur, ferrea virga com-  
misceo, quoad plumbum in cinerem con-  
uertatur, ut nihil penitus de plumbi sub-  
stantia relictum sit, quin sit totum in ci-  
nerem conuersum: postea ab igne remo-  
neo, & infrigidari sino, interim vero &  
nares mihi claudo, & euito ne oculos  
meos fumus ille pertingat, nam oculis per-  
niciosus est, & cerebro. **BRASS.** Probe facis,

8 3 tam



tamen alius adest comburendi plumbum  
modus, si scilicet limetur, & in scobem de-  
ducatur, postea cum illo sulphur miscea-  
tur, deinde olla igni apponatur, & ferrea  
virga agitetur, nam ita fit & plumbi adu-  
stio, & à multis probatur pharmacopôlis,  
prima verò adustio leuior est. s e n. Alium  
etiam huius combustionis modum refert  
Seruitor, est verò accipienda cerussa de  
plumbo sulphuris loco. Hispani plum-  
bum accipiunt, & in aurificis furnum po-  
nunt, folléque inflant, donec comburatur,  
deinde sulphur supra illud ponunt donec  
combustum sit, cum erit combustum colli-  
gunt, & ad vsus reseruant. BRASSA. Hoc  
est profectò adustum plumbū, & vnoquo-  
que modo adustum est, tamen primus ille  
quem adduxisti, modus mihi prorsus arri-  
det, veruntamen omnes hi modi in libello  
scripti sunt, qui Seruitor nuncupatur. Nón-  
ne omnia compositionem hanc ingrediun-  
tur, supra porphyricem lapidem extremè  
teris? s e. Id prorsus facio, quamuis & non-  
nulli sint quibus satis videtur omnia in pul-  
uerem redegisse. BRASSA. At illud exqui-  
situs est, & vnguentum pulchrius, atque ef-  
ficacius euadit, præsertim si in plúbeo mor-  
tario ( vt fieri debet ) conficiatur. aliqui ta-  
men Ferrariæ sunt seplasiarij, qui alio con-  
ficiunt



ficiunt modo, & in pondere differunt, neq;  
antimonium addunt. SEN. Quomodo hi  
conficiunt. BRASSA. Hoc modo:

**R.** Olei rosacei lb j.  
Cerussæ ℥ iiij.  
Plumbi vsti loti ℥ iiij. β.  
Cerae albæ ℥ iiij.

Misce. SEN. Iam differentiam agnosco &  
in ponderibus, & quia antimonium præ-  
termisere, sed vnde tanta diuersitas ortum  
habuit? BRASSA. Ex variis (vt arbitror)  
scriptoribus, qui ita compositiones immu-  
tarunt, at alios audias ita ad consolidan-  
dum conficientes:

**R.** Cerussæ ℥ β.  
Camphoræ ℥ ij.  
Plumbi vsti ℥ j.  
Bulliât in aqua rosacea & de super iniice  
Aquæ rosarum ℥ ij.  
Olei rosati ℥ j.  
Boli armeni ℥ β.  
Cerae albæ ℥ ij.

Misce, & fiat vnguentū secundū artem. Alij  
præterea sunt & Venetiis, & Romæ, qui se-  
quentem parāt ac seruant compositionem.

**R.** Lithargyri  
Thuris  
Plumbi vsti  
Aceti

3 4 Sing



Singulorum ℥ iiij.

Succi solani

Olei myrtini

Singulorum ℔ j.β.

Succi glycyrrhizæ

Succi saluiæ

Succi scillæ

Singulorum ℥ vj.

Camphoræ ℥ iij.

Cum modico ceræ fiat vnguentum in mortario plumbeo. s e. Ex tot rebus nunquam fieri audiui. BRASSA. Idcirco neque ego hanc compositionē probo, sed potius tuam parato, quam superius adduxisti compositionem, & seruato.

#### SENE X IX.

Ad vnguentū de Minio me conferre oportet, quoniam suam sedem post vnguentum de plumbo habet. BRASS. Et authorem à quo accipis, adducito, & compositionem explicato. s e n. A quo authore accipiatur ignoro, tamen ita conficio, vt à recentioribus scriptum est, nam Minij ℔ j. & β. accipio, olei communis ℔ j. lento igne coquo, & in magdaleones reduco. BRASS. Alij accipiunt minij ℔ j. olei rosati vel olei myrtini ℔ ij. miscunt & in lingulam æream ponunt, & lento igne bulliunt ad olei consumptionem, spatula semper agi-  
tand



tando, ne aduratur, sed in bonam formam  
reducatur. **S E.** Hoc est quod facio, ut aliqui  
habeant liquidius hoc vnguentum, aliqui  
minus liquidum, aliqui durius, imò illud,  
quod ego seruo, adeò durū est, ut ceratum  
vocari posset (accipiendo nomen ceracum  
ut à recentibus accipitur). **B R A S.** Simpli-  
cissimum est hoc vnguentum, quia nihil  
recipit præter oleum & nimium: valet ad  
inflammatas partes, ad erysipelata, ad su-  
percalefactas partes, præsertim quādo exic-  
catione simul indigemus, in malignis vlce-  
ribus calidis conuenit, & in summa ubi fri-  
giditas exigitur, atque siccitas. **S E N.** Pro-  
bāsne ut commune oleum potiùs accipia-  
tur, quàm rosaceum, vel myrtinum? **B R A.**  
Nemo ambigere debet rosaceum, atque  
myrtinum ad vnguentum intentione po-  
tiùs accedere, quàm commune oleum: quo-  
niam rosaceum frigefacit, roborat, atque  
exiccat, præsertim si omphacinum accipia-  
tur, magis exiccat, si cum myrtino fiat. re-  
peritur apud authores barbaros eiusmodi  
vnguentum, ut apud Argillatam & Ber-  
tapaleam, authores quidem suo tempore  
celebres, sed quibus & libri deerant atque  
linguæ, nec adeò erant in cōpositionibus,  
ac simplicibus versati, ut nūc homines sunt.  
**S E N.** Ex his quæ dixisti, nullus est antiquus

s s auth



author, qui de hoc vnguento pertractauerit. BRASSA. Nullus quem sciam.

SENE X. X.

Vnguentum igitur Apostolorum contem-  
plemur. BR. Vt lubet, verūtamē vnguētum  
hoc antiquissimū esse nō potest, cū mille  
quingēti, & viginti anni sint, quod extitēre  
Apostoli, nec mirū, quod ab Apostolis ali-  
quod vnguētū, vel linimētū denominatum  
sit, accōpositum, quia Apostoli inungebant  
egros, & sanabātur, sed à quo authore illud  
accipis? SE. Ab Auicenna in quinto Canone.  
BRAS. Ipsius compositionem edisseras. SE.  
Hæc est, quæ sequitur, quam vnguentum  
Apostolicum nominari dicit, & vnguētum  
Veneris, fortē quia pustulas sanat, quæ supra  
virile membrum excitantur: dum homo  
per vteri labia virile mēbrū in Veneris agi-  
tatione perfricat, inquit verò Auicenna:

℞. Terebinthinæ

Ceræ albæ

Resinæ

Singulorum 3 xiiij.

Oppopanacis

Floris æris

Singulorum 3 ij.

Ammoniacy 3 xiiij.

Aristolochiæ longæ

Thuris masculi

Sing



Singulorum 3 vj.

Myrrhæ

Galbani

Singulorum 3 iiij.

Bdellij 3 vj.

Lithargyrij 3 ix.

Infundatur bdellium in aceto vini, & decoquatur in æstate cum duabus libris olei, & in hyeme cum tribus libris. BRASSA. Facisne tu quantitatis differentiam in oleo in hyeme, & in æstate? SENEX. Ut ingenuè fatear, rarò duas libras excedo. At tu hoc mihi indicato, Pharmacopôlæ illi, qui ab æstate ad hyemen totam compositionem non vendunt, nihil tamen olei addunt, hocne faciunt? BRAS. Et hoc est, quòd quandoq; durius est eiusmodi vnguentum, quandoque liquidius. At pharmacopôlæ sunt longè in hac compositione differentes non solum Ferrariæ, sed & in tota Italia, ignoròq; vnde suas illas compositiones acceperint, nisi suos quosdam receptionum libros sequantur, & non authores. SE. Ni pigeat, diuersitatem mihi ostende. BR. En quidam terebinthinam non apponunt, & in ponderibus variant, hoc modo componentes:

℞. Cerae albæ 3 v. & β.

Resinae pini 3 ij. & β.

Oppo



Oppopanacis ℥ vj.

Floris æris ℥ ij.

Ammoniacy ℥ xij.

Aristolochiæ rotundæ

Thuris

Singulorum ℥ vj.

Myrrhæ

Galbani

Singulorum ℥ iij.

Bdellij ℥ vj.

Lithargyrij ℥ ix.

Olei communis lb ij.

Misce, & fiat vnguentum secundum artem.  
SE. Video hos prætermisisse terebinthinam  
& in simplicium ponderibus multum dif-  
ferre. BRASSA. At si alios inspicias in to-  
ta ferè cōpositione differre, quid dices? SE.  
Dicam illos tota aberrare via. BRASSA. Ita  
igitur de his dicere incipito, quoniam ali-  
qui & Ferrariæ, & in aliis Italiæ urbibus  
ita conficiunt:

℞. Olei myrtini lb j.

Terebinthinæ ℥ iij.

Viridis æris ℥ ij.

Galbani ℥ vj.

Iridis ℥ iij.

Ceræ ℥ iij.

Misce, & fiat vnguentum secundum artem.  
EN. Talem compositionem nunquàm au-  
diui,



diui, quamuis longæuus sim, & per multa  
versatus pharmacopolia, sed tu quam com-  
positionem probas? B R A S S. Illam, quam  
ex Auicenna attulisti, & omnes qui compo-  
sitionem hanc cōficiunt, Auicennam sequi  
debent, nam ab ipso sumitur hoc vnguen-  
tum, & idem author dicit difficiles fistulas  
cum facilitate rectificare, & paruas stru-  
mas, nec aliquid est ei simile, & mundificat  
vulnera ex carne mortua, & purificat, & cō-  
solidat, & dicitur quòd est medicina duode-  
cim Apostolorum. S E N. Arbitrabar Aui-  
cennam fuisse infidelem. B R A S S A. Et cur  
nunc etiam idem non arbitraris? S E N E X.  
Quia adducit Apostolos, & illorum nume-  
rum noscit. B R A S S. Hoc non facit, quòd  
C H R I S T I fidem secutus sit, vel non secu-  
tus. S E N. Hoc verum est, sed arbitrabar  
Auicēnam extitisse antequàm Apostoli ad  
apostolatū fuissent vocati. B R A S S. Imò  
Auicenna M C X L I X. annis post C H R I-  
S T I ortum vixit. S E N. Fuēre ne ipsius in-  
uentores Apostoli? B R A S. Non (vt arbi-  
tror) sed ita vocatum est, quia ex duodecim  
simplicibus cōstat, & oleo quod pro C H R I  
S T O accipitur, imò fuēre quidam fatui, ne  
dicam temerarij qui conati sunt vnum-  
quodque simplex medicamentum secun-  
dum proprietatē vnicuiq; Apostolo accom-  
modar



modare, & oleum fecere CHRISTVM,  
quia CHRISTVS significat vnctum. s. e.  
Hoc est potius curiosum, quàm verum.  
BRASS. Imò deridendum, sed audias quid  
contigerit ALEXANDRO Pontifici ma-  
ximo ex gente Borgia. Cùm nonnunquam  
sordido vlcere in crure laboraret: chirur-  
gus vnguentum hoc apposuit: interroga-  
uit Pontifex, quòdnam esset vnguenti ge-  
nus, respondit chirurgus esse vnguentum  
mirabile ab Apostolis inuentoribus, Apo-  
stolorum vnguentum vocatum: cùm reces-  
sisset chirurgus, & vnguentum in vlcus age-  
re cœpisset, & ad vitam carnem peruenis-  
set, sua acredine dolorē in crus inducebat,  
tunc Pontifex de chirurgo conqueri cœpit,  
utpote qui Iudam inter alios Apostolos in  
vnguento reliquisset: mirabatur enim de  
tāto dolore, nisi Iudas simul cum aliis fuisset  
mistus. s. e. Ridiculum profectò fuit Pon-  
tificis dictum. at reperiturne apud antiquos  
hoc vnguentum? BR. Compositionem aliam  
prius audito, quàm nonnulli Ferrariæ pa-  
rant, quæ à præscripta in pōderibus differt,  
postea de antiquis verba faciemus. s. e. n.  
Quænam est? BRASS. Hæc quæ sequitur:  
℞. Cerae albæ ℥ v. & β.  
Resinae pini ℥ j. & β.  
Oppopanacis

Floris



Floris æris

Singulorum 3 vj.

Ammoniacy 3 xiiij.

Aristolochiæ rotundæ

Galbani

Singulorum 3 vj.

Bdellij 3 vj.

Lithargyrij 3 ix.

Olei communis lb ij.

Quæ sunt in puluerem redigenda, redigantur, & setaceo cribrò tenuissimè excernantur, gummi verò genera ad ignem applicentur, acetòque dissoluantur, quibus dissolutis cera addatur, & denique oleum, & hoc totum percoletur. iterùmque igni addatur. Cū verò repescere inceperit spatula, continuè agitando, pulueres addantur, & res aliæ, in frigidarique sinatur, postea diu spatula agitetur, & ad vsus seruetur.

S E. Pauca adest cum secunda, quam attulisti, compositione differentia, verùm ad anti-  
quas accedito. B R A. Compositiones illæ, quæ æris æruginem recipiunt, omnes à Galeno in secundo de Compositione medicamentorum per genera viridia medicamenta à colore nuncupantur, hæ verò compositiones omnes æris æruginem, & ceram recipiunt, imò cū huius vnguenti intentio sit sordida vlcera emundare, expurgare, atque



atq; exiccare, si solam ceram acciperemus, hoc efficere non posset, etiam si in sordidū iniiceretur, nam neque detergit, neq; exiccat, si verò ærugine sola vteremur, exederet, & phlegmonem excitaret, propterea vt hæc duo euitentur, hæc simul commiscet Galenus, & medium facit ex duodecim ceræ partibus, & vna æruginis, in compositionibus verò superius enarratis plura alia sunt, quàm cera & ærugo. At apud antiquos diuersa scripta sunt viridia, quæ ex his simplicibus aliqua recipiunt, quæ in Auicennæ compositione inserta sunt, nulla autem est compositio, quæ illam æquet. s. e. Cùm nobis tantum otij datum sit, vt quatuor horarum, imò & sex spatio vnà loqui possimus, ne laborem subterfugas. Compositiones aliquas ex his antiquis adducito, vt experiri possimus, an cum ea quam seruamus compositione conueniant. **B R A.** En igitur simplicis emplastri viridis apud Andromachum compositio:

℞. Resinæ ℥ ij.

Ceræ ℥ j.

Olei cyathos duos

Aeruginis ℥ ij. alij ℥ iij.

Misce. valet ad purganda vlcera, & exiccandum. Gallus verò antiquus medicus tali viridi vsus est.

℞. Resi



℞. Resinæ strobilinæ denarium pondo trecentorum

Ceræ denarium pondo centum

Aeruginis rasæ denarium pondo quinquaginta

Thuris denarium pondo vigintiquinq;

Aceti quantum satis est. Valet ad gangrenas putredines, nomas vetustas, & malignas.

SEN. Percipio animo ad vnguenti Apostolorum intentionem hæc conuenire, tamen idem vnguentum esse non possunt. BRAS.

Sed & aliud viride audias, quod fuit apud antiquos in vsu, cuius compositio hæc est:

℞. Aeruginis rasæ denariū pondo nouem

Chrysocollæ denarium pondo nouem

Terebinthinæ pondo minam ℥ xvj.

Ceræ minæ dimidium.

Aceti parum.

Misce. Aliud quoq; audito, quod in vsu erat.

℞. Aeruginis rasæ pondo.

Mannæ ℥ x.

Sed Andromachus addit pondo libram

Ceræ Resinæ frictæ

Resinæ liquidæ

Singulorum pondo quinque.

Olei cyathum

Aceti quantum satis est

Andromachus addit guttæ ammoniaci

pondo ℥ x.

t

Misce



Misce. Aliud quoq; simile referā, vocatum  
Molochinum.

℞. Aeruginis rasæ pondo  
Picis pondo duo  
Mannæ pondo Cerae pondo duo  
Resinæ pondo duo  
Olei pondo  
Aceti quantum sufficiat.

Misce. Aliud etiā viride refert eodem loco  
Galenus, vocatum hecatondrachmon, ex  
his constans:

℞. Guttæ ammoniaci deñ. pondo viij.  
Squammæ denarium pondo xij.  
Mannæ denarium pondo octo  
Resinæ siccae denarium pondo xij.  
Aeruginis denarium pondo viij.  
Seui vitulini denarium pondo xiiij.  
Resinæ Terebinthinæ deñ. pondo octo  
Cerae denarium pondo triginta  
Olei quartam cyathi partem  
Aceti quantum satis est.

Misce. s ē N. Hoc videtur quodāmodo ac-  
cedere ad nostrum Apostolorum vocatum.

BRAS. Imò hoc vti deberemus. nam, vt  
Galenus ait, magna vulnera glutinare po-  
test, & sordida vlcera purgare, vbi ceratum  
inter liqueendum adsumpserit, carni pro-  
ducendæ est. priusquàm verò liquefactū sit,  
crassas vlcerum oras sanare, & sinus iunge-  
re, in



re, in totum digerere & repellere potest.

SEN. Optimū est ergo eiusmodi viride.

BRAS. Optimum quidem, sed aliud Epi-  
goni viride refert Galenus magis propin-  
quum vnguento Apostolorum Auicennæ.  
Ipsius confectio hæc est:

℞. Aeris vsti

Salis ammoniaci

Aeris squammæ

Aeruginis

Guttæ ammoniaci

Aristolochiæ

Thuris

Singulorum denariū pondo octo, hoc  
est vnciam.

Aloës

Myrrhæ

Chalbani

Sing. sexquiplum, hoc est  $\frac{3}{4}$  semissem.

Aluminis rotundi denariorū pondo sex

Resinæ colophonice den. pondo ducetorū

Ceræ dimidium, id est centum

Olei heminæ dimidiū, alij quintā partē

Aceti quantum satis est

Radiciſ dracontij vnciam semis, quod  
est denariorum pondo quatuor.

SEN. Eiuscemodi cōpositio nostro vocato  
Apostolorum vnguēto multum affinis est.

BRAS. Sed audias & viride Passionis.

℞. Re



**R.** Resinæ colophonix denariorum pondo trecentorum.

Ceræ denariorum pondo centum quinquaginta

Aeruginis denariorum pondo octo

Aluminis rotundi tantundem.

Aeris squammæ denariorum pondo xij.

Thuris denariorum pondo sedecim

Aeris combusti denariorum pondo octo

Salis ammoniaci denariorum pondo octo.

Olei dimidium cyathi

Aceti quantum sufficit.

**SEN.** Mihi videtur præcedentem compositionem nostro vocato Apostolorum unguento magis affinem esse, quam istam. **BRASS.** Ita prorsus est. sed Alcimionis viride audit, quod ita ab illo authore conficiebatur:

**R.** Terebinthinæ den. pondo ducetorum

Ceræ denarium pondo centum quinquag.

Aeris squammæ denarium pondo x. & viij.

Aeruginis rasæ denarium pondo xvj.

Aluminis rotundi tantundem

Chalbanis sex

Thuris denarium pondo decem

Salis ammoniaci denarium pondo xij.

Aeris combusti denarium pondo xvj.

Aristolochiæ denarium pondo decem

Aloës Indicæ denarium pondo xij.

Myrrhæ denarium pondo sedecim

Guttæ



Guttæ ammoniaci deñ. pondo x. & viij.  
 Chalbani denarium pondo xij. alij viij.  
 Olei heminæ dimidium  
 Aceri tantundem.

**S E N.** Et hoc videtur efficax vnguentum.  
**B R A S.** Imò efficacissimum est, & ego vnguenti Apostolorum loco hoc Alcimionis vterer. extant multa alia viridia, quæ prædicto loco à Galeno referuntur, tamen hæc quæ dicta sunt. satis videntur ad ostendendum quòd antiqui similibus vterentur vnguentis nostro Apostolorum vocato. **S E N.** Vis ergo vt vnguenti Apostolorum Auicennæ loco hoc conficiam, & seruem quod nūc adduxisti? **B R A S.** Hoc ipsum optarem, & vt alij Medici ipso vterentur maximè conducibili. Nota prætereà viride æris, vt Medico magis & minus abstergere placebit exedere, & exiccare: augeri & diminui posse. **S E N.** Poterit igitur & nostrum Apostolorum emplastrū viride nuncupari? **B R A S.** Quid impedit? Imò illum habet colorem, & vt Galenus præcitato loco docet, in similibus vnguentis ærugo non modica immititur, vt & aliorum colorē vincat, & omnia in suum permutet, Tamen vt probè viridis color seruetur, à Galeno regula quædā præbetur. cum ait: At inter coquendum nō oportet æruginem super ignem coëuntibus cō-

t 3

mittere



,, mittere, verum vbi in mortario vnitas fa-  
 ,, eta est, admiscere, si colore viride medica-  
 ,, mentum permanere desideras. verumtamen hoc  
 pratermisso emplastro, ad alia te conferas.

S E N E X X I.

Vnguentum pectorale suam sedem hic ha-  
 bet. B R A S. Vnguētum hoc valde ambiguum  
 est, quia diuersi diuersis vtuntur vnguentis,  
 quæ pectoralia vocant. At tu ipse quodnam  
 seruas? S E N. Illud tibi referam. B R A S.  
 Referto igitur. S E. Est hoc quod sequitur:

℞. Mucilaginis psyllij

Tragacanthi

Gummi Arabici

Seminis lini

Fœnu Græci

Singulorum ℥ j.

Pinguedinis Gallinæ

Medullæ vitulinæ

Butyri recentis loti aqua violarum

Singulorum ℥ j. & β.

Olei violati

Amygdalarum dulcium

Singulorum ℥ j.

Ceræ albæ quantum sufficit. Misce, & fiat  
 vnguentum molle pro pectore. B R A S. Vn-  
 guentum hoc diu seruari non potest, quin  
 rancescat. S E N. Ego tam frequenter illud  
 vendo, vt rancescendi tempus minimè de-  
 tur



tur. nonnulli tamen sunt, qui totum parant, & pinguedinem non addunt, neque butyrum: postea cum in usum venit, hæc addunt, ne tempore rancescat. **BRAS.** Alij sunt Ferrariæ, qui aliud seruant pectorale vnguentum. **SEN.** Quódnam? **BRASSA.** Istud:

**R.** Pinguedinis Anatis

Gallinæ

Singulorum  $\mathfrak{z}$  j. &  $\beta$ .

Butyri recentis  $\mathfrak{z}$  j.

Croci  $\mathfrak{z}$  j.

Olei violati  $\mathfrak{z}$  ij.

Ceræ albæ  $\mathfrak{z}$  vij.

Misce, & fiat vnguentū molle, quod postea aqua hordei tepida bis lauetur. **SEN.** Hoc est vnguentum illud, quod diu perdurare non potest, quin rancescat. **BRAS.** Idcirco ego illo non vtor, quod seruant pharmacopœ, sed cum eo indigeo, statim indico ut fiat, & modò aliqua addo, modò diminuo, ut mihi opportunum videtur: nam quandoque ita indico:

**R.** Olei amygdalarum dulcium  $\mathfrak{z}$  ij.

Violacei  $\mathfrak{z}$  j.

Pinguedinis gallinæ  $\mathfrak{z}$   $\beta$ .

Misce, & cum cera fiat linimentū molle.

Quandoque ita simpliciter indico:

**R.** Olei amygdalarum dulcium  $\mathfrak{z}$  ij.

4

Butyri



Butyri recentis ℥ β.

Misce. Nonnunquàm in his, qui in hec-  
ticam inclinant, hoc modo indicimus:

℞. Olei violati ℥ iij.

Amygdalarum dulcium ℥ j.

Misce, & cū cera fiat liniamentū molle.

Nonnunquàm pinguedines addo, & mucci-  
lagines, nonnunquàm hæc prætermitto, at  
tunc pharmacopôlis indico, cū volo ut  
ægri eo utantur. s e n. Memini præcepto-  
rem meum aliisvsum esse pectoralibus vn-  
guentis. B R A S. Et tu illa referto, ne vel  
iota vnū prætermittamus. s e n. Hoc quod  
sequitur, erat commune quoddam, quod  
seruabat.

℞. Olei liliorum alborum

Butyri recentis

Pinguedinis gallinæ

Singulorum ℥ iij.

Olei chamæmelini ℥ ij.

Amygdalarum dulcium ℥ ij.

Rosacei ℥ ij.

Ceræ albæ ℥ iij.

Misce, & fiat vnguentum secundū artem.

Aliud etiam seruabat in quorundam Medi-  
corum gratiā: erat verò hoc quod sequitur:

℞. Pinguedinis anseris

Gallinæ

Singulorum ℥ β.

Butyri



Butyri recentis ℥ j.

Croci ℥ j.

Ceræ albæ ℥ vj.

Misce, & fiat vnguentū molle, quod postea aqua tepida lauetur. **R A S.** Posteaquā tu duo vnguentorum pectoralium genera adduxisti, quæ in vsu erant dum adhuc puer esses, & pharmacopolarum artem addiscebās, ego tibi tria genera patefaciam, quæ nunc pharmacopola Ferrariæ seruant: imò & per totam ferè Italiā seruantur: nonnulli etenim hanc compositionem sic parant:

**R.** Olei liliorum alborum

Violati

Pinguedinis gallinæ

Butyri recentis

Singulorum ℥ iiij.

Olei amygdalarū dulcium ℥ ij. ℥ ij.

Ceræ albæ ℥ j. & β.

Misce, & fiat vnguentum secundum artem.

Alij sunt qui illam, quæ sequitur, seruant pro vnguento pectorali compositionem:

**R.** Olei amygd. dulcium

Liliorum alborum

Pinguedinis gallinæ

Singulorum ℥ j. & β.

Mucilaginis althææ

Seminum citoniorum

Singulorum ℥ j.

t s

Misce



Misce, & secundū artē cōficiatur vnguentū.  
Imò vnus est Ferrariæ pharmacopôla, qui  
hanc simplicem seruat compositionem.

℞. Olei violati

Butyri

Singulorum ℥ iiij.

Olei amygd.dulc.

Ceræ albæ

Singulorum ℥ ij.

Misce. s e n. Magnæ ergo sunt apud phar-  
macopôlas in hoc vnguento diuersitates.

BRASSAV. Imò maximæ, nam aliam sta-  
tim afferam compositionem, quam alij ser-  
uant Ferrariæ, vt rari sint duo pharmaco-  
pôlæ qui eandem seruent cum aliis compo-  
sitionem. s e n. Illam igitur referto. BRASS.  
Hæc est quæ sequitur:

℞. Olei amygdal.dulc. ℥ iiij.

Chamæmelini

Violati

Singulorum ℥ iiij.

Adipis Gallinæ

Anatis

Singulorum ℥ ij.

Butyri recentis ℥ vj.

Iridis subtiliter puluerizati ℥ ij.

Croci ℥ β.

Ceræ albæ ℥ iiij.

Misce, & fiat vnguentū secundum artem. o-  
mnia



omnia simul liquefaciendo, in finéq; iris ac  
crocus addatur, deinde tribus, aut quatuor  
vicibus hordei aqua tepida lauetur. s e n. Et  
hoc etiam ex illis erit vnguētis, quæ facile  
rancescunt. Idcirco si pharmacopôla fre-  
quenter non vendat, seruari non debet. B R.  
Tamē opus est vt pinguedines serues. s e n.  
Seruo, & quàm optimè coquendo, & sacca-  
ro tenuiter puluerizando aspergendo, bu-  
tyrum verò semper ferè recēs habetur. B R.  
Habētur apud Mesuē in capite de Asthma-  
te pectorales inūctiones. at sunt olea simpli-  
cia. s e n. Quā igitur hætenus cōpositionē  
seruaturus sum? B R. Nullam prorsus ex his  
cōpositionibus seruare, sed finerem Medi-  
cum, vt illi placeret indicere: nā multæ sunt  
affectiones quæ pectori cōtingunt, quarum  
vnaquæq; diuersas expetit inūctiones, pro-  
pterea cōmunis inūctio pectoralis, quæ ad  
omnes affectus conueniat, fieri non potest,  
nam quandoq; affectio calida est, quādoque  
frigida, quādoque humida, quandoq; sicca,  
quandoq; ex his commista. Mihi igitur vi-  
deretur Medicum affectū ipsum considera-  
re oportere, & vt affectus exigit, ita compo-  
sitionem indicere: tamē quia plerunq; eius-  
cemodi vnguenta ad tussim adhibētur, ad  
sputū excitandum, ad emolliendū, & pectus  
dilatandum: propterea à leuioribus inci-  
pere



pere soleo, si febris adsit, violaceum oleum cum rosaceo miscendo, & ex cera linimentum parando, si febris absit oleū violaceum post habeo, butyrūmq; addo, deinde anatis piguedinem, & gallinę, post hæc mucilagines addo, deinde ad hoc aliud transeo:

℞. Olei amygdalarum dulc.

Liliorum alborum

Singulorum ℥ ij.

Pinguedinis anseris

Gallinæ

Singulorum ℥ j.

Butyri ℥ j. & β.

Muccilaginis seminum

Lini

Psyllij

Fœnugræci

Althææ

Singulorum ℥ iij.

Misce, & cū cera fiat linimentū molle, postea ex oleo de cheir conficio, & de hyssopo cū prædictis rebus, iridīsq; radicis puluerē addo, & liliorum alborum. Quandoq; simpliciter ita vsus sum, in fine scilicet, postquam iusserim etiam fieri fomentum.

℞. Olei de cheir ℥ iij.

Liliorum alborum

De hyssopo

Singulorum ℥ j.

Pulueris



Pulueris radicum iridis ʒ β.

Hysopiceroti ʒ j. & β.

Misce. s e n. Denique vnguentum hoc deinceps haud seruabo. B R A S S A V. Pro aliis Medicis quod lubet agito, in meum verò nomen nunquàm parato. Cùm verò illo indigero, semper vt conuenit indicam. Alij seruant & aliud vnguentum pectorale de adipibus vocatum, quod ita conficiunt:

℞. Adipis gallinæ

Anseris

Anatis

Butyri recentis

Singulorum ʒ vj.

Ceræ albæ ʒ iiij.

Olei chamæmelini

Amygdalarum dulcium

Singulorum ʒ iiij.

Misce, & fiat vnguentum, de hocque satis dictum videtur.

S E N E X. XII.

Ad Digestium igitur vnguentum accedere oportet. B R A S S. Et hoc est apud Medicos, & pharmacopôlas inconstantissimum. s e. Quomodo inconstantissimum? B R A. Quia nullus ferè est pharmacopôla, qui illud non variet. s e n. Imò rari euariant. nam maxima pharmacopolarum pars ex vitello oui, & terebinthina conficit. B R A S S A V.

Absque



Abſque oleo? s e n. Abſque oleo. B R A S S A.  
 Hoc profectò ignorabam. s e n. Nunc iſtud  
 ſcito, apud maximam pharmacopolarum  
 partem, cùm indicitur vnguentum dige-  
 ſtium, vitellum oui accipiūt cum terebin-  
 thina etiam abſq; ordine, pondere, ac men-  
 ſura, terebinthinámque ex ſimplici aqua  
 ſemper lauāt, niſi à Medico aliud præcipia-  
 tur, quòd ſcilicet aqua roſacea, vel aqua plā-  
 taginis abluatur, aut alia ſimili, vt Medico  
 videbitur fieri oportere. B R A S S. Mihi di-  
 ſplicet roſaceū prætermittere, à multis non  
 ſeruatur, quia ob oui vitellum diu non du-  
 rat quin putreſcat, in hyeme diutius perdu-  
 rare poteſt, ars exigit vt ita fiat:

℞. Terebinthinæ lotæ ℥ ij.

Vitella ouorum numero ij.

Olei roſacei quantum ſufficit.

Miſce, & probè inūgātur, ſi verò vlcus calī-  
 dū eſſet, & de inflāmatione timeretur, ſim-  
 plicis roſati loco omphacinū roſatū accipia-  
 tur, & terebinthina plantaginis aqua laue-  
 tur. nōnulli ſunt, qui ita cōficiunt, ac ſeruāt.

℞. Terebinthinæ lotæ ℥ j.

Vitella ouorum numero j.

Farinæ hordei ℥ j.

Croci ḡ iij.

Olei roſati modicum.

Miſce, & ſeruetur ad vſus.

S E N.



**SEN.** Non mihi displicet eiusmodi digestium. **BRASSA.** Alij quod sequitur, seruant, & cum à Medicis digestiuū vnguentum indicitur, præbent.

**R.** Terebinthinæ lotæ cum Cretico ℥β.

Vitella ouorum numero iij.

Farinæ hordei ʒβ.

Croci ʒj.

Misce, & fiat vnguentum.

**SEN.** Non differt hoc vnguentum præterquam in lotionē à prædicto. **BRASS.** Imò differt etiam in oleo, quia oleum nō adiicit.

**SEN.** Dic quò lauant terebinthinā, qui ante hunc relatum conficiunt vnguentū? **BRASS.** Aliās à me dictum est, cum à Medico non dicitur, quò lauari debeat terebinthina, semper intelligendum est simplici aqua lauandum. Nonnulli eandem quidem seruāt compositionem, sed in pondere differunt, nam accipiunt:

Terebinthinæ lotæ ʒvj.

Croci ʒβ.

Vitella ouorum numero j.

Miscet probè simul absq; igne, & seruāt.

**SEN.** Cur vino Cretico lauant? **BRASSAV.** Vt eo vtamur in vulneribus compositis, & vbi adsunt dolores circa neruos vulneratos, vel ob neruos affectos. Imò non tantum digerit, sed etiam mundificat, tamen  
simplic



simplicissimum digestiū ex farina hordei fieri potest, vitello oui, & oleo rosaceo absque terebinthina, quæ vim habet etiam abstergendi, & mundificandi. si vlcus factum non sit, sed adsit tantum abscessus, Galeni compositio plurimum valet ex farina triticea, oleo, & aqua, quæ in olla bulliant, quousque in quâdam pultis formâ redacta sint. In digestiū etiā communi si farina vti voluerim, vterer potius farina triticea, quàm hordeacea, quâdo inflammationē fieri non timeretur. Patauij, nonnulli cum terebinthina, & vitello oui mel rosaceum miscent, hicq; de digestiū vngueto finē faciamus.

## S E N E X. XIII.

Ergo Mundificatiū vnguentum cōtemplemur. B R A S S A V. Neque vnguentū hoc satis constans est, quoniam diuersi pharmacopœ diuersa seruant vnguentorum mundificatiū genera, imò & ad vlcera emundanda vtimur & vngueto Apostolorum, & ægyptiaco vocato vnguento, & aliis multis. At tu quôdnā seruas pro mundificatiū vnguento in tuo pharmacopoliō? s E N. Istud seruo quod referam, & semper cum à chirurgis indicitur, mundificatiū vnguentum præbeo.

℞. Aloës  
Myrrhæ

Sarcoc.



Sarcocollæ

Singulorum ʒ v.

Terebinthinæ lb j.

Mellis rosati colati ʒ v.

Misce. B R A S. Alij sunt qui eisdem præcisè  
vtuntur simplicibus, sed in pondere variât,  
ita enim conficiunt.

℞. Terebinthinæ ʒ vj.

Mellis rosati colati lb j.

Myrrhæ

Sarcocollæ

Aloës

Singulorum ʒ ij.

Misce, & hoc modo fiat vnguentum mol-  
le, mel rosatum in olla ponatur ad ignem,  
& modicum bulliat: deinde ab igne remo-  
ueatur, & infrigidari sinatur, postea tere-  
binthina addatur, & egregie vna miscean-  
tur: deinde myrrha, sarcocolla, & aloë te-  
nuissimè puluerizata, ad minima miscean-  
tur, ad vsûsque seruentur. s e. Et ego eodem  
modo meum conficio mundificatiuū. B R.  
Alij verò Ferrariæ sunt, qui sequentem ser-  
uant, & cùm a Medicis indicitur, præbent.

℞. Terebinthinæ lb j.

Mellis rosati colati ʒ vj.

Sarcocollæ

Myrrhæ

Aloës

v Irid



Iridis Thuris

Singulorum 3 iiij.

Misce & fiat vnguetum secundum artē.  
s E. Mihi non displicet, & iridem & thus  
apponere. B R A S S A. Tamen chaos vide-  
tur, tantam esse apud pharmacopôlas diuer-  
sitate, sunt deinde qui ita conficiant, in  
solo differentes pondere, & duobus simpli-  
cibus quæ prætereunt:

℞. Terebinthinæ lb ij.

Mellis rosati colati lb j.

Aloës

Sarcocollæ

Myrrhæ

Singulorum 3 j. β.

Misce. s E. In tanta diuersitate quòdnam  
feruare debeo? B R A S S. Ex his nullum ser-  
uarem, sed tunc conficerem cùm à Medi-  
cis indicitur. s E. Plerique Medici quid com-  
positionem ingrediatur ignorant, sed so-  
lùm vnguenti mundificatiui nomen me-  
moriam tenent. B R A S S A. Idcirco optarem  
vt vnusquisque Medicus, qui mundificati-  
uo indiget, à leuioribus inciperet, primo  
eoque vteretur, quod ex terebinthina &  
melle rosaceo conficitur, postea cùm ma-  
iori indiget mundificatione, nonnihil ad-  
deret aceti, deinde aloëm adderet, & myr-  
rham. sarcocolla in hoc casu nunquàm vte-  
ret



vtterer, postea iridis radicem adderem, denique vnguentis vtterer, quæ viride æris accipiunt, aut primò adderem nonnihil viridis æris vltimo vnguento, postea viridibus vtterer vnguentis. Si hic seruaretur ordo, non pararetur apud pharmacopôlas vnguentum mundificatiuum, sed vnusquisque Medicus secûdum exigentiam sibi vnum vel simplex vel compositum effici iuberet, nam in dies quæ magis emundant, addere potest.

*S E N E X X I I I I.*

Subtile vocatum vnguentum in arenam descendit. *B R A S S A.* Vnguentum statim contemplandum à nullo authore ortum habet, vt video. *S E.* Neque istud de quo nunc sermo futurus est (quod sciuerim) authorem habet. *B R A S S A.* Ex se igitur ortum habuit? *S E N.* Arbitror fuisse aliquem Medicum, qui illud nōnunquàm fieri iusserit, & alij denique vsque ad hæc tempora compositionem secuti sint. *B R A S.* Ita esse ne dubites, idcirco ab ipsis magistrales compositiones appellantur, ac si dixerint, ab aliquibus magistris, id est, crassis hominibus confectæ, & ab antiquis minimè acceptæ. *S E.* Vnguētū hoc vnde hoc nomē subtile sortitū est? *B R.* Nisi à suis pinguedine nomen acceptū sit, vnde sortitū sit hoc nomē

V 2 ignor,



ignoramus, nō enim magis penetrat, quā multa alia faciant vnguēta, vt ob hoc subtile nuncupari debeat. At compositionem quam paras, referto. s e n. Hæc est, quam seruo, compositio:

℞. Colophonix ℥ ij. & β.  
 Resinæ colatæ ℥ j. & β.  
 Pinguedinis Suis recentis ℥ v.  
 Cera nouæ ℥ v.

Ita verò confici debet. Primò cera modico igne adhibito, lique scat, ac percoletur, postea infrigidari sinatur, deinde addantur terebinthinæ claræ, & electæ lb ij. postea omnia simul igne modico liquefiant, & vnguentum conficiatur. B R A S. Alij sunt Ferrariæ, qui ex eisdem prorsus conficiunt, sed mel rosaceum addunt, hoc modo componentes:

℞. Colophonix ℥ ij. β.  
 Resinæ colatæ ℥ j. β.  
 Axungia suillæ sine sale ℥ v.  
 Cera citrinæ ℥ vj.  
 Terebinthinæ lotæ lb ij.  
 Mellis ros. ℥ ij.

Misce, & fiat vnguentum secundum artem. s e n. Audiui & alios, qui ex eisdem quidem, & in eodem pondere conficiunt, sed mel rosaceum non apponunt, verum eius loco oleum rosaceum adiiciunt. B R A S S.

Huius



Huius vnguenti intentio, id est, quod docet, an oleum, an mel magis conueniat. s E. Quæ autem est ipsius intentio? B R A S. Dicunt ad recentia vulnera conuenire, & ad neruorum puncturas, & dolores sedare, qui his partibus contingunt, digereréq; mundificare, ac carnem inducere. s E. Ad sedandos dolores arbitror oleum magis conuenire quàm mel. B R A S. At ad emundandum, & ad carnem inducendam mel aptius est, propterea nonnulli sunt, qui & oleum & mel vnà adiiciunt. s E. Hi vtrunque exequuntur intentionem. B R A S. At Ferrasię sunt & alij, qui ampliorem faciūt, & ex pluribus rebus compositionem: est verò hæc:

℞. Colophonix ℥ ij. & β.

Resinæ pini ℥ v. & β.

Ceræ nouæ

Axungix suillæ

Singulorum ℥ v.

Terebinthinæ claræ ℥ ij.

Olei abiegni ℥ β.

Pulueris betonicæ ℥ iij.

Olei rosati ℥ ij.

Misce, & fiat vnguentum secundum artem.

s E N. Nunquam vidi betonicam, & oleum abiegnum in hanc compositionem imponi. B R A S. Posthac ita dicere non poteris, nam & probi huius vrbs pharmacopolæ

v 3 talem



talē seruāt cōpositionē. Verūm ad alia procedas, quoniā de hoc satis supérq; dictū est.

*S E N E X X V.*

Mollitium vnguentū hoc loco examē subit. *B R.* Neq; vnguentum istud authorem certū habet. neq; eodem modo vbiq; fit, sed vt diuersi sunt pharmacopólæ, ita diuerso cōficiūt modo. tu verò quē cōficiēdi modū seruas, & ex quibus conficis simplicibus? *S. E.* Ego hoc quod sequitur paratum seruo:

*℞.* Radicum althææ præparatæ

Fœnu græci

Seminis lini

Singulorum ℥b j.

ponatur in aqua communi calida per dies tres, & fiant mucilagines secundum artem, & percolentur, deinde

*℞.* Prædictarum mucilaginum ℥b j. & β.

Olei communis ℥b viij.

Medullæ vaccinæ colatæ ℥b vj.

Axungia suillæ absque sale. ℥b j.

Omnia simul misceantur, ad ignémque suspendantur, & vsque ad mucilaginis consumptionem ebulliant, postea colentur, & addatur ceræ albæ quantum sufficit, & secundum artem conficiatur vnguentum.

*B R A S S A.* Hoc est illud, quod tu seruas, sed alij sunt qui ita conficiunt, tantam olei copiam non addentes:

*℞.* Muc



**R.** Mucilaginis radicū althææ

Seminum lini

Seminum fœnu græci

Singulorum ℥ vj.

Olei communis lb ij.

Medullæ bouillæ ℥ iiij.

Axungia suillæ lb j.

Ceræ albæ ℥ vj.

Misce, & fiat vnguentum secundum artem.

**SEN.** Ego potius meam probo compositionem. **BRASSA.** Tamen plus habet olei, quàm ista, & nisi diceret ceræ quantum sufficit, vnguentum nunquàm conficeret, ac leuissimum esset linimentum, tamen quicquid sit, alij etiam in pondere differunt, & Ferrariæ & in aliis Italiae vrbibus ita conficiunt:

**R.** Mucilaginis althææ

Fœnu græci

Lini

Singulorum ℥ iiij.

Olei communis lb j. ℥ iiij.

Medullæ bouis ℥ vj.

Axungia colatæ sine sale lb j.

Ceræ albæ quantum sufficit.

Misce, & fiat vnguentum secundum artem, sunt & alij qui ita conficiunt solo pondere differentes.

**R.** Mucilaginis althææ

▼ 4

Semin



Seminis lini

Fœnugræci

Singulorum lb j.

Olei communis lb j. ʒi iiij.

Axungia suillæ lb j.

Ceræ albæ ʒ vj.

Misce, & fiat vnguentum secundum artem.  
s. e. In his magnam esse haud video idifferen-  
tiam. BRASS. Compositionem aliam  
audito, quam nonnulli Ferrariæ seruant, &  
multi Venetiis. ac Patauij.

℞. Muccilaginis althææ

Fœnugræci

Seminis lini

Singulorum ʒ vj.

Lithargyri auri lb ij.

Terebinthinæ

Medullæ cruris vaccæ

Singulorum ʒ iiij.

Ceræ ʒ iiij.

Iridis puluerizati ʒ iiij.

Olei seminum lini lb ij. β.

Misce, & fiat vnguentum secundum artem.  
s. e. Memini me compositionem hanc con-  
fecisse, cùm puer eram, & hanc artem Ve-  
netiis exercere cœperam. BRASSA. Mul-  
ta alia sunt emollientia vnguenta sed non  
sub hoc nomine apud pharmacopôlas, vt  
est vnguētū de mucilaginibus vocatum,  
quod



quod emollit. s e. Quomodo conficitur?

B R A S. Hoc modo apud pharmacopôlas:

℞. Muccilaginis fœnugræci

Semenum lini

Singulorum ℥β.

Misce, & simul coquantur donec spissescât.  
& cùm coquantur, aceto semper aspergan-  
tur, deinde lithargyrij ℥β. accipiatur, &  
igne lento in vna sesamini olei libra co-  
quatur, postea mucilaginis supra ponan-  
tur, & supra marmor ponatur, ac manu du-  
catur, & vnguentum fiat. s e n. Hoc est  
diaquilon, & ab aliquibus vocatur diaqui-  
lon sine gummi. B R A S S A V O. Est valde  
emolliens, sed de ista compositione in dia-  
quilo verba faciemus, & vnguentum de pin-  
guedinibus ad hunc ordinem deduci pos-  
set. s e n. Ad quem ordinem? B R A S S. Ad  
vnguenta emollientia, licet sub nomine vn-  
gueti de pinguedinibus publicè vendatur.  
s e n. Cùm ego eiusmodi vnguentum in  
meo pharmacopolio nūquam seruauerim,  
quomodo conficitur? B R A S. Hoc modo.

℞. Olei chamæmelini

Violacei

Singulorum ʒvj.

Butyri recentis

Adipis gallinæ

Singulorum ℥j.

v s Cer



Ceræ quantum sufficit.

Misce, & fiat vnguentum secundum artem.

At multa sunt vnguentorum genera, quæ hoc nomine emolliens vnguentum ab effectu nominari possunt, verum cum alia habeant nomina, idcirco conuenientius erit de illis sub propriis nominibus pertractare. Adest & emplastrum emolliens apud Galenum in secundo de Compositione medicamentorum per genera, vbi inscriptio est. Aliud melinum emolliens Diophantis, aphra nominatur,

℞. Visci elaborati pondo

Ceræ pondo

Resinæ terebinthinæ pondo

Chalbani ℥ iij.

Liquefactis vtitor. s. e. n. Illa quæ superius enumerata sunt, mihi videtur magis emollientia. B. R. A. Ita profectò est. at Galenus de emollientibus, malagmatibusue vbertim egit in septimo de Compositione medicamentorum per genera, & multa huius generis medicamenta adducit cum antiqua, tum recentia. multa prætereà malagmatum genera à Paulo referuntur libro septimo, capite decimooctauo, tamen emollientia & malagmata quibus in præsentiarum utimur, non minus vehemètia sunt, quàm antiqua. reliquum verò est, vt ad alia vnguētorum



rum genera referenda te accingas.

*S E N E X X V I.*

Iam accinctus sum, & vnguentum de Calce  
fese offert considerandum. *B R A S S.* Quem  
authorem habet? *S E.* *Rasim.* *B R A.* Habet &  
Auicennam in quinto libro Fen quartam,  
tractatu secundo, capite quartodecimo. *S E.*  
Quomodo illud conficit Auicenna? *B R A.*  
Inquit, Sumatur calx, & septies abluatur,  
donec ipsius acuitas tota remoueat, dein  
de oleo rosaceo conquassetur, aut oleo oli-  
uæ, & pauca cera, si indiget ea. *S E N.* Cur di-  
xit, si indiget ea? *B R A S.* Quia si Medicus,  
& pharmacopôla viderint, quòd absque  
cera inhærere posset, cera non esset adden-  
da. *S E N.* Eandem compositionem & ego  
cōficio, sed semper addo ceram, nec calcem  
septies tantum abluo, sed pluries, vt ita  
constet compositio quam paro:

*Rx.* Calcis sæpiùs lotæ ℥ j.

Olei rosati quantum sufficit.

Misce, & in mortario plumbeo probè agi-  
tentur, postea nonnihil ceræ addatur. *B R A.*  
Multi sunt qui ceram non addunt, & alij  
ita conficiunt, vt sequitur, & tanta quan-  
titate.

*Rx.* Calcis lotæ ℥ vj.

Olei rosati ℔ j.

Ceræ albæ ℥ ij.

Misce.



Misce. s e n. Mihi potius placet vt in omnibus compositionibus nulla adhibeatur ceræ mensura, sed apponatur quantum sufficit, quoniam (vt arbitror) duæ vnc. facient valde molle vnguentum. B R A S S A. Imò oportet vt in adustionibus sit tenellū eiuscemodi vnguentum. sunt verò Ferrarię qui ita conficiant:

℞. Calcis lotæ puluerizatæ ℥ j. & β.

Olei rosati ℥ vj.

Ceræ albæ ℥ j.

Misce. s e n. Hoc non erit valde molle, sed duriusculum potius euadet. B R A S S A. A Medicis iubetur oleo rosaceo emolliri, & ad illam liquiditatem perducī, quæ conueniet, & quæ illi placuerit. vidi & nonnullos pharmacopôlas, qui viuam calcem accipiunt, illamque decies in feruentem aquam iniiciūt, postea linteo percolant, & calcem ad vmbra exiccant, ad vsusque seruant, nec vnquàm vnguentum conficiunt, nisi cū opus est, & cū eo indigent, postea cū à Medicis indicitur oleo rosaceo, miscent, accera, & ilico cōficiunt. s e n. Neque hi mihi displicent. B R A S S A. Non displicent, quia breui fit: at si ipse indigeres, displicerent, quoniam qui combusti sunt, non habent expectandi tempus, alij sunt Ferrarię qui in hac quantitate conficiunt:

℞. Ol



℞. Olei rosacei ℥ iiij.

Ceræ albæ Calcis lotæ

Singulorum ℥ j.

Misce. se. In sola simplicium quantitate differt. B R A S. Alij etiam sunt qui ita parant:

℞. Calcis viuæ bene lotæ aqua clara pluribus lotionibus quousq; amiserit acuitatem, vnc. j.

Olei rosati ℥ iiij.

Misce in mortario absq; igne. se. Hi ceram non addunt? B R A. Non prorsus. se. Miscentur ne alia quandoq; in hac compositione præter oleum, calcem, & ceram? B R A S S A. Auicenna dicit, & fortasse addantur supra ipsum chimilea, & albumen oui, & parum vini arbitror vinum additum esse ad penetrandum, vel etiam quia membra roborat. cum opus est vnguentum hoc liquefacere, ego semper oleo rosaceo omphacino lique fieri iubeo, cumque tu vnguentum ipsum parabis omphacino semper parato, & quavis Auicenna cõficiat quãdoq; ex oliuarum oleo, intellige immaturarum, quãquã hoc non expresserit. sen. Nulla igitur alia præter hanc inuenitur compositio? B R A S S A. Altera est apud Auicennam eodem loco, cum ait, Vngnētum calcis cum modo alio: Abluatur calx vt sciuiſti, idest, vt superius dictum est, scilicet septies secūdu[m] ipsum, & fiat



& fiat ex ea cum aqua foliorum ficlæ, idest  
 bletæ, & cū aqua foliorū caulīs, & oleo ro-  
 faceo, & cera vnguentum. *SEN.* Vtuntūr  
 Medici hoc vnguento ad alios vsus, quā  
 ad combusta? *BR.* Nōne est hic ipsius ma-  
 gnus vsus? *SEN.* Imō maximus, tamen arbi-  
 trabar & ad alia conuenire. *BRAS.* Conue-  
 nit etiam inflammationibus, quæ ob ignē  
 excitatæ non sunt, sed sponte è nostro cor-  
 pore ob acutos, & calidissimos humores,  
 quos natura per cutim emittit, prodeunt.  
*SE.* Reperitūrne apud antiquos eiusmodi  
 compositio? *BRASSA.* Non quod sciue-  
 rim. *SEN.* Ad alia igitur vnguentorum gene-  
 ra contemplandā accedamus. *BRASS.* Ab-  
 re non erit, ne tempus incassum contera-  
 tur.

### *SE N E X X V I I.*

Vnguentum de Gummi helemi in examen  
 venit. *BRASSA.* De hoc gummi in nostro  
 simplicium examine copiosè locuti sumus,  
 verū à quo authore vnguentum istud ac-  
 cepisti? *SEN.* Ipsius authorem ignoro. *BRAS.*  
 Neque ego vnde ortum habuerit scio arbi-  
 tror fuisse Medicum aliquem recētem, qui  
 compositionem illam parauerit, postea fie-  
 ri iusserit, & apud pharmacopôlas dimi-  
 serit, nam rarò in aliis Italiæ vrbibus præ-  
 terquā Ferrariæ inuenitur, quanquam  
 Conc



Conciliatori attribuat<sup>r</sup> eiuscemodi vnguentum. s E N. Imò neque Ferrariæ pharmacopôlæ omnes hoc seruât, & vt ingenuè fatear, diem referre nescirem, in quo vel huius vnguenti semjunciam vendiderim, nam pixis ita plena est, vt illam facta compositione reposui, nisi ob æstus, & temporis curriculum decreuerit. B R A. Compositio- nem ipsam referto. s E N. Hæc est:

℞. Resinæ pini

Ceræ citrinæ

Singulorum ʒ j.

Corticum granatorum

Thuris albi

Singulorum ʒ β.

Balaustiarum

Sarcocollæ

Singulorum ʒ ij.

Olei abiegni ʒ ij. & β.

Misce, & fiat vnguentum secūdum artē.

B R A. Mirum mihi videretur, si duo pharmacopôlæ non euariarent in ponderibus, nam aliqui sunt, qui ita conficiunt:

℞. Olei lentiscini

Laurini

Resinæ pini

Ceræ nouæ

Olibani

Gummi helerei

Sing



Singulorum ℥ vj.

Misce, & fiat vnguētum secundū artem.  
 SEN. Video & in simplicibus adesse differentiam. BRASSA. Sed audias & aliam compositionem, quæ ab aliquibus huius vr bis pharmacopôlis seruatur. SE. Quæ nam est? BRAS. Hæc, quam refero:

℞. Gummi helemi ℥ iiij.

Resinæ pini ℥ iiij.

Ceræ ℥ vj.

Ammoniæ ℥ ij.

Terebinthinæ

Olei rosacei

Singulorum ℥ iiij.

Misce, & fiat vnguētum secundum artē.  
 SE. O' magnas diuersitates, vnde contingere possunt? BRAS. Ex Medicorum ignauia, qui omnia omnium pharmacopolarum composita medicamenta contemplari deberent, & concordia reddere. SE. Ad te hoc spectaret, qui illustrissimi Ducis aures semper paratas habes. & si aliqui parare nolent pharmacopôlæ, illos vt decet punire. BRASSA. Ego circa alia (vt tibi palàm est) occupatus sum, tamen huic rei ordinem impositurus sum, nam ex meis discipulis duos, aut tres eligam, quibus hoc munus demandabitur, & qui diligenter curabūt, vt composita medicamenta eodē fiant ordi



ordine, & ex eisdem Simplicibus, in eodem pondere. s e n. At ad rem nostram redeuntes, quam compositionem de gummi helemi seruandam eligeres? B R A s. Hanc, quæ sequitur:

℞. Gummi helemi ℥ iiij.

Resinæ pini ℥ iiij.

Corticum granatorum

Thuris albi

Balaustiarum

Sarcocollæ

Singulorum ℥ β.

Olei abiegni ℥ ij.

Lentiscini ℥ j.

Ammoniæ ℥ iiij.

Terebinthinæ ℥ ij. & β.

Olei rosacei ℥ j. & β.

Ceræ quantum sufficit,

Misce, & fiat vnguentum secundum artem.

s e n. Ego deinceps hoc seruabo. B R A s. Nec ab re facies.

### S E N E X XVIII.

Defensiuum vnguentum moras rupit, vt in examen veniret. B R A s. Et hoc inconstantissimum est, optarémque Medicum tunc illud indicere, cū eo indiget, & cōfectū haud seruari, verū à tuo quod paras, incipiamus, quonā modo illud conficis? s e. Hoc modo:

℞. Boli armeni

℥

Sang



Sanguinis draconis

Terræ figillatæ

Singulorum ℥ ij.

Olei rosacei lb j.

Ceræ ℥ iiij.

Aceti quantum sufficit.

Misce, & fiat vnguentum molle. **BRAS.** Magnam tibi in hoc vnguento diuersitatem ostendam: nonnulli etenim sunt, qui & Ferrariæ, & in aliis Italiæ vrbibus ita cōficiūt.

℞. Olei rosati ℥ j. & β.

Ceræ ℥ v.

Boli armeni

Sanguinis draconis

Singulorum ℥ vj.

Misce. **SE.** Et in ponderibus diuersitas est, & in simplicium numero. **BRAS.** Alij prætereà sunt qui hoc modo conficiunt.

℞. Olei rosacei ℥ iiij.

Lithargyrij

Boli armeni

Ceræ modicum

Molochinum ℥ j.

Misce, & fiat vnguentum, postea duo ouorum vitella addantur, & camphoræ Ḡ v.

Misce. **SEN.** Neque istud cum aliis supradictis conuenit, licet nonnulla recipiat simplicia, quæ in ipsis insunt. **BRAS.** Audito & hoc aliud, quod etsi cū primo in simplicibus



būs conueniat, in ponderibus tamē differt.

℞. Sanguinis draconis

Boli armeni

Terræ figillatæ

Singulorum ʒ iiij.

Ceræ ʒ vj.

Olei rosacei

Aceti

Singulorum quantum sufficit.

Misce, & fiat vnguentum in mortario secū-  
dum artem. s e n. Non adest cum mea, præ-  
terquā in ponderibus, differentia. B R A s.  
Sunt, & alij, qui pondera quidem variant,  
cum eisdem tamen vtantur simplicibus.

℞. Olei rosacei lb j.

Ceræ citrinæ ʒ j.

Boli armeni

Sanguinis draconis

Terre figillatæ

Sing. ʒ j. & ʒ iiij.

Aceti quantum sufficit.

Misce, & fiat vnguentum secundum artem.  
s e n. Est tantum in pondere differentia.  
B R A s. Alij sunt, qui ita breuiter parant.

℞. Boli armeni

Sanguinis draconis

Terræ figillatæ

Singulorum ʒ ij.

Misce, & fiat puluis subtilissimus.

x 2

Postea



Posteà iubent hunc puluerem aceto, & oui vitello misceri, membróque adhiberi. Aliqui bolum armenum tātum, ac sanguinem draconis accipiunt: Alij addunt albos corrallos, alij acatiam, & similia. *SEN.* Maxima est in hoc tam triuiali vnguento diuersitas. *BRAS.* Sed talis, quæ non magni referat: nam in nulla harum compositionum variatur intentio. *SEN.* Et quæ nam est huius vnguenti intentio? *BRAS.* Illa, quam ipsius nomen indicat. cū materia aliqua prohibenda est, ne in aliquem defluat locū, supra illum locum hoc vnguento delinitur ad illam materiam repellendam, atq; repercutiendam. adde adhiberi etiam ad partes adstringendas, ne huius generis materia in locum aliquem læsum decurrat. *SEN.* A te scire optarem, quódnam defensiuum vnguentum pro aliis seruandum iuberet. *BR.* Nullum prorsus, sed optarem potius, vt hi pulueres seruarentur ita commistis:

*Rx.* Boli armeni

Terræ sigillatæ

Sanguinis draconis

Acatia

Corallorum alborum

Scoriæ ferri

Singulorum  $\mathfrak{z}$  j.

Misce, & fiat puluis subtilissimus: posteà  
Medic



Medicus qui defensiuo vocato vti voluerit, statim ouorum albumine, aceto, & oleo rosaceo omphacino misceri iubeat, idque fiat in ægri domo: At si tu confectum seruare volueris, his pulueribus olei rosati omphacini ℥ j. & β. aceti ℥ iij. commisceto, & in plūbeo mortario probè agitato, postea cū eo vti voluerit Medicus, oui albumen addat, vel absq; albumine vtatur. *S E N.* Deinceps vt admonuisti seruabo. *B R A S.* Et ego sciam quòdnam sim indicturus, cū vnguētum defensiuum vocatum indixero.

*S E N E X . XIX.*

Vnguentum de Cornu cerui, sequitur. *B R A S.* Arbitror te non esse inuenturum hoc vnguentum in aliqua Italiae vrbe, præterquam Ferrariae. *S E N.* Et fortè nec Ferrariae præterquàm in meo pharmacopolio. *B R A S.* Imò & in altero est pharmacopolio à tuo, sed arbitror neq; te, neq; alterū illum pharmacopôlam illud esse venditurū. *S E N.* Ob quam rem? *B R A S.* Quia à nullo authore scriptum est, sed fuit Medicus quidā, qui illud parari iussit, postea obiit. *S E N.* Quinam fuit? *B R A S.* Sororius meus excellentis. Elleonorus Sanseuerinus. *S E N.* Meminī illummet fuisse excellentis. virum, qui compositionem hanc me cōficere iussit, & nunquàm vel scrupulum vendidi, nisi cū ipse

x 3      pro



pro suis indiceret ægrotis. BRAS. Postea-  
quàm vnguentum hoc in medium adduxi-  
sti, in gratiam Sororij mei compositionem  
etiam referto. SEN. Hæc est compositio.

℞. Olei rosacei omphacini ℥ iiij.

Myrtini ℥ j. & β.

Scoriæ ferri præparatæ ℥ iiij.

Ossium dactylorum combustorum .

Ossium myrobalanorum Indorum com-  
bustorum

Singulorum ʒ ij.

Hypocystidis

Acatix

Cornu cerui vsti

Singulorum ʒ iiij.

Pulueris gypsi ℥ iiij.

Glutinis piscis dissoluti in aceto nigro  
℥ vj.

Ceræ quantum sufficit.

Misce, & fiat vnguētum secūdum artem.

BRAS. Arbitror virum illum & tibi, & al-  
teri pharmacopôlæ eandem cōpositionem  
præbuisse, tamen in pondere pharmacopô-  
la alter à tua differt compositione, nam ille  
habet olei rosacei omphacini ℥ iiij. & ha-  
bet ossium dactylorum combustorum, &  
myrobalanorum Indorum combustorum  
Sing. ʒ ij. hinc tu cōtemplari debes, quo-  
modo se habeant compositiones, quæ per

tot



tot manus sint transcriptæ, cum ex eodem libello receptiones sint diuersæ. *SEN.* Non ambigo vnumquemque scriptorem ex his præsertim qui ignari sunt, in transcribendis libris non mediocriter aberrare. *BRAS.* Propterea librorum impressio hoc boni habet, quod si semel sint probè impressi, in eodem permanent statu. at his prætermis- sis, ad alia te conferas.

*SENEX XX.*

Vnguētum de Comitissa, suam sedem post prædictum habet. *BRAS.* Potius dicendum est confusio de comitissa, quæ & si illi fortè contulerit comitissæ, in cuius gratiam confecta fuit compositio, aliis tamen conferre non est opus, aliis inquàm, quibus supra modum menses profluunt. At quis est huius vnguenti author? *SEN.* Ad Gulielmum Varignanam refertur. *BRAS.* Verum dicis, nam de hoc agit capite vigesimo, vbi de his tractat, quæ à communi natura mulierum mēstrua magis sistunt, valet prætereà ad sistendum partum, & ad prohibendum ne foetus abortiatur. nam & author ille in comitissa ad hoc propositum vnguento isto vsus est, quæ cum vtero gereret, mensium multitudine pressa fuit, imò & sanguis & aqua copiosè exire cœperant, euasit tamen, & foetum in finem vsque huius vnguenti

x 4 benefi



beneficio tulit. compositionem verò quam  
paras, referto. s e n. Hæc est quæ sequitur:

**℞.** Corticum mediorum castanearum

Glandium

Arborum glandium

Myrtillorum

Caudæ equinæ

Corticum fabarum

Gallarum

Acinorum vuarum

Sorborum siccorum

Mespillorum maturorum

Radicum chelidonix

Florum prunorum syluestrium

Singulorum partes æquales.

Misce, & crasso modo terantur, & coquan-  
tur in aqua plantaginis, & colentur. postea

**℞.** Cera quantum vis, & illam oleo myr-  
tino dissolue, eamq; nouies cum prædicta  
aqua lauato, & in vnaquaque lotionē noua  
vtaris aqua, Postea

**℞.** Corticum mediorum castanearum

Glandium

Arboris glandium

Singulorum partem j.

Cineris ossium cruris bouum

Myrtillorum

Acinorum vuarum

Singulorum partem semis.

Misce



Misce, & terantur, & fiat puluis. Postea

**R.** Huius pulueris partes duas.

Trochiscorum de charabe partem vnam. Misceantur cum prædicta cera, & oleo myrtino, & oleo mastichino singulorum quantum sufficit. sint verò æquales partes, & fiat vnguentum, quo cum opus est, renes, & pecten, & circumstantes omnes partes inungantur. **B R A S S.** Licet alij pharmacopœlæ in rebus conueniant, tamen nullus ferè est, qui in ponderibus ab alio nō differat, quod vt faciliè deprehendere possis, omnes aliorum compositiones in ordinem disponam. Sunt igitur alij, qui ita conficiunt:

**R.** Corticum medullæ castanearum

Glandium

Arboris glandium

Myrtillorum

Caudæ equinæ

Gallarum

Corticum fabarum

Acinorum labruscæ

Sorborum siccorum

Mespilorum maturorum

Radicum chelidoniæ

Foliorum prunorum syluestrium

Singulorum M. j. & β.

Misce, & terantur omnia, & fiat decoctio in aqua plantaginis, quæ ad vsus reseruetur

z s tur



tur, postea

℞. Olei myrtini ℥ j. & ℥. iij.

Ceræ citrinæ ℥ j. & ℥. iij.

Misce, & cum dicta decoctione prædicta olea lauentur, & cera nouem vicibus, & pro dicto vnguento reseruetur, postea

℞. Corticis medullæ castanearum

Arboris glandium

Singulorum ℥ ij. β.

Spodij Myrtillorum

Labruscæ

Singulorum ℥ j.

Trochiscorum de charabe ℥ iij.

Olei myrtini

Mastichini

Singulorum ℥ ij. & β.

Misce, & cum supradictis fiat vnguentū.

SEN. Magna est in ponderibus differentia.  
BRAS. Sed aliam audito compositionem,  
qua vtitur pharmacopœla egregius, & ab  
aliis multò differētem esse percipies. SEN.  
Illam referto. BRASS. En refero.

℞. Corticum mediorum castanearum.

Copularum glandium

Corticum quercus

Gallarum Myrtillorum

Corticum fabarum

Granorum vuarum

Foliorum mespilorum

Foliorum



Foliorum sorborum  
 Radicum chelidoniæ  
 Foliorum prunorum  
 Ossium dactylorum  
 Thuris  
 Summachiorum

Singulorum ʒ ix.

Contundantur crasso modo, & bulliant in  
 aqua plantaginis, & in vino cotoneorum,  
 omnia sint lib. xvij. & bulliant ad consum  
 ptionem medietatis, deinde colentur, & in  
 colatura addantur

Olei myrtini lb ij. ʒ iij.  
 Coroneorum lb j. ʒ j. & β.

Mastichini ʒ ix.

Ceræ citrinæ lb j.

Bulliant simul, & addantur,

Corticum mediorum castanearum

Copularum glandium

Corticum thuris

Corticum quercus

Summachiorum Myrtillorum

Sanguinis draconis

Singulorum ʒ ix.

Sandalorum rubrorum

Ossium dactylorum

Ossis cruris bouis combusti

Corticum fabarum

Singulorum ʒ iiij. & β.

Trochis



Trochiscorum de charabe sine opio

℥ xvij.

Misce, & fiat vnguentū. s e n. Hæc est compositio à prædictis valde diuersa. B R A S S. Sed & aliam audito ab his etiam differentem. s e n. Referto. B R A S S A V. En:

℞. Corticum mediorum castanearum  
 Copularum glandium  
 Corticum mediorum arboris glandium  
 Myrtillorum  
 Caudæ equinæ  
 Corticum fabarum  
 Acinorum labruscæ  
 Sorborum immaturorum siccorum  
 Mespilorum immaturorum  
 Radicum chelidoniæ  
 Foliorum prunorum syluestrium  
 Singulorum ℥ j. & β.

Misce, & cōtundantur crasso modo, & bulliant in libris octo aquæ plantaginis ad consumptionem medietatis, deinde percolentur, postea

℞. Olei myrtillorum ℔ vj.

Ceræ vouæ ℔ j.

Misce, & oleum lauato, ac ceram cum prædicta decoctione nouies, aquam semper remouendo. postea

℞. Corticum castanearum  
 Glandium

Cortic



Corticum mediorum arboris glandium

Gallarum

Singulorum ℥ ij.

Cineris ossium cruris bouis ℥ j.

Myrtillorum

Granorum. j. semi. labruscæ

Sorborum siccorum

Singulorum ℥ j.

Trochiscorum de charabæ ℥ viij.

Ex his fiat pulvis subtilissimus, qui cum suprascripto oleo misceatur, & cera, & fiat vnguētum. s e n. Dispeream si inueniri possit pharmacopœla, qui eandem præcisè cum alio compositionem seruēt. B R A S S A V. Hinc perpendere potes, quomodo Medici incedant, cum ignorent quam compositionem vnus habeat pharmacopœla, & quam alius. s e n. Quid tibi videtur de hoc tam mirabili vnguento? B R A S S A V. Mihi videtur confusionem esse: neque illis interaneis castanearum corticibus vllam fidem adhibeo, licet adstrictione quadam præditi sint: at si menses adstringere voluerim, potioribus vterer simplicibus quàm, hæc sint, quæ compositionem istam ingrediuntur: mirorque cur huius compositionis, ne dicam confusionis, author bolum armenum præterierit, & sigillatam terram, quæ præter id quod adstringunt vterum, etiam

robor



roborant. & ad ampliorem huius compositionis apud pharmacopôlas incôstantiam audias & quo modo alij conficiant: in multis etenim simplicibus, & in ponderibus à præscriptis differût. s e n. Iam aures arrexi. BRASSAV. Ita igitur conficiunt.

℞. Corticis mediorum arboris glandium

Myrtillorum

Caudæ equinæ

Gallarum

Corticum fabarum

Acinorum vuarum

Sorborum siccorum

Acinorum mespilorum immaturorum

Radicum chelidoniæ

Foliorum pini sylvestris

Singulorum M. j.

Misce, & terantur, & coquantur in aqua plantaginis perfecta coctione, deinde colentur, postea

℞. Cera

Gallarum

Singulorum ℥ vij. & β.

Liquefiant simul, & lauentur in prædicta coctura novies, semper aquam pro singula vice innouando, postea

℞. Corticum mediorum castanearum

Arboris glandium

Gallarum

Sing



Singulorum ℥ ij.

Cineris cruris ossis bouis

Myrtillorum

Acinorum vuarum

Singulorum ℥ β.

Trochiscorum de charabe ℥ ij.

Olei myrtini ℔ ij. & β.

Aliqui addunt oleum mastichinum.

Puluerizentur tenuiter puluerizāda, & cum prædicta cera præscripta decoctione lota fiat vnguentum. s e n. Iam nosco & quam habeat compositio hæc cum aliis diuersitatem: verum cum tibi non placeat, illam deinceps non seruabo. B R A s s. Errabis, quoniam in aliorum Medicorum gratiam seruanda est, nam & si ego illa non vtar, alij sunt alterius sententiæ Medici, qui illam pro suis indicent ægrotis. Cum pro mensibus supra modum fluentibus, & ad fœtum retinendum adstrictorio indigebo, vnguento, statim compositionem fieri curabo hac longè meliorem, quæ & vterum magis respiciet, magisque roborabit. Denique compositionem aliā audito, quam & nonnulli seruant. s e n. Referto. B R A s. En.

℞. Aquæ plantaginis

Vini cotoneorum

Singulorum ℔ ij.

Misce, postea

℞. Cor



**R.** Corticum mediorum castanearum

Quercuum

Gallarum perforatarum

Myrtillorum

Granorum vuarum immaturarum

Foliorum mēspilorum

Foliorum sorborum siccorum

Mespilorum immaturorum

Caudæ caballinæ

Foliorum prunorum syluestrium

Radicum chelidonæ

Foliorum pini syluestris

Summachiorum

Singulorum ʒ ij.

Ossium dactylorum

Corticum thuris

Singulorum ʒ ij.

Bulliāt in aqua, & vino prædictis ad cōsumptionē medietatis, deinde colentur, postea

**R.** Olei mastichini ʒ ij.

Cotoneorum ʒ iiij.

Myrtillorum ʒ vj.

Bulliant simul in aqua, & vino decoctionis prædictorum vsque ad consumptionē decoctionis, postea sequentes pulueres accipito.

**R.** Corticum mediorum castanearum

Copularum glandium

Corticum mediorum quercus

Corticum thuris

Summ



Summachiorum

Nucis cyparissi

Acinorum vuarum non maturarum

Scoriæ ferri in aceto infusæ per diem, &  
noctem

Singulorum 3 ij.

Sanguinis draconis 3 j.

Sandalorum rubrorum

Olsium dactylorum

Olsium cruris bouis combustorum

Corticum fabarum

Singulorum 3 j.

Trochiscorum de charabe sine opio 3 j.

Ceræ quantum sufficit.

Misceantur omnia, & fiat vnguentum secundum artem. s e. Iam satis superque pharmacopolarum diuersitatem in hoc vnguento ostendisti. B R A S S A. Propterea aliud vnguenti genus in examen adducito.

### S E N E X XXI.

In meo illo inordinato ordine, vnguentum Aegyptiacū vocatū sequitur. B R. Cur ægyptiacū vocatur? s e. Ignoro nisi in Aegypto sit inuentū, aut ipsius inuentor Aegyptius fuerit, à Mesue illud accipio.

B R A. Cōpositionem referas. s e. En refero:

℞. Floris æris aur. v.

Mellis aur. xiiij.

Aceti fortis aur. vij.

y

Et



Et sunt, qui addūt ei olibani masculi tritū  
aur. ij. & semissem Misceantur omnia, &  
coquātur ad ignē, donec spissescant. s. e. Cur  
à Mesue magnū appellatur? BR. Nōquidem  
ad differentiā parui, quia nullū parū adest  
Aegyptiacū vnguētū, sed ob vires suas ma-  
gnas, ita (vt arbitror) vocatur, & adeò egre-  
giè vires suas imprimit, vt à nōnullis vul-  
nerariis Medicis *cacia rifo* sit vocatus, quo-  
niā cū supra vlcus ponitur, adeò infestat,  
vt is ridēdi cupiditate careat. s. e. Ad quē va-  
let? BR. Mirū in modū vlcera sordida, & an-  
tiqua, & quæ fistulosa sunt, emūdat: & si in  
ipsis adsit de mortua caro, illā probè à pu-  
tredine liberat, nā & sanie exiccat. si oleum  
addatur, & cruda sit æris ærugo, est coloris  
viridis, & non adeò clemens, vt cū exco-  
quitur, nā tūc viridis color in rubrū trāsīt,  
hoc ex coctura habetur. s. e. Ergo hoc vnguē-  
tum est mitius, cū crudum erit? BR. Imò  
coctū mitius est, nā crudū plus recipit æru-  
ginis, & nō est ab igne macerata. s. e. Reperi-  
tūne apud antiquos eiusmodi compo-  
sitio? BR. Apud Arabes inuenitur, nā Rasis  
in calce capitis Diuisionum eandem refert  
compositionem, quæ solum differt quo ad  
pondera. s. e. Cur vocatur vnguētū de mel-  
le? BR. A S. Quoniam mel in maxima reci-  
pit copia, & multi sunt, qui decipiūtur mel-  
lis



lis aur. xiiij. accipientes, cū antiquæ compositiones. xiiij. habeant, & ita apud Mesuē scriptum est. quanquā & Ferrariæ, & Venetiis, & Patauij, & Bononiæ & breuibus in tota ferè Italia sint pharmacopôlæ, qui compositionem in ponderibus euariant, nā aliqui ita conficiunt.

**R.** Floris æris ℥ ij.

Mellis ℥ xij.

Aceti fortissimi ℥ iiij.

Misce, & bulliant ad spissitudinē mellis. Alij mellis loco rosaceum mel accipiunt, quod improbādū non est. Alij ita conficiūt.

**R.** Viridis æris ℥ vij. & β.

Mellis ℔ j. ℥ ix.

Aceti fortissimi ℥ x. & β.

Misce, & simul bulliant ad perfectam cocturam. Alij ita parant.

**R.** Mellis ℔ j. ℥ v.

Floris æris ℥ v.

Aceti ℥ vj.

Misce, & bulliant ad spissitudinem mellis.

**SE N E X.** Hi Mesue intentionem non attingunt, quam præcedentes potiùs attingebāt. at illud scirè percuperem, num apud Galenum vel Paulum, vel Aetium eiusmodi inueniatur compositio. **B R.** Eadem præcisè non inuenitur quod sciuerim, tamē multa mellina describit Galenus in secundo de

y 2 Comp



Compositione medicamentorum per genera, quæ vstam æruginem recipiunt, & quæ huius Aegyptiaci vnguenti colorem nacta sunt, non enim mellina dicuntur, quia mel recipiant, sed à colore, quem habent. prætereà prope finem tertij libri de Compositione medicamentorum per genera, medicamēta referuntur, quæ Aegyptiaca vocantur, vnum Andromachi, alterum Claudij Philoxeni chirurgi, & deniq; in eiusdem libri calce Aegyptiacum aliud scriptum est, sed nihil habent cum hoc nostro cōmune. reperitur etiam aliud vnguentum de melle apud nonnullos pharmacopôlas. s e n. Quòdnam est? B R A. Hoc quod sequitur, à Rasi sumptum in septimo ad Almasforem, vbi de Carbunculis agit.

℞. Sarcocollæ  
Mellis

Singulorum partes æquales.

Deinde sarcocolla puluerizata cum melle misceatur, & recondatur. s e. Ego potiùs arbitrarer vocandum esse vnguentum de sarcocolla. B R A s. Quomodo lubet vocato, cū apud nos in vsu non sit, nostrum verò Aegyptiacum ex Galeno colligi posset in secundo de Compositione medicamentorum per genera, vbi de Viridibus agit emplastris, quanquàm istud viride nō sit, nonnulli



nulli ipsius umbram accipiunt ex 3. Metho-  
di medendi libro.

## S E N E X XXII.

Vnguentum Expertum examen venit. B R.  
Quomodo illud conficis? S E N. Hoc modo.

℞. Olei rosacei ℥ j.  
Pulueris lithargyrij ℥ viij.  
Aceti quantum sufficit.

Misce, & fiat vnguentum secundum artem.  
B R A S S A. Nonnulli appellant ipsum vn-  
guentum de lithargyrio. Alij tamen sunt  
Ferrariæ, qui ita conficiunt.

℞. Lithargyrij  
Olei rosati  
Singulorum ℥ j.  
Cerae ℥ iiij.  
Aceti ℥ vj.

Misce, & fiat vnguentum secundum artem.  
Alij verò ita parant:

℞. Lithargyrij argenti ℥ vj.  
Olei rosacei ℥ xvij.  
Aceti quantum sufficit.

Misce, & fiat vnguentum. S E. Est ne adden-  
da cera, cum aliqui illam addant, alij non  
addant? B R A S, Si vnguentum magis inhæ-  
rere volueris, ceram addito. si hoc negli-  
gas, absq; cera cōficiatur. S E. Ad quos valet  
hoc vnguentum affectus? B R A. Ad multos.  
illo nōnunquā in puerorū scabie vtor, id

y 3 salt



saltem efficit quod pruritus mitigat, potissimumq; illo vtor, cum intentio est pruritus mitigare, & scabiem penitus non abigere, vlcibus, superficialibus præsertim conuenit, & in quibus exiccatione indigemus, ac refrigeratione.

*SENE X XXIII.*

Vnguentum igitur Dialthæa vocatum accedat. *BRASSA*. Ab althæa nomen sortitum est, optimum est ad emolliendum cataplasma. at compositionem quam seruas, referto. *SEN*. En refero:

℞. Radicum althææ ℥b vi.

Seminum lini

Fœnu græci

Singulorum ℥b iij.

Scillæ ℥b j. & β.

Olei cōmunis ℥b xij.

Terebinthinæ

Gummi hederæ

Galbani

Singulorum ℥b j.

Colophonix

Resinæ pini

Singulorum ℥b j. & β.

Misce, & fiat vnguentum secundum artem.

*BR.* Non possum non irasci, cum aliqua cōpositio ab autore proprio describitur: tamen pharmacopœlæ in ponderibus errât. *SE.* Er-



rōne ego? B R. Et maximè: quoniam Nicolans huius compositionis author, alia sequitur pondera, quàm tu retuleris. S E N. Quid ait ille? B R A S S. Hoc quod sequitur:

℞. Radicum althææ ℥ ij.

Seminum lini

Fœnu graci

Singulorum ℥ j.

Scillæ ℥ β.

Olei ℥ iiij.

Ceræ ℥ j.

Terebinthinæ

Gummi hederæ

Chalbani

Singulorum ℥ ij.

Colophonix

Resinæ

Singulorum ℥ β.

Misce. S E N. Iam video magnam esse in rerum ponderibus differentiam. B R A S S. De modo autem conficiendi eiusmodi vnguentum nihil differuisti. S E N. Tu modum referas. B R A S S A. Hic est modus Nicolao teste. Primò autem dicit, Si sambuci radix cum hoc vnguento misceatur, & cyclaminis, ad vulnerum consolidationem valere, & quidā addunt butyrum, cōpositio verò ita fiat. herbæ omnes, & radices bene abluantur, & terantur, similiter lini semen,

y 4 &



& fœnugræci, & scilla, & cùm bene trita fuerint, in septem aquæ libras per tres dies infundatur, quartò autem die super ignem ponantur, & bulliant quoad inspissati fuerint, deinde paulatim in succum ponantur: & cùm exprimere volueris, aliquantulum aquæ feruentis ad illius viscosi succi abstractionem addatur, ex hoc succo duæ accipiantur libræ, & in quatuor olei libras ponantur, & ad succi consumptionem ebulliant, quod tum erit, cùm nihil succi supernatauerit, postea vna ceræ libra addatur: & cùm liquefacta fuerit, addatur terebinthina, postea gūmi hederæ cōtusum, & chalbanū & in fine addatur puluis colophonix, & resinæ, & cùm coctum fuerit (quod tunc deprehendetur, cùm gutta supra marmor posita inspissabitur) ab igne remouearur, cūque coctum fuerit, & infrigidatum, diligenter repone. **SE N.** Putasne me aliter dicere, quàm à te dictum sit? **BR A.** Ignoro, sed hic est quem retuli conficiendi modus Nicolai, quem modū qui non seruat, prorsus aberrat. Sunt nonnulli qui duas non accipiunt radicū altheæ libras, sed tres sumunt manipulos, & ita in suis legunt compositionibus. **SE.** Mihi potius arridet, vt statuta habeantur pondera. **BR A SS.** Et ego semper per pondera medicamenta indico, nisi



nisi fortè medicamentum tale sit (vt quandoque sunt fomenta) in quo nihil referat vel plus, vel minus horum, vel illorum simplicium addere. In reliquis verò pondus semper obseruandum voluerim. **S E.** Ad quos valet hoc vnguentum affectus? **B R A S S.** Ad pectoris dolorē ob frigiditatem excitatū, & ad pleuritim. omnes in frigidatas partes, & desiccatas calefacit, emollit, atque humectat. ad iecur emolliendum iecorariis commiscetur medicamentis, & ad omnes emolliendas durties, & ad lienem potissimum prædurum: tamen semper medicamentis his membris propria commisceri debēt. Sunt nonnulli, qui nō addunt huic medicamento ceram. **S E N.** In mea compositione non adest, tamē semper consciētia quadam ductus illam addidi. **B R A S S.** Debebat esse magis liquidum, si quandoque absq; cera confecisti. **S E N E X.** Reperiturne apud antiquos hoc vnguentum? **B R A S S A.** Reperitur apud Nicolaum Alexandrinum, capite nongentesimo nonagesimo septimo, vbi inscriptio est, Vnguentū chalaisticum Dialthææ, quod ad dolorem valere dicit, & stomachi inflationes, ad omnem viscerum durtiem, & ad eos, qui ex macronoxis lassitudine laborant, & omnes dolores, nervos affectos, ad periodicas febres, iuxta ignem

y s inung



inungendum, ad vesicæ frigiditatem supra  
umbilicum & pectinem inpositum, ad o-  
mnia membra secundum rationem ex fri-  
gidityte laborantia. s. e. Est ergo magni vi-  
goris vnguentum. At compositionem refer-  
to. B. R. Ita conficit illud Alexandrinus.

℞. Aquæ sextarios quindecim

Olei ℥vj.

Radiciſ euisci ℥iij.

Seminis lini

Fœnugræci

Ceræ

Singulorum ℥ij.

Scillæ

Colophonix

Resinæ

Singulorum ℥j.

Terebinthinæ

Chalbani

Gummi hederæ

Singulorum ℥iiij.

Radices & semina per triduum aquæ infun-  
de, quarto die lento igne in vaso æneo sta-  
gnato ad consumptionem aquæ decoque,  
& fortiter per linteolum cola, deinde in  
succis libras quatuor oleum infunde, & ad  
consumptionē succi decoque iterum cola,  
deinde ceram adde, liquefactique gummi  
adhibe postremum colophonix puluerē, &  
resinæ,



resinæ, tepefactum repone ad vsum. Optarem ergo, vt hoc ordine, hisq; ponderibus tuum dialtheæ vnguentum parares, atque seruares. **SEN.** Hoc surdo non cantaueris. **BRASSA.** Arbitror Nicolaum Propositum ab hoc Alexandrino, omnia quæ scripsit, desumpsisse, vt in multis aliis planum est compositionibus, quas ad verbum refert Propositus. At alia moliri vnguentorum genera tempus iam imminet.

**SENEX XXIIII.**

Vnguentum pro Scabie, in meæ schedæ ordinem succedit. **BRASSA.** Arbitror nulum esse Ferrariæ pharmacopôlam, qui idem cum alio conficiat pro scabie vnguentum, imò neque Venetiis, neq; Patauij neq; Bononiæ idem est apud omnes conficiendi modus. **SE.** Difficile igitur erit tot vnguentorum genera explicare. **BRASSA.** Non quidem difficile, sed longum, atq; prolixū, tamen non grauabimur tot referre huius vnguenti compositiones, quot extant apud pharmacopôlas. tu verò à tuo incipito vnguento. **SEN.** Ego Mesuæ compositionem seruo. **BRASSA.** Illam referto. **SE.** Iam refero.

**Rx.** Axungia ʒ v.

Olei laurini

Argenti viui

Ceræ mundatæ

Thur



Thuris albi puluerizati

Singulorum 3 ij.

Salis communis 3 viij.

Succi plantaginis

Fumi terræ

Ad libitum.

Ita verò confice: Ceram & axungiam novam à sua cartilagine expurgatā, & oleum laurinum in olla pone cum succis, & ad ignem appende, bulliantque donec liquefiant, & adde salis communis pulverem olivani, & mastiches in eadem quantitate, & bulliant vsque ad perfectam decoctionem, postea ab igne remoue, & adde mercurium salivam extinctum, & modico olei prædicti, spatulāq; probè misceto, & unge manuum palmas vesperi, quando itur dormitum vsque ad octo dies. BRASSA. Omnia vnguentorum genera, quæ argentum vivum recipiunt, & quæ argentum sublimatum semper mihi displicuere in morbis tam leuibus, ut est scabies. secus est de gallica scabie: nam sunt eiusmodi vnguenta non tantum vehementissima, sed & periculosissima: Contempleris tu qua vehemētia præditum sit eiusmodi vnguentum, si solum palmis inunctis, à scabie, quæ in pedibus est, & aliis partibus hominem liberat. s. e. Arbitror esse vehemētissimum vnguentum illud, quod



quod à tam remotissimis partibus affectū  
aliquem sanat, quas nec per longum spa-  
tium attingit. B R A S. Cūm eram schola-  
sticus. & modò huc, modò illuc vagarer, sca-  
bie frequenter correptus fui, at quia non  
poteram uec tantillum incommodum il-  
lud ferre, modò vno vnguento in sanitatem  
restitutus sum, modò alio. at quia inungi  
ægrè ferebam, propterea vti cœpi axungia  
suilla, & argēto viuo. solis, & manuum pul-  
sus tantum mihi inungebam, sanitatīque  
restituēbar. tamen sunt & nonnulli Ferra-  
riæ pharmacopôlæ, qui sequentem parant  
pro scabie compositionem, quam vocant  
vnguentum ad pulsus pro scabie:

℞. Butyri recentis ℥b j.  
Saponis nigri ℥vj.  
Argenti sublimati ℥j. & β.  
Cerussæ ℥iiij. & β.  
Olei laurini  
Terebinthinæ  
Singulorum ℥iiij.

Itaque cōficiunt: oleum, accipiunt, terebin-  
thinam, saponē, & butyrum, simūlq; dissol-  
uunt, & cum liquefactum fuerit, in morta-  
rium iniiciunt, & pulueres addunt, simūlq;  
agitant, addendo pulueris iridis vnciam se-  
mis, miscent, inungi iubēt hi pharmacopô-  
læ manuum pulsus, & pedum, iuxta ignem,  
vesp



vesperi, cū dormitum itur, tamen quic-  
quid sit, his vnguentis nunquā vri debe-  
mus, nisi corpus probè prius expurgatū fue-  
rit, & in victu is, qui inungitur, probè se re-  
gat. s e n. Et hoc etiam vehemens vnguen-  
tum esse videtur. B R A. Nonnullos vidi,  
qui his vnguentorum generibus inuncti,  
maximam materierum copiam expuere, &  
eisdem giugiuæ exulceratæ sunt, vt illis cō-  
tingit, qui pro gallica scabie sananda inun-  
guntur. s e n. Alias percurramus huius vn-  
guenti compositiones. B R A s s. Vt lubet,  
nam nonnulli sunt qui hac vtuntur:

℞. Butyri recentis ℔ j. ʒ iiij.

Terebinthinæ lotæ ʒ iiij.

Olei rosacei ʒ vj.

Saponis nigri ʒ ix.

Cerussæ

Iridis

Singulorum ʒ iiij.

Argenti sublimati ʒ β.

Styracis liquidæ ʒ iiij.

Succi arauciorum ʒ iiij.

Misce. s r. Idem cū præcedenti videtur esse  
vnguentum. B R. Imò si probè contem-  
plaris, longè differt: sunt tamen qui simile fe-  
rè cum præcedenti faciunt. Verū in ali-  
quo etiam differunt, nam ita conficiunt:

℞. Butyri recentis ℔ ij. ʒ iiij.

Saponis



Saponis nigri lb j.  
Argenti sublimati ℥ j. & β.  
Cerussæ ℥ viij. Iridis ℥ iij.  
Misce, & fiat vnguentum secundum artem.  
Sunt alij qui ita conficientes, vt sequitur  
prædictis aliquo modo differunt.

℞. Butyri recentis lb ij. ℥ iij.

Saponis nigri lb j.  
Argenti sublimati ℥ ij.  
Cerussæ ℥ viij.  
Iridis puluerizati ℥ iij.  
Styracis liquidæ ℥ ij. & β.

Misce, & fiat vnguentum.

Alij verò ita parant:

℞. Butyri recētis aqua rosacea loti ℥ ij. β.

Pulueris cerussæ ℥ x.  
Olei laurini ℥ ij.  
Argenti sublimati ℥ j.  
Salis triti ℥ j. & β.  
Camphoræ ℥ j.  
Succi arauciorum quantum sufficit.

Misce, & fiat vnguentum secundum artem.

Alij ita conficiunt, & seruant:

℞. Butyri loti lb j.

Terebinthinæ ℥ ij.  
Albumina ouorum numero quatuor.  
Salis gemmæ ℥ iij.  
Iridis ℥ ij. & β.  
Cerussæ ℥ iij.

Misce



Misce, & fiat vnguētum secundum artem.  
Alij ita conficiunt, vt sequitur.

℞. Saponis nigri

Terebinthinæ

Cerussæ

Singulorum ℥ j.

Butyri ℥ ix.

Olei laurini

Rosacei

Singulorum ℥ iiij.

Ceræ ℥ j.

Misce, & secundum artem fiat vnguētum.

Alij ita conficiunt:

℞. Terebinthinæ lotæ ℥ viij.

Butyri recentis ℥ vj.

Salis communis ℥ j.

Succi arauciorum

Vitelli ouorum

Singulorum numero iiij.

Ceræ albæ ℥ j.

Misce, & fiat vnguētum secundum artem.

Alij hoc seruant:

℞. Butyri recentis ℥ vij.

Saponis nigri ℥ iiij.

Argenti sublimati ℥ ix.

Cerussæ pinsæ ℥ ij.

Pulueris iridis ℥ ix.

Styracis liquidæ ℥ viij.

Olei rosacei quantum sufficit.

Misc



Misce, & fiat vnguentum secundum artem.  
 SEN. Aliqui vocant hoc vnguentum sancti  
 Francisci. B R A S. At illud sancti Francisci  
 simul recipit & argēti viui vncias quatuor.  
 Alij verò & hoc seruant:

℞. Terebinthinæ aqua rosacea lotæ ℥ ij.

Terræ camelli ℥ iiij.

Cerussæ ℥ j.

Lithargyrij ℥ j. & β.

Pinguedinis Suis recentis ℥ iiij.

Misce, & fiat vnguētum in mortario absq;  
 cera cum oleo rosaceo, quantum sufficit, &  
 aceto in pauca copia. Si verò huic scabiei  
 intensus sit cōmistus pruritus, addunt succi  
 plantaginis ℥ iiij. Si verò scabies sit mul-  
 tum humida, & ab ea multa emanet mate-  
 ria, additur:

Succi lapatij ℥ ij.

Sulphuris ℥ j.

Misce, & præscriptum cōficiatur vnguentū.

Alij hoc seruant:

℞. Saponis nigri lb j.

Axungia suillæ ℥ vj.

Hellebori nigri ℥ viij.

Sulphuris viui ℥ vj.

Salis nitri

Aluminis rochæ vsti

Salis communis Terebinthinæ

Singulorum ℥ vj.

z

Argenti



Argenti sublimati ℥ iij.

Terræ camelli ℥ iiij.

Misce, & cum oleo laurino quantum sufficit, conficiatur. *SEN.* Vidi qui ad canes sanandos hoc vterentur vnguento. *BRAS.* Tantò facilius homines in sanitatem restituet, quorum pelles sunt minùs duræ. sed & alios audias ita conficientes:

℞. Olei communis ℔ ij.

Axungia suillæ recentis ℔ ij. & β.

Cerussæ

Salis communis

Singulorum ℔ j.

Terebinthinæ

Argenti viui extincti

Singulorum ℔ β.

Argenti sublimati ℥ iij.

Ceræ albæ ℥ v.

Misce, & fiat vnguentum secundum artem. Neque alterius pharmacopôlæ vnguētum præteribo, quanquàm pauper sit:

℞. Olei laurini ℥ iij.

Thuris albi

Ceræ mundæ

Singulorum ℥ ij.

Pulueris Iridis

Euphorbij

Singulorum ℥ j. & β.

Argenti viui saliuâ mortificati ℥ ij.

Ping



Pinguedinis Suis munda<sup>r</sup> ʒ v.

Salis communis triti ʒ viij.

Succi plantaginis

Fumi terræ

Singulorum quantum lubet.

Misce, & fiat vnguentum secundum artem.

SEN. Vnguentum Mesue videtur, quo pul-  
sus inunguntur. BRA. Possunt quidem pul-  
sus inungi, & affecti in sanitatem restituū-  
tur, verū Mesue vnguentum non est, quo-  
niam neque Iridis, neque euphorbij pulue-  
rem recipit Mesue vnguentum. tamen te  
admonēdum esse volo, quòd nunquā ser-  
uare debeas eiusmodi vnguentum, quan-  
quā mirificè sanet, & pharmacopōla ille  
qui hoc conficit vnguentum ex ipso viuat,  
nam arbitror aliud vnguentum nunquā  
vendere pauperculum illum, præter istud.  
Extant & alij, qui hoc quod sequitur, confi-  
ciūt, quod ab aliis in pondere saltē differt.

℞. Argenti sublimati ʒ iij.

Saponis nigri lb j.

Butyri recentis lb ij. ʒ iiij.

Cerussæ puluerizatae ʒ viij.

Iridis ʒ iiij.

Styracis liquidæ ʒ iij.

Misce. Alij verò ita parant.

℞. Cerussæ

Butyri

℞ 1

Sing



Singulorum lb iiij.

Terebinthinæ

Salis

Singulorum lb ij. ʒ iiij.

Sublimati ʒ ix.

Olei communis lb ij. ʒ ij.

Misce, & fiat vnguentum secundum artem.

SEN. Ignoro an tot sint Ferrariæ pharmacopôlæ, quot vnguëtorum genera retulisti.

BRAS. Tot profectò sunt, & etiam plures, sed admiratione afficior cùm tot sint, cur duo saltem, aut tres eandem non habeant compositionem, quâquæ illæ omnes mihi displiceant compositiones, quæ argentum viuum recipiunt, & argëtum sublimatum. propterea in scabie duplici vnguentorum genere in præsentiarû vtor, & semper mulieres doceo quomodo conficere debeant, vt pharmacopôlis parùm prosum in hoc vnguento. Vnum vnguenti genus ex terebinthina conficio, itaq; mulieres facere iubeo. Accipiant terebinthinæ ʒ iiij. quam aqua Padana decies lauent, & deniq; aqua fumi terræ, postea vitellum vnum oui addatur, butyri recentis ʒ j. prius tamen. butyrum fit aqua rosacea lotum, salis cõmunis ʒ β. succi limonum, seu arauciorum quantum sufficit ad omnia incorporanda, & liquidiora reddenda. Quandoque cùm est intē-  
fior



fior scabies, ne reperiatur, succum limo-  
num, vel arauciorum abiici iubeo, & ipso-  
rum loco rosaceum omphacinum accipi:  
cū verò scabies pinguis est, & multam  
emittit materiam, addi iubeo

Pulueris radicum iridis

Hellebori nigri

Lithargyriij auri

Singulorum 3 j.

Misce. Omnes hoc vnguento sanantur, si  
ter, aut quater vesperi cū itur dormitum,  
apud ignem inungantur, nullusque est, qui  
quinta saltem inunctione in sanitatem nō  
restituatur, hocque tutò fit, absque aliquo  
timore in aliquod discrimen incidendi, in  
quod incidunt, qui absque magna expurga-  
tione, ex aliis vnguentorū generibus inun-  
guntur, quæ sublimatum, aut argentum  
vium, aut minerale aliquod recipiunt.  
SEN. Arbitror omnino esse vnguentum tu-  
tissimum. BRA S. Sed & alio etiam salu-  
berrimo vtor vnguento, quod in tribus vi-  
cibus hominem sanat, & redolet. SEN. Me  
illud edoceas, ni tibi graue sit. BRA S. Iu-  
beo accipi sulphuris viui 3 ij. quod in le-  
uigatissimum puluerem reducatur, postea  
iubeo laridum recens sumi, non rancidum,  
neque putridum, & quod ipsius est tenue,  
cultro abradatur, quod in tanta habeatur

2 3 copia



copia, vt cū sulphure misceri possit, postea  
in mortario bene misceantur, & addantur  
salis ℥ ij. quanquā & absque sale in sani-  
tatem restituat, deinde Recipe serpilli  
recentis

Mentæ

Saluiæ

Maioranæ

Singulorum ℥ β.

Misce, & in eodem pinsantur mortario,  
quoad omnia sint probè mista, & in vnum  
corpus redacta. hoc est vnguentum odora-  
tum, quod tribus diebus in sanitatem resti-  
tuit, vesperi totum corpus apud ignē, cū  
itur dormitum, inungendo. quandoque ex  
sulphure, oleo, & sale confici iubebam, sed  
nimis fœtebat, & carnem prætereā per ali-  
quod tempus nigram reddebat. addo non-  
nunquā vnguento illo ex herbis odora-  
tis styracem calamitam, quanuis illo non  
indigeat. s e n. Cū essem Venetiis, vidi  
aliquos in mari natantes, qui scabie libera-  
ti sunt. b r a s. Non mirum, quia aqua illa  
falsa est, & sal scabiei obsistit, imò si muria  
sola scabiosus quispiam se lauet, sanitati  
restituitur. cū essem puer, memini matrē  
meam linimentum pro scabie ita parasse  
(nunc ipsius vocabulis, & ordine vtar)

℞. Olei rosacei quantitatem quæ duobus  
quad



quadrantibus vendi solet, litargyrij auri  
 quantitatem quæ vno quadrante venditur,  
 aceti ad dimidium olei, salis puluerizati  
 cochlear vnum, postea iubebat parumper  
 ebullire, quoad modicè inspissaretur, tri-  
 bus diebus inungi iubebat, & sanitati resti-  
 tuebantur. s. e. Non debet esse ingrati odo-  
 ris. B. R. A. s. Non profectò, redolet acetariū.  
 quandoq; confici iubebat ex oleo simplici,  
 & nō rosaceo. sed aadias nouū modum, quo  
 ego quādoq; scabiē fugauī: iubebā singulo  
 vesperi magnū ex lactuca acetarium mihi  
 parari, quod solum in cœna comedebam,  
 postea acetū illud quod in lance relinqueba-  
 tur seruabam, & cū ibam dormitū, eo me  
 inungebā, nec (cū esset æstus) calefaciebā:  
 in quatuor alternatis diebus sanitati resti-  
 tutus sum. s. e. Non est etiā præter vnguen-  
 torū naturā, cū oleū accipiat, acetū, & salē  
 quæ omnia scabiei cōueniunt. B. R. A. s. Alter  
 est modus liberandi se à scabie absq; inun-  
 ctione, sed per solam victus rationē modicè  
 edendo, & cibi sint potiùs olera frigida in-  
 minutali, & aceto quā carnes, & pisces, vinū  
 bibatur dilutissimū, ego in spatio xx. dierū  
 à scabie euasi cū hoc victus genere. s. e. Inū-  
 gi potiùs voluerim quā in tā tenui victu  
 per xx. dies perseuerare. B. R. Adeò mihi di-  
 splicebat inungi, vt nihil videretur mole-

z + stum



stum, modò inunctionem euitarem, nam & si odoratum fuisset vnguentū inungi summo perè displicebat, & nunc ( si cōtingeret ) displiceret. quandoque illi meo vnguento cum herbis odoratis cinerem misceri iubeo, quando scabies pinguis est, & multa materia abundat. Non ambigo si omnia in medium afferre tentaremus, quæ ab antiquis, & recentibus de scabie scripta sunt, diem potius, quàm rei materiã defecturū.

S E N E X X X V.

Hanc ob causam Constrictiuū vnguentum contemplemur. B R A S. De quo constrictiuo verba facis: nam nullus est qui vnguentum ita vocatum seruet, sed omnes cū indicitur, accipiunt constrictiuum vocatum puluerem, de quo agemus suo loco, & ex cera, resina, & oleo vnguentum conficiunt. S E N. Ego autem loquor de vnguento stomachali constrictiuo. B R A S. Illud igitur referto. S E N. Ita conficitur.

℞. Corallorum rubrorum

Alborum

Sandalorum rubrorum

Alborum

Acatix

Singulorum 3 iiij.

Nucum cyparissi

Balaustiarum

Myrr



Myrtillorum

Summachiorum

Rosarum rubrarum

Thuris

Mastiches

Singulorum  $\supset$  iiij.

Olei myrtini

Cotoneorum

Singulorum  $\supset$  iiij.

Olei rosacei

Mastichini

Singulorum  $\supset$  ij.Cerae  $\supset$  iij.

Misce, &amp; fiat vnguentum secundum artem.

BRASSAV. Hoc vnguentum his adhibetur, qui cibum retinere non possunt, sed quicquid insumunt, euomunt: nam ventriculum roborat, & retinere facit: tamen aliqui ex paucioribus, aliqui ex pluribus conficiunt simplicibus. verum omnia huius generis vnguenta ad hanc intentionem vergunt. SEN. Istud autem, quod retuli, in usu non est. at ego solus illud conficio, quia à quodam meo amico Medico frequenter indicebatur. nunc verò est adeò senio confectus, vt amplius indicare non possit: idcirco deinceps sinam vt Medici suo modo indicant, neque istud seruabo. BRASSAV. Vt lubet facito.

z 5 SEN



## SENE X XXVI.

Vnguentum pro puerorum Vermibus ad  
examen venit. B R A S. Et hoc etiā ex his est,  
quæ adeò diuersa sunt, vt nullus ferè sit  
pharmacopôla, qui eandem cum alio cōpo-  
sitionem seruet. Tu igitur compositionem,  
quam paras, referto. B R. Referre incipio.

℞. Olei de absynthio

Rutacei

Singulorum ℥ viij.

Violacei ℥ vj.

Aceti fortis lb ij.

Rutæ

Absynthij

Foliorum persicorum

Corticum granatorum

Radicum graminis

Singulorum ℥ ij.

Misce, & bulliant ad consumptionem ace-  
ti, & percolentur, deinde colaturæ addatur.

Succi absynthij

Succi foliorum persicorum

Succi rutæ

Singulorum ℥ j.

Aloës hepaticæ

Myrrhæ elotæ

Singulorum ℥ ij.

Corallorum rubrorum ℥ j.

Farinæ lupinorum ℥ β.

Ther



Theriaca ʒ j.

Fellis taurini ʒ ij.

Petrolei ʒ β.

Cerae albæ ʒ v.

Misce, & fiat vnguentū secundū artem.

**BRASSA V.** Tua hæc compositio maxima est, nam ferè omnia recipit, quæ vermibus aduersantur, si brion thallasion recepisset, quod corallinā vulgus nominat, & semen tinam, ac scordeum. arbitror neminem esse Ferrariæ, qui tuam hanc conficiat, ac feruet compositionem, nam nonnulli sunt, qui ita parant:

℞. Succi foliorum persicorum

Succi absynthij

Singulorum ʒ ij.

Olei communis ʒ v.

Aloës hepaticæ ʒ j.

Petrolei ʒ ij.

Succi abrotani ʒ vj.

Misce, & omnia igne lento bulliāt ad consumptionem medietatis, postea adde fellis taurini vnc. iij. misce, & fiat vnguentū molle.

**SEN.** Meum est hoc vehementius. **BRASS.**

Alij sunt, qui ita breuiter parant:

℞. Succi arauciorum ʒ ij.

Aloës ʒ j.

Myrrhæ ʒ β.

Croci ʒ j.

Olei



Olei de absynthio ʒ β.

Misce. Vt video arbitraris tu vnguentum quod retulisti cæteris præstare, quia multa recipit simplicia, at si ob hoc omnibus præstaret, alij sunt pharmacopôle qui aliud vnguëti genus parât plura, quàm tuû, recipiës simplicia, quale hoc est, quod sequitur:

℞. Abrotani

Ligni aloës

Mentæ

Croci

Brioniæ

Gentianæ

Centaureæ

Tormentillæ

Florum persicorum

Rutæ

Singulorum ʒ ij.

Aloës ʒ vj.

Farinæ lupinorum

Seminum caulium

Diptamni

Specierum hieræ picræ

Singulorum ʒ iiij.

Terræ sigillatæ

Summachiorum

Singulorum ʒ j.

Coriandrorum præparatorum

Myrtillorum

Singul



Singulorum  $\mathfrak{z}$  ij.

Olei nardini

De absynthio

De menta

Amygda. amararum

Singulorum  $\mathfrak{z}$  iij.

Ceræ modicum misceatur, & fiat vnguentum, in fine autem addantur fellis taurini vnc. iij. & simul cum aliis misceatur. SEN.

In hoc vnguento plura sunt prorsus simplicia, quàm in meo, tamē id quod paro, apud summos viros in usu fuit. BRASS. Et hoc fuit à summis viris probatum, sed aliud audias, quod etiam apud nonnullos in usu est, & plura recipit simplicia, quàm præscriptū.

SENEX. Audio. BRASSA V. En igitur:

℞. Olei communis ℥ v.

Absynthij recentis

Mentæ

Rutæ

Marrubij

Foliorum persicorum

Sabinæ

Colocynthidis

Singulorum  $\mathfrak{z}$  j.

Misce hæc omnia cum prædicto oleo, & pone in solem per triginta dies in vitreo vase probè obturato, postea

℞. Huius olei  $\mathfrak{z}$  iij.

Farinæ



Farinæ lupinorum

Absynthij

Mentæ

Rutæ

Marrubij

Foliorum persicorum

Sabinæ

Colocynthis

Singulorum ʒ ij.

Fellis taurini ʒ iij.

Misce omnia cum prædicto oleo, & pone iterum in solem in vitreo vase optimè obturato per triginta dies, postea

℞. Huius olei ʒ iij.

Farinæ lupinorum

Absynthij

Mentæ

Rutæ

Colocynthis

Singulorum ʒ j.

Aloës ʒ β.

Fellis taurini ʒ vj.

Ceræ quantum sufficit.

Misce, & fiat vnguentū. s e n. Hanc simplicium repetitionē nō probo, ne dicam mihi summopere displicere, arbitrōq; in tertia repetitione abesse sabinam. B R A S. Neque ego cōpositionem ipsam valde probo. s e n. Qualis est horū vnguētorum vsus? B R A S.

Nares



Nares inunguntur, tempora, & extrinsecus  
gulæ initiū, tamen & venter inungi potest.  
imò iuxta tuum pharmacopoliū alter adest  
pharmacopôla, qui hoc aliud quod sequi-  
tur, parat vnguentum, cuius vis est, vermes  
necare, & educere, tamen iubet vt prius  
ægroto clyster imponatur ex caprino lacte,  
aqua hordei, & saccaro. s e n. Si caprinum  
lac non adesset, quid tunc agendū? B R A S.  
Sumendum esset vaccinum, in hoc etiā casu  
semper vidi magis proficere mel, quàm  
saccarum, præsertim si fuerit spumatum,  
vnguentum verò ita conficitur:

℞. Olei de absynthio

Amygd. amararum

Singulorum ʒ j.

Succi matricariæ ʒ β.

Rosarum

Corallorum

Farinæ lupinorum

Cornu cerui vsti

Singulorum ʒ j.

Aloës succotrini ʒ ij.

Cum modico ceræ fiat vnguētum secūdum  
artem, è quo totus venter inungatur, sunt  
& alij, qui hoc quod sequitur, parant:

℞. Olei mastichini

Citoniorum, Spicæ

Myrtillorum

Sing



Singulorum ʒ j.

Olei de absynthio

Amygd. amararum

Mastiches

Gariophyllorum

Labruscæ

Mentæ

Corallorum rubrorū

Aloës hepatici

Boli armeni

Singulorum ʒ β.

Ceræ quantum sufficit.

Misce, & fiat vnguentum. *SEN.* Vnguentum istud potius aptum videtur ad ventriculum roborandum. *BRASSAV.* Omnino & hoc facit, imò & particulatim facit, sed vnà vermium generationem prohibet. Alij verò sunt, qui vnguentum, quod sequitur, ad lumbricos conficiunt.

℞. Succī mentæ ʒ viij.

Centaureæ minoris

Santonici

Lupinorum amarorum

Singulorum ʒ j.

Gentianæ

Absynthij

Singulorum ʒ viij.

Aceti expressi de pane assato lb j. ʒ viij.

Ceræ quantum sufficit.

Misce



Misce, & fiat vnguētum, quo tempora, pul-  
sus, nares, & stomachus inūgātur: verūm au-  
dias & aliū pharmacopōlam ita cōficientē.

℞. Succī mentæ ʒ ij.

Centauræ minoris

Lupinorum

Singulorum ʒ β.

Gentianæ

Absynthij

Singulorum ʒ j.

Seminum anethi

Diptamni

Singulorum ʒ iiij.

Fellis taurini ʒ j.

Aloës ʒ j. & β.

Olei mastichini

de Spica

Singulorum ʒ ij.

Aceti expressi de pane asso ʒ iiij.

Succi arauciorum ʒ j.

Ceræ albæ muscatæ ʒ vj.

Coquatur cera cum oleis, & cūm infrigi-  
dari cōperit cetera omnia in tenuissimum  
puluerem redacta misceātur, deinde totum  
cum succis bulliat ad ipsorum suorum con-  
sumptionem: in fine autem moschi ʒ iiij.  
misceantur & molle linimentum fiat, de  
quo tempora inungantur, & portiuncula  
supra rotundum pannum ad oris cyathi

A

mag



magnitudinem extendatur, & supra umbilicum ligetur. nam cuiuscunq; generis vermes, & teretes, & cucurbitinos, & ascarides necat, atque educit. SEN. Optarem vt in his compositionibus aliqua imponeretur meta, & omnes vnus vrbis pharmacopôlas vnammēt seruare compositionem. BR. Imò melius esset in toto orbe eandem seruari compositionem. at nisi morte præueniar, curabo & efficiam quòd Ferrarienses pharmacopôlæ non erunt in compositionibus varij, in his præsertim communibus. nam si quispiam in alicuius Medici gratiam, particularem quampiam cōpositionem conficere, & seruare voluerit, hoc erit illi sponte concessum: verumtamen & nonnulli sunt, qui ita parant hoc pro vermibus vnguentum.

℞. Centauræ minoris

Absynthij

Lupinorum

Singulorum ʒ β.

Ligni aloës

Corticum citri Diptamni

Singulorum ʒ ij.

Aloës ad pondus omnium

Succi absynthij ʒ iiij.

Fellis taurini ʒ ij.

Ceræ quantum sufficit.

Misc



Misce, & fiat vnguentum. s. e. n. Quod dicitur aloës ad pondus omnium, intelligiturne ad totius compositionis pondus? B. R. Non (quanquàm nihil etiam referret) sed intelligitur ad pondus omnium superiorum, propterea ita explicari poterit: Aloës drachm. viij. & semis. sed & alij sunt, qui ita parant.

℞. Succiperficariæ

Absynthij

Abrotani

Centaureæ minoris

Mali terræ

Foliorum persicorum

Foliorum lupinorum

Radicum ebulorum

Corticum granatorum

Singulorum ʒ j.

Pororum non transplantatorum ʒ iij.

Nasturcij aquatici lb j.

Aceti fortissimi ʒ iiij.

Ceræ quantum sufficit.

Misce, & fiat vnguentum.

Alij verò ita conficiunt, ac seruant.

℞. Centaureæ minoris

Absynthij

Lupinorum

Singulorum ʒ β.

Ligni aloës

A 2 Cor



Cornu cerui usti

Diptamni

Singulorum ʒ ij.

Aloës ʒ vij. & β.

Fellistaurini ʒ j.

Ceræ ʒ j. & β.

Misce. & fiat vnguentum secundum artem.  
 s e n. Non me latet & hoc vnguentum esse  
 pro pulsibus inungendis, naribus, & circa  
 umbilicum. B R A S. Hæc tanta compositio  
 num diuersitas adeò me deterruit, vt lora  
 retraxerim, nec amplius vllam aliam refer-  
 re voluerim, cùm hæ quæ prædictæ sunt ad  
 reliquas intelligendas satis esse possint. s e.  
 Tu verò quo vteris pro vermibus vnguen-  
 to? B R A S. Plærunque iubeo, vt recipiatur.

Aloës

Myrrhæ

Pulpæ colocynthidis

Singulorum ʒ j.

Misceantur, & fiat puluis subtilissimus, qui  
 modicè bulliat in araucio, vel limone: quã-  
 doque iubeo, vt taurino felli misceantur,  
 cùm febre carent, vel remissa sit, si verò in-  
 tēsa adsit febris, araucio vel limoni misceo.  
 s e n e x. Iam vnguentum hoc pro vermi-  
 bus ad nauseam fastidio habeo. B R A S S A.  
 Aliud igitur in medium afferto: scito tamē  
 nos genus quoddam rubri salis domi habe  
 re,



re, quod statim vermes necat quos tetigerit. imò si vermis qui obierit, alios tãgat, & illi statim obeunt. s e. Quo modo vocatur id genus salis? B R. Nisi sit rubrum Galeni nitrum, quid sit prorsus ignoro.

## S E N E X. XXVII.

Vnguentum igitur Capellum contemplemur. B R A. Cur capellum vocatur? s e. A capite (yt arbitror) quoniam vti galero (qui vulgò capello dicitur) caput tegimus, ita hoc vnguento, quando opus est, caput ipsum tegimus. B R A s. Ab antiquis à capite quidẽ cephalica nominantur eiusmodi vnguenta, non autem à galero. sed tuum hoc cephalicum iam referto, nam & apud diuersos pharmacopôlas diuersa sunt cephalica, sicut & antiqui diuersorum cephalicorum mentionem fecêre. s e. Ego meum cephalicum adducam, quod à viro docto cõfectum fuit Vincentio Crema. B R A s s A. Fuit profecto insignis suo tempore chirurgus, sed tandem effare. s e n. En:

℞. Matris syluæ viridis lb j. ʒ iiij

Betonicæ ʒ viij.

Olei rosacei lb ij.

Vini rubri bocalia numero ij.

Misce, & bulliant vsque ad vini consumptionem, postea percolentur, & fiat expressio, cui adde

A 3 Cera



Ceræ citrinæ

Resinæ pini

Terebinthinæ

Singulorum ℥ ij.

Gummi helemi ℥ viij.

Misce. BRASSA. Dispeream si vna compositio ab vno fiat pharmacopôla, quæ eadem præcisè sit cum alterius pharmacopôlæ compositione. SEN. Prouidendum igitur est. BRAS. Prouidebimus Deo dante, sed interim audias quod cephalicum aliqui seruent Ferrariæ.

℞. Terebinthinæ ℥ vj.

Resinæ pini ℥ viij.

Gummi helemi ℥ ij.

Ammoniæ præparati

Galbani præparati

Singulorum ℥ β.

Ceræ ℥ iiij.

Olei rosacei ℥ viij.

Momordicæ

Betonicæ

Matris syluæ

Hederæ

Verbenæ

Consolidæ maioris

Iuæ

Singulorum Man. iiij.

Misce, & omnia infundantur in phialas  
duas



duas vini nigri potētis per duos dies, post-  
eā bulliant dimidia horæ parte: deinde co-  
letur, & torculari exprimatur in vâsque  
reponatur. **SENE X.** Nonnullos audiui, qui  
Ioannis Vigonis cephalicum conficiunt, &  
in suis pharmacopoliis seruant. **BRASSA.**  
Non mirum, quia fuit sua ætate chirur-  
gus insignis, verumtamen & nonnulli Fer-  
rariæ ex eisdem simplicibus, ex quibus  
tuum cephalicum parasti, suum quoque  
parant, quod vulgò *capelleto* vocant, at in  
pondere ampliusculè differunt, nempe ita  
conficiunt:

℞. Pulueris matris syluæ ℥ iiij.

Betonica ℥ j.

Resinæ pini

Terebinthinæ

Ceræ nouæ

Singulorum ℥ vj.

Gummi helemi ℥ iiij.

Olei rosacei ℥ vj.

Vini rubri optimi bocalia duo.

Ita verò conficiatur. Primò oleum, mater  
sylua, & betonica per octauæ partis horæ  
spatium simul bulliāt, postea tritam ceram  
adde, & per spatiū decimæ sextæ partis ho-  
ræ bulliāt. tertio, resinam addæ, & per idem  
bulliant spatium. quartò, terebinthinā ad-  
de, & per vigesimæ partis horæ spatium

A 4 bul



bulliant. Denique gummi helemi adde, & iterum per idem horæ spatium bulliant, hocq; igne lento fiat, & absq; fumo, deinde per linteum coletur, & quod in vini superficie coagulatum reperitur, diu manibus concutiatur, & in terreo vase vitreato feruetur. s e n. Ab eo quod seruo, minimè differt, at nonnunquàm mihi indixisti, vt cephalicum conficerem, quod mihi visum est satis efficax. B R A s. Imò quandoque efficacissimū indixi, & eo vsus sum, & ad ipsa corrupta ossa extrahenda. s e n. Ipsius compositionem iterum audire optarem. B R A. Illam igitur audito:

℞. Rutæ

Saluiæ

Hyssopi

Florum chamæmeli

Stœcadis

Meliloti

Rosa. rubrarum

Betonicæ

Matris syluæ

Absynthij

Libanotidis

Centaureæ minoris

Foliorum lauri

Marrubij

Singulorum Man. ℞.

Resin



Resinæ pini

Thuris

Guttæ ammoniaci

Colophoniæ

Gummi Arabici

Myrrhæ

Bdellij

Singulorum ʒ j.

Terebinthinæ ʒ ij.

Ichthiocolle

Acris squamæ

Gummi helemi

Singulorum ʒ ss.

Ex his ita fiat vnguentum secundū artem. Primò herbas accipito, & in duodecim sapæ libris ad tertias ebullire facito, reliqua deinde secundum artem addantur, & coquantur. deniq; rutaceū oleum addatur, & cera, & fiat vnguentum secundum artem. **SEN.** Nos postea omnia reducimus, vt ars ipsa exigit. **BRAS.** In capitis vlceribus vnguentum hoc (liceat nunc istud vnguētum vocare) mirum in modū proficit, plerosq; capite vulneratos, & in desperationē vsque positos hoc vnguēto in sanitatem restitui.

**SENEX XVIII.**

Vnguentum Aragō Capello succedit. **BR.** A quo authore illud accipis? **SEN.** A Nicolao Proposito in suo Antidotario, quod au-

A s thor



thor ipse ita confici iubet:

℞. Roris marini

Maioranæ

Radicis serpentariæ

Serpilli Rutæ

Radicis cucumeris asinini

Singulorum ℥ iiij. β.

Foliorum lauri

Saluiæ Sabinæ

Singulorum ℥ iiij.

Pulicariæ maioris, & minoris, id est helle-  
bori albi & nigri Singulorum ℥ viij.

Bryoniæ ℥ iij.

Laureolæ ℥ viij.

Foliorum nepitæ

Siccidis

Singulorum ℔ β.

Mastiches

Olibani

Singulorum ℥ vij.

Pyretri

Euphorbij

Zingiberis

Piperis

Singulorum ℥ j.

Olei muscelini ℥ β.

Petrolei ℥ j.

Adipis vrsini

Olei laurini

Sing



Singulorum ℥ iiij.

Butyri ℥ iiij.

Olei communis ℔ v.

Ceræ ℔ j. ℥ iiij.

Herbæ, & radices supradicta hora colligan-  
tur, vno, vel duabus diebus sint fortiter con-  
tusæ, per septemque dies in oleo ponantur,  
octauo autem die igni admoucantur, &  
quoad herbæ destructæ sint percoquantur,  
postea sacco vehementer colentur, & ite-  
rum hoc quod percolatum est, igni admo-  
ueatur, & cum bullire incœperit, laurinum  
oleum addatur, butyrum, adeps vrsinus, &  
cera, qua liquefacta petroleum addito, &  
muscellinū, postea mastichem, olibanum,  
gingiber, piper, pyrethrum, & cuphorbiū,  
tuncque ab igne remoueatur, & recondat-  
ur. B R A S. Hæc est ad verbum Nicolai  
compositio. S E N. Ad quos valet affectus?  
B R A S. Author ipse dicit ad dolorem ex  
frigidityte viri, & mulieris valere, tali mo-  
do inunctum, in oui testa primū igne ca-  
lesfacito, dein super inungatur, postea cali-  
da testa patienti loco supraponatur. S E N.  
Nōne posset & in alia re calefieri ab oui  
putamine? B R A S S A V O L. Posset & in pi-  
xide, & in paruo labello, sed hæc non tam  
commodè affecto loco aptari possunt, quia  
testa frangitur, & affecto inhæret loco:  
conuen



conuenit, & conuulsioni, & tetano, & dolori ilij, & renum tali ordine, vt superius dictum est, arthritim patientibus prodest, & ischiam, quartanariis si ante accessionis horam, spina, vt dictum est, inungatur.

SEN. Quid facit oui testa? B R A S S A. Caliditatem seruat, tamen si tu inungere uolueris, potest testæ oui loco calidum linteum ponere, & apprimere iuuabis, ego hoc vnguento vtor cum lithargyrio ad illos perungendos, qui scabie Gallica affecti sunt, omnesque proficiunt, & sanitati restituuntur.

SEN. Vnde nomen hoc sortitum est hoc vnguentum, vt Aragon vocetur? B R A S S. Author inquit ita vocari, ac si dicatur, adiutoriū: At ego potius arbitror à sua perennitate ita denominatum esse, nam diu perdurare potest, vt ἀπὸ τοῦ ἀφ' ἧς, id est, ab infracto, denominatum sit, vel cum ῥα-  
 $\gamma\mu$ , paruum acinum significet, forte dictum est, ῥα $\gamma\mu$ , quasi non parui & non minimi momenti vnguentum valet denique ad omnes neruorum affectus à causa frigida factos. S E. Sūntne aliqui pharmacopola qui aliud seruent vnguentum Aragon ab isto? B R. Nullus est qui hoc ita confectum non seruet, tamen multæ sunt in ponderibus differentiæ: & nonnullos vidi, qui oleum rosaceum: cum moscho loco olei moscilini

accip



accipiebant, tu verò quid accipis? s e. Compositionem quandam paro, quam & multi alij seruant eodem nomine insignitam, scilicet oleo moscilino. B R A s. Illam referto, vt intelligamus, quónam modo oleum hoc conficiatur. s e. Ita ego conficio.

℞. Olei ℥ vj.

Aquæ ℥ iiij.

Folij

Spicæ

Costi

Mastiches

Singulorum ʒ j.β.

Styracis calamitæ

Myrrhæ

Croci

Cassiæ lignæ

Singulorum ʒ vj.

Cariophyllorum

Opobalsami

Bdellij

Singulorum ʒ iiij.

Nucis indæ

Maceris

Singulorum ʒ j.

Concutiantur simul, postea bulliant ad aquæ consumptionem, & percolentur, ac seruentur. B R A s s A. Miras audiui de hoc nomine muscelinum etymologias. Nonnulli dicunt



dicunt ita vocari ob humiditatem, quæ in  
tuberositatibus vltimi inueniuntur, ex qua con-  
fici inquirunt. At tu in tuo oleo humida-  
tem hanc nõ posuisti, neque moschũ addidi-  
sti, hoc ob aliquos noto, qui à moscho mu-  
scelinum appellant, alij muscelinum nomi-  
nant, quia ben, idest, balanum, myrepicam  
eo nomine nuncupant, propterea secundum  
istos oleum muscelinum, est oleum  
balaninum, sed apud authores antiquos  
nusquam nomen hoc muscelinum pro ba-  
lano, neque oleum muscelinum pro balani-  
no, inuenitur. Alios inueni, qui ita ferè con-  
ficiunt, vt tu retulisti, tamen & in rebus, &  
in pōdere aliqua adest diuersitas. se. Quod  
nam modo conficiunt? B R. Isto:

℞. Olei communis ℥vj.

Aquæ ℥iij.

Folij

Spicæ

Costi

Mastiches

Singulorum ʒj.β.

Styracis calamitæ

Croci

Myrrhæ

Cassia lignæ

Xylobalsami

Singulorum ʒvj.

Cario



Cariophylorum

Carpoballami Bdellij

Singulorum ʒ iiij.

Muccilaginis ʒ j. aliter ʒ j.

Nucis Indicæ ʒ ij.

Hæc omnia terantur crasso, modo & simul ad aquæ consumptionem bulliant, deinde colentur, & in vas probè obturatum reponantur. **SENE X.** Differentiam non video cum eo, quod seruo. **BRASSA V.** Non quidem magna, sed aliqua adest, at hoc non magnifacio. **SE.** Est'ne antiquus quispiam de hoc oleo locutus? **BRASSA V.** Reperitur apud Nicolaum Alexandrinum in suo de Compositione medicamentorum libro, capite septingentesimoduodecimo. **SEN.** Ad quos conuenit affectus secundum Alexandrinum hoc oleum? **BRASSA.** Audias quid dicat author, Optimum (inquit) ad omnem corporis frigiditatem, potissimū ventriculi, ad lateris dolorem de foris inunctum, cum & intrò gingiberis galangæ, diagridij drachma vnâ propinatum summè opitulatur, stranguriosis, & cœliacis, & ad omne neruorum vitium illitum optimè facit, miscetur, medicaminibus, epithematibus, & emplastris, quæ ad stomachi, & renum affectiones asciscuntur, ita verò illud conficit author:

℞. OI



℞. Olei punici ℔ viij.

Aquæ sextarios ij.

Folij.

Spicæ nardi

Costi

Mastiches

Singulorum ℥ iiij.

Styracis

Croci

Myrrhæ

Cassia

Xylocinnamomi

Singulorum ℥ j. & β.

Cariophyllorum

Carpobalsami

Bdellij

Singulorum ℥ j.

Moschi ℥ vj.

Nucis Indicæ ℥ iiij.

Ita verò conficiatur folium, crocum, myrrham, xylocassiam, carpobalsamum, bdellium contusa, & in aqua biduo infusa cum oleo coque vsque ad consumptionem, & post in frigidationem vnus diei grauiter cola: deinde cariophyllorum, spicæ, costi, & nucis subtilissimum puluerem decoctioni adde, & in parte olei styracem, mastichē moschū contusa immitte, iterūq; modicū ebulli, & in frigidatum diligēter reconde, vsuq;



vsuque reserua, calefacit enim refrigerata membra, & debilibus robur inducit. **SEN.** Non est ampla huius compositionis cum mea differentia, tamen hanc deinceps seruabo. **BRAS.** Compositio hæc nomen à moscho cōtraxisse potest, quoniam illam copiose ingreditur. **SE.** Per punicū oleum, quid intelligere oportet? **BRAS.** Oleum oliuarum quod apud Punicos, & Aphricanos erat optimum.

**SENEX XXIX.**

Agryppæ vnguentum se offert considerandum. **BRAS.** In hoc vnguento non multum differunt pharmacopœlæ, nam omnes Nicolaum Propositum sequuntur, qui ita conficit.

℞. Bryoniæ ℥ ij.

Radicis ebulorum

Tribuli marini

Singulorum ℥ ij.

Radicis elaterij ℥ j.

Scillæ ℥ vj.

Iridis ℥ iij.

Radicis filicis ℥ ij.

Radices ter, vel quater probè abluantur, & in marmoreo mortario pistentur, & quatuor libræ olei lentiscini, vel cōmunis per duos dies addantur, at magis polleret, si per sex, vel septem permanerent, quia calorem,  
B & odor



& odorem, & efficaciam sibi vendicaret, ter-  
 tiò verò ad ignem ponantur, & tandiu bul-  
 liant, quo ad emollescant, minuantur, ac  
 frangantur: deinde in saccum ponantur, &  
 exprimendo colentur: & cùm colatum fue-  
 rit igni suspendatur, cùmque bullire incœ-  
 perit, addantur  $\frac{3}{4}$  xv. ceræ albissimæ, qua  
 liquefacta ab igne deponatur, & cùm infri-  
 gidatum fuerit, colligito, & seruato. si radi-  
 ces in oleo dimittantur, vnguentum effica-  
 cius euadit. s e n. Ad quos valet hoc vnguē-  
 tum affectus? B R A S. A' Nicolao Proposi-  
 to dicitur ad hydropas valere, & ad omnes  
 tumores in quacunq; sint corporis parte, &  
 ad nervos contractos: vrinam prouocat, si  
 venter inungatur, laxat, reñum doloribus  
 ex frigida causa succurrit. s e n. Est'ne verū,  
 quòd Agrippa vocetur, quia Agrippa Iu-  
 dæorum Rex, eo vteretur, & ob dignitatem  
 suam nulli discipulorum suorum tradere  
 voluerit? B R A S. Quos discipulos habuit  
 Agrippa? nugæ sunt gerulæ, id fortè est,  
 quod Nicolaus Alexādrinus dixit in libro  
 de Compositione medicamētorum, capite  
 nongētesimo nonagesimoquinto, cùm ait,  
 Vnguentum Agrippæ Regis Iudæorum,  
 quod tanti momenti est, vt nemini subdi-  
 torum communicari voluerit viuus. s e n.  
 Ni piget, quæ ab hoc authore dicuntur,  
 refer



referto. **B R A S.** Ita inquit ad omnem neruorum imbecillitatem valere ad tumores, ad totius corporis dolorem, ad ventrem induratum, ad stranguriam.

℞. Bryoniæ ℥ viij.

Siccidis ℥ iij.

Scillæ ℥ iij.

Olei gleucini, & ceræ albæ quantum sufficit. radices bryoniæ, & siccidis ablutas æneo cultro incide, & dies octo in oleo reponere, tertio die lento igne coque donec herbarum discedant & per sacculum fortiter cola, abiectionisque herbis ceram adde, & liquata conde, & vsui reserua. **S E N.** Multa desunt in hac compositione. **B R A S.** Arbitror potius multa esse addita à Nicolao Proposito, quæ ab Alexandrino, à quo accepit, non sunt posita. At statim Alexandrinus aliud Agrippæ vnguentum refert vocatum bryonicum, & ait hoc fronti illitum capitis medetur dolori, nephriticis, tumoribus, & doloribus ad ignem inunctum, stranguriam, & dysuriam prælotis renibus, & genitalibus ex decoctione apij, & macedonij ad ignem inunctum sanat.

℞. Olei ℥ vi.

Bryoniæ ℥ iij.

Ceræ ℥ j.

Coque vt præcedens, habet enim vires simi-

B 2 les



les per omnia. *SEN.* Quam compositionem  
seruaturus sum? *BRAS.* Posteaquàm com-  
positio illa Nicolai Propositi in publico  
vfu est, illam seruat.

*SENEX XXX.*

Vnguentum pro Splene suam sedem hîc ha-  
bet. *BRAS.* Hoc vnum est ex his vnguen-  
tis, quæ apud diuerfos pharmacopôlas di-  
uerfa sunt, à tuo igitur incipito: quod ser-  
uas? *SEN.* Hoc seruo quod nunc referam.

*R.* Muccilaginis psyllij.

Fœnu Græci

Seminis lini

Seminis cotoneorum

Althææ

Singulorum ʒ j.

Adipis gallinæ

Anferis

Anatis

Singulorum ʒ vj.

Butyri recentis

Axungia suillæ absque sale

Medullæ bouis

Singulorum ʒ iiij.

Scolopendriæ

Tamarisci

Corticum radicum capparum

Corticum medior. fraxini

Singulorum ʒ iiij.

Ole



Olei chamæmelini ℥ vj.

De capparibus ℥ iiij.

Liliorum alborum ℥ ij.

Ceræ quantum sufficit.

Misce, & fiat vnguentum secundum artem.

BRAS. Maxima pharmacopolarum pars hoc seruat: at in simplicium pōderibus differunt: & hi, qui hoc vnguentum rescribūt recētes, in ponderibus inter se diuersi sunt, in simplicibus verò minimè differūt: tamen aliqui præter simplicia, quæ enumerasti, rosas addunt in scolopendriæ pondere, & tragacantham, in mucilaginum pondere. aliqui verò sunt Ferrariæ (licet pauci) qui hoc quod sequitur, conficiunt:

℞. Olei communis ℔ vj.

Medullæ cruris bouis ℔ ij.

Butyri recentis ℔ j.

Succi Bryoniæ

Cyclaminis

Singulorum ℔ ij.

Misceantur, & bulliant vsque ad consumptionē succi: huic verò percolatę rei addito.

Ceræ citrinæ ℥ xvj.

Pulueris asplenij

Corticum radicum capparum

Tamarisci

Seminis agni casti

Singulorum ℥ vj.

B

3

Misce



Misce, & fiat vnguentum secundum artem.  
SEN. Audiui te ordinem quendam seruare  
in his pro splene vnguentis, & quandoque  
tuas quasdam compositiones paravi, quas  
pro nonnullis indixisti ægrotis, optarem  
vt illa mihi referres. BRAS. Referam, mo-  
dò tempus non deficiat. Cùm quempiam  
curo, qui lienem tensum habeat eum mo-  
dico dolore, iubeo vt Recipiantur olei de  
capparibus  $\mathfrak{z}$  ij.

Pinguedinis anseris  $\mathfrak{z}$   $\beta$ .

Misce, & cum cera fiat linimentum molle,  
è quo calido lienis regio inungatur: si etiã  
lien sit valde durus ab hoc incipio, postea  
ita indico:

℞. Olei de capparibus

Aceti fortissimi

Singulorum  $\mathfrak{z}$  ij.

Misce, & bulliant ad cōsumptionem aceti.  
postea adde

Pinguedinis anseris

Medullæ vitulinæ

Singulorum  $\mathfrak{z}$   $\beta$ .

Misce, & cum cera fiat linimentum molle.  
si profecerit, vltius non procedo: sin mi-  
nùs, ita indico

℞. Olei de capparibus

Liliorum alborum

Singulorum  $\mathfrak{z}$  ij.

Aceti



Aceti acerrimi ℥ iiij.

Succi cyclaminis ℥ ij.

Misce, & bulliant vsque ad cōsumptionem  
succī, & aceti, postea adde.

Pulueris radicū Iridis

Galangæ

Radicū capparū

Citharach

Corticū tamarisci

Singulorū ℥ j.

Pinguedinis anseris

Medullæ vitulinæ

Butyri recentis

Singulorū ℥ β.

Misce, & cū cera fiat linimentum molle, si  
profecerit, bene est: sin minùs, iubeo Recipi  
Vnguenti pro splene communis ℥ iiij.

Aceti ℥ iiij.

Misce, & bulliant ad cōsumptionem aceti,  
& nonnunquàm cyclaminis succum addo:  
si verò hoc etiam adhibito non profecerit,  
ad meum deuenio magnum pro splene vn-  
guentum, quod ita confici iubeo:

℞. Spicæ nardi

Tamaricis

Agni casti

Rumicis

Nasturtij

Strutyion, id est condisi

B

4

Vitis



Vitis albæ  
Vitis nigræ  
Filicis  
Vrticæ  
Hederæ  
Isatidis  
Absynthij  
Hyssopi  
Tragorigani  
Pulegij  
Dictamni  
Smyrnij  
Chamædridis  
Polij  
Leuconij  
Nenupharis  
Asplenij  
Hemionitidis  
Singulorum ʒ β.  
Rubeæ  
Betonicæ  
Polemonij, id est giargæ  
Periclimeni, id est matris fylux  
Xiridis  
Anchusæ  
Capillorum veneris  
Aceti scilitici ℥ xv.  
Misce, & bulliant ad dimidiæ partis aceti  
consumptionem. postea adde  
Lactis



Lactis humani ℥ ij.

Aquæ marinæ ℥ iiij.

Corallorum ʒ iiij.

Anisorum

Sinapis

Piperis

Singulorum ʒ vj.

Iridis

Acori

Cancami, id est, laccæ

Lupinorum

Singulorum ʒ j.

Misce, & bulliant ad consumptionem duarum librarum, & semis: postea adde

Olei amygdalarum dulcium ℥ iiij.

Olei de capparibus

Balanini

Liliorum alborum

Singulorum ℥ ij.

Succi cotoneorum

Succi lupinorum

Succi radiculæ

Succi lepidij, id est, raphani

Succi scillæ

Succi brassicæ

Succi cyclaminis

Singulorum ℥ ʒ.

Muccilaginis psyllij

Seminum lini

B ʒ Semi



Seminum fœnugræci

Althææ

Singulorum ʒ ij.

Omnia simul misceantur, & in toto hoc misto bis extinguat̃ur quinquaginta libræ ferri igniti, postea adde

Visci

Peucedani

Ammoniæ

Sagapeni

Licij

Rhapontici

Aristolochiæ

Agarici

Cotis

Alcyonij

Singulorum ʒ iij.

Radicum capparum ʒ vj.

Misce, & bulliant omnia simul ad perfectã succorum, & aceti resolutionẽ: deinde robustiori lingula omnia cõmisceantur, & agentur, postea totum hoc tepesactum, per stamineam percoletur, cui toto addatur

Pinguedinis anseris

Anatis

Gallinæ

Vrsi

Talsi

Singulorum ʒ vj.

Butyri



Butyri recentis ℥ j.

Medullæ crurum vituli

Cerui

Singulorum ʒ iiij.

Misce probè omnia simul, & cum cera fiat vnguentum. Sit verò cera vt satis videbitur conficienti. s e n. In hac compositione nihil deesse arbitror ex his, quæ ad lienem extenuandum faciunt. B R A s s. Imò nihil deest ex his, quæ haberi possunt. Cùm autē mihi magnæ displiceant medicamentorum compositiones, fortè neq; hac vterer, nisi illam sexcenties expertus essem, & nunquàm me fefellerit, verùm ipsam in vltimum seruo, cùm alia non profecerint.

S E N E X. XXXI.

Vnguentū igitur ad Combustos cōtemplemur. B R A s. Nūquàm vidi tot diuersitates in his, qui curātur, vt in cōbustorū præidiis. nam nulla ferè domus est, quæ sua non habeat præsidia, & pharmacopôlæ in hoc etiā vnguento dissidentes sunt. tu quod seruas, referto. s e n. Hoc ego seruo, quod sequitur:

℞. Thuris ʒ iiij.

Ceræ ʒ vj.

Misce. B R A s. Alij simpliciter sambucinū, & ceram accipiūt. alij verò simile vnguentū parant, vt tu facis. sed acetum addunt hoc modo, & non accipiunt sambucinū oleum.

℞. Cort



**R.** Corticum mediorum sambuci quantum vis, infundantur in acetum per tres dies, deinde bulliant, addita

Olei communis ℥ j.

Ceræ nouæ ℥ j.

Thuris masculi ℥ j.

Bulliant ad consumptionem aceti, & percolentur. Sunt aliqui Ferrariæ, qui cum indicitur vnguentum ad combustos, vnguentum de calce præbent, alij ita faciunt:

**R.** Corticis medullæ sambuci ℥ ij.

Bulliant in sufficiente aqua ad duarum partium consumptionem, & colentur, deinde in dicta colatura adde

Olei nucum ℥ iiij.

Misce, & bulliant lentissimo igne ad superscriptæ decoctionis consumptionem. postea in fine adde

Ceræ nouæ ℥ ij.

Misce, & fiat vnguentum **SEN.** Vidi & qui sambucino vngueto ad combustos vterentur: imò nonnulli Ferrariæ, cum vnguentum pro combustis indicitur, statim sambucinum præbent. **BRASSA.** At quomodo conficitur? **SEN.** Hoc modo, ut vidi.

**R.** Rasuræ corticis medij sambuci ℥ j.

Olei communis ℥ ij.

Bulliant ad decoctionem rasuræ, deinde torculari exprime, & huic expresso adde

Thuris



Thuris puluerizati ℥ iiij.

Succi ramorum tenerrimorum sambuci  
℥ iiij.

Ceræ nouæ ℥ iiij.

Misce, & bulliant ad succi cōsumptionem,  
postea ab igne remoue, & adde cœnopho-  
ron vnum vini albi, dimittéque hoc vn-  
guentum semper huic vino mistum, com-  
bustumque locum pena inunge. Sit verò  
vnguentum hyeme tepidum, æstate frigi-  
dum, faciet hoc vnguētum, vt nulla ferè sit  
apparitura cicatrix. B R. Alij sunt qui masti-  
chen, & myrrham addunt, ita procedentes:

℞. Corticum medullæ sambuci lb j.

Olei communis lb ij.

Simul misceantur, & ita per tres dies per-  
maneant, postea igni suspendantur. & bul-  
liant quoad dimidia pars sit consumpta,  
postea bene exprime, & adde

Ceræ citrinæ ℥ iiij.

Thuris

Mastiches

Myrrhæ

Singulorum ℥ j.

Misce, & fiat vnguentum secundum artem,  
quod albo vino pluribus vicibus lauetur.

SEN. Nihil est, quòd eodē fiat modo apud  
diuersos. B R. A S. Nec vllus inuenitur homo  
alteri similis. SEN. Est ne aliquis antiquus  
huius



huius vnguēti author? BRASS. Illud inueni apud Nicolaum Alexandrinum, capite MCCC. sui de compositione medicamentorum Libri. SEN. Est'ne eodem modo confectum vt ex præcedentibus vnum? BRASS. Non prorsus. SEN. Huius igitur authoris (ni piget) compositionem referto. BRASS. Hæc est, quæ sequitur:

&. Olei

Sepi recentis

Tenerrimarum sambuci frondium

Singulorum ℥ iij.

Aquæ quod sufficit.

Sepum tritum cum oleo, & aqua solue, & frondes inditas lento igne coque, postea in mortario omnia diu cōterendo commisce, & cola, succum verò colatum in vase collige, & reserua. SEN. Dicitne hic author vnguentum hoc ad combusta valere? BRASS. Imò authoris verba sunt, ad aquæ calidæ adustionem conferre, & ignis: additque ad idem valere decoctionem oui inunctam, & capita raparū cum decenti adipe in aqua decocta trita, & imposita multum pollere. SEN. Vidi qui in hyeme rapæ succo vsi sunt, & mirè profuit. BRASSAV. Vt superius dixi, nulla domus est, quæ peculiaria præsidia nō habeat ad combustionem. Sed mirum est præsidium, cū membrum ilico combust



combustum est, si exulceratum non sit, ilico linthea supraponere aceto madefacta, & frequenter mutare. nimirum hoc frequenter causa est, ut neque excitentur ampullæ, iubeoque in illo initio oleum rosaceum omphacinum ex oui vitello combusto loco supraponi. Talia in hoc casu fieri vidi, quæ risum potius videntibus mouere, quàm affectis prodesse possint, de quibus cum de adustione agemus, & eius curatione pertractabimus. sat tibi sit vnguentorum ad combustionem diuersitatē habuisse, & non solum illam, quæ Ferrariæ est, sed & quæ in aliis Italiæ vrbibus inuenitur. Ad alia igitur properato.

## S E N E X. X X I I.

Vnguentū Marciaton huc non segniter accedit. B R A S. Cū duo sint huius vnguenti genera, quod nā conficis? S E N. Illud, quod à Nicolao describitur, & vocatur vnguentū marciatum magnum. B R A S S A. Est illud quod à Martiano (ut ait) peritissimo Medico nomen sumpsit, nam ab ipso inuentum fuit, & conflatum, inquit, Ad capitis, pectoris, & stomachi dolorem valet, & frigiditatem, ad splenis duritiem, & hepatis, & ad ilij dolorem, & ad solem, & ad ignem inunctum, statim subuenit, paralyticis, ischiadicis, nephriticis, & podagricis prodest



prodest, tumores reprimat, durities remol-  
lit, ad spasmo affectos, & ad typice febrici-  
tantes valet, & omnibus doloribus ex frigi-  
ditate vehementer medetur. At ipsius com-  
positionem referto, ut illam contemplari  
possimus. s e n. Hæc est quæ sequitur.

℞. Ceræ albæ lb ij.

Olei lb viij.

Roris marini

Foliorum lauri

Singulorum ʒ viij.

Rutæ ʒ vij.

Tamarisci ʒ vij. aliter ʒ viij.

Esbrij

Sabinæ

Balsamitæ

Elelisphaci

Ocymi

Polij

Calamenthi

Arthemisiæ

Enulæ

Betonicæ

Brançæ vrsinæ

Spargulæ

Herbæ ventri

Pimpinellæ

Agrimoniæ

Abfynthij

Herbæ.



Herbæ paralyfis

Herbæ sanctæ mariæ

Cimarum sambuci

Crassulæ Mille folij

Semper viuæ

Chamædridis

Centaureæ

Singulorum ʒ iiiij. & β.

Fragrariæ

Quinquefolij

Herbæ tetralt

Singulorum ʒ iiiij. & β.

Euisci radidis

Cymini

Myrrhæ

Singulorum ʒ iiiij.

Fœnugræci ʒ j. ʒ ij.

Butyri ʒ j. ʒ ij.

Vrticæ

Violarum

Papaueris nigri

Mentæ Saracenicæ

Mentæ aliæ

Polytrici

Lapaceoli

Cardunceli

Matris syluæ

Maturellæ

Herbæ moschatæ

C

Alle



Alleluya

Linguae ceruinæ

Crispulae

Camphoræ

Styracis

Medullæ ceruinæ

Singulorum ℥ β.

Adipis vrsini

Gallinacei

Mastiches

Singulorum ℥ j.

Thuris ℥ β.

Olei nardini ℥ ij.

Herbæ colligantur ad dimidium mensis  
Maij, vnoque die, vel duobus si fieri potest  
ab hora tertia vsque ad meridiem, confici-  
tur hoc modo, herbas tritas diebus septem  
in optimo, & odorifero vino infunde, octa-  
uo verò die ad lentū ignē ponantur, & cū  
vinum aliquantulum consumi incœperit,  
supradictum oleum addatur, & bulliāt do-  
nec diminui incipiant: deinde studiosē co-  
lentur, & proiectis herbis iterum supra  
ignem ponantur, & cū bullire incœpe-  
rint, styracem appone, cūque modicum  
bullierint, butyrum adde, & axungiam ali-  
quantulum contusam, & oleum nardinum,  
mastichen, & olibanum, & denique ceram,  
quæ cū liquefacta fuerit, semper spatula  
agit



agitando, ab igne remoueatur, & cū coagulatum fuerit, in vase reſerua. BRASSA.  
Et ſi compositio hæc in vſu ſit: tamen nunquā illam probare potui, quia calida frigidis miſcet, cū hic ſolis indigeamus calidis, quamuis & ipſe Nicolaus Alexandrinus eandem præciſè in ſimplicibus poſuerit compositionem: at in pōderibus differt.  
s. e. Huius Alexandrini compositionem (nigra) reſerto. BRASS. En reſero:

℞. Cerae albæ lb ix.

Olei ſextarios ſex.

Roris marini

Foliorum lauri

Singulorum lb ij. & β.

Amaraci lb ij.

Esbrij

Sabinæ

Balsamitæ

Ocymi

Eleliſphaci

Singulorum lb j. & β.

Polij

Calamenthi

Arthemifæ

Enulæ

Betonicæ

Branæ Virſinæ

Herbæ venti

C 2

Pimp



Pimpinellæ  
Argemoniæ  
Absynthij  
Herbæ paralyfis  
Herbæ sanctæ Mariæ  
Cimarum sambuci  
Herbæ crassulæ  
Semperuiuæ  
Mille folij  
Chamædridis  
Centaureæ  
Centum neruiæ  
Fragulæ  
Quinque folij  
Herbæ tetralt  
Singulorum lb j. & β.  
Radicis euisci  
Cymini  
Myrrhæ  
Singulorum lb j.  
Fœnugræci lb β.  
Butyri ℥ v.  
Vrticæ  
Violarum  
Papaueris rubri  
Singulorum ℥ iiij.  
Mentæ saracenæ  
Mentæ aliæ  
Lapathioli

Polyt



Polytrichi  
 Carduncelli  
 Matris syluæ  
 Maratri  
 Herbæ moschata  
 Alleluya  
 Linguæ ceruinæ  
 Crispulæ  
 Camphorata  
 Styracis  
 Medullæ ceruinæ  
 Adipis Vrsini

Gallinacei

Singulorum ʒ iij.

Thuris ʒ ij.

Olei nardini ʒ j.

Herbas tritas diebus octo in vino infunde,  
 octauo die lento igne, penè ad cōsumptionem coque, & oleum adde, simulque omnia tandiu coque, donec succi herbarum absumentur: deinde cola, & abiectis herbis styracem adhibe, & cū modicum bullierit, cerā inde: cūq; liquefacta fuerit, ab igne remoue, & puluerē admisce: & cū coagulum fuerit. vase conditum vsui reserua.  
 SEN. Eadem est in simplicibus prorsus, at in ponderibus differt, sed quam ego seruaturus sum compositionem? B R A S S. Quam volueris seruato, nam pro meis ægrotis

C 3 illam



illam nunquàm indicam, imò compositionis ista facit ut Nicolaum Alexandrinum antiquum fuisse authorem minimè arbitrer. s e. Quam ob rem? B R A s. Quia multa ponit simplicia recentia, quale est herba venti, idest cimbalaria, quæ parietibus inhæret, & herba sanctæ Mariæ, & alia multa, quæ apud antiquos nomen sortita non sunt, tamen non ambigo Nicolaum Propositum ab hoc Alexandrino accepisse. s e n. Ut video prorsus accepit, in ponderibus verò aberravit. B R A s. Imò & compositionis initium hoc ostendit, cum ait ad frigiditatem, & dolorem capitis, pectoris, & stomachi, ad scliron hepatis, & splenis. ad alij dolorem, ad paralyticos, arthriticos, ischiadicos, nephriticos, & podagricos, & ad omnes dolores, ad tumores, duritiem, spasnum, & febrientes, ad ignem vel solem inunctum valere. s e n e x. Ad eadem proficere dicit Propositus, quamvis in hoc ultimo differant. B R A s s a. At non omnes pharmacopœ hæc servant, sed aliqui sunt, qui cum indicitur unguenrum Marciatum, illud præbent, quod respectu præscripti, quod magnum dicitur, paruum vocatur. s e n e x. Quomodo conficiunt? nam ego semper magnum servavi. B R A s s a v. Ita ab ipsis conficitur, & servatur:

℞. Fol



℞. Foliorum lauri lb iij.  
 Rutæ lb ij. & β.  
 Amaraci lb ij.  
 Roris marini lb j. & β.  
 Foliorum myrti lb j.  
 Floris saluæ  
 Balsamitæ, id est, mentæ aquaticæ  
 Ocymi  
 Singulorum lb β.  
 Butyri ℥ vj.  
 Mastiches  
 Styracis calamitæ  
 Medullæ ceruinæ  
 Adipis Vrsi  
 Gallinæ  
 Singulorum ℥ j.  
 Thuris ℥ ij. & β.  
 Olei nardini ℥ j.  
 Olei omphacini lb vj.

Misce, & fiat vnguentum, vt in magno dictum est. SEN. Fortè hæc est melior compositio. BRASSA. Illam ego magis probō, quia nullas continet contradictiones. SE. Fortè hæc est ab aliquo antiquo accepta. BRASSA. Ab eodem Nicolao Alexandrino, neq; adeò in ponderibus differt, vt præcedens facit. SEN. Refer(ni pigeat) quid author ille scriptum reliquerit. BRA. Ita dicit, Vnguentum Marciaton vluale

C 4 ad



ad podagram frigidam, siue calidam, paralyticos, arthriticos, nephriticos, ischiadicos, & ad omnia vitia, & dolores neruorum.

℞. Foliorum lauri ℥ iij.

Rutæ ℥ ij. & β.

Amaraci ℥ ij.

Roris marini ℥ j. & β.

Foliorum myrti ℥ j.

Esbrij, idest florum saluiæ

Balsamitæ, Ocymi

Singulorum ℥ vj.

Butyri ℥ v.

Styracis

Medullæ ceruinæ

Adipis

Vrsini

Gallinacei

Singulorum ℥ iiij.

Mastiches ℥ iij.

Thuris ℥ ij. & β.

Olei nardini ℥ j.

Olei oliuarum

Ceræ

quod sufficit.

Herbas contusas diebus quinq; in oleo macera, sexta die lenes ad prunas tandiu coq; donec succus consumatur: deinde cola, & abiectis herbis medullas, & adipem liquatas appone, & spatula exagitado, ceram adice  
& liq



& liquatis puluerem terēdo admisce: deinde ab igne depositis oleum nardinum infunde, & agita donec in idem corpus redigatur, postea vafe conditum vsui referua. se. Non est magna differentia huius vnguēti ad illud, quod ( vt dixisti ) nonnulli Ferrarienses pharmacopôlæ seruant. **B R.** Hoc nihil refert, si ego marciaton vnguento indigerem, optarem potius vt hoc acciperetur, quàm magnum. At siue fiat, siue non fiat, haud magnifacio.

### *S E N E X XXXIII.*

Vnguentum Resinum cōtemplandum est. **B R A S S.** Arbitror nullum esse vnguentum magis constans isto, nam omnes idem præcisē conficiunt, in hoc solū differūt, quod aliqui oleum rosaceum accipiunt, alij oleū commune, omnes verò ita conficiunt:

**℞.** Olei communis

Terebinthinæ

Resinæ pini

Ceræ citrinæ

Singulorum partes æquales.

Misce, & secundum artem fiat vnguentum. tu verò quod oleum accipis? **S E.** Oleum rosaceum semper accepi. **B R A S.** Si rosaceum accipiatur, magis redolet, tamen apud nonnullos pharmacopôlas Romę vnguentum, quod sequitur, pro resino vnguēto vēditur:

**C S ℞. Res**



℞. Resinæ pinguis albæ & mollis ℥ ij.  
 Gummi helemi ℥ β.  
 Olei rosacei ℥ j.

Ceræ albæ quantum sufficit.

Misce, & cum vino albo conficiatur vnguentum. s. e. Nunquam vidi hoc pro resino vnguento seruari. BRASS. Et nullus est Ferrariæ, vel Venetiis, qui ipsum conficiat pro resino vnguento. Conciliator ait, Vnguentum hoc cerebrum roborare, superfluitatesque exiccare, quæ sub osse sunt, absque abrasione & ipsius ossis detractone.

S E N E X X X X I I I I.

Vnguentum Basilicon ad examen venit. BRASSAVOLVS. Et suæ sunt in hoc vnguento difficultates, nam aliqui Mesue basilicon seruât, alij basilicō quoddā, quod magistrale vocant. s. e. Quale est hoc, quod dicis, nam ego semper Mesue basilicon seruauī. BRAS. Et deinceps etiam seruato, sed maxima pharmacopolarum pars hoc quod sequitur, seruât:

℞. Picis naualis

Picis græcæ

Terebinthinæ

Resinæ

Olei communis

Singulorum ℥ vj.

Ceræ nouæ ℥ iiij.

Misce,



Misce, & igne lento fiat vnguentum. s e n.  
 Diu est, quod multos ita conficere noui, sed  
 amplior videtur Mesue compositio, nam  
 ipse ita conficit, & ad parui differentiā ma-  
 gnum basilicon vocat.

℞. Ceræ albæ

Resinæ

Sepi vaccini

Picis glutin

Olibani

Myrrhæ

Singulorum partes æquales.

Olei quantum sufficit. sequitur deinde  
 Mesue in alio, scilicet, libro.

Ceræ ℥ vj.

Picis ℥ iiij.

Alliorum singulorum ℥ j. & β.

B R A s. Sunt aliqui Ferrariæ, qui hoc Me-  
 sue vnguētum sub ponderibus, quæ sæquū-  
 tur, conficiant.

℞. Ceræ citrinæ ℥ j.

Picis naualis ℥ viij.

Myrrhæ

Resinæ pini

Singulorum ℥ iiij.

Terebinthinæ ℥ v.

Olei communis ℥ j.

Sepi vaccini

Olibani

Sing



Singulorum ℥ iiij.

Misce, & fiat vnguentum secundum artem.

SEN. Ex tot rebus nunquàm conficere vidi.

BRAS. Deinceps ita non dices, verūtamen alij sunt, qui ita conficiunt.

℞. Resinæ pini

Ceræ citrinæ

Picis naualis

Singulorum ℔ j.

Olei communis ℔ ij.

Misce, & fiat vnguentum secundum artem.

SE. Horum vnguētum quatuor tantum recipit simplicia. BRAS. Alij sunt, qui ita ex quinque simplicibus parant.

℞. Picis naualis

Colophonæ

Resinæ pini

Olei communis

Ceræ citrinæ

Singulorum ℥ vj.

Misce. Alij ex sex simplicibus ita cōficiūt:

℞. Picis naualis

Picis græcæ

Terebinthinæ

Resinæ

Olei communis

Singulorum ℥ vj.

Ceræ ℥ iiij.

Misce, & fiat vnguentum secundum artem.

Alij



Alij recipiunt ceram æqualiter. Aliqui basilicon minus Mesuæ conficiunt, & seruant. s e. Est'ne illud, quod quatuor tantum recipit simplicia? B R A S S A V O. Illud inquàm, quod ita conficitur:

℞. Resinæ

Picis

Ceræ

Singulorum partes æquales

Olei quantum sufficit.. s e. Maxima est in vna vrbe diuersitas. vix tot sunt pharmacopôlæ, quot sunt in hoc vnguento diuersitates. B R A. Reperitur & apud Serapionem maius basilicon, & minus. Maius ex quatuor simplicibus tantum parat, idcirco illud vocat tetrpharmacum, cum tamen sit pentapharmacum, nam recipit picem, resinam, sepum vaccinū, & oleum, quātum necesse est. Minus verò Serapionis basilicon idem est cum minori Mesue, & apud Auicennam minus basilicon eodem modo confectum est, vt in Mesue reperitur. At maius ex his conficit.

℞. Ceræ lb j.

Picis ℥ viij.

Myrrhæ

Resinæ

Singulorum ℥ iiij.

Glutinis Alimbat ℥ iiij.

Olei



Olei lb ij.

Misce, & fiat vnguentum secundum artem.  
 s E. Ad quos valet affectus? B R A S. A' Mesue  
 dicitur vulneribus conferre, in quibus non  
 est calefactio. Mesue autem codex depraua-  
 tus est: quia affirmatiuè legitur, quod erat  
 negatiuè legendum: & propriè valet in ner-  
 uorum, neruofarumve partium vulneribus:  
 nam illa mūdificat, & incarnat. Antiquum  
 Mesue codicem legi, in quo scriptum erat  
 conferre vulneribus, in quibus deest calefa-  
 ctio, s E N. Multi ambiguitates faciant in  
 illa parte in qua dicit glutinis alimbat: nā  
 aliqui volunt esse vnam rem solam, aliqui  
 duas: quid censes tu? B R A S S A. Ad vnguen-  
 ti intētionem vtrunque conuenit: propter-  
 eā arbitror vtrunque esse in compositione  
 finendum. s E. Reperiturne apud antiquos  
 eiusmodi vnguentum? B R A S S A. Imò  
 reperitur, nam de eo Trallianus agit, libro  
 primo, capite x v i i. propè finem, vbi de  
 Cephalalgia ex ictu agit, & dicit tetra-  
 pharmacum pares habere portiones ceræ,  
 & picis, resinæ, sepi taurini, aut vitulini,  
 hoc verò tetrapharmacum est basilicon  
 vnguentū antiquorum: nam Oribasius Sar-  
 dianus in libro Inflammationum, vbi de  
 Aurium inflammationibus agitur, cum  
 nardino oleo miscet basilicon, quod tetra-  
 pharma



pharmacum vocari ait. idem præsidium ad-  
hibet in aurium dolore ex inflammatio-  
ne, in primo capite tertij libri de Compo-  
sitione medicamentorum secundum locos  
Galenus, vbi ait: Quòd si inflammatio ad-  
sit, optimum ad eam pharmacum vnguen-  
tum nardinum, cum exiguo basilico appel-  
lato pharmaco infunditur: idem etiam te-  
trapharmacum appellatur. Ex his fortè  
Mesue defendi posset, cùm in ipsius exem-  
plaribus affirmatiuè scriptum est basilicon  
vulneribus conuenire, in quibus est calefa-  
ctio: tamen ego in aurium inflammatio-  
ne non vterer nardino cum modico basi-  
lico, cùm plura adsint, quæ aurium inflam-  
mationi magis cõueniunt: tamen nec vere-  
rer ista, adhibere ad pus mouendum, in in-  
flammatione potissimùm aurium, & in  
vulneribus ad mouendum pus. Vnde & Ae-  
tius libro secundo, cap. 150. inquit: Et quæ  
induratas partes molliunt, & quæ inflāma-  
tas maturāt, quale est quod tetrapharmacū,  
& quod basilicon appellatur. Vt hinc col-  
ligi possit inflāmationes maturare eiusce-  
modi vnguentum. Paulus lib. vij. cap. deci-  
mo septimo inquit: Basilicon tetrapharma-  
cum, quod conficitur è ceræ, colophonix,  
picis, adipis taurini, portionibus equalibus,  
ex eisdem etiam confici Aetius docet. Hi  
verò.



verò omnes à Galeno accepere: nam ille in  
 primo de Elementis libro, ubi illos repre-  
 hendit, qui dicebant non esse elementa in  
 » misto, quia nō videtur, inquit: Eadē ratione  
 » negaret aliquis ex cera, resina, pice, & adipe  
 » id medicamentum componi, quod tetra-  
 pharmacum nominatur. & in primo Com-  
 mentario de Natura humana, sectione pri-  
 ma, idem sentiens, & idem agens, quod in  
 » prædicto libro de Elemētis inquit: Quod  
 » perinde est, ac si in medicamenta tetraphar-  
 » maca meram tibi ceram ostēdi, aut picem,  
 » aut adipem, aut resinā postules. In eodem  
 » libro, sectione tertia, inquit: Vt tetraphar-  
 » macum medicamentum, neq; ceram esse,  
 » neque picem, neque resinam, neq; adipem,  
 » sed vnum quid aliud ab his distinctū, quod  
 » ex his est omnibus genitum, in quarto Me-  
 thodi medendi libro, tetrapharmaci vim  
 esse docet, calefacere, humectare, & celeri-  
 ter pus mouere. Et in quinto etiam Metho-  
 » di medēdi, de tetrapharmaco inquit: Quā-  
 » do planè multò magis augere putredinem  
 » paucis debuit, utpote quod siccare vlcus  
 » prorsus nō potest, maturare phlegmonē po-  
 » test Et in 13. Methodi medendi libro, mem-  
 » brum aliquod modicè calefacere, & hume-  
 » ctare volens, tetrapharmaco vtitur, quod  
 » rosaceo liquat, vel ubi absit, aliquo ex rela-  
 xantib



xantibus. Celsus etiam libro quinto idem  
tetrapharmacum describit, ad pus mouen-  
dum: ita verò dicit. Puri autem mouendo,  
non aliud melius, quàm quod expeditissi-  
mum est, τριφάρμακον à Græcis nomina-  
tur, habet pares portiones ceræ, picis, resi-  
næ, sepi taurini, si id non adest, vitulini: ta-  
men adest basilicon emplastrum nigrum  
apud eundem Celsum. s E. Quomodo hoc  
conficitur? B R A S. Hoc modo:

℞. Panacis pondo j.

Chalbani pondo ij.

Picis

Resinæ

Singulorum pondo x.

Olei dimidium cyathi.

s E N. Arbitror te posuisse descriptionem  
quampiam huic similem. B R A S. Similem  
fortè, sed non eandem. s E N. Quam ergo  
compositionem sum ego seruaturus? B R.  
Quando pus mouendum est, & mediocri-  
ter calefaciendum ac humectandum, Gale-  
ni basilico semper vtaris, Tetrapharmaco  
vocato, si verò adsint neruorum vulnera, in  
quibus etiam pus mouendum sit, Mesue ba-  
silicon accipito. Verùm ad nauseam de hoc  
vnguento iam locuti sumus.

S E N E X. XXXV.

Ob hoc vnguentum de Cerussa cōtemple-  
mur

D

mur



mur. **BRAS.** Hoc etiam vnguentum album  
Rafis vocatur, & à vulgaribus dicitur vn-  
guento de *biaca*. **SENE X.** Notato tria esse  
apud pharmacopôlas de cerussa vnguenta.  
**BRAS.** Quæ nam sunt? **SEN.** Vnguentum  
de cerussa crudum, vnguentum de cerussa  
coctû, & vnguētum de cerussa ad phlegma  
falsum, & scabiem siccam. **BRAS.** Referas  
hoc de cerussa ad falsam pituitam. **SENE X.**  
Iam refero:

℞. Cerussæ

Lithargyrij

Singulorum ʒvj.

Plumbi vsti

Scoriæ argenti

Singulorum ʒiiij.

Mastiches

Olibani

Sing. ʒij. & β.

Olei rosacei

Aceti

Singulorum quantum sufficit.

Terantur in mortario, & prius oleum im-  
ponatur, deinde acetum, & absq; intermis-  
sione misceantur, modicè, ac paulatim in-  
stillando, quoad sint optimè mista, si quis  
verò eo vti voluerit, adde argenti viui ʒv.  
& si fuerit necessarium adde ziniar ʒij.

**BRAS.** Non adest Ferrariæ in aliquo vel  
antiq



antiquissimo pharmacopolio eiusmodi vnguentum, & est vnguentum de cerussa Mesue, fortè verò tu illud confectum habes. SEN. Imò semel tantum ipsum paravi, sed nunquam vendidi. BRAS. De crudo igitur, & cocto vngueto de cerussa loquamur.

SEN. Crudum ita paro:

℞. Olei rosacei ℥ j.

Cerussæ lotæ ℥ x.

Ceræ albæ ℥ vj.

Camphoræ ℥ ij.

Misce. BRAS. In huius etiam vnguēti ponderibus magnæ sunt apud nostrates pharmacopôlas differentiæ, neq; in camphoræ appositione conueniunt. nam aliqui illam adiiciūt in maiori copia, alij in minori, alij neq; adiiciūt, audias verò has ponderū differentias, nonnulli etenim hoc modo parant:

℞. Cerussæ tenuiter puluerizata ℥ ix.

Olei rosacei ℥ j. & β.

Ceræ albæ ℥ ij. & β.

Misce, & fiat vnguentum.

Alij verò ita conficiunt.

℞. Olei rosacei ℥ j.

Cerussæ ℥ viij.

Ceræ albæ ℥ iiij.

Misce, & fiat vnguentum.

Alij hoc seruant.

℞. Olei rosacei ℥ iiij.

D 2 Cer



Cerussæ lb j.

Ceræ albæ ℥ ix.

Camphoræ ℥ j. & β.

Albumina ouorum numero ij.

Misce, & fiat vnguentum. **SEN.** Cur præscripti camphoram non adiiciunt? **BRAS.** Vt simpliciter sit vnguentum album, & non vnguentum album cum camphora, quod recentes camphoratam vocant. nonnulli verò ita conficiunt:

℞. Olei rosacei ℥ iiij.

Ceræ albæ ℥ ij.

Cerussæ quātum sufficit ad inspissandum, & in fine duo ouorum albumina addantur.

**SEN.** Hi suum hoc vnguētum singulis diebus facere debent, & non seruare. **BRAS.** Ita arbitror. imò multa sunt simplicia vnguenta quæ tunc fieri optarem, cū illis quispiam indiget, ex Rasi verò ita confici debet:

℞. Cerussæ lotæ aqua rosacea, vel plantagininis pluribus vicibus ℥ vj.

Ceræ albæ ℥ iiij.

Olei rosacei loti lb j.

Liquefacta cera cum oleo lento igne, ab igne remoueat, baculo semper agitādo, cūque ad frigiditatem ferè attigerit, cerussam adice tenuissimè puluerizatam, in fine quatuor ouorum recentium albumina adiicito.



adiicito, & simul miscendo probè agitato. qui deinde vnguentum hoc camphoratum efficere cupiunt, in singula vnguenti libra duas camphoræ drachmas optimè miscendo iniiciant. **S E N.** Sûntne alij authores, qui vnguentum hoc conficiant præter Rasim? **B R A S.** Auicēna duas habet descriptiones. in quarum vnaquaque lithargyrium ingreditur. prima autem compositio, quam dicit ad ignis adustionē facere, & excoriationem Recipit lithargyrij 3 j.

Cerussæ 3 v.

Ceræ albæ 3 vij.

Olei rosacei 3 ij.

Cera, & oleum vnà liquefiant, & cerussa, ac lithargyrium addantur, simulque misceantur, antequàm infrigidentur, & vnus oui albugo vnà iungatur. **S E N.** Optarem etiam secundum Auicennæ compositionem audire. **B R A S.** Nunc audies:

℞. Cerussæ 3 iiij.

Lithargyrij 3 ij.

Scoriæ argenti aur. j.

Tragacanthi 3 j.

Terantur, & setaceo cribro quatiantur, deinde recipiatur ceræ albæ 3 j. quæ cum vnciis quatuor olei rosacei liquefiat, omniâq; simul in mortario commisceantur. Serapio easdem duas de cerussa compositiones re-

D 3 fert



fert, at secunda in simplicibus quidem conuenit, sed in ponderibus differt. s e n. Ne illam prætermittamus obsecro. B R A s. Ita ab authore scriptum est:

℞. Cerussæ plumbeæ ʒ vij.

Lithargyrij ʒ iiij.

Scoriæ argenti ʒ ij.

Tragacanthi ʒ j.

Terantur, & setaceo cribro excernantur, & addatur ceræ albæ vncia vna, quæ cum tribus olei rosacei vnciis lique scat, & in mortario misceantur. s e n. Sûntne antiqui de hoc albo vnguento locuti? B R A s. Galenus in primo de Compositione medicamentorum per genera, multa refert alba emplastra, quæ dicit ex argenti spumæ cerussa fieri, cur verò ex hac cerussa fiant, addit vel coloris causa, medici argenti spumæ cerussam ad alba emplastra conficienda miscet, vel vt quandam adstringendi, ac refrigerandi vim medicamento concilient, tu cum otium nactus eris, alba illa Galeni emplastra legere poteris, nullum tamen est, quod his conueniat, quæ superius scripta sunt, omnibus autem albis vnguētis antiqui ferè aquam miscebant. Apud Nicolaum Alexandrinum album quoddam reperitur capite. M. c c v i i i. quod album non esse certum, nam Recipit absynthij ʒ ij. At vnguent



guentum de cerussa coctum quomodo par-  
ras? s e n. Ita paro.

℞. Olei communis ℥ ij.

Cerussæ subtilis ℥ j.

Coquantur lento igne donec secundum ar-  
tem sit percoctum. Aliqui sunt, qui addunt  
ceræ albæ mundæ ℥ iiij. & in globos con-  
gerunt, & seruant. b r a s. Mihi semper pla-  
cuit ut cera adderetur. s e n. Tamen & absq;  
cera in globos optimè distribuitur. b r a s.  
Ad alia igitur vnguentorū genera te cōferas.

s e n e x      XXXVI.

Vnguentum de Arthanita, post illud de ce-  
russa accedit. b r a s. Non est in magno usu  
Ferrariæ, neque in vno, aut altero pharma-  
copolio illud inuenies. At cum duplex sit:  
maius scilicet & minus, multi minus confi-  
ciunt, quia facilius efficitur: & cum vnguen-  
tum de arthanita indicitur illud præbent,  
etiam si à Medico diceretur. Recipe vn-  
guenti de arthanita maioris. s e n. Hoc er-  
ror esse videtur. b r a s. Neque mediocris.  
s e n. Ad quos valet affectus? b r a s. Ex co  
inungi ventrem, & sumem, & ilia, ca-  
thartici loco educere, inungi verò sto-  
machum, vomitum excitare, vermes edu-  
cere, & hydropi conferre, aquamque edu-  
cere citrinam, adhibendūque his est, qui  
medicamentum sumere non valent. s e n.

D . 4      Cuius



Cuius authoris est? BRAS. Mesue illud refert ad Alexandrum, tu verò cōpositionem referto. SEN. Hæc est, quam refero.

℞. Succiarthanitæ. i. cyclaminis ℥ iij.

Olei irini ℥ ij.

Butyri vaccini ℥ j.

Pulpæ colocynthidis ℥ iiij.

Polypodij ℥ vj.

Euphorbij ℥ β.

Quæ terenda sunt, terantur, & in succos, & olea submergantur, & in vitriatum vas æti orificij ponantur, caputque ipsius ligetur, & per dies octo dimittatur: deinde totum bulliat ebullitione vna, & coletur, postea huic colaturæ adde

Serapini aur. v.

Myrrhæ aur. ij.

Prius tamen in aceto vini quātum sufficit, dissoluantur, & omnia simul misceantur, simulque bulliant baculo semper agitando, hocque fiat vsque ad succorum ferè consumptionem, tunc adde

Ceræ ℥ v.

Fellis vaccini aur. v.

Ferueat cum eis quoad cera liquefiat, deinde quæ sequuntur, in puluerem redacta: misceantur.

℞. Scammonij

Aloës Mezercôn

Coloc



Colocynthis

Singulorum aur. v.

Euphorbij aur. ij.

Salis gemmæ aur. iij.

Turbith aur. v.

Piperis longi

Gingiberis

Chamæmeli

Singulorum aur. ij.

Conficiantur, & administrentur. **SEN.** Inueniturne apud Alexandrum? **BRASSA.** Per Alexandrum, Mesue Trallianum intelligere solet, ego multum quaesivi, tamen apud authorem illum compositionem hanc inuenire non potui, nescio an alium Alexandrum intellexerit Mesue, quem tamen non cognouerim. **SEN.** Suntne alij, qui aliter hoc vnguentum conficiant, quam ego retulerim? **BRASSA.** Multi in ponderibus differunt, si pharmacopolarum libros leges, imò hæcmet compositio à Mesue in capite de Arthanita posita est, tamen in aliquo sed modico differt, mihi placeret ut tu modo citato compositionem hanc conficeres. **SEN.** Iam confeci, & de nonnullis minor pharmacopôlis, qui vnguentum hoc non conficiunt, sed Bononiâ mittunt, ac emunt. **BRASSA.** Vol. Et ego magis miror, quòd quid sit ignorant, propterea optarem ut

D s omnes



omnes diligentissimè conficerèt, vt scirent  
quâ esset diligentia confectum, neque con-  
sciëntia remorderetur, quæ homines intrin-  
secus corrodit. SEN. A multis audiui vn-  
guentum hoc reprehendi veluti periculo-  
sum, quid censes tu? BRAS. De illis miror,  
qui in illo periculum faciant extrinsecus  
inungēdo. secus est, si per os sumeretur. imò  
quia nonnulli eo in clysteribus vtuntur, &  
ego nonnunquàm in pauca copia vsus sum,  
illis cōmisceri debet. Adde Medicū plerun-  
que frustrare, & per ventrem nō educere, &  
hoc præsertim, quādo est antiquū. quicquid  
ab aliis dicatur, ipsius vsus nō est verendus,  
nonnunquàm experiri volui an cyclaminis  
succus idem efficeret (nam ait idem secun-  
dum Galenum efficere, quod hoc efficit vn-  
guentum) & non solū ventrem deliniri  
iussi, sed & lintea madefieri, & toti supra-  
poni ventri. tamen nectantillum ventrem  
soluit, nedum cōmouit. hi, quibus hoc vn-  
guentum ventrē soluit, post semihorā circa  
vmbilicum motiones quasdam paruas sen-  
tiunt, postea quædam parua tormina cum  
rugitu, & venter cōmouetur, ac excernunt.  
At hoc non fit, nisi posteaquàm ipsius vis ad  
intestina penetrauerit, illaque cōmorserit,  
& vim expultricem ad expellendum exci-  
tauerit. SEN. Quomodo cōfectū est minus

de



de arthanita vnguentū, quod nōnullos ser-  
uare dixisti? B R A S. Ita illud cōficit Mesue.

℞. Succi arthanitæ

Viscositatis quæ mulgetur ex radice fi-  
licis

Succi chamæmeli (aliter chamæcentes)  
id est, ebulorum

Singulorum ʒ ix.

Succi extremitatum tamarisci ʒ ij.

Olei irini ℔ xj.

Hysopi humidæ ʒ v.

Ammoniæ

Bdellij

Singulorum ʒ j. & β.

Aceri quantum sufficit.

Ceræ citrinæ ʒ vj.

Corticum radicū capparum ʒ j. & β.

Spicæ ʒ iiij.

Misce, & fiat, vt superius dictum est, scilicet  
in vngueto de arthanita maiore, tamen alij  
sunt, qui ita Ferrariæ vt sequitur parant, à  
præcedentibus in ponderibus solum diffe-  
runt, & non in rebus.

℞. Succi arthanitæ

Succi viscositatis filicis

Succi ebulorum

Singulorum ʒ iiij. & β.

Succi tamarisci ʒ j.

Olei irini ℔ j.

Hysopi



Hyssopi humidæ ʒ ij. & β.

Ammoniacci

Bdellij

Singulorum ʒ ij. & Ḡ v.

Ceræ citrinæ ʒ iij.

Corticum radicum capparum ʒ vj.

Spicæ ʒ j. & β.

Aceti modicum. misce, & fiat vnguētum. tamen nota & alios alia habere pondera, in compositione verò quam ex Mesue adduxi, quod legitur olei irini lib. xj. corrige, & legito lib. ij. s e n. Cur ita retulisti? B R A S S. Quia & ita in authore scriptum erat, & ita in impressis codicibus passim legebatur. s e n e x. Placet ne vt ita confectum seruem? B R A S S. Minimè omnium, sed magnum potius seruato, ne & tu Medicos decipias, cum vnguētum de arthanita simpliciter indicunt, nam semper magnum intelligunt.

S E N E X X X X V I I.

Vnguentum stomachale me molestat, vt in examē accedat. B R A S. Non sunt & in hoc minores, quàm in aliis vnguentis differentia. nam quot sunt pharmacopôlæ tot ferè sunt pro stomacho vnguenta, tu verò quòdnam conficis? s e n e x. Hoc quod refero.

℞. Olei cotoneorum

Nardini

Mastichini

De



De absynthio

Singulorum ʒ iiij.

Cinnamomi

Rosarum

Cyperī

Gallarum

Gingiberis

Piperis

Carui

Amydis

Cariophyllorum

Absynthij

Mentæ

Mastiches

Maceris

Singulorum ʒ ij.

Charabe

Ligni aloës

Cardamomi

Singulorum ʒ ij.

Ceræ citrine quantum sufficit.

Misce, & fiat vnguentum secundum artem.

B. R. Fortè tu solus es, qui vnguētū quod adduxisti paras, nā alij hoc efficiūt & seruant.

℞. Olei nardini

Mastichini

Chamæmelini

De menta

De absynthio

Sing



Singulorum ℥ ij.  
 Olei cotoneorum ℥ iij.  
 Olei rosacei ℥ j. & β.  
 Maceris  
 Mastiches  
 Cariophyllorum  
 Nucis moschatae  
 Cardamomi maioris minoris  
 Galangae  
 Ligni aloës

Singulorum ℥ ij.  
 Corallorum rubrorum  
 Coriandrorum præparatorum  
 Rosarum rubrarum

Singulorum ℥ ij. & β.  
 Summitatum absynthij  
 Mentæ

Florum chamæmeli  
 Summitatum schœni

Singulorum ℥ j. & β.  
 Omnia subtilissimè conterantur, & addito  
 modico ceræ fiat linimentū molle, addēdo  
 panis vstulati prius in aceto infusi ℥ β.  
 At alij sunt, qui ita conficiunt.

℞. Mastiches

Ligni aloës ℥ β.  
 Maceris  
 Cariophyllorum  
 Spicæ

Piperis



Piperis albi

Cardamomi

Galangæ

Cinnamemi

Singulorum ʒ ij.

Mentæ

Absynthij

Rosarum rubrarum

Singulorum ʒ v.

Corallorum rubrorum ʒ vj.

Olei de absynthio

De spica

Mastichini

Singulorum ʒ viij.

Ceræ albæ ʒ vj.

Misce, & fiat vnguentum secundum artem.

Alij verò sunt, qui hoc modo parant, ac  
seruant

℞. Olei de absynthio

Nardini

Mastichini

Singulorum ʒ j.

Posteà abluantur vino albo tenui odora-  
to, & adde

Rosarum rubrarum

Corallorum

Cariophyllorum

Cinnamomi

Ligni aloës, Macis

Mentæ



Mentæ

Schœni

Singulorum 3 j.

Misce, & cum modico ceræ fiat vnguētum  
secundum artem. Alij verò ita conficiunt:

℞. Mastiches 3 iiij.

Aloës 3 iiij.

Macis

Cariophyllorum

Spicæ

Crocī

Myrrhæ

Piperis

Cardamomi

Galangæ

Granorum paradisi

Cinnamomi

Calami aromatici

Singulorum 3 j.

Florum labruscæ

Mentæ

Succi absynthij

Rosarum

Singulorum 3 ij.

Corallorum rubrorum 3 iiij.

Olei mastichini

de Spica

de Absynthio

de Coroneis

Sing



Singulorum ℥ iiij.

Ceræ ℥ iiij. & β.

Misce, & fiat vnguentum secundum artem.  
Nonnulli verò sunt, qui eiusmodi vnguentum ita parant.

℞. Cinnamomi

Cariophyllorum

Nucis moschatæ,

Galangæ

Calami aromatici

Ligni aloës

Mastiches,

Maceris

Corallorum rubrorū

Singulorum ℥ j.

Rosarum rubrarum

Florum labruscæ

Absynthij,

Mentæ

Singulorum ℥ ij.

Olei rosacei

Mastichini,

de Coroneis

de Menta

de Absynthio

Ceræ citrinæ

Singulorum ℥ j.

Misce, & fiat vnguentum secundum artem.  
Non desunt etiam, qui hoc seruant.

E

℞. Mast



℞. Mastiches ʒ j.

Aloës ʒ ij.

Cariophyllorum

Cinnamomi

Calami aromatici

Singulorum ʒ iiij.

Aquæ rosaceæ

Vini cotoneorum

Singulorum ʒ iij.

Olei mastichini ʒ iiij.

Ceræ quantum sufficit.

Misce, & fiat vnguentum secundum artem.

S E. Ex his vnguentis quòdnam tibi magis placet? B R A S S A. Optarem, vt vnusquisque Medicus tunc conficeret, quando indigeret, ex quatuor, vel quinque, vel quot voverit simplicibus, & vnguētum illius temperiei proprium esse, qui inungi debet, & nonnunquàm illud magis calidum conficere, nonnunquàm minus calidum, vt exigit affectus. non enim vniuscuiusque pes vno, & eodem calciandus est calopodio, sed vni vnguentum hoc erit magis calidum, quàm conueniat, alteri minus.

#### S E N E X XXXVIII.

Hoc prætermisso, vnguentum de Betonica contemplemur. B R A S S A. De illo in ea parte egimus, in qua de vnguento vocato Capello, id est cephalico pertractauimus



mus, nam illa, quæ retulimus betonicā recipiētia, sunt apud pharmacopôlas vnguenta de betonica. s e. Iam memini, mente verò exciderat. B R A S S. Vnguentum igitur aliud in medium adducito.

## S E N E X. XXXIX.

Populeonis vnguentum sese offert. B R A S. Tuum ediffere, quod conficis. s e n. Nicolaum sequor, & vnguentum, populeonis, quod ipse parandum docet conficio, ita verò parat:

℞. Oculorum populi ℥ j. & β.

Papaueris nigri

Foliorum mandragoræ

Cimarum tenerrimarum rubi

Foliorū hyoschyami

Solani

Vermicularis

Lactucæ

Semperuiuæ

Bardanæ

Violarum

Vmbilici veneris

Singulorum ℥ iij.

Axungia suillæ sine sale recentis ℥ ij. aliter iij. Oculi populi per se primo bene pistentur, & iterum cum axungia miscendo pistētur, & globi fiant, qui per duos dies dimittantur, tertio die omnes supradictæ

E 2 herb



herbæ colligantur, & per se probè terātur, postea cum globis iterum pistentur, ac misceantur: globis iterum confectis per nouem dies referuentur: deinde globi illi frustatim in caldarium cum libra vna odoriferi, & optimi vini ponantur, & bulliant vsque ad vini consumptionem, baculo semper agitando: deinde hoc totum in saccum ponatur, & probè exprimatur: hocque expressum infrigidari sinatur. In vas deinde ad vsus reponatur. BRASS. Ad quos vsus? SE. Nicolaus dicit valere contra calorem acutæ febris, & his conferre, qui dormire nequeunt, temporibus inunctis, pulsibus, plantis manuum, & pedum: hoc idem cum oleo rosaceo, vel violaceo mistum super hepar extensum calorem mirabiliter tollit, & sudorem prouocat, si supra vmbilicum eo inungatur. BRASSA. Tu hoc verum putas? SE. Ab authore dicitur? BRASSA. Tamen author non est Euangelista, quia oppositum facit, nam sudorem intus repercutit. SE. Sūntne diuersi in hoc conficiendo vnguento pharmacopôlæ? BRASS. In simplicibus conueniunt, at in pondere differunt, & cur differāt miror, cū eundem habeant omnes Nicolaum. SE. Et quæ nam est in pondere differentia. BRASS. Hæc est, quia aliqui ita habent:

℞. Ocul



℞. Oculorum populi ℥ j. & β.

Foliorum papaveris nigri

Foliorum mandragoræ

Cimarum tenerimarum rubi.

Singulorum ℥ iiij.

In reliquis pondus haud variant. Aliqui etiam cum nonnullis impressis Nicolai codicibus duas apponunt axungiae suillae libras, alij tres. SEN. Semper tres apposui. BRASSA. Et maxima pharmacopolarum pars, tres recipit. SEN. Est'ne ex antiquis quispiam, qui de hoc vnguento verba fecerit? BRASSA. Si Nicolaus Alexandrinus inter antiquos numerandus est, antiquus quispiam de illo pertractauit: nam vnguentum hoc conferre docet capite 1035. sui de Compositione medicamentorum libri, cum ait: Vnguentum Diapopuleum ad omnes dolores, & tumores, qui fiunt ex calida causa.

℞. Oculorum populi ℥ iiij.

Foliorum hyoschyami

Foliorum cimarum rubi tenerimarum

Semperuiuæ

Radici bardanæ

Cotylidonis

Lactucarum

Violarum

Singulorum ℥ vj.

E

3

Axun



Axungia suillæ recentis lb vj. aliâs quantũ sufficit, vel veruecis loco eius bene ablutæ. Axungiam & terēda commisce, iterum cum axungia conterantur, & magdaleonibus factis octo dies seruentur, & nono die ad lentum ignem in tenui vino coquantur, postea per sacculum colentur, & abiectis herbis nocte solida dimittatur liquor, nocte quicquid coagulatum supernatauerit vase reconde. s e. In hac Alexandrini compositione desunt vermicularis, folia papaueris nigri, solanum, & mandragoræ folia. B R A S S. Fortè Nicolaus Propositus ab Alexandrino accepit, & hæc addidit, vel ab alio authore accepit. Vidi Ferrarienses mulieres, quæ populi flores ab his oculos vocatos in oleum iniicerent, & Soli per totam æstatem exponerent, postea exprimerent, & ad somnum prouocandum seruarēt. s e. Conuenitne? B R A S S A. Ita conuenit, vt id quod à somno excitat. s e n. Cur hoc? B R. Quia populi flores Galen. teste calidi sunt, an verò in tertio ordine, vel in primo, vt alij dicunt, calidi sint, arbitror ego in primo potius esse propè secundum, & præter alios Galeni locos, quibus ostendi potest esse calidos, adest etiam in quarto de Sanitate tuenda locus, nam oleo abiegno. hoc comparat, & in eo vtitur in lassitudinibus, inquit



inquit enim Galenus: Vtile sanè medica-  
 mentum est, & quod ex populi floribus fit.  
 Id tale est: Ex floribus populi adhuc con-  
 uentibus modius italicus in quindecim aut  
 viginti libras sabini olei immittitur. Si id  
 præsto non est, simile aliquod præparandum  
 oleum est. Dictum verò in præcedentibus  
 est, simile esse quodcunque tenue est, nec  
 vllam adstringendi vim habet. Magis ve-  
 rò ad rem pertinebit, si modice contritum  
 ipsum florem in oleum coniicies. Quod si  
 quotidie medicamentum dimouebis, idq;  
 potissimum, cum sol feruebit, ac in domo  
 calida repones: celerius ita, magisque tum  
 qualitas populi, tum vis in oleum migra-  
 bit. Itaque post binos ternosve menses po-  
 tes flore expresso atque abiecto habere o-  
 leum, quod sine vlla morfione per halitum  
 digerat, idque nihilo minus, quam abieg-  
 num. Quinetiam ceræ & resinæ tantūdem  
 iniicere licet, quantū paulò ante in id, quod  
 ex abiete confici diximus. Si quādo verò hu-  
 midum id quod exprimitur, crassius videbi-  
 tur: Sat fuerit vel quintā ceræ partē adiici,  
 nedum quartam. Ego verò etiam sextā me  
 addidisse scio, vbi & oleū crassum erat effe-  
 ctum, & qui vsurus erat, liquidiorē medi-  
 camento delectabatur. Nonnulli diu mace-  
 rari cum flores, tum semina nō ferētes, par-



,, tim ea percoquere in oleo cogūtur, partim  
,, aquam iniicere: vtique qui cautiores sunt:  
,, quò videlicet nec torreantur, quæ sunt in-  
,, iecta, nec oleum vstionem odore referat.  
,, Qui verò his magis sunt curiosi, in dupli-  
,, cibus ij vasis coquunt, hoc fit, cū in lebete  
,, in quo sit aqua feruens, inseritur exiguum  
,, vasculum, in quod fundi oleum debet. Id  
,, quod sanè nos facimus, non tamen ad se-  
,, mina florésue coquendos (quippe hac co-  
,, ctione minimè egemus, propterea quòd ea  
,, diu maceramus,) sed tum, cū in cōficiēdo  
,, medicamento ceram, & resinas liquare in  
,, lebete paramus. Qui verò celerius ea præ-  
,, parare cogitur, hunc necesse est, & vt præ-  
,, dictum est, præcoquære, & ne torreantur  
,, aquam, vinūue iniicere. Atque ad ea qui  
,, dem, de quibus nūc agitur vtilior aqua est,  
,, vinum verò ad podagricos affectus, & vno  
,, verbo articulares. Porro sufficit tantulum  
,, aquæ admisceri, quantum coquendo to-  
,, tum vanescat. Is modus erit, si quadruplum  
,, eius aut quintuplum oleum sit, ergo & hæc  
,, medicamenta succos quicunque non ad-  
,, modum crassi, nec lenti in carne, cutēque  
,, resident euaporant. Vt perspicuè videas  
oleum istud, quo multi ad somnum prouo-  
candum vtuntur, non conuenire, quia cali-  
dum est, nec id efficere potest. Secus verò est  
de



de populeonis vocato vnguēto, in quo multa frigida & soporifera recipiuntur.

S E N E X X L.

Vnguentum deniq; pro Gallica scabie suā sedem hic habet. B R A S S A. Nullus est qui hoc seruet, quia vnusquisque Medicus proprium pro morbo gallico parari iubet vnguentum. S E N. Neque ego seruo. At quia in pharmacopoliis conficitur, propterea de illo mentionem feci. B R A S S A V. De ipso igitur nihil à nobis pertractandum erit, quoniā ab vnoquoq; Medico, vt lubet, fit. Scis me conficere ex vnguento Aragō cum pinguedinibus, & terebinthina, & ratione temporis diuersa addo vt in æstate oleum rosaceum, & violaceum, in hyeme laurinū cum gummi generibus: & cū imbecille vnguentum fieri iubeo, in singula vnguenti libra duæ hydrargyri vnciæ imponuntur, in mediocri tres, vel quatuor: in vehementissimo sex, & ægri proficiunt, ac insanitatem restituuntur. At cū alio ingenio illos in sanitatem restituere possum, eo potius vtor, quā hydrargyrium adhibere. cū de hoc satis dictum sit vnguento alia prosequaris. S E N. In Ferrariensibus pharmacopoliis tot sunt, quot retuli, & non plura, nisi quis in alicuius Medici gratiam vnum vel alterum genus seruauerit. B R A.

E S Dom



Domum igitur redeamus, vt cœnemus.  
s e n. Nondum cœnæ hora incumbit, ac in-  
terim de Ceratis verba facere poterimus.

B R A s. Id efficiemus si vesicam prius exo-  
nerauero. s e n. En matulam affero, exone-  
ra vt lubet, interim cerata colligam, quæ  
paucissima sunt in pharmacopoliis, postea  
de emplastris agemus, quoniam & ipsa


haud sunt in magna copia, imò ab-  
re non esset si de emplastris

vnà ac ceratis verba fa-  
ceremus. B R A s s.

Vt lubebit,  
fiet.







ANTONII MV-  
SAE BRASSAVOLI  
MEDICI FER-  
RARIENSIS,

Examen omnium CERATORVM, quo-  
rum apud Ferrarienses pharmacopô-  
las vsus est:

*Nunc primum in lucem prodiens.*

AD ILLVSTRISS. ET  
EXCELLENTISSIMVM PRIN-  
CIPEM ALOVISIVM  
ESTENSEM

Hieronymus Brassauolus.



Vm à colendissimo genito-  
re meo, Illustrissime Prin-  
ceps, libellus quidam de Ce-  
ratis, qui facultati medicæ  
non modicè prodest, in publicum prodi-  
turus esset, mihi uisum est indignum fore,  
si absq; tutore in lucem emitteretur, cum  
ipse



ipse (hercule a forte claua fretus) hoc negligeret, At ego cui patris monimenta cordi esse debent, Excellentiam tuam elegi dignam prorsus, cui dedicaretur, ac deuoueretur. Itaq; illum Excellentiae tuae uti Xeniolum elargior, atq; inscribo, neque hoc immerito, cum non solum te magnum reddant Auorum, ac Patris stemmata, sed & uirtutes illae, quibus es in hac tam tenera aetate armatus. Hilari igitur fronte illud accipias, Illustrissime Princeps, quod & si tua nobili praestantia indignum esse non ignorem: tamen humanitate tua fretus non uerebitur te illud dignum effecturum, ac benignè (ut tui moris est) recepturum.

Vale.







ANTONII MUSAE

BRASSAVOLI MEDI-

ci Ferrariensis.

SENEX, BRASSAVOLVS.



Ed videris ferè subiratus  
 Antoni. B R A. Imò ita lon-  
 gè abest: potiùs doleo de hu-  
 mana miseria, quæ adeò cæ-  
 cutiens sit, & mentis oculis  
 orbata, vt homines in illis magnifaciat re-  
 bus, in quibus magnificiendi non sunt, &  
 illa prorsus negligantur, pro quibus laude  
 digni essent. S E N. Nónne de hac materia  
 seorsum scripsisti? B R A S. Seorsum quidem  
 in libello, cuius inscriptio est, De æquali ho-  
 minum natura, & quare alter alterum ex-  
 cedat. S E. Optarem illius sermonis sum-  
 mam audire. B R A S S A. Imò (vt audias)  
 ab initio in finem vsque verba referam, ita  
 enim incipit, Vulgus, & imperitorum tur-  
 ba, recti, ac boni expers, Herculem Esten-  
 sem Principem illustrissimum admiran-  
 tur, illa capita nudant, sistunt obambulan-  
 te, & ferè stupidi defixis oculis intuentur:  
 huic



huic interim blandiuntur sapientes, non  
secus atque oraculum venerantur. cur hunc  
virum in summo rerum apice tam docti,  
& boni quā ignari, & imprudētes esse arbi-  
trantur? Est'ne vna ac eadem sapientum, &  
imperitorum causa? Absit, quippe hi talia  
profitentur, qualia sapientes vitio dant, &  
ceu fimo immersa criminātur: num & Her-  
cules homo est generationi, fato, ac trans-  
mutationi subiectus, quales cæteri morta-  
les, ut ait in Pimandro Trimegistus? certè is  
est mortalis, curis astrictus, omnibus mor-  
borū generibus expositus, & fortunę blan-  
dientis ac irritantis auspiciis. Quid igitur  
vulgus nouit, ut Herculem tanti faciat? ho-  
minem præsertim mortalem, curis, egritu-  
dinibus, & æstibus fortunæ additū? vulgus  
statim insusurrauit, Diues est Hercules,  
Princeps Illustrissimus, numis præpotens,  
ô insanum vulgus diuitias Herculi ante-  
ponis. nō illi, sed auro subscribis, Est'ne ma-  
gis homo, quia diues? nū insensato ac tur-  
pissimo homini diuitiæ cōtingere poterāt  
nū homines auaros reddunt? qui auari, nisi  
diuites? nū inuidiæ causa, factus, ac omniū  
malorū (ut in tertio de legibus volumine  
Plato scribit) propagatrices? & in quinto  
earundem legū libro argumentatur valde  
diuites, impossibile esse simul & probos  
Hinc



Hinc fortassis Seneca accepit, inferēs, diuitias parum bonas, utpote quę scelestissimis accidāt, propter has (ut in vndecimo de legibus Plato inquit) rebelles, atque truculētos hostes in pugna habemus. Vnde Demetrius Phalereus optimē diuitias nō modò cæcas, sed fortunam ipsarum authorem, posteris tradidit. Accedat huc Seneca, qui fortunam laudari iubet, si diues eris, nō te ipsum. nemo quia diues, honorandus nec diuitiæ bonæ sunt, aliter sceneremur, spoliemus, furemur, nec sacris parcendum: si diuitiæ bonę, deprædemur: nihil prorsus omittamus, quo breui diuites efficiamur: quisque enim monēdus est lapis, ut bona enāscamur: nullus hinc melior, quia diues: nullus præstantior, quia auri & argēti cumulos imperio dominetur, nulli opibus obtemperandum. Quid enim aliud aurū est, quā rubra terra: quod argētū, quā alba? his omnia male perpetratur, cogunt in infanda scelera, variæ hinc luxuriæ, & tam fordidiæ species, hinc homicidia, hinc desidæ, hinc bella, hinc fastus, hinc gulæ tam pestilentissima lues, hinc hinc iracundiæ, hinc omnium malorum radices, ô insanum vulgus, diues nō est paupere excellentior, non magis honore & encomio extollendus. Igitur nec Hercules, quia diues, adeò insigni laude ornandus est,



est, poterant hæ turpissimo cuiq; & scelestissimo vsu venisse diuitiæ, non sunt honoranda quæ accidunt, sed quæ hominis propria, laboribus ac sudore acquisita accedunt. sapiētes assentiunt, nos, inquit, non eo Herculem principem dignissimum veneramur, quia diues: sed quia diuitiis optimè utitur, magnificus est princeps, generosus, insignis: his magnificentiam ostendit, quā nemo nisi diues ostendere potest, nihil incuria prætermittit, ex his quæ magnificum virum reddere prodidit Aristoteles quarto Ethicorum, tractatu primo, cap. 2. Admirabilia animo ac opere struit, à quibus præcurta supellectile pauperculus abstinet. De dicat, publicos ludos splendide parat, hospites suscipit, alitq; ignotos, munera mittit, ea exorditur, quæ diuturno tempore extent, hinc gloriose Herculem prædicamus, hinc honoramēta, nō ex puro auro, non ex nudis virtute diuitiis, quæ nūquā homines, vel Iro magis præstātē efficiunt, nū & diuites Hebræi? nū & Turcæ? num & avarissimi quilibet? tamē decore ac insigni gloria carēt: at Herculis diuitiæ cæcæ nō sunt, verū acutè cernūt, quia prudētiā sequuntur, ut Plato primo de legibus inquit: Quid referā liberalitatis mirum in Hercule, atq; rarum decus? cui nō satis sunt tot diuitiæ, tā splendide



didæ, cur, quibus, quando elargitur, liber-  
alium virorū cōditionibus obseruatis. Nul-  
lam igitur vel ipse, aut quilibet alter ex di-  
uitiis nobilitatē habet, sed ex generoso il-  
larū vsu, sūntq; ad perfectam virtutē admi-  
nicula: quāuis hominum indiligētia in gra-  
uissima scelera & perfida ducant. primam  
sapientum, ac imperitorū rationē habetis,  
quā hi diuites splendide honorant, illi diris  
execrantur, ni generosa via, & insigni cura  
distribuant: nūc secūdm argumētum pau-  
cis accipite, Vulgus præcedenti commento  
alterū addit. Pulcher est corpore Hercules,  
hinc illum honoramus. ō magis insensatū  
vulgus, vnde pulchritudinē acquisiuit? labo-  
re, an naturā? num eādē natura parēs qui-  
busq; etiam turpissimis decorem præstare  
potuit? nihil est honore, aut vituperio di-  
gnū, quod naturā ortū habet. cur rectus lo-  
ripedem, & Aethiopem albus derideat? o-  
mnium pulcherrimus sit, modicū præstola-  
re, tanquā flos decider, nec eodem statu  
permanebit: flaccidus, obscurus euadet, quū  
canæ capitis niues fluent, quum rugæ ara-  
bunt frontem. num & pulchri sunt pleriq;  
mendici? num & meretriculæ pulchræ plu-  
res? num variis casibus decor amittitur? vt  
nunquā possit vel recuperari deperditus?  
Sed omnia secunda fluant, saltem ætas ipsa  
F pulc



pulchritudinem eleuabit, clandestinè formam suffurabitur. inter homines igitur Hercules primum locum nec occupet, quia pulcher, quin decor scelestissimorum scelerum causa est, vt prouerbio receptum sit, Nihil pulchrum castum. Post hæc sapientes Herculem non corpore pulchrum admirantur, sed animâ venustum, vt quicquid crusta hac corporea clarissimis imaginibus splendeat, totum anima excellentiori modo amplectatur, ne scilicet pulcherrimum domicilium, ornatam sedem non haberet pulcherrimus, & virtutibus ornatus animus: nec parum refert, Principem omni virtutum genere præditum etiam corporis specie ornatum, Virgilio in hunc ferè modum canente:

*Gratior est pulchro veniens è corpore virtus.*  
 Quanquã excellentia ingenij sub quacũque, vel turpissima lateat. Quoties Herculis illustrissimi Principis oculos intueor, quos habet fixos, non hinc inde inconstantis morè vagos, nõ fastuosi modo eleuatos, sed in humili terra pronos, videor videre gemina relucentis astri nitida specula, quibus animæ virtutes referantur, his illa oblectatur, his depascitur, frons spatiosa, genæ rubicundæ, os, barba, color, omnia vitutum summarum indicia sunt, quas verè habet  
 anima



anima per vniuersam Herculis molem extensa, quæ nec nimis est procera, sed cōmodè magna: nō exuberantis crassitudinis, sed musculosæ ac plenæ roboris concinnitate. Verùm hac parte videbor adulationis notã deprecari. latè longèq; absit, ne laudaturus quidem sum Herculem Estensem suis sat virtutibus laudatum: quin magis illum sibi tanquàm in speculo commonstraturus, vt seipsum noscat, qui iãdiu sibi ipsi displicet. Sapientes igitur non corporis pulchritudine, quæ cuius naturâ vsu venire potest, sed animæ decore, mentis pudicitia, pronò in virtutes ingenio Herculem extollunt. Ad tertium sapientum, & imperitorum argumentum festinet oratio. Accedit insuper vulgus. Princeps est Hercules, hinc illi obtemperamus, velut numen colimus. noui iam à puero vanissimum, & in diuerticula pronũ vulgus, num & Sylla princeps? num & Nero Imperator? hos nemo non afficit probris, in scelerum exempla, miseri adducuntur, num & pessimi fuere duces? Princeps est, quid inde? num hi morte oblitterantur? num ægritudines patiuntur? vulnera? febres? Gallicas scabies? nũ & comedunt? bibunt? excernunt? tetrius etiã quã vulgares? nũ sudores fluunt? foetēt alæ, atq; pedes? num & animi curis prauè afficiuntur? timent, amant, odio

F 2      habent



habent, frigent, calent? quid igitur inter principem interest atque seruum? quisque homo est, quisque rationale animal à Deo factum, ut postrema beatitudine fruatur, quisque eisdem corporis & animæ affectibus molestatur, quin principes magis, minus serui, utpote qui in delitiis nutriti fuerint, ut re modica disturbentur, quâ serui etiam in decuplo auctâ nullo discrimine afficerentur: nulli sunt inter mortales principibus derisi magis, continuo plausu subleuantur, quicquid mali agunt, rectum esse censent, nam assentatores habent, omnia ad vota ostēdentes, aiunt, aio: negant, nego: sapiusque id affirmant, quod totis viribus repellendum esset, & negant assequendum, ut principi (miserrimi & ipsi eâ conditione uiuentes vel magis mortui) placeât. magnus Alexander eò se hominem esse cognouit, quòd in bellis vulnere accepto, aliorum hominum more cruorem fluere vidit. Memini excellētissimum virum Nicolaum Leonicensem, mihi à primis philosophiæ rudimentis præceptorem, principes maioribus formicis comparantem populos paruis magnas sequentibus. Dices, multis dominantur hominibus: his imperât, iussa faceffunt. quid inde? num breui si iniquus, dæmonum multitudini inseruiet? ubi nunc magnus  
Alex



Alexander, cui nec sat erat vnus hic orbis?  
vbi Phœniceus Hannibal? vbi Romanus  
Cæsar? vbi tot celebres antesignani? Re-  
ges? Principes? nihil igitur refert an homo  
princeps sit, & magis refrænandi honores,  
si nulla virtute successerint: sed paterni re-  
gni hæres eligatur, quid hic insigne fecit?  
quid grande, quo cæteris hominibus exi-  
miè præstet? vulgus clanculùm murmurat,  
terræ, marique dominatur: ô insolentissi-  
mum, quid terra vniuersa? quid mare? si in  
cælum referes nisi punctũ, hoc est (inquit  
Seneca) id punctum inter tot gentes ferro  
& igne diuisum: in quo nauigamus, in quo  
bellamus, in quo regnamus: nemo est suã  
portione contentus, cùm cuique tres vlnæ  
super sint, hi in tam breui & curta semita  
hanc partem elegere, alteram illi, confinia  
ponũt, dissident in terminis, ad necem vsq;  
bellant, ceu perpetuò miseri tanquàm flo-  
res egredientes, victuri sint, ô ridiculi mor-  
talium termini, Dacus nõ exit Istrũ: Isthmo  
Samo thraces includuntur, Parthos fecat  
Euphrates, Danubius Sarmatica, ac Roma-  
na disternit, Rhenus Germaniæ finem  
statuit, Pyrenei inter Gallias & Hispanias  
copiosè distinguunt, inter Aegyptum &  
Aethiopas arenarum inculta vastitas iacet.  
Pro qua re bellant miseri? si quis formicis

F 3 homin



hominis intellectu cōdonabit, num & illæ aream vnā in multas prouincias dissecābunt? num huius gregis, & alterius, pro conciuibus vnā ex aduerso pugnabunt? videbis exercitum concitari, Martem cantu accendi, vexilla portari tanquā sint quid magni facturæ, exploratores instituent, excubiāsque, vt nihilo nisi corporis mole homines, & formicæ dissideant, pusilla sunt terræ spatia, quæ homines possident, aut quibus tyrannizant: Nemo igitur princeps aut Dux alios homines ex imperio magis excellit, nec ipse Hercules. Sequitur Philosophorum sententia, hi inquit, Herculem admiramur, non quia princeps, sed quoniam ea tentatæ perficit, quæ summum principem decent: munificus est, magnificus, liberalis, pius, clemens, cui vitiū omne displicet: à cunis vsque bonis artibus deditus, humanitati inseruit, turpe putat scire. nisi operibus exprimat, quod didicerit: non curat opes, non aurum, distribuit pro meritis, semperque esse mauult, quā videri: iustitia utitur, non summo iure: eleuat se nunquā in prosperis, nunquā in aduersis opprimitur: inimicis etiam fauet, nunquā vlla fuit voluptate corruptus. Aequū est ac sanctum, si quid ex eius ore manarit: nil nisi virtuosa insectatur. his cæteros



ros antecellit, quæ principem decent, non quia princeps, antecellit. Habes quid imperiti, & elcuationes tertio commento retulerint. nunc quam alteram ansam referant, audi. Vulgus inquit, adeò egregiè Herculem salutamus, qui ex nobili Estensium genere ortus, præclara editus familia, cum æuo, tamen illustrium virorum antiqua, summo loco natus est, insigni patria. Nunc quoque delirum es vulgus: num patria nobilissima Roma? num Athenæ? verùm quot Romani, quot Athenienses turpissimi in scelerum luto ceu sues inuoluti? quot mendici? quot desides? & brutis ferè similes? num hi magis probro digni, quàm qui in asperas cotes, inter dumeta, & inuias alpes nati, si virtutibus incumbant: quot summi proceres inter rusticos nati, humili cibo educati, quorum insignia nec tam longa temporum curricula obliterare poterunt. quo loco natus est sospitator noster Christus? num humili? num tenui, & vili? è contrario quot imprudentes, sordidi, illiberales, truculenti, instabiles, perfidi, procaces, sublimi vrbe nascuntur? inter spectatiora palatia, & celsa atria festiuè, nulla absente delitiola nutriuntur? num supernum idem est vbiq; cælum? num terra eadem



dem? fontes? flumina? cuius portio inexpeditior videbitur, & minus honore digna, in qua omnia non nascuntur, & addent urbis antiquitatem non nihil referre, quid hæc ad homines? eadem ratione omnem terræ partem execraberis, quum nullibi omnia, sed ubique desint quædam: imò in illa terræ parte, cui plurima desunt, illustriores homines fiunt, dic etiam, quæ magis antiqua tellus? num Deus aridam solo nutu creauit? quid refert lapides, hac norma iam diu fuisse dispositos? idem est solum, quo struuntur ubique, quid virtuti addunt conditæ ædes? quid ampla palatia striatis columnis plena? hæc non nisi ad luxum spectant, luxuriæ opera sunt. volue parum, volue priscorum historias, disce quibus tuguriis habitarent antiqui proceres, arabant Duces exercituum, terras colebant, breui agello viuebant vniuersi orbis dominatores. Vanitas est humana, quæ ex antiquitate vrbes insigniuit. laudentur hinc montes, nam & primordio nascentis mundi diuina ope facti, laudentur maria: longè feliciores sunt, qui nec ciuitate vel domo egent, sed æquale cœlum habent: nunquam illis frigus, nunquam calor, quin tolerari possit, Solis umbraculis cōtenti sunt, sub dio viuunt; stellas noctu



noctu, quum somnus abest, cōtemplantur:  
astrorum motus observant, cōlestes ignes  
intuentur, quippe nulla est sine igne nox. id  
nunquā silentio prātermittendū est, cui-  
dam prā patria glorianti, sum, inquit, ma-  
gnæ vr̄bis ciuis, Aristoteles dixit, noli hoc  
attendere, sed an dignus sis magna & illu-  
stri patriā. Et cō vsque insensatum est vul-  
gus, quod ex agnatione Herculem extollit,  
vna est omnium prosapia: ex vno venimus  
patre: in vnā antiquā matrē tendimus  
terram. Vanum est sanguinem spectare: va-  
num magis prosapiæ fidere: vanissimum  
cognationes iactare, tanquā meliores aut  
peiores homines reddiderint, si mendicissi-  
mum quēque spectabis, placeātque in or-  
tum & prosapiæ limen adducere, in Regem  
incides, aut Principem, saltem primum pa-  
trē attinges, cuius omnes filij sumus. Quot  
Regum filios seruis etiam ancillari putas?  
num & regum spurij Regis filij sunt? quid  
prosapia? elatiorēs reddit, fastuosos, re nul-  
la turbulentos, tumidos, inquiunt à nobili  
progenie ortum duxi, quare parentes lau-  
dandi sunt, non ipsi (nisi boni sint.) Homi-  
nibus rationem deme, cuius prosapiæ erūt?  
ratio vt ab inuicē secernentur in causa fuit,  
non generis nobilitas. Hinc hi Atestini, illi  
Biulaquæ, alij Taxoni, aut Contrarij, aut



Trotti appellantur, ô quàm feliciores erāt,  
ac plenæ virtutum antiquæ illæ profapiæ à  
re tenui nuncupatæ, Pifones inquàm, Cice-  
rones, Rusticelæ. Abstine igitur, abstine  
vulgus Herculem ex genere aut patria ad-  
mirari: neminem his imaginibus excellit,  
homo est & ipse, æque sub cœlo natus, Ate-  
stini cognatione distinctus: quin accidere  
potuit, vt Aragonensis, vel Merulus dicere-  
tur. Ex aduerso prudentes, non ex nobili,  
& antiquo genere, non ex insigni patria  
Herculem venerantur, sed honoramus, in-  
quiunt, agentem quæ illustribus & digna  
patria ortos viros decent: nil nisi honestum  
animo volutat, nihil nisi illustre ac immor-  
talitate dignum. Videor videre Herculem  
Estensem passim historia decantari, post  
hæc variis virtutibus tanquàm antesigna-  
nus adduci: verè antiquorum imagines præ  
se fert, eorum virtutes imitari potest, quia  
doctissimus: vult, quia optimus: efficit: quia  
diligentissimus: virtutes sequitur, & adeò  
plenus est, vt regurgitent: aulicorum ille-  
cebras nouit: nouit adulatorū blandimen-  
ta: præmuniuit se tanquàm contra Circes  
pocula, aut Syreneos cantus dimicaturus.  
virtutes profapiam reddunt excellentem,  
non has profapia. His homo est honore di-  
gnus, non genere, non patria, quæ sæpius  
est ob



est ob socios prauorum hominum causa. Ad hunc ordinem quintam referamus breui pede sententiam: vulgus iterum clamat, Herculem honoramus, quia parentum clarissimis vtrique imaginibus illustris euasit, Alphonso inquàm patre, heroë cum quouis etiam veterum comparando, & Lucretia matre, non minoris quam Lucretia Romana pudicitia, vt omittam interim auos abauósque insignes, vt fileam vtrunque parentum affinitatis ordinem, nam hæc quid ad hominum mores? quid ad bene beatęque viuendum? Est profectò Illustrissimus Alphonfus vir magnificus, liberalis, pius, iustus, clemens: quanta fuerit genitricis Lucretia pudicitia, quantæ fuerit benignitatis affecta mulier noui ego: Plura item docuit Ioānes Brassauolus mihi patruus, vir adeò verax, vt illi (ceu alteri Zenoni) sine iureiurando credatur. Hæc verò nihil ad summam, si indigna probraque Herculi placuissent. id est ni mentem fœlicissimam nactus esset virtutibus arculam, non tot genitoris aut genitricis mores suffecissent, non auorū exēpla, quam non parum ad virtutē adminiculum dare possint: ô fœlicissimi parētes, qui non modò hunc Herculē genuere, sed Hippolytum & Franciscum, ac Alexandrum, quem  
adeò



adeò Christus amauit, vt ante annos & nimis præcocem raperet: quos enim (inquit Xenocrates) Deus amat, citius ad se reuocat. Sileo interim huius Alexandri imagines, puer erat, quum Deo placuit, puer inquam annis, nihil tamen puerile habebat. nihil in eo erat non dignum futuro principe. Veruntamen nemo sapiens ob hæc Herculem honoraret, quin si vitiis abundaret, plurimum detraherent: ceu qui patris, matris, auorum, fratrum, digna præ oculis haberit immortalitate simulacra, & nihil profuerint hæc tam efficacia virtutis exempla. Ast sapientes genitorem deserunt, genitricem non aduertunt, post habent atavos, fratres omittunt. His enim nec Hercules, nec alter honore aut triumpho dignus est. nos illum celebramus, quia dignus tanto patre, tanta matre filius, dignus Hippolyto & Fracisco proceribus frater, in quo omnium auorum atavorumque virtutes adeò repullularunt, vt pro cunctis vnus ipse sufficiat: priscorum stemmata, & virtutes, sed pressiori ampliorique gradu resignatæ in vno hoc Hercule reſeruatur. Hæc Herculem heroicæ maiestatis illustrem reddunt, non ipsi parentes, quanquam non parum sit momenti illustres genitores habuisse, quorum imaginibus filij innitantur. Verum ad reliqua  
prop



properemus. Iam vulgus sibi alterū parauit in hoc discrimine commentum: Illustrior est cæteris Hercules, quia vir fortis, validus corpore, membris, & naturâ agilis. Ô obumbratissimum vnâ & ineptissimum vulgus, qui robustiores baiulis, aut rusticis fortiores? onera subeunt intricata magis & grauiâ, quàm ille sufferret: sustinent pondera, quæ nec ille vel pusillum mouere posset: hos autē nihil extollis: hos nihil honoras. Quia funambuli, saltatorésq; hunc agilitate superant, quos nemo cæteris hominibus præstare arbitrâtur: imò Christiani probro dât, ceu paradisi neglectores. Sed vulgus in aurem insusurrauit: Hastam ad perpêdiculum in lusibus gestat, caput ferit. Quid hæc ad beatè viuendum? neminē legi hac re apud historicos laudatū, hinc nec bonus homo, aut prauus efficitur. Nullum igitur ex corporis robore, aut membrorū agilitate encomio decantabis. Accedunt sapiētes, Herculem (inquiunt) laudamus, qui alios nec ieiunè, nec frigidè animi fortitudine excedit: vitiis refragatur, virtutes recipit, & eò recipit, quò vtatur, ne absque vsu cognoscat. Hæc est vera circa alias virtutes fortitudo, quam in Ethicis Aristoteles cantat: audet circa terribilia, si necesse fuerit, iniurias patitur, non obseruat cedentes, ea patitur



titur quæ alij, vel momento sufferre nequeunt, modò eius honoris nihil auferant, nihil bonæ famæ, pro qua ad necem vsque pugnandum, Diuo Hieronymo in Iouinianum quarto libro admonente: tamen ablegandus est quotidianus hominum mos, pro fœmina pugnant, & nequaquam vxore, sed impudica. Proh pudor, nulla imminente causa in duellum descendunt, pro famulo pugnât, nemo patriam curat, lancinari sentiunt, nec linguâ mouerent, nō dico ensē stringerēt. nemo pro fide pugnat: quin vnâ Hebræi, Turcæ, Christiani, Hæretici, Christo maledicunt, execrantur, Christi partes derelinquunt, nullus pro Christo ensē acuit, nequeunt etiâ fratris verbulum tolerare, qui stercoris cloacam in corpore gestant, nequeunt vel minimo sensus stimulo refragari. hæc est illustris & certa victoria, præclara & honesta fortitudo, seipsum vincere. hac pollet Hercules. hac à doctis & probis honoratur, non stabili & firmo corporis robore. Quid his immoror? iam alterius causæ caput addamus, inquit vulgus: Præstat Hercules, quia sanus corpore, nullis perturbatur angoribus, valetudinē optimè seruat. ô inanius ampulla, & leuius pluma vulgus, quid egregium est in homine sanitas? Si animam spectabis, sanitas ad materiam



riam pertinet, quæ sapius est multorū scelerum causa, ut Cebetes optimè sua in tabula pinxit, Baiulos cæteris præpone salute ipsa salubriores, præpone rusticos omnium in victu inordinatissimos: nudi in nuda terra dormiunt. Cibos comedunt, nihil nutrimenti ferè accommodantes, pane etiā secundario, & vappa cõtenti, iugi labore fatigantur, imbres nihil timent, nihil pluuias, nil gelidas hyemes, aut æstuosos caniculæ Soles, & tamen integra sanitate fruuntur. Nemo igitur hac re laudandus, nec ipse Hercules, quam sorte habuit, & citò casuram. Sapientes verò è cõtrario inquirunt: Non quia sanus sit, Herculē veneramur, at ad optima opera hac sanitate vtitur, nihil est ipsi antiquius, quàm bonis ancillari, quibus inserviens, omnium dominus fit, non enim quo ad mores, sapientes sanum esse & validum melius arbitrantur, sed pro seruandis utile. quin Cynicus ille Diogenes, nūquàm inualidos, surdos, cæcos, debiles appellabat, sed imperitos, quos philosophi homines non putant, nisi eadē ratione, quā lapidea simulacra homines dicuntur. id est, voce ipsa, re minimè. Hinc dicendi ansam vulgus accepit, Herculi obsequimur, qui scientiis, & doctrinis abundat, eas enim longo sudore acquisiuit, Grammaticus est, Poëta, Orator, Dialect



Dialecticus, vniuersam cyclopediā habet.  
Nunc vulgus vanissimum appellare absti-  
neo, at nō mihi tempero, quin pinguis Mi-  
neruæ appellem, quippe vera bona secer-  
nere nescit, quot sunt huius generis pessimi viri? nihil grāmaticæ deest, nihil Rhe-  
torices, nihil Dialectices, nec (vt dicam in  
summam) liberalium artium canonum: at  
scelestissimi sunt, à luxuria dimoueri non  
possunt, ab inquinatissimo sodomiticæ la-  
bis vitio, fastuosi euadunt, ac sciētiola non  
non minus sitiunt aurum, quàm auarissimi  
& imperitissimi quique pro hoc vno su-  
dant, peierant, fraudant, calumniantur, bel-  
ligerant, occidunt, non minus addicti sunt  
fœdis voluptatibus, quàm imperiti. Quid,  
quæso, superest, quod hos ab indoctis di-  
stinguat, præter titulum & pauculas lite-  
ras, quæ nihil aliud sunt, quàm igneus, &  
acutus in manu stulti & furibundi gladius?  
Has verò non adeò vilipendo, quin vtilēs  
etiā admoneam. Cebetes quàm optimè di-  
xit, sicut placuerit ad bonas disciplinas ire,  
eiusmodi scientias habere, vtile est: at nihil  
necessē vtilēs (Plato inquit) velut fræna,  
quæ feroces & instabiles iuuenum animos  
tenent, nē ad alia vertantur: nil verò impe-  
dit, eosdem ebrios esse, intemperantes, aua-  
ros, iniustos, proditores, & tandē insipien-  
tes.



res. plures certè eius generis videre licet. Sunt igitur magno vsui sapientes, vt Chrysippus ait, nemo autem his prudentior euadit : quàmquam Zeno Cyprius in primo reipublicæ, liberales artes inutiles scripserit, addideritq; solū studiosos esse liberos. vir hic nihil aliud sentit, quàm ad verū hominis studiū, vt meliore euadat, ad felicitatem recipiendā, nihil afferre momēti, licet ferores animos remorentur. nemo igitur quenquam aut Herculem his scientiis, ne dicam literulis, magnificat. Mox prudentes accedunt, Herculem honoramus, inquiunt, qui liberales artes degustarit, tanquam in veram sapientiā, & felicitatem adminicula. modicè hic sistit, quin ardua philosophiæ secreta quærere mauult, naturæ abdita inuestigare, more Socratis (posthabita vulgarium & imperitorum via) naturæ obscura in mores reducere cupit, honestas speculationes tradere. Decet virum liberum, Plato inquit septimo de legibus, numeros in primis addiscere : quos dictæ artes sequantur, ad verā disciplinam tramites, & quasi irritamenta illa, inde vera disciplina respublicas gubernare docet, & Reges eos mores imitari debēt, quos subditos sequi volūt : nā omnium scelerum, & bonorum princeps causa est. Proinde quid aliud est Rempubicā tē-

G per



perare, quàm sedulo quodã naturæ ordine  
sapientia moderato, cūcta disponere? hanc  
partem iam nouit Hercules, cōsiderat iugi-  
ter, & nulla nō hora speculatur. De his verò  
nūquàm satis: sed iterū clamat vulgus, Di-  
gnus est honore Hercules, quē Rex Gallia  
Franciscus amat, colit, obseruat, cui applau-  
dit, secum domesticè loquitur, à secretis vti-  
tur, vnà comedunt, obambulant, sodalis est,  
& comes, ô infelicissimum vulgus, qui est  
Franciscus Gallia Rex? num homo & ipse  
mortalis? omni noxæ subiectus & curis?  
quid illi dare potest, vt melior aut felicior  
euadat? Diuitias, inquit, non sunt bonæ di-  
uitiæ, nec meliorē hominē reddunt, nullus  
igitur, vel ipse Hercules corolla dignus est,  
quia Regis, aut Imperatoris domesticus sit,  
à secretis habeatur: num & histriones prin-  
cipum domestici sunt? num mimi? & fatui  
quos in delitijs habent? sapientes verò Her-  
culem magnificiunt, quem insignis Rex o-  
mnium sapientissimus, omniū prudentis-  
simus sibi in domesticum elegerit: eius iu-  
diciū tam acre est, tamq; promptū & ab-  
solutum, vt quē ille elegerit, nequeat nisi vi-  
rorum maximus esse, nequeat nisi in virtu-  
tem culmine remorari: nō potest sapiētissi-  
mus nisi sapientes, prudentissimus nisi pru-  
dentes, moralissimus nisi moratos eligere,  
& in



& in propria cōsuetudine detinere. quis impudicus non expaneat ante conspectū? quis moratus nō magis ad virtutes animetur? ō felicissimum consortium, quoties nobiles illi atq; moratissimi viri vnā confedent: videor videre potētissimum Regem medias partes occupantem, veluti Solem splēdescere, cui reliqui procures seriatim in coronā tanquam lucentissima astra assunt, cœlestem patriam imitantes: Herculem igitur sapientes admirantur, quē Rex tam sapiens elegerit, moratissimum inuenerit, in bonis perseverantem obseruet. Ad hunc ordinem vulgus addit, Herculem colimus, quem pulcherrimæ amasiæ, delitiosæ virgines singulari beneuolentia prosequuntur: ō leuissimum vulgus: file, file: nullo monitore indiges, magnoperè destitisti: hoc argumento adeò vanè & indecore locutum es, vt deinceps quicquid dixeris, audire noluerim. Aequè est atque illud, Herculem laudamus, quia vitiis magis abundat, quia his turpibus delitiolis vacat: nūquam ad mala non pronum fuisti vulgus. Hercules equidem amatur à pulcherrimis & quibusque turpissimis, nobilibus, & ignotis colitur, optimis virtutibus coguntur, non delitijs, non venereis irritamentis, amicæ Herculem diligere, quia pulcherrimæ pulcherrimum



amant, optimæ optimum colunt, honestif-  
simæ honestissimum venerantur, num &  
muli mulos se scalpunt? & suam cornicem  
cornix amat? nec igitur mirum, si hic unde-  
quaque insignis ab insignibus & pudicis  
charus habeatur: nolo amplius tua nuga-  
menta audire vulgus, sat erit mihi, neminē  
ratione, qua homo magis altero natura,  
præstare: omnes æquales sumus, omnes eo-  
dem filo iuncti, eodem colore signati eisdē  
animæ & corporis subiecti affectibus. diui-  
tiæ nihil conferunt, parentes, affinitates,  
pulchritudines, agilitates, principum dile-  
ctiones, corporis fortitudines, scientiæ libe-  
rales: hæc nec bonum nec malum, illustrē,  
vel turpē hominē reddit, sicut autē impetus  
insit æquales vincere, & longo, interstitio  
superare, ea agat, quæ Hercules, id est virtu-  
tes ad ipsos usque cineres sequatur, earum  
sectatores canter, vitia pedibus alatis fugi-  
at. sunt autem virtutes, quas imitari debet,  
Fortitudo, Temperantia, Decor animi, Li-  
beralitas, Spes, Fides, Iustitia, Charitas,  
Magnificencia Magnanimitas, hæc, homines  
(ut pacis expediam) officiosē commendāt,  
his in mortales habentur, omni ætati ac-  
commodantur. omni generi, omni patriæ,  
omni vitæ instituto. Denique quisquis ani-  
mum his virtutibus sua sagacitate præsti-  
terit,



terit, splendidus efficitur, singulari vigilan-  
tiâ illustris, summâ prudētiâ felix. vt cum  
Horatio primo epistolarum libro canam:

*Ad summam sapiēs, vno minor est Ioue: Diues,  
Liber, Honoratus, Pulcher, Rex demq; Regū.*

Postremò Hercules Princeps moratissimè  
nihil hoc theatro infimulauit, nihil sum-  
adulatus, longè absunt blandimenta, nihil  
à nobis scriptum est, vt te laudarem: sed vt  
te ipsum tibi velut in speculo cōmostrarē:  
vides quam felicissimam mentem, quam  
dignam tuo corpore illustraueris: hinc dis-  
pendiâ imminet, hinc turbatiora inuolu-  
crani acriùs extollendo animo studeamus:  
ni velo & remis incumbamus: & adeò in  
hac re solliciti simus: quòd non sine magno  
fœnore virtus crescat. vale Princeps Illu-  
strissime: Patrone insignis vale: & quū nō  
nihil otij dabitur nostra hæc nugamenta

lectitare ne pigeat. s e. Hæc quæ enarraſti  
tam vera sunt, vt nihil magis verū inue-  
niri possit. at placētne tibi vt de cerotis a-  
gamus? B R A s s. Vt lubet. s e n. vnde dicta  
sunt cerota? B R A s s. Cerata potiùs dicen-  
da sunt, à cera, nō cerota, quanquā & Græci  
κηρώτη, nomine vtantur, & ab eisdem à cera  
& oleo vocentur κηρέλαια. s e. Ob quid cera  
his cōpositionibus adhibetur? B R. Vt oleū  
cōtrahat, & diffluere nō finat, sed prōptiùs

*Dialogi  
finis.*



inhærere possit, & prætereà, vt emolliendi vim compositioni præstet: habet & vim explendi. De olei ad ceram proportionem non. nihil à Paulo scriptum est libro septimo. cap. decimosextimo. s. e. Illa ergo quæ linimenta vocantur, cerata sunt? BRASS. Cur hoc dicis? s. e. n. Quia cera & oleo conficiuntur, & nonnullis pulueribus vel succis. BRASS. Cerata prorsus sunt, sed sunt tenuiora cerata, & quæ vehementer non inhærent, iuxta Galeni sententiam, at secundum recentes cerata solum illa sunt, quæ valde inhærent, & quæ supra corium extensa semper maximè inhærent, consistentiamq; habent & duritiem quampiam, qua linimenta carerent: licet oleum recipiant, atq; ceram. At de his nominibus à nobis digladiandum non est, sed hoc tantum sciri debet, cerata oleum & ceram recipere, & plerumq; sunt linimenta, quæ vehementer non inhærent, vt cum multum olei receperint. s. e. n. Quoties à Medico in compositione aliqua ponitur cera, & indicitur hoc modo, adde modicum cere tunc pono ceram ad decimam partem vel duodecimam ad oleum. BRASSA VOLV. Quantam cere copiam ponis, cum dicitur, cere quantum sufficit? s. e. Certa regula careo, sed experientia video quantum satis est, & paulatim augeo. BR. Debet poni quarta cere



ta ceræ pars, vel saltem quinta ad oleum, si conueniens ceratum fieri debeat, recipiunt que ferè semper resinam aut terebynthinā cerata: quia nostro tempore supra corium extenduntur, & alicui parti applicantur, nec deinde faciliè dimoueri possunt. nunc verò de ceratis loquemur, vt nostro tēpore hoc nomen subeunt, & quæ sunt in publico vsu, & in publicis reperiuntur pharmacopoliis. **S E N.** Sunt paucissima numero cerata, quæ passim apud pharmacopôlas seruantur. **B R A S.** Quotquot sint, tu illa singulatim propones, nos autem breuibus si quid erit circa illa explicandum, corrigendum ac immutandum, explicabimus, corrigemus atque immutabimus. Verùm si lubet, in hunc angulum secedamus, ne quisquam sit nobis impedimento. **S E. I** præ, sequar: iāmq; sed eas, nam è crumena schedā depromam, in qua cerata omnia descripta sunt, quæ à nobis seruantur. **B R.** Depromito, vt lubet. **S E.** Hæc est, quam in tuas manus pono. **B R A.** Lega tu cerata, vt in ordinem redegisti.

**S E N E X I I.**

Ceratum stomachale primas occupat partes. **B R A S S A.** Hoc vnum est ex illis ceratis, quod apud vnumquenq; pharmacopôlam diuersum est, nam vnus compositionem

G 4 vnam



vnā sub hoc nomine seruat, quā alij haud  
seruant, sed & ipsi suam habent cerati sto-  
machalis compositionem: veruntamen ā  
tuo incipiamus: quōdnam seruas tu huius  
generis ceratū? s E N. Hoc, quod sequitur:

℞. Mastiches ʒ j.

Laudani ʒ iiij.

Aloës

Macis

Cariophyllorum

Spicæ

Piperis albi

Cardamomi

Galangæ

Cinnamomi

Florum labruscæ

Coriandrorum præparat.

Gallæ moschatae

Myrtillorum

Sumachiorum

Antheræ

Singulorum ʒ j.

Mentæ siccæ

Rosarum rubrarum

Absinthij

Corallorum rubrorū

Singulorum ʒ iiij.

Olei de spica

de absinthio

Sing



Singulorum ℥ β.

Resinæ, pini ℥ viij.

Ceræ nouæ citrinæ ℥ iij.

Misce, & fiat ceratum secundum artem.

**B R A S.** Ignoro quomodo vnica olei vncia ad ceratum conficiendum sit satis. **S E N.** Ego addo quantum mihi videtur. nam est pauca prorsus olei quantitas ista, quæ ceratum ingreditur. **B R A S.** Nonnulli sunt, qui ex eisdem conficiunt ceratum, sed ita in pōderibus à tuo differunt, nam ponunt, mentæ, rosarum, absinthij, corallorum, singulorum ℥ iij. olei de spica, de absinthio, singulorum ℥ j. resinæ pini ℥ viij. ceræ nouæ. ℥ iij. **S E N.** Hæc non videtur magna differentia: at in pharmacopôlæ dexteritate consistit, de his magis & minus addere, vt cerati formam aptent, & pro maiori ac minori horum copia tenacius sit, ac minus tenax ceratum: nam quantò minus olei recipit, tantò maiorem habet consistentiam, neq; defluit, neq; liquefcit. **B R A S.** Alij sunt pharmacopôlæ, qui hoc nō seruant ceratū, sed aliam habēt compositionem. **S E.** Quæ nam est? **B R A S.** Hæc, quæ sequitur.

**R.** Mastiches ℥ j.

Mentæ siccæ

Absinthij

Rosarum rubrarum

G s

Aloës



Aloës

Myrrhæ

Terræ sigillatæ

Singulorum ʒ ij.

Cariophyllorum

Myrrhæ

Piperis

Cinnamomi

Galangæ

Florum labruscæ

Fu, id est Valerianæ

Myrtillorum

Sumachiorum

Antheræ

Coriandrorum præparato.

Cyperis

Galliæ moschatæ

Cardamomi maioris

Singulorum ʒ j. ʒ ij.

Resinæ pini lb j.

Olei mastichini

myrtini

de cotoneis

de spica

Singulorum ʒ j.

Misce, & cum cera fiat ceratum secundum  
artem. s e n. Et in hoc videtur esse pauca  
oleorum quantitas. B R A S. Nonnihil plus  
adiicitur, si sit opus. s e n. Multum differt  
eiusm



eiusmodi compositio à mea. BRASSA. Ta  
men non est abiicienda neque negligenda.  
SE. Non negligo, Sed miror tot esse apud  
pharmacopôlas compositionum diuersita-  
tes. BRAS. Nunc vehementius adinirabe-  
ris, quia alij sunt, qui sequentem seruât sub  
nomine cerati stomachalis cōpositionem.

℞. Mastiches ʒ iiij.

Aloës ʒ iiij.

Cariophyllorum

Spicæ

Croci

Myrrhæ

Piperis albi

Cardamomi

Galangæ

Granorum paradisi

Cinnamomi

Calami aromatici

Florum labruscæ

Mentæ siccæ

Absinthij

Rosarum

Singulorum ʒ ij.

Corallorum rubrorum ʒ iiij.

Olei nardini

de spica

de absinthio

de cotoneis

Sing



Singulorum ʒ ij.

Ceræ ʒ iiij.β.

Resinæ pini ʒ vj.

Misce, & fiat ceratum.

s. Ego potius ita confici iuberem.

Ceræ

Resinæ

Quantum sufficit.

Misce & fiat ceratum.

Quare horū quātitas haud probè adducitur? B R. Verūm profectò dicis, tamen & statutū pōdus ac certū assignari potest. Sed & alij sunt pharmacopōlæ qui hoc seruant.

℞. Specierum aromatum ʒ β.

Picis naualis

Resinæ

Singulorum ʒ j.

Misce, & fiat ceratum secundum artem.

s. E. N. Quid intelligunt per aromatum species? B R A S. Aromaticos pulueres, quales, cinnamomi, gingiberis, cariophyllorum, piperis, & similium. nonnulli verò sunt, qui ad hunc vsum, ceratum de laudano vocatum, seruant, & cū stomachale ceratū indicitur, hoc præbent, quia ab authoribus dicitur valere in frigidato, atque imbecillitato stomacho, vīmque concoctricem roborare, & dolores qui à flatu oriuntur, auferre. cuius compositio hæc est:

℞. Men



℞. Mentæ

Rosarum rubrarum

Abſinthij

Ligni aloës

Maſtiches

Cinnamomi

Spicæ

Myrtillorum

Singulorum ʒ iij.

Cariopyllorum

Galangæ

Nucis moſchatae

Macis

Gingiberis

Gallæ moſchatae

Singulor. ʒ ij.ß.

Cyperij

Calami aromatici

Olibani

Aloës Myrrhæ

Corallorum rubrorū

Singulorum ʒ j.

Zedoariæ

Terræ ſigillatæ

Abrotani

Centonici

Centaureæ maioris

Singulorum ʒ j.ß.

Laudani ʒ viij.

Ceræ



Ceræ citrinæ lb ij.

Terebynthina ℥ viij.

Liquefiant cera, terebynthina & laudanum simul, reliqua verò in puluerem redacta misceantur. s e n. Eiuscemodi compositio aliquid habet cum aliis commune. B R A S. Habet etiam aliquid proprij, quo ab aliis distingui potest compositionibus. alij sunt pharmacopôlæ, qui Mesue ceratum seruât, quod ipse Galeno attribuit, cùm ait: Ceratum Galeni stomachũ confortans, & emendãs vitia stomachi, quæ ex frigiditate sunt, præparans & confortans appetitum, & digestionem cibi, & confortans hepar, & sedans dolorem eorũ. Hæc, Mesue. s e. Optarem potius vt Mesue compositionem adduxisses. B R A S S. Et hoc efficiam: illam igitur audito:

℞. Rosarum ℥ xx.

Foliorum absinthij sicci, ℥ xv.

Mastiches ℥ xx.

Spicæ Indæ ℥ x.

Terantur hæc subtiliter, & accipe,

Ceræ mundæ ℥ iiij.

Olei rosacei lb j.β.

Dissoluantur ad ignem, & lauentur lotionibus pluribus aqua rosacea, deinde iterum dissoluantur, & lauentur vino veteri, succo citoneorum & paucò aceto, postea misc



misceantur cum pulueribus, & fiat ceratum. s e n e x . Quænam compositio tibi magis placet, & quam potius probas? b r . Nullam, quia diuersi affectus ventriculo contingunt, propterea non semper eodem cerati genere indiget: & quia affectus per magis & minus differunt: idcirco cerata diuersa habere oporteret, per magis & minus differentia: vnde optarem vnumquam Medicum, tunc ceratum conficere, quando eo indiget, vt ad rem ægroti quem curat, facit, & plus vel minus addere, vt illi videbitur: & quandoque magis calefacere, quandoque minus, quandoque vehementius exiccare, quandoque minus, quandoque pressius constringere, quandoque minus præse. & idem est de apertione iudicium: nam pedes omnes non sunt vno calciandi calopodio, neque omnes vnā & eandem habent ventriculi temperiem, neque vnus & idem est lapsus. propterea quantum sit de stomachali cerato seruando, nulum seruandum iuberem: sed maluerim vt vnusquisq; Medicus, secundum ægroti, quē curat temperiem, & affectum ipsum ceratum quo indiget, indiceret. s e . Reperiturne apud antiquos ceratum stomachale? b r a . Cur hoc petis? s e n . Quia Mesue dicit ceratum quod refert esse Galeni? b r a s s a . Nunq



Nunquam apud Galenū talis generis ceratum inueni, quale illud quod Mesue adducit, secundum Galenum: tamen adest apud Galenū stomachicū ceratum, nā in octauo Methodi medēdi libro, post dimidias ferē libri partes, vbi ad stomachum imbecillum præsidia ponit, cū inūctiones diuersas adduxerit, inquit: Si verò qui afficitur cinctum non patitur, siue ob consuetudinem, siue delitias cingi recuset, licet cerato idem efficias. Est autem in eiusmodi vsum optimum, quod ex cera fit Thyrrhenica in vnguento nardino liquata, cui postquā refrigeratū est, aloës ac mastiches molissimus puluis est admixtus: debet autem singulorum hic esse modus, ceræ ac nardi partes pares, aloës pars octaua, sic etiam & mastiches, vel (si placet) huius paulò aliquid plus. Quod si cerato aliquid ē sumptuosius his vnguentis admisceas, præstātius medicamentū habebis: si autem ventriculus intus vritur, ita vt affectus quidam phlegmone similis in eo consistere videatur, vtilius est ceratū quod ex melino cōficitur. Sunt porrò & alia medicamenta nō pauca, alia quidē ex ænante, alia ex hipocystide, & balauistiis, & palmarum carne cōfecta, quæ vetriculo cū refrigerando, tū verò firmādo sint idonea. Hæc Galenus de suo cerato stomachico, in octauo



oſtauo Methodi medendi libro. Verùm & de ipſo etiam agit in oſtaui libri initio de compoſitione medicamentorum ſecũdum locos, cũ ait: Ceratum igitur quo aſidue vtor, ex aloẽ, & maſtiche, & cera pontica amara, atque vnguento nardino conſtat. componitur verò hyeme ad octo drachmas ceræ, vncia vna menſurali Romana vnguẽti nardini cõiecta. Aſtate autem ad ſeptem eadem vnguẽti proportionẽ. optimum autem vnguẽtum eſſe oportet quale antea quidem in ſola Laodicea Aſiæ præparabatur, nunc verò in aliis multis Aſianis vrribus componitur. Cera ſi non pontica amara tibi in promptu ſit, aliam Ponticam coniice, & neque illa præſente, eam quæ Tyrrhenica appellatur. Si verò neque hæc adſit, aliam aliquam odoratam & pinguem. Si verò neque talem habẽas, eam quam habere potes, lotam adde. liqueſcat autem in duplici vaſe, atque ita refrigeratum, & eraſum ceratum, cum tritiſ reliquis probè permiſceas, cum aloẽ videlicet & maſtiche. Sit autem vtriuſque drachma vna & quædoque plus, nõ tamen vt ſeſquidrachmam tranſgrediaris. Quòd ſi ampliori opus ſit adſtrictione, nimirum debilitate tanta exiſtente, vt cibũ retinere non poſſint, omphacium pari pondere addatur, vt triũ ſin-

H. guloꝝ



gulorum drachma sit vna, aloës vna, masti-  
ches vna, & tertia omphacij. Cæterum in  
cerati præparatione, primùm omphacium  
misceatur, deinde etiam alia his vniatur. at  
verò quemadmodum omphacium, ita ab-  
sinthij succum admisceto, quandoq; etiam  
ambo, & tertium insuper hypocystidis, &  
quartum cœnanthæ: sic autē appello vitium  
syluestrium germen vnà cum floribus, ex  
quo succedentibus diebus vna fit, quin &  
Rhois succum non rarò admiscui, sed & ce-  
rati nardini copiam augere oportet, iuxta  
proportionem numeri reliquorum phar-  
macorum, ita vt si quatuor drachmæ alia-  
rum rerum accumulentur, triens sit nardi-  
ni cerati, sextans quidem ceræ, sextās item  
nardini vnguenti, hoc est vtriusq; drachmæ  
sedecim, quem Paulus secutus est. **SEN.** Ce-  
ratum igitur quod Mesue ex Galeno addu-  
cit, Galeni non est? **BRASS.** Non quòd sciue-  
rim, aut vnquàm inuenerim, imò argumen-  
tum est non esse Galeni, quia illa quæ com-  
positionē ingrediuntur, aqua rosacea lauat.  
Constat verò Galeni tempore, rosaceā aquā  
vi ignis eliquatam non fuisse inuentam. Et  
si dicas per rosaceam aquam, rosarum deco-  
ctum intellexisse, hoc dici nō potest, si quis  
Mesue loquendi vsum confideret, qui sem-  
per per rosaceam aquam, illam quæ vi ignis  
eliquatam



eliquatur, intelligit. *SEN.* Quódnam igitur ceratum seruare debeo? *BRAS.* Si aliquod seruandum sit, erit hoc Galeni. *SEN.* Si quādoq; frigido cerato indigeremus, quónam vti deberemus? *BRAS.* Stomachum ratissimè infrigidare oportet: nam & si in ipso inflammatio adesset, magnis & vehementibus infrigidantibus vti nunquàm deberemus, quia ventriculus suapte naturâ frigidus est.

*SENEX III.*

Ceratum contra pestem sequitur. *BRAS.* Nunquā audiui apud pharmacopôlas eiusmodi cerati genus seruari. *SEN.* Deinceps hoc non dices. nam à præceptore meo seruabatur, & ego semper illud seruavi, & eo in pestilentibus temporibus magnum lucrum paravi. *BRAS.* Refer tuum hoc ceratum. *SEN.* Iam refero.

℞. Specierum diamoschi dulcis

Diamargaritonis

Diambrae

Singulorum ʒj.

Camphoræ

Sandalorum omnium

Corticum citri

Florum lambruscae

Been albi rubri

Myrtillorum

H. 2.

Sing



Singulorum 3 β.

Moschi Ḡ iij.

Resinæ pini

Terebynthinæ

Singulorum quantum sufficit.

Misce, & cum modico ceræ fiat ceratum, quod supra coccineum pannum extēdatur, & supra cordis regionem ponatur. B R A S. Non est in vsu eiusmodi ceratum, arbitrōque Ferrariæ in nullo inueniri, præterquam in tuo pharmacopolio. S E N. Tum, cum pestilentia aliqua viget, eo non mediocre lucrum facio. B R A S. Seruato igitur ad hos. vsus, & ad alia ceratorum genera te conuertito.

S E N E X. I I I I.

Ceratum pro crepatis in hoc loco pixydem suam habet. B R A S. Haud pauca vidi pro crepatis cerata, at tu quod genus seruas? S E N. Hoc quod sequitur,

℞. Thuris

Mastiches

Sarcocollæ

Agarici

Lapis hæmatitidis

Mumiæ

Tragacanthi

Myrrhæ

Gummi Arabici

Terræ



Terræ sigillatæ  
Singulorum ʒ iij.  
Gallarum cyparisi  
Litargyrij  
Boli armeni  
Balaustiarum  
Corticum granatorum  
Gallarum  
Copularum glandium  
Aristolochiæ longæ  
Rotundæ  
Consolidæ maioris  
Minoris  
Farinæ lentis  
Sampfuci  
Singulorum ʒ ij.  
Picis naualis  
Picis Græcæ  
Singulorum ʒ iiij.  
Resinæ pini  
Terebynthinæ  
Singulorum ʒ ij. ʒ ij.  
Ceræ quantum sufficit.

Misce, & fiat ceratum secundum artem.

BRAS. Hoc non est commune ceratum (vt  
communi loquar more) pro crepatis, nã in  
hoc leporis pili haud ingrediuntur. s. Ego  
semper hoc seruavi, & cum à Medicis cera-  
tum pro crepatis indicitur, præbeo. at tu cõ-

H 3 mune



mune illud referto, quod leporis. pilos recipere ais. BRASS. Hoc est, quod sequitur, cuius usus est per totam Italiam frequentissimus, quanquā ipsius compēsatio cōfusa sit:

℞. Sanguinis draconis

Thuris

Mastiches

Sarcocollæ

Acatia

Lapidis hæmatitidis

Mumia

Tragacanthi

Myrrhæ

Gummi Arabici

Terræ sigillatæ

Sanguinis humani

Aloës

Pilorum leporum vstorum

Corticum nucis vstorum

Singulorum 3 ij.

Gallarum cyparissi

Boli armeni

Lithargyrij

Balaustiarum

Corticum granatorum

Gallarum

Copularum glandium

Vtriusque aristolochiæ

Vtriusque consolidæ

Lent



Lentisci

Samplici

Singulorum 3 j.

Picis naualis

Colophonix

Singulorum 3 ij. β.

Resinæ pini

Terebynthinæ

Singulorum 3 j. β.

Ceræ citrinæ quantum sufficit.

Misce, & fiat ceratum secundum artem. s. e.  
Mihi videtur, quòd à meo nō multum differat. B R A S. Tamen differt & in aliquibus simplicibus, & in ponderibus. ac nonnulli sunt qui aliud cōficiunt, in quo aliqua sunt simplicia, quæ in præscriptis absunt, & in ponderibus est valde diuersum. s. e. n. Nec istud afferre pigeat, ne in hoc nostro sermone quicquàm desideretur. B R A S. Imò non piget, sed compositionem audias: nam hæc est, quæ sequitur:

℞. Thuris

Mastiches

Sarcocollæ

Acatix

Lapidis hæmatitidis

Sanguinis draconis

Mumiæ

Tragacanthæ

H

4

Macis



Macis

Singulorum ʒ iiij.

Gummi Arabici

Terræ sigillatæ

Boli armeni

Gallarum

Lithargyrii

Balaustiarum

Nucum cyparissi

Corticum mâli granati

Cicerum decoctorum

Aristolochiæ vtriusq;

Corticum olibani

Rosarum rubrarum

Trium consolidarum

Lentis

Orobi

Siliginis

Singulorum ʒ iiij.

Colophonix

Picis naualis

Singulorum ʒ vj.

Resinæ pini

Terebynthinæ

Visci quercini

Singulorum ʒ iiij.

Collæ piscium ʒ ij.

Collæ chartarum ʒ iiij.

Misce, & omnia quæ pinsanda sunt, pinsan-  
tur



tur, ceratūque secundum artem conficiatur. s e n. Miror cur taurinū glutinum non apposuerint. b r a s s. Fortè sub chartarum colla cōtinetur, tamen & alij aliam seruant compositionem, & præbent, cū ceratum pro crepatis indicitur. s e n. Quæ nam est illa? b r a s. Hæc, quæ sequitur:

℞. Picis naualis ℥ iiij.

Litargyrij

Ammoniaci

Gallarum

Singulorum ℥ ij.

Mastiches

Ceræ albæ

Ceræ rubræ

Colophonix

Aloës

Aristolochiæ longæ

Rotundæ

Singulorum ℥ iiij.

Visci quercini

Boli armeni

Singulorum ℥ vj.

Gypsi

Myrrhæ

Thuris

Singulorum ℥ v.

Terebynthinæ lotæ cum aceto ℥ iiij.

Lumbricorum terrestrium

H

s

Rad



Radicis vtriusque consolidæ

Mumiæ

Sanguinis draconis

Bdelij

Singulorum ℥ j.

Pellis arietinæ à pilis liberæ, & frustra-  
tim incisæ, partem vnam

Sanguinis humani lb j.

Ita verò conficiatur. Bulliat pellis in aqua  
quousque lique scat, postea addantur gluti-  
nis piscium vnc. ij. & simul probè miscean-  
tur, addanturque & ceræ & gummi & pul-  
ueres omnes, & simul agitentur ex oleo  
myrtino, & fiant globi, qui in vas ferreum  
vel æreum ponantur, & vsurferuētur. s e n.  
Mihi tamen videtur in vnum ac eundem  
finem hæc omnia ceratorum genera inci-  
dere. B R A S S A v. Imò ambigendum non  
est, quia eorum finis est cōstringere, & quæ  
intrinsecus disrupta sunt, consolidare. s e n.  
Intelligo etiam eadem ferè esse in omni-  
bus simplicia. B R A S S A v. Tamen in ali-  
quibus differunt simplicibus, & in ponde-  
ribus. s e n. At hæc, quam nuper adduxisti,  
compositio cōfusa esse videtur, sicut & aliæ  
superiùs enarratæ. B R A S S A. Ob hoc non-  
nulli sunt, qui breuiorem parant compo-  
sitionem. s e n e x. Quàmnam? B R A S-  
S A v o l. Hanc:

B. Mast



℞. Mastiches ʒ ix.  
 Lapidis hæmatitidis  
 Gypsi  
 Boli armeni  
 Singulorum ʒ iiij.  
 Gummi arabici  
 Glutinis piscium  
 Singulorum ʒ β.  
 Resinæ pini  
 Picis naualis  
 Singulorum ʒ j. β.  
 Colophonix ʒ ij.

Misce:& lento igne fiat ceratū. s e n. Haud mihi displicet eiusmodi cerati genus, quoniam breue est, nec tot indiget miscellis. B R A S S A V. Ego infinitos ferè sanitati restitui ex enteroccele, solo ammoniaco præparato, & diaquilone maiori, quæ sunt longè pauciora, quàm sint illa, quæ in ceratis in pharmacopoliis seruatis ac præparatis insunt: nam hæc duo satis est vnà miscere, & statim confectum est. s e n e x. Ad propositum finem intētionem habere non videntur. B R A S S A V O I. Tamen rem ipsam perficiunt. s e n e x. Quosdam audiui, qui cerato quodam Arnaldi de Villa noua pro crepatis vtuntur. B R A S S A V O I. Verum est, sed ab his non multum differt. s e n. Optarem & illud audire.

B R A S S A



BRAS. Hoc facile fiet, si authorem ipsum legamus in secundo sui breuiarij libro, capite trigesimo primo, cum ait:

℞. Lithargyrij

Lapidis hæmatitidis

Sanguinis draconis

Boli armeni

Mastiches

Ammoniaci

Mumiæ

Galbani

Thuris

Costi

Lumbricorum terrestrium

Singulorum 3 β.

Picis naualis

Picis græcæ

Ceræ albæ

Rubræ

Singulorum 3 j.

Radici consolidæ maioris

Mediæ

Minoris

Singulorum 3 iij.

Rosarum

Myrrhæ

Aloës

Singulorum 3 iiij.

Palæ marinæ combustæ

Gallarum



Gallarum

Balaustiarum

Aristolochiæ rotundæ

Singulorum 3 vj.

Visci quercini 3 ij.

Sanguinis hominis rufi. ℥ j. minus  
quarta

Conficiatur hoc modo:

Accipe pellem vnam hœdinam, vel arietinam cum omnibus pilis suis, & decoquatur quasi bulliendo per totum diem, quousque omnia ferè liquefacta sint, & fiat sicut colla, & parum vel nihil de aqua ibi remaneat: deinde accipe libram vnā ex illa aqua optimè cum staminea vel panno collatam, & adde cum ea viscum quercinū, & in olla noua lento igne liquefieri facito & bullire, baculo semper & cōtinuè commouendo: deinde lumbricos terrestres, postea ceram & picem addas, deinde adde terebynthia drach. ij. postea colophoniam, mastichen, myrrham, ammoniacū, & galbanum adde, & liquefac simul, & baculo semper moueatur. Signū decoctionis est, quod ponatur vna gutta ex eo supra lapidem marmoreum, vel supra cultellū oleo inunctum: quæ cum infrigidata fuerit, si massatur, & optimè coagulatur, tunc signū est perfectæ decoctionis. si non massetur, tantum lento igne



igne bulliat, quòd ad hæc deueniatur. **SEN.**  
Nescio in hac compositione quid sanguis  
humanus efficiat, & quæ sit humani sangui-  
nis cum ruptura affinitas, nisi sit, quia cum  
exiccatur, adstringere videtur. **BRASSAV.**  
Nisi ita sit, aliam prorsus rationem inueni-  
re nescirem. nam ob nullam aliam causam  
humanus sanguis herniæ prodesse potest.  
Scito etiam pharmacopôlas in primo sim-  
plicium ordine opium numerare, sub eo  
pondere, sub quo illa sunt, simpliciter ta-  
men author ipse (vt in suo constat libro)  
opium non ponit. sed iam herniosorum ce-  
rata fastidio veniunt, optarémque, vt vnus-  
quisque medicus tunc conficeret, quando  
illo indiget, & vehementius & minus ve-  
hemens, vt exigit affectus, ac ægrotantis  
temperies. **SEN.** Audiui & Gentilem Ful-  
ginatæ ceratū quoddam pro crepatis con-  
fecisse. **BRASS.** Confecit prorsus, & est in  
libro consiliorum suorum, consilio primo.  
**SENE X.** Ne hoc prætermittamus obsecro.  
**BRASS.** Idem est cum supradictis: tamen  
ne laborem subterfugere videar, iamiam  
illud referam:

℞. Picis liquidæ  
Colophoniæ  
Ceræ citrinæ  
Aristolochiæ longæ

Rotundæ



Rotundæ

Vermium terrestrium

Aloës

Singulorum ʒ iiij.

Litargyrijs auri

Ammoniæ

Opopanacis

Castorei

Mastiches

Bdelij

Summachiorum

Terebynthinæ

Serapini

Consolidæ maioris

Minoris

Singulorum ʒ i.

Gallarum

Nucum cyparissi

Boli armeni

Succi hypocystidis

Mumiæ

Singulorum ʒ vj.

Thuris

Visci quercini

Lapidis hæmatitidis

Olibani

Gypsi

Myrrhæ

Singulorum ʒ iiij.

Sanguinis



Sanguinis draconis 3 vij.

Sanguinis humani lb. ij.

Ita verò conficiatur: Accipe pellem Arietis expilatam, & coquatur in aqua tandiū, donec tota liquefiat: deinde dimitte aquam in frigidari, & residere, postea accipe pulueres subtilissimè tritos, & setaceo cribro excretos: gummi verò genera in vehementissimo dissoluantur aceto, & sanguine commisceantur, & hæc omnia permiscenda in collatura aquæ pellis arietis in cacabo, & simul bullire facito, donec ad nigredinem & cerati formam deueniant, & vttere: notaturque humanum sanguinem ab homine sano esse extrahendū, & probæ temperiei, debetque ilico in cerato poni, cum extractus est, quia si diu extractus maneat, facile in corruptionem incidit. **SEN:** Omnia ferè ex eisdem simplicibus fiunt eiusdem generis cerata. **BRAS.** Tamen in aliquo semper differunt.

**SENEX V.**

Ceratum gratia Dei, post prædicta scriptū sequitur. **BRAS.** Et istud quoque est apud diuersos pharmacopôlas diuersum, tu illud exprime, quod confectum seruas. **SENEX.** Hoc seruo:

**Rx.** Picis naualis

Ceræ

Sing



Singulorum ʒ ij. ʒ iij.

Serapini ʒ ij.

Ammoniaci

Terebenthinæ

Colophonix

Croci

Singulorum ʒ j. ʒ iij.

Aloës

Thuris

Myrrhæ

Singulorum ʒ j.

Opopanacis

Galbani

Styracis calamitæ

Mastiches

Aluminis

Fœnu græci

Singulorum ʒ vj.

Thymiamatis

Bdellij

Singulorum ʒ iij.

Lithargyrij ʒ j.ß.

Misce, & fiat ceratum secundum artem.

B R A. Alij sunt, qui aliud seruāt gratia Dei  
vocatū. s e, Qualénam. B R A. Istud.

℞. Ceræ albæ

Resinæ pini

Ammoniaci

Singulornm ʒ vj.

1 Tereb



Terebynthinæ ℥ iij.

Galbani

Olibani

Mastiches

Myrrhæ

Singulorum ℥ β.

Aristolochiæ rotundæ ℥ ij.

Terēda cerantur, & infundantur in vinum,  
in quo decocta sint

Betonicæ

Verbenæ

Consolidæ maioris

minoris

Centaureæ

Pimpinellæ

Hypericonis

Herbæ gratia Dei

Bautiæ

Singulorum ℥ M.

Postea extrahantur, & cum mulieris lacte  
conquassentur. s. e. Hoc est vnguentum. BR.  
Imò ceratum est, & ad omnia vulnera aptū,  
nam carnem gignit ac consolidat. Sunt &  
alii qui hoc parant.

℞. Galbani

Opopanacis

Viridis æris

Thuris

Aristolochiæ longæ

Mastic



Mastiches

Myrrhæ

Singulorum ℥ j.

Ammoniacy ℥ ij. ℥ ij.

Ceræ ℥ viij.

Olei communis

Lithargyrij

Singulorum ℥ viij.

Bdelij ℥ ij.

Adamantis

Lapidis hæmatitidis

Calamitæ

Singulorum ℥ j.

Conficiatur secundum artem, addendo  
℥ vj. terebynthinæ, & drachmas quatuor  
gummi abietis, conficiaturq; in massas. s. f.  
Arbitror illos, qui hoc conficiunt ceratum,  
adamantem non apponere. B. R. A. Neq; ego  
hac in re ambigo, imò vidi vitri frustrula  
apponi. sũnt alij, qui ita conficiunt hoc gra-  
tia Dei ceratum:

℞. Lithargyrij ℔ j. ℥ v.

Galbani ℥ j. ℥ ij.

Ammoniacy ℥ iij. ℥ iij.

Ceræ citrinæ

Colophonix

Singulorum ℥ viij.

Olibani ℥ ij. ℥ ij.

Bdelij ℥ ij.

I 2

Opo



Opopanacis

Aristolochiæ rotundæ

Singulorum ℥ j.

Olei veteris ℔ j.β.

Misce, & fiat ceratum secundum artem.

Alij verò ita conficiunt ac seruant:

℞. Galbani

Opopanacis

Olibani

Myrrhæ

Floris æris

Mastiches

Aristolochiæ rotundæ

Singulorum ℥ j.

Ammoniæ ℥ ij.

Ceræ citrinæ ℥ j.

Lithargyrii auri

Olei communis

Singulorum ℔ j.β.

Misce, & fiat ceratum secundum artem.

Alij quod sequitur gratia Dei conficiunt,  
& cum indicitur, præbent:

℞. Galbani

Ammoniæ

Opopanacis

Viridis æris

Aristolochiæ rotundæ

Mastiches

Singulorum ℥ j.

Ceræ



Cerae nouæ ℥ x.  
 Terebynthinae ℥ xj.  
 Olei oliuarum  
 Litargyrii auri  
     Singulorum lb j. β.  
 Olibani ℥ ij.  
 Myrrhæ  
 Thuris  
 Bdellij  
     Singulorum ℥ j.  
 Calamitæ  
 Lapidis hæmatitidis  
     Singulorum ℥ j.

Hæc omnia in puluerem redigantur, præter  
 ceram & gummi genera, & ita ceratum con  
 ficiatur: primò gummi genera cultro inci  
 dantur, & per diem ac noctem in acri aceto  
 infundantur: postea bulliât in lingula, igne  
 lento, quoad acetum consumptum sit, baculo  
 autem semper agitentur: deinde in lineum  
 panum fortem ponantur, & duobus baculis  
 in capitibus telæ lineæ positæ extorquendo  
 vi exprimantur, in vaseque seruentur: post  
 eâ oliuarum oleum accipiatur, in quod ce  
 ra in parua frustula redacta ponatur, & ad  
 ignem posita simul liquefiant: postea lithar  
 gyrium addatur egregie puluerizatum, &  
 bulliant semper agitando, ne fundo inhæ  
 reant, donec color mutetur, & nigrum fiat:

I 3 postea



postea gummi genera addantur, & paulatim bullire sinantur, quoad gummi sint dissoluta, semper vero baculo sensim agitentur, sapéque lingulam ab igne depone, ne ob vehementem ebullitionem extravasamentum saliat: tantum vero bulliant, ut ad illam deuenit consistentiam, quod gutta vna in aqua frigida posita densetur, tunc enim coctum esse existimandum erit. Si vero non densetur, iterum bullire permittatur, quoad densescat, cum ad hoc peruenerit, adde viride æris egregiè puluerizatum, baculo semper mouendo, quoad vnà inungantur, postea myrrhâ adde, & tertio aristolochiam, quarto mastichen, denique thus, olibanum, magnetem, lapidem hæmatitida, simulque decoquantur, baculo semper agitando, ne fundo inhæreant, & ut egregiè misceantur, adeoque decoquantur ut ad nigredinem deueniant cum rubedine, tunc guttam in frigidam aquam deponito: si digitis non adhæreat oleo inunctis, coctum est, tunc ab igne remoueatur baculo semper agitando: postea in peluim aqua frigida plenam ponatur, in qua dimittatur quoad manibus tractari possit, ut globi fiant, & ne manus exurat. Aliqui sunt, qui aristolochiæ rotundæ loco longam apponant. **SE N E X.** Ad quos



quos valet affectus hoc ceratum? **B R A S S.**  
Si illa, quæ de eo feruntur, vera essent,  
nullo alio indigeremus cerato: ad tot re-  
mouendos valet affectus. nonnulli recentes  
ab autore illud vocant ceratum Gotfredi,  
quod inquit habere virtutem potius  
diuinam, quàm humanam. **S E N E X.** Vires  
ipfius, ni piget, referas, **B R A S S A.** Non pi-  
get prorsus, imò audias: inquit valere ad  
omnes plagas nouas, & antiquas, & vetu-  
stissimas, & supra omnia vnguenta ac em-  
plastra valde abstergere ac mundificare, bo-  
nam carnē gignere, & in vna hebdomada  
magis consolidare, quàm cætera faciant  
vnguenta in vno mense: neque permittit  
corruptionem fieri in aliquo vlcere, nec  
prauam carnem generari: conuenit neruis  
omnibus incisis & concussis, atq; musculis  
à quacunque causa hoc contigerit, infla-  
tioni omni aduersatur: ferrum, lignum,  
vitrum è carne educit. Si hoc ceratū supra-  
ponatur, venenū etiam attrahit morsui cu-  
iuscunq; animalis venenosi suppositum: o-  
mnem abscessum sanat: carcinomati, car-  
bunculo, fistulæ, & igni sacro opem fert: va-  
let ad cuiusvis vlceris dolorem, vbi corru-  
ptio adsit: vnicuique percussioni conuenit,  
vel membri obtortioni, & præsertim, quan-  
do aliquid adfuerit corruptum, strumas,



ac natas disrumpit, & sanat: omnes abscessus qui in hominum costis fiunt, vel in dorso, vel in hepate sanat, si supra locum ponatur, & dolorem remittit: podagricos dolores remouet, hæmorrhoidibus succurrit, cū extra apparent: conuenit & ad capitis inflationem. *SE*. Alia igitur sunt dimittenda cerata, si ad tot valet affectus. *BRASSAV*. Imò nunc ipsum dimittamus, & ad alia ceratorum genera contemplanda pedem vertamus.

# *SE NEX VI.*

Cerata capitalia sequuntur. *BRASSAV*. Quot seruas capitalium ceratorum genera? *SE*. Duo, Vnum temperatum, aliud calidum. *BRAS*. Cur frigidum deseris? *SE*. Quoniam cū frigidum indicitur, semper præbeo temperatum. *BRAS*. Tamen ægroti nonnunquàm frigido indigent, in destillationibus præsertim. *SE*. Frigidum in meo pharmacopolio nunquam seruaui. *BRAS*. Referas igitur cerata, quæ paras capitalia. *SE*. Hoc est temperatum.

℞. Galbani

Terebynthinæ

Resinæ

Singulorum ℥ j.

Acatia

Maioranæ

Rosæ



Rosarum rubrarum

Myrtillorum

Thuris

Singulorum 3 ij.

Mastiches 3 β.

Misce, &amp; fiat ceratum.

B R A S S. Putásne tu hoc esse temperatum?  
 S E. Ita audiui. B R A. At potius calidum est,  
 quam temperatum: nam calidarum rerum  
 viginti sex drachmas recipit, frigidarū ve-  
 rò octo & semis, calidæq; in maiori inten-  
 sione calidæ sunt, quam frigide frigide. alij  
 sunt Ferrariæ, qui idē ferè cōficiūt ceratum,  
 sed duas apponunt sandaracæ, idest gummi  
 iuniperi drachmas, & loco semidrachmæ  
 mastiches, integram ponunt boli armeni  
 drachmam. alij tamen sunt, qñ ceratum ca-  
 pitale temperatum ita conficiunt:

℞. Nucum cyparissi

Mastiches

Olibani

Sandaracę scriptorum

Rosarum

Balaustiarum

Singulorum 3 j. β.

Nucis moschatae

Cinnamomi

Cariophyllorum

Singulorum 3 j.

I s Misc



Misce, & cum pulueribus resina pini, & terebynthina. quantum sufficit, fiat ceratum, quod prorsus magis temperatum est, quàm id quod facis. aliqui addunt Galbani dissoluti in aceto ℥ iiij. at nunc tuum calidum refer capitale ceratum. s. e. Est hoc, quod referam:

℞. Pimpinellæ

Agrimoniæ

Pulegij

Lauandulæ

Millefolij

Consolidæ maioris,

Matris syluæ

Betonicæ

Saluiæ

Pelosellæ

Centaureæ minoris

Singulorum ℔ j.

Thuris Mastiches

Singulorum ℥ ij.

Iridis

Aristolochiæ rotundæ

Singulorum ℥ j. β.

Gummi helemi ℥ iiij.

Resinæ ℥ β.

Terebynthinæ

Olei abiegni

Singulorum ℔ j. ℥ iiij.

Ceræ



Ceræ albæ ℥ j. ℥ iij.

Vini albi quantum sufficit, ad infundendum per nouem dies : postea ad vini consumptionem ebulliant, & per lac vehementer ducantur, & conficiantur globi. B R A. In lacte circunduci haud mihi placet, imò hanc cum lacte miscellam penitus abiicerem. alij sunt, qui pro calido capitali cerato hoc parant.

℞. Aloës

Calamenthi

Pulegij

Corticum citrorum

Singulorum partes æquales.

Misce, & cum laudano ac modico acatiæ conficiatur. Alij verò hoc cerati genus ita conficiunt:

℞. Galbani ℥ j.β.

Resinæ ℥ j.

Sandaracæ

Thuris

Singulorum ℥ ij.

Corticum thuris ℥ iij.

Mastiches ℥ j.β.

Nucis cyparissi ℥ j.

Maioranæ

Myrtillorum

Rosarum rub.

Nucis moschatæ

Cubeb



## Cubeborum

Singulorum 3 β.

Misce, &amp; fiat ceratum secundum artem.

SEN. Sumne hoc pro calido seruaturus?  
BRASS. Optarim vt Medici tunc indice-  
rent, quando indigent, & modò magis ca-  
lidum, modò minus confici iuberent, vt exi-  
git affectus, quo ægrotus afficitur, & sem-  
per eodem modo non indicare, ne pedes o-  
mnes vno calceo induere velle videamur.  
nonnulli verò sunt, qui seorsum ceratum  
quoddam seruant, quod inquirunt ad catar-  
rhi decursum conuenire, si supra corona-  
lem suturam extendatur, loco priùs abra-  
so, & quoad rubuerit perfricato. SEN. Qua-  
lénam est? BRAS. Istud, quod sequitur: at  
nunquam applicant, quin prius supra lo-  
cum cucurbitulam apponi iusserint, atque  
scarificari, quandoque etiam locum scylla  
perfricandum volunt.

℞. Laudani

Gummi helemi

Sandaracæ

Olibani

Styracis liquidæ

ficæ

Singulorum partes æquales.

Misce, & fiat ceratum, cui nonnulli vt vehe-  
mentius reddant, myrrham addunt. Alij  
sunt



sunt, qui aliud in hoc affectu conficiunt, & frigidum ceratum capitale vocant, ex his verò conficitur:

℞. Galbani præparati ʒ j.

Resinæ ʒ iiij.

Sandaracæ ʒ iiij.

Thuris ʒ j.

Rosarum

Acatia

Myrtillorum

Singulorum ʒ iiij.

Camphoræ ʒ vj.

Misce, & fiat ceratum secundum artem.

s. e. Optarem vt tu calidum, frigidum, & temperatum ceratum capitale conficeres, mihiq; præberes, vt semper seruatem.

B. R. A. S. S. Nosti me rarissimè indicere eiusmodi cerata, sed semper præparari iubere, vt mihi videtur ratione affectus, quem curo, tamen vt normam quandam tibi tradam, si capitale calidum desideras ita prorsus conficiendum est.

℞. Nucis moschatæ

Galangæ Acori

Calami aromatici

Cinnamomi

Gingiberis

Singulorum ʒ j.

Saluiæ

Rutæ



Rutæ

Baccaræ

Hyssopi

Libanotidis

Singulorum 3 ij.

Olei rutacei

Ceræ

Resinæ pini

Singulorum quantum sufficit.

Misce, & fiat ceratum

At si frigidum ceratum cupias, quo nō nisi in destillationibus utimur, & præsertim tenuibus, hoc conficere poteris.

**℞.** Mastiches

Rosarum rub.

Balaustiarum

Gummi iuniperi

Corallorum alborum

Boli armeni

Terræ sigillatæ

Acatiæ

Singulorum 3 j.

Olei rosati

Resinæ

Ceræ

Singulorum quantum sufficit.

Misce, & fiat ceratum,

Si verò temperatum petas, ita conficiatur:

**℞.** Boli armeni

Mast



Mastiches

Acatia

Myrtillorum

Thuris

Corallorum alborum

Singulorum 3 j.

Maiorana

Stœchadis

Saluia

Singulorum 3 fß.

Resina pini

Cera

Olei rosacei

Quantum sufficit.

Misce, &amp; fiat ceratum.

SEN. Placētne tibi, vt ita conficiam & feru-  
uem? BRASSA. Hoc non assero, sed mihi  
fatis fuit formam quandam horum trium  
ceratorum tibi præstitisse.

## S E N E X. . I I I I.

Ceratum pro splene huc accedit. BRASSA.  
Rari seruāt compositionem aliquam vni-  
uersalem: sed vt à medicis tunc indicitur,  
conficiunt. SEN. Tamen ego semper hoc  
seruauī, & adhuc seruo, & cū à Medicis  
ceratum pro splene indicitur, præbeo.

℞. Ammoniāci præparati

Diaquilonis maioris

Singulorum 3 vj.

Spec



Specierum vnguenti pro splene ℥ iiij.  
 Cū Terebenthina & cera, quātū sufficit.  
 Misce, & fiat ceratum. BRASS. Non dixi  
 raros seruare, quia nulli seruent, sed aliqui  
 sunt & perpauci, & inter se dissidentes, nul  
 lūque alius Ferrariæ inuenitur: qui tuum  
 seruet pro splene ceratum, aliqui verò hoc  
 quod sequitur seruant:

℞. Ammoniaci ℥ vj.

Bdellij albi ℥ iiij.

dissoluantur cum aceto scyllitico

Tamarisci ℥ β.

Scolopendriæ

Sem. agni casti

Singulorum ∅ ij.β.

Seminis plantaginis ℥ β.

Ceræ albæ ℥ ij.

Misce, & cum resina fiat ceratū ad formam  
 splenis ac magnitudinem, quam Medi  
 cus formare debet, vt tactui duritiem per  
 sentiat ac magnitudinem. Alij verò hoc  
 seruant

℞. Tamarisci

Scolopendriæ

Seminis agni casti

Seminis plantaginis

Singulorum ∅ ij.

Ammoniaci ℥ β.

Bdellij ℥ iiij.

Gum



Gummi dissoluantur in aceto scyllitico, & post in frigidationem aliarum rerum pulueres addantur, & fiat ceratum secundum artem, tamen illud quo plerumque usus sum, est valde præcipuum, ad lienis dolorem, & duritiem emendanda. SEN. Quódnam est?

BRAS. Hoc quod tibi referam.

℞. Seminum agni casti

Tamarisci

Ceterach

Radicum Iridis

Absinthij

Assari

Apij

Stœcadi

Præsiij

Valerianæ

Acori

Lupinorum

Sisymbrij

Ebulorum

Singulorum 3 j.

Amygdalarum amararum

Corallorum rubrorum

Singulorum 3 ij.

Radicum capparum

Panis porcini

Singulorum 3 iij.

Hellebori nigri

K

Lapid



Lapidis armeni

Singulorum 3 iiij.

Bdelij

Euphorbij

Ammoniaci

Singulorum 3 j.ß.

Olei de capparibus

Cera

Resinæ pini

Terebynthinæ

Singulorum quantum sufficit.

Misce, &amp; fiat ceratum secundum artem.

s E N. Vehementissimum esse debet eiusce-  
 modi ceratum. B R A S. Tale est, vt lienis  
 durities resoluat, & eiusdem partis dolo-  
 rem emendet. s E N. Ceratum diuinum ac-  
 cedit. B R A S. Nunquàm audiui vllam esse  
 de hoc cerato apud authores factam men-  
 tionem. s E N. Is phārmacopôla, qui hanc  
 artem me docuit, semper hoc seruauit, licet  
 rarò venderet, & ego semper seruauì, quan-  
 uis neque vnciam vendiderim, vt tota illa  
 quantitas adhuc sit in pyxide, quam primò  
 confeci. B R A S. Optimè fecisti: quia res di-  
 uinæ non venduntur, at ipsius compositio-  
 nem referto. s E N. Ita conficitur:

℞. Galbani 3 j.

Ammoniaci

Opoponacis

Sing



CERATOR. EXAMEN.

515

Singulorum 3 ij.  
Aristolochiæ rotundæ 3 j.  
Cera citrinæ 3 iiij.

Myrrhæ

Olibani

Viridis æris

Bdellij

Singulorum 3 j.  
Lapis calamitæ

Hematitidis

Singulorum 3 ij.  
Lithargyrij 3 iiij.

Olei oliuarum 3 vj.

Misce, & fiat ceratum secundum artem.

B R A S. Ad quem conficitur vsus? S E N E X.

A te libenter hoc addiscerem, quia nunquam vel ipse minimum vendidi. B R A S.

Arbitror lienis duritie conuenire, & omnia prædura emollire posse ac resolvere.

S E N E X. VII.

Cum in vsu non sit prædictum ceratum, Ceronium contemplemur. B R A S. Ceronium potius nuncupandum est, quia, ut Nicolaus inquit, à cera nomē sortitū est, quod dicit valere ad humerorum dolorem, & pe-  
toris ex frigidityte, & si humor frigidus illuc delabatur, illū resolvere, splenem remollire, ad hydropem valere, quæ ex causa

K 2 hepat



hepatis frigidi excitata sit: ob eandem causam matricis frigiditati suprapositū, multum resistit, imò adde plurimum valere in fractis ossibus, & è proprio loco remotis, quando materiæ multæ illuc decurrere. At compositionem quam paras, referto. SEN. Est illa Nicolai. BRASS. Cū videam vos plerunq; ab authoribus esse diuersos, optarem, vt modum quo conficis, referres. SEN. Ita conficio:

℞. Picis naualis bene colatæ

Ceræ

Singulorum ʒ ij. ʒ iij.

Serapini ʒ ij.

Ammoniæ

Terebynthinæ

Colophonæ

Croci

Singulorum ʒ j. ʒ iij.

Aloës

Thuris

Myrrhæ

Singulorum ʒ j.

Opoponacis

Galbani

Storacis calamitæ

Mastiches

Aluminis

Fœnu Græci

Sing



Singulorum 3 vj.

Styracis

Bedelij

Singulorum 3 iij.

Lithargyrij 3 j. β.

Ita verò conficiatur, Serapinum, ammoniacum opoponax aliquantulum tusa in vino ponantur, ita ut eo tegantur, & ita per noctem maneant, manéque bulliant ad vini medietatis consumptionem, & vase super ignem posito, cum bullire incipiet, pix naturalis bene colata addatur, & baculo semper agitur, pice liquefacta cera addatur, quæ liquefacta imponatur colophonia, styrax deinde addatur pistillo calido trita, post hanc mastiche & olibanum, deinde myrrha & bdellium, interuallo posito terebynthina addatur, & sequantur alumen, & lithargyrium, denique fœnugræcum apponatur, cumq; fuerit coctum, supra tepidam aquam fundatur, & manibus ab aqua extracto exprimatur, donec tota aqua inde exeat: deinde pulvis aloës super marmor oleo laurino inunctum misceatur, deinde croco puluerizato, & manibus eodem oleo inunctis conformentur massæ. B R A S. Hæc est præcisè Nicolai compositio, quæ omnes conficiunt, & si aliqua sit apud aliquos diversitas, in solis est ponderibus, non autem

K 3 in simp



in simplicibus.

*S E N E X V I I I.*

Ceratum Apostolicum, post ceroniū sedem habet. *B R A S.* Et hoc est Nicolai, de quo mirandum est, qui dixerit emplastrum, id est, dura cōfectio, Apostolicum, id est suprapositum vel supramissum, cū ab Apostolis ita nuncupatum sit, ac si sit ab ipsis missum & inuentum: nam Apostoli iniungebant ægros & sanabantur, & alia applicabant præsidiorum genera, hinc nonnulli suis cōpositionibus authoritatem præbere volentes, illas Apostolorum nomine aut Prophetarum nominabant. *S E N.* Ab Apostolis igitur nomen habet? *B R A S.* Ita arbitror, & compositionem quam conficis, referro. *S E N.* Hæc est, quam seruo:

*℞. Lithargyrij ʒvj.*

Ceræ rubræ

Colophoniæ

Singulorum ʒij.

Propolidis

Visci quercini

Singulorum ʒj.

Ammoniæ

Magnetis

Singulorum ʒvj.

Mastiches

Olibani

Mumiæ



Mumia

Singulorum ʒ β.

Terebynthina

Galbani

Bdelij

Myrrha

Aeris vsti

Sarcocolla

Lapidis calcis

Diptamni

Aristolochia rotunda

Prasij viridis

Opopanax

Singulorum ʒ iij.

Ita verò confici debet, opopanax, ammoniacum, & galbanum aliquantulum tusa per noctem in vino ponantur, quòd in tanta sit copia, ut tegantur, manè bulliant, quoad liquefiant, & per colatorium colentur, & iterum bulliant ad vini consumptionem, lithargyrium in puluerem subtilissimū redactum, cum sufficienti oleo in vase distemperetur, & super ignem ponatur, & tandiu spatula agitetur, donec super lapidem possum in modum ceræ spissetur, statimque cera addatur, qua liquefacta additur colophonia, postea mastiche, & olibanum, deinde myrrha, factoque interuallo Bdelium iniiciatur, deinde viscus quercinus, quo

K 4 lique



liquefacto addatur terebynthina, qua liquefacta vas ab igne deponatur, & gummi genera adiiciantur, iterumq; vas ad ignem suspendatur, & aliquantulum bullire sinantur, baculo semper commiscendo: deinde sarcocolla addatur, & magnes: interuallo facto flos æris adiiciatur, & lapis calcis, deinde æs vstum, & baculo semper agitentur, donec aliquantulum rubere incipiat, denique dictamnium, & aristolochia rotunda addantur; postea in aquam frigidam infundantur, & ab aqua extractum manibus exprimendo, & concutiendo ita tractetur, vt tota exeat aqua, & inunctis manibus oleo laurino globi conformentur, vsuique seruentur. BRASS. Hoc est Nicolai Apostolicon. SEN. Est, vt arbitror. BRASS. At nonnulla audias in tua hac compositione errata, vnum est; cum conficiendi modum doces, æris florem ponis, qui non erat in compositione relatus. SE. Ego alias hoc animaduerti, sed nunquam percunctatus sum causam. BRASS. Veruntamen in quo error consistit notato: cum retulisti lapidis calcis, sunt duo simplicia, scilicet lepidos non lapidis & calcis, est verò *λίπιδος* æris squama, itaq; in authore legendum est, lepidis, calcis, dictamni, aristolochiæ rotundæ, prassij viridis, opopanax, singulorum ʒ iij. Error præ



prætereà est in compositione, quam adduxisti, cùm ais ammoniaci, lapidis magnetis, singulorum vnc. vj. nam legi debet, singulorum drach. vj. illique magis aberrant, qui dicunt lithargyrij vnc. xvj. *SEN.* Ad quos valet affectus eiusmodi ceratū? *BRASS.* Ad strumas recentes conuenit, probam carnem inducit. nam cutim attenuat, & nutrimentum attrahit, inspissat, cicatricem implet, abscessus in corpore, vt in pulmone, stomacho, iecore, diaphragmate emendat, ad omnem frigidum abscessum valet, in quacunque sit parte, dolores, durities, & tumores emendat, & præcisos neruos, & puncturas sanat, contra venenatorum morsus adhibetur, quia ad circumferentiam attrahit, eadem ratione fistulis cōpetit: quia saniem attrahit, & locum emundat, extrahit absq; dolore tela in humanum corpus infixæ. ad renum dolores conuenit.

*SENEX. IX.*

Etsi ad tot competat, vt nullo alio cerato indigere videamur, tamen oxycroceū contemplemur. *BR.* Vt lubet, verū cōpositionē, quam facis referto. *SEN.* Hanc ego paro:

*R.* Croci

Picis naualis

Colophonix

Ceræ citrinæ

K 5 Sing



Singulorum ℥ iiij.  
Terebynthinæ  
Galbani  
Ammoniaci  
Myrrhæ  
Olibani  
Mastiches

Singulorum ℥ j. β.

Misce, & fiat ceratum secundum artem.

BRASSAVOL. Et hæc etiam compositio apud Nicolaum extat, qui ait oxycroceum vocari ex aceto & croco, & præcipue ad ossium fracturas valere: & ad membra, quæ dolore aliquo affliguntur, & ad duros abscessus in quacunque corporis fuerint parte. nam remollit & dissolvit, ita verò confici debet: galbanum & ammoniacum aliquantulum tusa in sufficienti quantitate aceti per noctem infundantur, & manè ad ignem suspendantur, & eliquentur, postea colentur, deinde iterum coquantur, donec aceti pars consumetur, tunc naualis pix addatur, quæ liquæfacta cera addatur, quæ etiam liquæfacta addatur colophonia, deinde terebynthina, & interposito intervallo, mastiche, & olibanum, & myrrha addantur, spatula semper commiscendo. Denique cum probè coctum fuerit, in aquam frigidā infundatur, postea extrahatur manibus



nibus exprimendo, vt aqua exeat, inde super marmor oleo laurino inunctum cum puluere croci bene pinfatur, & in massa conformetur, quæ referuētur ad vsus. SEN. Ego semper ita conficio. BRASS. Vnum notato, simplicia secunda ab aliquibus poni ad pondus vnius vnciæ & semis, vt tu posuisti, ab aliis ad pondus vnciæ vnius & drachmarum trium: at hæc non est magna differentia, tu semper morem tuum seruato. SEN. Fierine potest, vt omnes ita conficiant oxycroceum? BRASSAV. Ita profectò est.

## SENE X. X.

Ergo ad diachylonem album contemplandum accedamus. BRASS. A' quo authore accipis eiusmodi ceratum? SEN. A' Mesue. BRASS. Et Mesue illud vocat emplastrum, & de mucilaginis etiam emplastrum vocatur. At modum, quo illud conficis referro. SENEX. Hic est modus:

℞. Mucilaginis, Althææ

Fœnugræci

Seminum lini

Singulorum ℥ iiij.

Olei veteris ℔ iiij.

Lithargyrij auri ℔ iij.

Ceræ albæ ℥ vj.

Terebynthia

Muccil



Muccilagines & oleum vnâ bulliât ad consumptionem mucilaginum, deinde lithargyrium, & oleum simul bulliant igne lento, ad perfectam vsque cocturam: denique ceram adde & terebynthinam, & cùm refrigeratum fuerit, adde pulueris Iridis drachmas duas, & commisce. BRASS. Mesue videtur sub alio ponderis ordine conficere, & sub alio etiam cōficiendi modo. SENE X. Quónam? BRASSA V. Isto

℞. Muccilaginis fœnugræci

Semen lini

Radicum althææ

Singulorum partem vnâ

Lithargyrii præparati partem vnâ β.

Olei antiqui clari, partes tres

Ita verò conficiatur, lithargyriū & oleum sint mista, diu in lapideo mortario, ferreo pistillo conquassentur, & in hac concussione diu laboret, tum deinde bulliat super ignem cum facilitate, sportula semper agitando, quousque lithargyrium coaguletur, tunc ab igne deponatur, paulatimque infrigidari sinatur, postea mucilagines accipiantur, & bulliant ebullitione aliqua, deinde iniice mucilagines supra lithargyrium semper concutiendo, donec egregiè simul misceantur, tunc iterū coquatur, donec inspissentur, inquit Hamech: felicissimum



munum erit opus eius, si cum eo puluis Iridis triti commisceatur, mirabilis est iuuamenti ad resoluendum, & maturandum fortiora. Si autem meliloti mucilagines & propriè ipsius seminis addideris, tunc erit eius operatio vehemētior, & sunt, qui pro communi oleo, Irinum oleum, & chamæmelinum accipiant, & erit in cunctis nobilior. Ita conficit Mesue, neque terebynthinam apponit neque ceram. **SEN.** Vnde deduxit hoc nomen diachylon? **BRASSAVO.** Diachylon dici debet, ac si diceretur de succis, quia compositio est ex succis, hoc est mucilagibus facta. **SENEX.** Quibus confert affectibus? **BRASSAVOL.** Lienis duritiæ confert, Iecoris ventriculi, & in summa ad omnes duros abscessus conuenit, & ad strumas, nullum est pharmacopolium, in quo non inueniatur, tamen omnes ceram addunt & terebynthinam. **SEN.** Absque his videretur vnguentum. **BRASSAVOL.** At si memoria habes, quæ superius dicta sunt de vnguentis, vnguētum verè dici non potest, licet Auicenna ipsum inter vnguenta numeret. **SEN.** Auicenna ergo de hoc egit? **BRASSAVOL.** De ipso in quinto canone mentionem facit, tractatu vndecimo, vbi de vnguentis tractat, & emplastris, & inquit ad nodos & strumas conferre, & ad abscessus



scellus duros, cuius permistio hæc est.

℞. Fœnugræci

Seminum lini

Althææ albæ

Singulorum chelesati j.

Infundatur vnumquodq; horum per se die  
& nocte, deinde accipiat de vniuscuius-  
que mucore siue mucilagine ℥b. j.  
& quarta

Lithargyrij ℥b j. β.

Olei ℥b ij.

Bulliant mucilagines ebullitione vna, de-  
inde auferantur ab igne, & postea bulliat  
oleum cum lithargyrio, donec coaguletur,  
& eius color alteretur: deinde proiciantur  
supra ipsum mucilagines, vna post  
aliam, & igne lento coagulentur. S E N E X.  
est totum in pondere differentia. B R A S S.  
Sed neque magna, Serapio & ipse eandem  
ferè habet descriptionem, tractatu septi-  
mo, capite 38. vocâtque compositionem  
hanc, vnguentum de mucilaginibus, &  
ita conficit:

S E N E X X I.

℞. Muccilaginis fœnugræci,

Seminis lini

Althææ

Singulorum ℥b β.

Decoquantur donec inspissentur, deinde  
accip



accipiatur libram dimidiam merdasengi,  
id est, lithargyrij, & decoquatur cum libra  
vna olei, postea supra ipsum adiciantur  
mucilagines, & manu tractentur, donec  
misceantur, & vnum fiant. Rasis in septi-  
mo ad Almanforem vbi de strumis agit, ea-  
dem vtitur descriptione, & Halyabbas in  
decem practicae, nulla est apud hos autho-  
res, nisi in pondere differentia, veruntamen  
Rasis in libro de iuncturarum aegritudini-  
bus, capite 26. descriptionem quandam ha-  
bet diachyli ab hac longè diuersam. at ho-  
rum nullus ceram adiicit, & terebynthinā,  
quæ tu in compositione tua adiicis. SEN.  
Ita semper confeci. BRASSAV. At præter  
authorum intentionem confecisti, scito au-  
tem aliquos esse, qui diachylon magnum  
Mesue conficiunt, & cum simpliciter dia-  
chylon indicitur, illud præbent. SEN. Isti  
maximè errant. BRASSAV. Tecum facio,  
nam adem diachylon simpliciter quod al-  
bum vocatur, de quo nunc sermo est, & dia-  
chylon magnum, quod à Mesue refertur,  
& tertium diachylon cum gummi, quod  
ab aliquibus ex magno conficitur, & gum-  
mi generibus ab aliquibus ex albo de muc-  
cilaginibus & gummi generibus. de his ve-  
rò, suo agemus loco. SENEX. Hoc ab re  
non erit, at nunc scire optarem num apud  
antiq



antiquos diachylō istud reperiatur. BRAS.  
Imò reperitur & est antiquissima compo-  
sitio, quanquam in aliquo differant. nam  
Paulus libro primo, capite decimotertio  
diachylonis compositionem refert. SEN.  
Quónam modo cōficit Paulus? BRAS. Istor:

℞. Spumæ argenti ℥b vj.

Olei æstate ℥b vij. hyeme, ℥b ix.

Fœnugræci sextarium dimidium,

Seminis lini sextarium dimidium,

Althææ ℥b iij.

Althæam ac semina coquito in aquæ sexta-  
riis viginti, donec parum relinquatur, ex  
ipso libras quatuor admiscens oleo deco-  
ques tantisper, dum bullæ sedantur, dein-  
de leuissimam argenti spumam inspergens  
decoque igni clemente vsque dum synce-  
rum reddatur. SENEX. In rebus ipsis inter  
Mesuen & Paulum nulla est differentia, sed  
in ponderibus solùm differunt: arbitrór-  
que si hoc modo conficiatur, vt dicit Pau-  
lus, quod eundem prorsus habebit cum  
nostro colorem. BRASSAVOL. Imò hoc  
impossibile est, quia tuum ceram recipit  
acterebynthinam: at eundem prorsus ha-  
bebit cum diachylo Mesue colorem, si ex-  
periri volueris, imò & eandem contrahi  
consistentiam. Actius prætereà libro de-  
cimoquinto, capite decimoquarto, dia-  
chylon



chylon emplastrum, hoc est ex succis factum refert, quod non multum à prædicto dissentit: dicit verò neruorum vulnera sine inflammatione conseruare, sectiones glutinare, inflammata vlcera, vulneratos musculos absq; alio cataplasmate aut fomēto sanare. Congruit & podagricis quocunque tempore illitum ad vteri inflammationes tam diutinas, quàm recentes pessarium efficacissimum est, rosaceo aut myrtino oleo dilutum caua vlcera implet, citòq; ad cicatricem ducit vtq; in summa dicam, reliquū omne cataplasma aut cuiusque generis medicamentum vlceribus extra applicatū iis qui huius copiam habuerint, prorsus superuacaneum est, durities etiam mollit ac discutit, si cæteris misceatur, quæ ad hos vsus idonea fuerint, quod ita præparatur, olei pinguis & recentis æstate quidem lb. viij. ß. hyeme verò lb. iiij. succi lb. quatuor, oleum cum succo super carbonibus decoquito, & vbi feruet tenuésque bullas emittere inceperit, spuma argenti iniecta finito, vt placido iugique igne simul bulliant, donec succus cum pingui conficiatur, medicamentumque inquinandi finem fecerit, planumque & iucundum colorem susceperit, sed nondum rufum attigerit: postea ab igne sublatum ver-

L fac



fato ac refrigerato, manibúque diligenter subigito, & pastillum magnum conficito: deinde vsus tempore sumamus medicamenti quidem partes duas, ceræ verò & olei singulorum partem vnā vel plures, si res exegerit. vides Aetium ceram addidisse, vt eiusmodi compositio sit tuæ satis propinqua, at quia dicit succos esse accipiendos, & de quibus succis loqueretur non expressit, propterea modum conficiendi succos statim docet, cum ait: Succus autem ita paratur: aquæ sextarios viginti, radicū agrestis maluæ recentium lb. iij. fœnugræci, seminum lini singulorum semisextarium, radices maluæ lotas & contusas aqua madefacito: postridiē fœnu græcum expurgatum & lotum adiecito, & madefieri finito: perendiē semen lini simili modo ablutum: quarto diē vsque ad probam crassitiem decoquito, & per colum traiectum ad medicamenti confectiōnem admittito. Ego verò (inquit author) duodecim aquæ sextariis maluæ libras quatuor fœnu græci & seminum lini, singulorum sextarium admisceo. s e n. Frater ceram & succorum vel mucilaginum eductionem cum Mesue diachylo conuenit. B R A S S A. Idem Aetius ex Oribasij monumentis aliud adduxit diachyli genus. s e n. Quod



Quòdnam ? ne referre pigeat. **BRASS**, Non  
piget, ita dicit author:

**R.** Spuma argenti

Olei

Singulorum ℥ ij.

Cerae ℥ viij.

Fœnu græci

Seminum lini

Radicum althææ

Singulorum partes æquales.

Decoquero quousque crassissimus succus  
reddatur, cuius postea transcolati libras  
duas decoque, ut prædiximus. **SEN.** Et hoc  
eadem recipit simplicia cum præceden-  
te, in rerum ponderibus solum differunt,  
**BRASSAVOL.** Et Galeni in septimo de  
compositione medicamentorum per gene-  
ra libro diachyli compositionem refert, quis ita  
quam dicit esse inuentum Democratis, qui legedū,  
compositionem (ne pondera facile amit- librā au-  
terentur) carminibus cecinit. Huius autho tē vnā,  
ris carmina audire optarem. **BRASSAV.** ac ℥ iiij.  
Res est haud modicè proluxa. **SE.** Quid ad olei an-  
nos, quorum nunc officium est hæc tracta- nosi, cras-  
re? **BRASS.** Audias igitur, ita enim canit sissimi,  
Democritus:

*Lithargyri leuissimi chrysitidū*

*Libras duas miscens, quatuor oxungia*

*Valde vetusta, † (annosa, atque crassissima,*

& nō olē

tis, nō ni

gri, non

asperī.

L 2 Et



Et non olentis, non nigra, non aspera:)   
 Sic nanque sum & pharmacum efficaciam,   
 Liquata diligenter olla axungie,   
 Membranulas, salémque mox sustollito,   
 In vas aliud ipsam percolans amplius,   
 Adiectoque oleo, rursus cura ferueat.   
 Non omne pones oleum, sed partes duas:   
 Tertia manebit in expedito condita,   
 Si sit necessum iungere, ne absit longius.   
 Vteris omnino per hyemem, cum inditum   
 Medicamini crassum oleum longo tempore   
 Euaserit, Lithargyrum & feruentibus   
 Inspergito, leui igne, & assiduo coquas,   
 Spatha mouens, præstiterit quam esse pineam.   
 Cum ceperit mediocri coctum tempore,   
 Medicamen hoc emplastri spissitudinem,   
 Necnon foetorem simili pacto pharmaci,   
 Confestim ab igne cacabum deponito,   
 Faciens per æstatem pauxillo durius,   
 Sed hyeme mollius, non inquinans tamen   
 Moueto, adusque quò modicè ita refrixerit:   
 Sic deinde rursus manibus durioribus,   
 Totum subactum ex olla transferri iube,   
 Cum poscet vsus, iterum validè mollies.   
 Molliq; diligenter pellicula illinens   
 Per magna super accommodabis splenia.   
 s e. Gaudeo me audiuisse compositionem,   
 in qua in simplicium ponderibus errari nō   
 potest. b s. Hanc ob causam compositiones   
 à Gal



à Galeno probantur, quæ carmine scriptæ sunt: quoniam si in ponderibus error contingat, continget etiam in carmine error. Adest & apud Galenum in quinto *κατὰ γέννη* libro, pastillus diachylon, id est, ex succis: Alexander verò Tralianus aliud diachylon facit libro primo, capite 34. prope finem: nam plura miscet. SEN. Quonam modo conficit? BRAS. Isto.

℞. Spumæ argenti tritæ ℥ iiij.

Olei communis ℥ vij.

Ceræ ℥ j.

Resinæ piccæ ℥ vj.

Succi pulicaris ℥ iiij.

Succus verò iste ita fiat, qui psyllij mucilago vocatur, in aquæ fontis xestas sex, immittantur triti psyllij vnciæ tres, & per diem macerentur, postero die clementi igne ad crassitudinem usque strenuè decoquatur, postea ocysimè colato, nam simul atque gelidum fit, indurescit, atque sic denuò mittes in cacabum, & ea facito, rursumque colato. Esto autem mensura pro re nata lib. iiij. Tu denique spumam argenti subtilissimè tritam ad manum habeas, cum eo insere cacabo, in quo cremor publicaris herbæ continetur, & continuè agitando lento igne, donec digitis viscositate non adhæreat, neque vel tantil-

L 3 , lum



lum eos inquinet elixato, sublatóque ab igne cacabo iniiciatur cum cera resina, & vbi non contaminabit digitos, pilæ infundito, rudiculáque mollificato, pelli inducito, & vbi reposcet vtere. **SE N E X.** Hoc est aliud diachyli genus, ab illo Mesue. **BRASSA VOLVS.** Est prorsus aliud, facit & mentionem Galenus emplastri *Διακχυσ* in tertio de compositione medicamentorum secundum locos, in secundi capitis calce, & illud inter laxatoria numerat emplastra. Notáque non esse argenti spumæ miscendas mucilagines, dum ebullit, sed sinendū vt refrigeretur, hoc est vt tepescat.

### SE N E X XII.

Diachylon magnum suam sedem hîc habere iustum est. **BRASSA.** Differentia hæc magni & parui in diachylo apud Mesuen tantum est & recentes: nam antiqui vnum solū habeant diachylon. at tu magnum referas, quod paras. **SE N.** Illud paro, quod à Mesue magnum vocatur, & ita conficitur.

℞. Lithargyrij mundi ℥ xij.

Olei irini

Chamæmelini

Anethini

Singulorum ℥ viij.

Muccilaginis seminum lini

Fœn



Fœnu græci

Ficuum pinguium

Passularum

Succi iridis

Scyllæ

Hyssopi humidæ

Glutinis Alzauach

Singulorum ʒ xij. ʒ.

Terebynthinæ ʒ iij.

Resinæ pini

Ceræ citrinæ

Singulorum ʒ ij.

Conficiatur vt superius dictum est in præcedenti diachylo, & est expertum inquit filius Zachariæ, acquiritur ei in decoctione, vt discedat à mollitie ceræ, & accedat ad spissitudinem vnguentorum. BRASSAV.  
Hoc est diachylon magnum, quod præberi debet cum à medicis indicitur, notaque in hoc diachylo Althææ mucilaginem addi debere. SENE X. Scito tamen nos hoc simpliciter non seruare, sed semper gummi genera mista habet, & cum magnum indicitur diachylon, hoc præbemus. BRAS.  
Tamen diachylon cum gummi ita conficitur:

℞. Diachyli de mucilagibus lb j.

Galbani

Ammoniæ

L 4 Bdel



Bdellij

Singulorum ℥ j.

Misce ad ignem lentum.

Alij his addunt opopanacem, & serapinum ad æquales partes cum prædictis: alij verò magni diachyli libram accipiunt, cum vncia vna prædictorum gummi generum, itaque diachylon cum gummi conficiunt, quod nonnunquam & nigrum diachylon vocatur. extant & alij qui pro communi diachylo, illud conficiunt, quod à Mesue paruum vocatur. s. e. Ex quibus constat? BR.

Ex his quæ sequuntur:

℞. Lithargyrij ℥ vj.

Olei veteris clari lb. j.

Muccilaginis psyllii ℥ iiij.

Muccilaginis hyoschyami ℥ j. ℞.

Muccilaginis seminum lini

Radicis maluæ

Singulorum ℥ ij.

conficiatur. ut de aliis superius dictum est. s. e. Aliis minus calidum videtur. BRASS. Ob hoc à Mesue dicitur resolvere abscessus à caliditate factos. s. e. n. In magno diachylo quid intelligendum est per gluten Alzauach? BRASS. Quid accipis tu ipsius loco? s. e. n. Glutem piscium. BRASS. Et non pauci ita intelligunt: tamen aliqui accipiunt viscum quercinum, quod horum accipiat



piatur haud magnifacio, illos solum non probo, qui ammoniacum recipiunt, nam in eo qui ex gummi conficitur, diachylo, ammoniacum iterum repetere non oportet. aliqui gummi hederæ intelligunt, à quibus etiam non dissentio.

## S E N E X X I I I.

Nunc de hyssopi cerato agendum est. B. R. Oesipi dicendum est, nam œsipus & œsipū neutro genere, lanæ sordes est, illa potissimum quæ sub alis continentur, & est sudor quidam cum pingundine, unde & lanæ ipsæ dicuntur succidæ, quando sordibus sunt imbutæ. De hac autem sorde in simplicium examine vbertim locuti sumus, veruntamen quomodo compositionem hanc conficis? s. R. Hoc modo.:

℞. Croci ʒ v.

Bdelij

Mastiches

Aloës

Syracis liquidæ

Singulorum ʒ viij.

Ceræ citrinæ lb j.

Terebynthinæ ʒ j.β.

Medullæ cruris vaccæ

Adipis anseris

Singulorum ʒ xv.

Hyssopi humidæ lb j.β.

L

s

Olæ



Olei nardini ꝯ viij.

Misce, & fiat ceratum secundum artem.  
BRASSAVO. Omnes ferè pharmacopœ  
hoc seruant œsopi ceratum, & dicunt esse  
secundum Philagrium, medicum anti-  
quum, sed error est, cùm dicitur hyssopi  
humidæ, vidique ceruicosum quempiam  
mirum in modum hallucinari, neq; doceri  
volebat, sed accipiebat hyssopum herbam  
viridem, ignorabátque legendum esse œsi-  
pi humidi, vel sordis abstractæ à lanis de  
modo extrahendi hanc sordem, & Diosco-  
rides secundo libro, & Mesue hoc loco a-  
git, & eodem ferè modo excerpunt, quòd  
legitur Bdelij, Mastiches & pro drach. viij.  
in multis codicibus legitur drach. viij. ta-  
men hoc nō magni facio, neq; ob id corru-  
pta est compositio, quamuis Auicenna &  
Serapio legant drach. viij. s E N. Auicenna  
igitur & Serapio compositionem hanc re-  
tulêre? BRASSAVO. Retulêre prorsus,  
quamuis non nihil differant. s E N. Horum  
authorū compositiones afferre ne pigeat.  
BR A. Auicenna in quinto canone inquit,  
emplastrum Philagrij ad dolorem stoma-  
chi & iecoris, & dolorem matricum, &  
apostemata cūm linitur extrinsecus, & ad-  
ministratur mulieribus in lana liniendo  
cum eo matricem.

℞. Croc



℞. Croci 3 ij. aliter 3 xij.

Bdelij

Mastiches

Ammoniacy

Aloës

Styracis humidæ

Singulorum 3 viij.

Ceræ sextaria iij.

Adipis anseris 3 xij.

Hyssopi siccae aut humidæ 3 xxx.

Olei nardini quantum sufficit.

SE. Cur dicit Hyssopi siccae, aut humidæ?

BR A. Legi debet oesipi liquidioris vel densioris, densior verò fit, cum inueteratur. SE. Iam Serapionem adducas, ut inter ipsum & Auicennam differetiam cognoscere possim. BR A S. Ita scripsit in septimo tractatu Serapio Dhimadh Philagrij ad dolores stomachi & hepatis, & apostemata, & ægri- tudines matricis, quando linitur exterius (alia litera habet exitus) & quando supponitur cum lana.

℞. Croci pondus 3 ij. (& in descriptione alia inuenimus 3 xij.)

Bdelij

Mastiches

Ammoniacy

Aloës

Styracis humidæ

Sing



Singulorum 3 viij.  
 Gummi sextaria iij.  
 Pinguedinis anatis 3 xij.  
 Hyssopi siccae 3 xxx.  
 Olei de spica quantum necesse est.  
 Misceantur, & administretur.

SEN. Vbi Auicenna ceram ponit, Serapio  
 gummi miscet. BRASSA. Non erit ce-  
 ratum nisi ceram receperit: tamen & gum-  
 mi etiam in ipso conuenit. Tu modo con-  
 templeris, quomodo ab oesipi cerato Me-  
 sue distinguatur. SEN. Seruantne omnes  
 hanc Philagrii compositionem? BRASSA.  
 Omnes fere, quāquā alij compositionem  
 illam seruent, quam Mesue refert ex Pauli  
 descriptione. SE. Quænam est illa? BRA.  
 Hæc quæ sequitur:

℞. Ammoniaci 3 x.

Bdelij 3 v.

Sigia, id est styracis liquidæ 3 iiij.

Croci 3 j.β.

Aloës

Mastiches

Olibani

Singulorum 3 ij.β.

Ceræ 3 iiij.

Sepi

Medullæ vitulinæ

Singulorum 3 ij.

Hyssop



Hyssopi humidæ ℥ xl.

Olei irini quantum sufficit.

Misce, & fiat ceratum secundum artem.

SENEX. Pauca videtur ceræ quantitas in compositione. BRASSAVO. Contextus mendosus est, legi etenim debet ℥ iiij. & de sepo etiam ac medulla, legi debet. Singulorum ℥ ij. non autem ℥ ij. SEN. Reperiturne apud Paulum hoc oesipi ceratum à Mesue descriptum? BRASSA. In Pauli Codice diu quæsiui, & illud inuenire nunquam potui, tamen in septimo libro, capite decimoseptimo hyssopi liquidæ compositionem habet, quæ legi debet oesipi liquidæ: est verò compositio, ab illis, quæ superius enarratæ sunt, longè diuersa: fortè fuit alter Paulus iste, quem Mesue adducit, & non Aegineta. SEN. Veram referas Pauli compositionem. BRASSAVOL. Hæc est:

℞. Meliloti ℥ iiij.

Cardamomi ℥ ij.

Lanæ admodum sordidæ ℥ vj.

Macerans in vini sextariis duobus per tri-  
dium, coquito donec pusillum relinqua-  
tur, & extrahens colansve, vino admisce  
olei vncias tres, & denuo vsque ad maxi-  
mæ partis etiam vini consumptionem eli-  
xato, inde colophonix vnc. j. id est, resinæ  
tereb



terebynthinæ tantundem adiice. Sunt vero, qui ceræ quoque, vnc. x. admisceant & hyssopi herbæ vnc. j. concoquunt pariter cum alijs. alij lanas vino abluunt, desiccant &que vinum cum sordibus, quod etiam pinum appellant. SENE X. Non videtur vel minimum quid cum Pauli compositione adducta conuenire hæc vera Pauli compositio. BRASS. Alij sunt, qui œsopi ceratum descriptione Galeni conficiunt, quod à Me sue refertur. SENE X. Quale nam est? BRASS. Istud:

℞. Ceræ citrinæ ℥ iiij.

Olei chamæmelini

Iriini,

Singulorum ℥ vj.

Mastiches ℥ j.

Spicæ ℥ ij. β.

Croci ℥ j. β.

Terebynthinæ ℥ j.

Resinæ ℥ β.

Hyssopi humidæ ℥ lxxx.

Misce, & fiat ceratum secundum artem. SE. In quo loco Galenus de hoc cerato mentionem facit? BRASS. Nusquam apud Galenum compositionem hanc inuenire potui, tamen in decimoquarto Methodi mendendi libro, Classe septima, pag. 88 G. cerati ex œsopo mentionem facit: quomodo autem



autem conficiatur non edocet: tamen & in eodem loco lubentius vtitur æsipo, quando habetur, quàm cerato ex æsipo, imò tunc solùm cerato vtitur, cùm abfuerit æsippus: propterea si tibi placuerit communem illam compositionem seruare, quæ ad Philagrium refertur, illam seruato: sed quantum in me sit, ad durities emolliendas atque nodos, solo æsipo potius vterer: quo si carerem, ceratum acciperem: cùmque Galeni ceratum ignoretur, nisi id sit, quod à Mesue refertur, Philagrij cerato, quàm alio potius vterer, cùm verò hæc haud sint magni facienda, idcirco ad alia te conferre non ab re erit, præsertim cùm annotaueris eiusmodi ceratum, ad vulnerum labiorum vulnerum conuenire, & ad morbi gallici durities, & ad eiusdem generis omnia, quæ emollitione indigent.

## S E N E X. XIII.

Ceratum de betonica considerandum occurrit. B R. De hoc superius locuti sumus in vnguento de Betonica, tamen nec quicquid prætermittatur, quod non sit probè discussum, tu refer quòdnam ceratum de betonica paras. S E. Hoc paro, & etiam seruo, & cùm indicitur, præbeo.

℞. Betonica viridis:

Pimpinellæ

Agrim



Agrimoniij  
Saluizæ  
Pulegij  
Millefolij  
Consolidæ maioris  
Centaureæ minoris  
Matris syluæ  
Singulorum ʒ vj.  
Thuris  
Mastiches  
Singulorum ʒ iiij.  
Iridis  
Aristolochiæ rotūdæ  
Singulorum ʒ vj.  
Ceræ albæ ʒ viij.  
Gummi helemi ʒ ij.  
Resinæ pini ʒ vj.  
Terebynthinæ ʒ viij.  
Olei abietis  
Vini albi

Singulorum quantum sufficit.

Quæ sunt incidenda, incidantur, & quæ in puluerem redigenda, redigantur, & herbe vehementer in mortario pistentur, & per dies octo in vino permaneant, singulæque die vehementer agitentur, & bulliant: quo facto, Recipe Terebynthinam, oleum abietis & resinam pini colatam. & ceram, & ponantur in prædictum vinum, & igni susp



suspendantur, ac bulliant ad consumptionem tertiæ partis, paulatimque bulliant, deinde in sacculum ponantur, & torculari vehementer exprimantur, & infrigidari sinantur. nam videbis supradictum vnguentum ex prædictis vino agglutinationem facere, & ideo manibus vehementer commoueatur, donec tota humiditas exeat, deinde caprinum lac simul addatur, & globi formentur, & iterum manibus probè agitentur: neque illis aures adhibendæ sunt, qui toties agitandos esse negant. **B R A S.** Tuum hoc cephalicum haud reprehendo: sed neque ita recipio, quin alia meliora sequi voluerim. nonnulli Ferrariæ sunt, qui vnguentum de betonica accipiunt, & addita resina accera, in ceratum redigunt.

## S E N E X. XV.

Isis ceratum suam sedem hîc habet. **B R A S.** Est'ne apud pharmacopôlas in usu? **S E N.** Diu est, quod illud conficio ac seruo. **B R A S S A.** Ac quonam modo ipsum conficis? **S E N.** Isto:

℞. Ceræ ℥ C.

Terebynthinæ ℥ CC.

Squammæ aris

Aristolochiæ rotundæ

Thuris

M.

Salis



Salis ammoniaci  
 Serpentariæ  
 Aeris vsti  
 Aeruginis rasilis  
 Singulorum ʒ viij.  
 Aluminis vsti ʒ vj.  
 Myrrhæ  
 Aloës lotæ  
 Galbani  
 Singulorum ʒ xij.  
 Olei antiqui ʒ viij.  
 Aceti acerrimi ʒ xvij.

Confice ceratum secundum artem, sub-  
 inde manibus longo tempore emollias, ma-  
 nûsque acerrimo aceto madescant: deniq;  
 in vas æneum fundatur, ad vsûsque serue-  
 tur. nonnulli Terebynthinam apponunt,  
 vt dictum est: alij Terebynthinæ loco co-  
 lophoniam. BRASS. Cùm ceratum istud  
 à nullo sit positum recente, quomodo in  
 ipsius cognitionem deuenisti? SEN. Tibi  
 referam, quomodo in ipsius cognitionem  
 deuenerim. Nobilis quidam, capite vulne-  
 ratus, multos acciuit Medicos, vt in sani-  
 tatem restitueretur, inter quos aderat excel-  
 lentissimus Nicolaus Leonicens, qui om-  
 nibus persuasit, vt Isis ceratum conficere-  
 tur, itaque me docuit, quomodo esset con-  
 ficiendum, vt tibi retuli: deinceps eiusce-  
 modi



modi ceratum semper seruauit. BRAS. Superuixitne ille in cuius gratiam ceratum hoc confecisti? SEN. Obiit, at ob quid ita interrogas? BRAS. Quia rarissime vidi illos superuixisse, quibus applicatum fuit. Huius verò causam esse arbitror, quia nunquam nisi in vltima desperatione adhibetur: & nunquam adhiberi vidi nisi in extremo. SEN. Nonne hoc est Galeni ceratum? BRAS. Non Galeni, sed à Galeno refertur in quarto de Compositione medicamentorum secundum genera, vbi inscriptio est isis, cephalia ad chironia & difficilia, est item cruentis idoneum, vnde Græci *ἰσχυρὸν* appellant, eius verò compositio apud Galenum ita constat:

℞. Cerae denarium pondo centum.

Resinae Colophonniacæ denarium pondo ducentum.

Guttæ ammoniaci

Squammæ æris

Thuris combusti.

Aristolochiæ tenuis

Aeruginis

Salis ammoniaci

Singulorum denarium pondo viij.

Galbani

Mannæ

Myrrhæ Aloës

M 2

Sing



Singulorum pondo denarium xij.

Aluminis rotundi denarium pondo sex.

Olei veteris heminam

Aceti quantum sufficit, præparato ac vti-  
tor, interim mero, interim diluto medica-  
mine. **SEN.** Non multū interest inter hoc  
Galenī, & illud à me relatum. **BRASS.** Non  
est magna prorsus differentia præterquàm  
in ponderum nominibus: & quia tu Tere-  
bynthinam recipis, Galenus verò resinam,  
colophoniam, quāquàm tu ipse hoc animad-  
uerteris. Prætereà tu ponis aceti, 3 xvij.  
Galenus verò ponit quantum satis est: in  
reliquis non adest magna differentia. Pau-  
lus loco aluminis vsti, alumen scissile po-  
nit. **SEN.** Sūntne alij qui alio vtantur iside?  
**BRASS.** Nulli, quos sciuerim: & cūm isis  
parari debet, cephalicum hoc paratur, non  
tamen hoc dico, quin nouerim adesse &  
emplastrum isis apud Galenum in eodem  
libro, ubi inscriptio est, Isis vocatum empla-  
strum giluum, quod ad fluentia, diuturna,  
maligna valet, aut vix curabilia, maximè  
in partibus extremis. **SE.** Emplastrum hoc  
referre ne pigeat. **BRASS.** Ita conficiendum  
monet Galenus:

℞. Argenti spumæ denarium pondo C.

Minij sinopici denarium pondo viij.

Diphrygis

Ceræ



Ceræ

Chalcitidis combustæ

Singulorum denarium pondo j. aliter  
quatuor.

Chalcitidis crudæ denariū pondo duūm  
Olei heminas duas.

Argenti spuma & oleum coquātur, dum  
iterum ac tertio efferuescāt: hoc facto aquæ  
modicum digitis instillatur, mox diphry-  
ges, chalcitis, testa levis facta inspergitur  
sub manu aquam instillando, donec non  
amplius medicamen inter coquendum stre-  
pat, vbi cōstiterit, ceram indito, sint autem  
chalcitis cruda, & minium ex oleo modico  
contrita, cū bene habet pharmacum, hæc  
immittito, continuo moueas. his ritè pera-  
ctis in pilam conicito, ac rursū condito,  
subigitōque, excipiens vtitor. sunt tamen  
& apud Galenum in vno eodem libro mul-  
tæ cōpositiones sub nomine Isidis, & adest  
Isis viride in loco superius citato: at cū  
cerata non sint, ad hunc locum non spe-  
ctant. tu interim alia ceratorum genera  
prosequaris. s e n. In publicis officinis alia  
non sunt ab his quæ enarrauimus, nisi  
quispiam particularis Medicus sibi genus  
vnum aut alterum confici iubeat: at vni-  
uersalia genera illa sunt, quæ adduximus.

B R A s. Cerata igitur quæ in vsu sunt, pau-

M 3 ca esse



ca esse constat. SEN. Imò paucissima, quoniam neq; alij pharmacopôlæ omnia conficiunt, sed nonnulli aliqua, alij alia, non tamen extra narrata. BRAS. Quid nobis amplius agendum superest? SENEX. Plura adhuc supersunt consideranda. BRASSA. Quænam? SEN. Vnum est, emplastra in examen ducere. BRAS. Id vt lubebit, fiet, modò sinas me paululùm spatiari, nam senio iam mea membra præ nimia quiete stulescere. SEN. Id citius quàm fieri possit agas, vt cœptum laborem finiamus. BRAS.

Iam surgo & ad spatiandum accingor.

★

FINIS EXAMINIS  
CERATORVM.








ANTONII MV-  
SAE BRASSAVOLI  
MEDICI FER-  
RARIENSIS,

Examen omnium EMPLASTRORVM,  
atq; CATAPLASMATVM, quorū apud  
Ferrarienses pharmacopôlas vsus est:

AD ILLVSTRISS. ET  
EXCELLENTISS. ELLEONO-  
RAM ESTENSEM ILLV-  
strissimam DVCIS Fer-  
rariæ Filiam.

HIERONYMVS BRASSAVOLVS.




Quoties adolescentula illa in  
salomonis Templo educata  
mihi in mentem ueniunt, to-  
ties tu ipsa Illustrissima ado-  
lescentula mihi occurris contemplanda:  
nam omnes illas omnium adolescentula-  
M + rum



rum dotes in te sola fulgere reperi: hæc  
 uerò solent esse Estensium Virginum &  
 adolescentularum propria, quæ semper  
 præclaris uirtutibus cæteras omnes Ita-  
 liæ proceres excelluere. Cùm igitur te  
 iam omni uirtutum genere ita excultam  
 esse repperim, ut nihil addi posse uidea-  
 tur, quomodo tua præconia efferre pote-  
 ro? nam id efficere idem esset, ac si lucen-  
 tissimo soli lampada admouere uoluerim.  
 Verùm cùm ego excellentiam tuam sum-  
 mopere obseruem, nihil uehementius exo-  
 pto, quàm illud efficere, quod tibi gratum  
 esse percepero: gratum uerò excellentiæ  
 tuæ me faciurum existimabo, si libellum  
 hunc, qualisqualis sit, tibi dedicauero,  
 quem spero Excellentiam tuam benigna  
 fronte recepturam: & me in illo-  
 rum numero existimaturam,  
 qui te summopere colunt,  
 obseruant, ac ue-  
 nerantur.

Vale.






A N T O N I I M V S A E

B R A S S A V O L I M E -

dici Ferraricnsis

S E N E X , B R A S S A V O L V S .



Vorsum tam celeri gressu pro-  
peras? B R A S S A V . Ad ægrum  
quempiam moriturum, qui ta-  
men adeò ægrè fert, vt non so-  
lùm corporis, sed & animæ di-  
scrimen immineat. S E N . Prudenti cuiquam  
religioso tradendus est, qui illi huius finis  
necessitatem ostendat, suadeátque diuinæ  
voluntati acquiescendum esse. Verûtamen  
audiui te de hac materia disputasse, & Dia-  
logum quempiã scriptis tradidisse. B R A S .  
Ita planè est, sed nihil aliud suadeo, quàm  
nemini mortem placere. S E N . Ni pigeat  
interim Dialogũ referas, dum te ad ægro-  
tum istum comitabor. B R A S S A V . Viæ la-  
borem auferet Dialogus. hinc enim ægroti  
domus non modicè distat, & tibi mo-  
rem geram. At ne diutius im-  
moremur, ita incipit  
Dialogus cuius in-  
scriptio est.

M 5 Q V O D



QVOD NEMINI MORS  
PLACEAT.

FVit olim nostra in hac vrbe Philo-  
phus cū auo, tum omni doctrinarum  
genere insignis : qui sudoribus in iuuandis  
aliis, & aptè componendis iuuenū animis,  
famā immortalem sibi parauit: & qui Stoi-  
cos & Peripateticos non modò disciplinis  
æquauerat, sed in moribus etiam atq; cor-  
poreis exercitamentis eorum imagines re-  
ferebat. nam sub porticum Illustrissimū at-  
que cōstantiss. in bello & pace Ducis nostri  
ALPHONSI in dies magna doctorū atq;  
scholasticorum frequētia comitante, spatia  
faciebat, qui ab eo tanquā à Delphici  
Apollinis oraculo disciplinarū fontes hau-  
riebant. Differebat obambulans, docebatq;  
in porticu, imò & aliis vacabat nonnullis  
(tam erat laborum sitiens) vt sese opportu-  
nitas, & temporis offerebat occasio. Non-  
nunquā in aulicum quendam, à rudibus  
annis amicum incidit, virum & ipsum iam  
senio confectum, & studiosorum amanti-  
ssimum, alter alterū salutauit, resalutauitq;  
vt singularis exigebat amor. Nescimus in-  
terim cui summam manum imponent.  
Nos illuc accessimus, cū in mortis sermo-  
nem descenderāt. Mortem Philosophus ille  
omni



omni laudum præconio, tãquàm summum animãtis bonum, in rerum apice, atq; summo fastigio ponebat: quam quisque (vt eius verbis vtar) si sapiat, vt citius fieri potest, optare debet, & apertis vlnis expectare. Aulicus è contrario, nihil homini deterius, nihil infelicius, nihil denique miserabilius contingere posse cõtendebat: quam & insani, & bruta animantia euitare nituntur: putabátque Aulicus Philosophum non ex corde, sed extremis labiis illa effari. Tunc PHILOSOPHVS: Amici iocãtur, & beneuolos fallunt? ita me Deus amet, vt hoc toto corde, tota mente sentio: cui & si alij viri non consentiant, nec recipere velint aut audire, fucata hac vita, & blando hoc aspectu deluduntur: quos si quietè alloqui possem, & rationes nostras audirent, certus sum me eos illuc perducturum, vt mortẽ vita præstantiorem esse fateantur. Tunc AVLICVS subridens, inquit: Pulchrum erit, vnà & curiosum valde hoc experiri, quod nemini Iro etiam vel Pausone magis calamitoso suadebis. PHILOSOPHVS. Periculum faciamus. sed quid erit præmij si aliquem euidentibus rationibus in nostram sententiam descendere cogamus? AVLICVS. Quid vice versa enanciscar ego, si nulli tuam hanc sententiam suadere poteris?



poteris? P H I L. Illud sit inter nos mutuum,  
 si nulli mortem optimam esse suadere po-  
 tero: mihi ipsi, tūque tibi ipsi aliquo assen-  
 tiente conditionem pones. A V L I C. Esto:  
 rem igitur pede dextero exordiamur. P H I-  
 L O S O P H. A' te huius rei initium facere  
 opportunum videtur. A V L I C. Vt lubet fa-  
 ciamus. P H I L O S O P H. Putásne humanam  
 animam immortalem esse? Deúmque exi-  
 stere? & beatos angelos, atq; intelligentias  
 cœlestes? bonósque præmio, & prauos affici  
 pœna? A V L I C. Quis adeò impius, & infide-  
 lis hæc non crediderit? P H I L O S O P H. Pu-  
 tásne quādoq; te illuc peruenturum? A V L.  
 Puto: diuini tamen numinis auxilio fretus.  
 P H I L O S O P H. Putásne ibi felicitatē esse  
 incomparabilem, quæ nullo mœrore, nul-  
 lis miseriis, nullo luctu affecta sit? A V L I C.  
 Equidem. P H I L O S O P H. Tu igitur vitam  
 illam felicissimam esse putas, quam qui  
 viuunt, nulla re indigent, nulla ægritudi-  
 ne corripiuntur, nullo animi affectu vexan-  
 tur: & non nisi per mortem recipi potest: ta-  
 men non das operam præsentem vitam, id  
 est veram mortem certa illa vita commu-  
 tare? Aut igitur fides abest, nec ea quæ præ-  
 diximus, ibi esse credis: aut atteribile vexa-  
 ris. A V L I C. In fide nulla est ambiguitas:  
 sed horrenda illa inferni tormēta, ingentia  
 suppl



supplicia, & varios cruciatus pertimesco:  
sum his mundi illecebris inextricabili no-  
do vinctus: nō possum facile amicos, paren-  
tes, agnatos, filios, aut fortunæ bona dere-  
linquere. PHIL. Ergo fucatis his bonorum  
simulachris detineris, quæ nihil aliud sunt,  
quàm mellita venena? ô curas fatuas, quæ  
te velut ad Syreneos scopulos alligarunt: ô  
solicitudines turbulentas, quæ te miserum  
deniq; in infelicem exitum deducunt! Dic  
fodes, si apud extremos Indos beatā vitam  
esse putares, vbi etiam hanc nostram mo-  
mentariam vitam centum annorum spatio  
prorogares, nunquàm verò illuc peruentu-  
rus esse, nisi nudatus: num depositis indu-  
mentis, ac rebus omnibus amissis illuc pro-  
tinus gressum flecteres? AVLIC. Et maiora  
adhuc subirem, vt breuem hanc vitam in-  
tegro æuo producerem. PHIL. At quantò  
leuius, quantòq; dulcius iudicare debes cœ-  
lestem vitā, nunquàm desituram vna breui  
atque facili morte tibi parare: imò & si sex-  
centas mortes subire opus esset, hanc æter-  
nam vitam deferere non deberes, qua sum-  
mum intueberis bonum, in angelorū cho-  
ris versaberis, in sanctorum contubernio  
collocaberis. si igitur vt centum annis hanc  
vitam prorogares, ad extremas orbis par-  
tes nudatus amicis derelictis, & fortunæ  
bonis



bonis, & maximo tuo incommodo proficisceris, cur carcerem hunc corporeum vehementer deponere non exoptas, vt pro hac vita, quæ nihil aliud est, quàm vapor ad exiguum tempus apparens, aut vnius horæ somnium, æternitatem assequeris? A V L I C. Vera sunt, quæ dicis: tamen si ad extrema mundi limina peragrarem, amicos reuiscere possem, neque corpus hoc, quod sum moperè amo, deponerem. P H I L. Ignoras igitur apud Superos, & in sanctorum consortio amicos etiam videri posse? A V L I C. Ignoro. P H I L O S O P H. Vir es, qui aliena curas, & posthabes propria. imò cœli cultoribus nihil deest, quod optent. A V L I C. Quid si filios optarent, si vxores, aut diuitias? P H I L O S O. Hæc omnia haberent, & his omnibus saturi fierent. A V L I C. At si filij & vxor in exteriores tenebras, & in tartareas pœnas deiecti essent? P H I L O S. Eos in cœlum (si lubeat) reuocare poteris: sed hanc diram cupiditatem non habebis: nam eris diuinæ menti conformis: cui placeat vt ob eorum flagitia plectantur. non deerunt in cœlis cupediæ, non dapes diuersæ, non pepones, non phasiani, non Cretica vina, si alicui vel immoderato placerent: sed qui in illis cœlestibus deliciis versantur, hæc omnia spernunt, tanquàm terræ, & elem



& elementorum omnium excremēta, quibus nō indigent: his solūm cibis depascuntur, qui mentem oblectant, solo veri Dei atque IESV CHRISTI intuitu gaudent. in quo veluti in fulgentissimo speculo omnia intuentur. Quæ sint, quæ fuerint, quæ mox ventura trahantur. Hoc solo oblectantur, hæc est æterna gloria, hæc est vita illa, quam is ingredi debet, qui mandata servat. AULIC. Nos hæc aliās audiuius: nam publicis cōcionibus oblectamur, & nihil aliud audiuius, quàm de hac æterna gloria: tamen nunquàm illuc progressus sum, ut hoc corpore spoliari cuperem: putoque patres istos, qui tantoperè æternam illam vitam extollunt, hanc temporariam & momentaneam magis amare: illisque durum videretur, si corpus deponere oporteret. PHIL. Putas ergo durum esse, atque asperum, corpoream hanc molem exuere? AULIC. Puto. PHILOSOPH. O' quàm tua hæc excogitatio vana est: nisi fortè non verum dixit Plato, qui animam hominem esse iudicavit, corpus tanquàm vestem & carcerem, quæ illam à suo munere impediat. Dicigitur, si veste nimis graui premereris, quæ tibi impedimento esset, ne urbem illam felicissimam in extrema mundi ora positam adire posses, num vestem istā, & si auro contextam



textam, arte laboratam, ostróque superbo,  
deponeres, etiamsi tibi gratissima esset?  
A V L. Deponerem, & si tota esset orientali-  
bus gemmis contexta. P H I L O. Hæc vestis  
corpus caducum & fragile est, quod homi-  
nem, id est animã prohibet, ne illuc ascen-  
dat, vnde discessit. nunquam verò nisi mor-  
te deponi potest hæc vestis: hoc est carneum.  
& corruptibile corpus: quippe mors (vt Phe-  
don ait) est animæ à corpore dissolutio, &  
quàm solidi vinculi exitus. A V L I C. Tamen  
nostri sensus nō parum luctantur, & quan-  
to fieri potest, hanc dissolutionē effugiunt,  
vt ferè in pugnam cum morte descendere  
videantur, doléantque de morte. P H I L O.  
Dic igitur, quādo in hanc pugnam descen-  
dunt? ante mortem? vel in ipsa morte? vel  
post mortem? A V L I C. Semper dissolutio-  
nem istam, id est mortem ægrè ferunt, &  
dolent. P H I L O. Si ante mortem dolue-  
rint, vani sunt & cassi sensu sensus, qui do-  
lore eos nondum infestante ægrè ferant. in  
ipsa morte dolere non possunt, quoniam  
animæ à corpore recessus momento expe-  
ditur, quò fit, vt nullo vel exiguo tempore  
infestari possint. nec post mortem dolere  
possunt, quoniã absunt: nam mors est sen-  
suum priuatio, & non destructio corpo-  
rum, vt Trismegistus in Pymandro testa-  
tur



tur. A V L. Id est, id inquàm est quod deter-  
rentur, scilicet sensu priuari, putántque in  
hoc actu se plura passuros. P H I L. Mortem  
igitur non timent, sed præuios mortis la-  
bores, qui ob ægritudines, ob dolores, ob  
corporis & animæ inquietationes recipi-  
untur, & qui mortis opinionem terribilem  
faciunt. Vnde ab Epicteto in Enchiridio  
scriptum est mortem non esse terribilem,  
sed mortis opinionem. Tu ipse es, qui mor-  
tem inquietissimam putas, atque iniquam  
cùm sit planè tranquilla, & amœna noscen-  
tibus, ignaris aspera. sed iam caput aliud  
adeamus. Num felicissimum est Deo assi-  
milari? A V L I. Maxime. P H I I. Is num Deo  
satis proximus, similisque, qui futura vati-  
cinatur? A V L I. Omnino. P H I L. Plato in  
Epinomide, & in Phædone, scriptum reli-  
quit, quo homines morti proprius accedūt  
eò maxime vaticinari: sæpiusque horam re-  
cessus animæ à corpore prædicere, quippe  
anima est ab hoc corporis ergastulo ferè  
soluta, & in suam ac propriam naturam re-  
ducta. Cùm igitur mors nos Deo similes  
reddat, eam fugere absurdum videtur.  
A V L I. Hæc argumenta nobis puerilia vi-  
dentur, & nihil quod dignum sit, sua-  
dere. P H I L. En igitur, num quisque qui  
hac vita fungitur, seruit? A V L I. Quid in-  
N quis?



quis? Reges atque principes imperant,  
non seruiunt. PHILOS. Imò nullum est  
magis onerosum seruitium eo, quo Reges  
& Principes seruiunt: modò illos seruire  
putes, qui illa ferè coacti agunt, quæ aliò-  
qui omisissent, nisi fato, aut alia maiori po-  
tentia traherentur. A V I I. Ita est. PH I-  
L O S O. At Reges quot agunt, à quibus  
abstinerent, si aliter agere commodum es-  
set? Hic Rex qui nunc totam Italiam per-  
turbat, si iamdudum hostem suum profligasset, tot labores die noctūque non pateretur, infinitis propemodum curis, animiq;  
anxietatibus solutus esset, quæ in dies illum perturbant, & ferè mente alienari faciunt, cū videt milites regredi, aufugere, trucidari. His eorum animi, velut incudes cōtinuis malleis obtunduntur: his seruiūt, & maximè seruiunt. hoc seruitij genere ciues carent. At si Rex vitiis, & sceleribus sca-  
teat (vt maior Regum pars consuevit) sibi ipsi seruit: imò non sibi, sed imperiosis dominis, qui suis cupiditatibus imperare nescit. Propterea historici Alexādrum Magnum suo cognomine indignum putarunt: qui cū de tot vrbibus, de tot prouinciis, de tot gentibus, mari, terraque triumphasset, sibi ipsi imperare nesciuit: cū nulla sit pulchrior, aut magis honesta victoria



ria. quàm se ipsum cohibere, vt inquit Solo-  
mon, & se sibi dare, ac herbam mordicus  
accipere. A V L. In hoc sensu Reges ser-  
uitio exire, non contendam. P H I L O S O.  
Hæc est apud Platonem in Phædone sen-  
tentia: Mortale est, vt subiiciatur ac ser-  
uiat: diuinum, vt præsit, ac ducat. cum ani-  
ma à corpore soluitur, diuina & immorta-  
lis efficitur, domina, præses, imperatrix:  
nunc in re mortali versans, in curarum in-  
uolucro, in stercoreis volutabro, illegitimè  
seruit: cumq; excellentius sit præesse, quàm  
seruire: melius igitur erit atque optabilius  
ab hoc caduco corpore puram animam sol-  
ui, atque liberari quàm in eo diutius conse-  
nescere. A V L I C. Tu te ipsum habes in con-  
silio: nondum illuc accessi, vt mortem vi-  
ta præstantiorem arbitrari possim, atque  
vouerim. P H I. Dic igitur si id rationibus  
efficiam, vt tu ipse fatearis, mortem nō esse  
vita peiorem, num mihi assenties? A V L I C.  
Nescio an id vnquàm efficere poteris. P H I  
L O S O. Nobis causa nota est, cur mortem  
adeò vehemèter horrescis. A V L. Quæ nam  
est hæc causa? P H I L. Si tibi illam, aperire  
vouerim, tu ibis inficias. A V L I. Non ibo,  
per Herculem. P H I L O S O. Fide cares, &  
in animi immortalitate non parùm ambi-  
gis: quibusdam similis es, quos per orbē ob-  
N 2 ambul



ambulans quandoque audiui ita dicentes, noui huius mundi delitias, nescio quas sim in alia vita recepturus: neminem adhuc regredi vidi: aut aliquem qui viderit, audiui.

A V L I: Et ego frequenter eadem sententia vsus sum, addoque vel mortuos optimè se habere, vt ampliùs regredi negligant, vel impeditos non posse. P H I L. Tamen nonne putas animam immortalem esse? A V L.

Non dubito. P H I L. Et ad beatas illas animas, quæ in cœlis sunt, euolaturam, vbi summi numinis intuitu delectaberis?

A V L I C. Quid opus est verbis? hæc omnia mihi certissimè constant. P H I L. Num igitur quàm citius fieri potest, illuc eundum est? quis enim ita fatuus in sodalitium maximi Regis, vel Principis recipiendus aufugiet? A V L I C. Nullus: sed ob istud vitam cum morte non commutat. P H I L. Tamen mors nihil habet incommodi, nihil quod ægrè ferre debeamus, aut dolere. A V L I C.

Imò è contrario, quàm multa habet maximè incommoda, & praua. P H I L O. Id est ne prauum, aut incommodum, quod sensu nunquàm percipitur? A V L. Non est. P H I.

Sed mors ipsa nunquàm sentitur: quam qui habet, non modò illam, sed nihil sensu recipit: vt Diogenes ille Cynicus quandoque interrogatus, an mors praua esset,

respond



respondere non vereretur, quomodo parua, si non sentitur? & Thales Milesius, eandem esse cum vita censuit. vnde à quibusdā interrogatus, si à vita nihil differt, cur non moreris? ait ille, quia nihil differt, & Plato nono de Legibus libro, mortem non esse vita peiorem testatus est. cur igitur tanquā malum quoddam, & veluti monstrum horrendum extimescenda? imò cum anima in Sanctorum consortio recipiatur, nemo illam optare non deberet. A V L I C. In his rebus anceps sum. P H I L O S O. Cur es anceps? imò ex opposito addam, etiam si mortalem animam putaremus, prestabilius esset, atque illustrius, à sedulis & inextricabilibus huius mundi curis radicitus euelli, quàm in continuis corporis angoribus, animi perturbationibus agitari. Dic, quid aliud est mors, quàm somnus? A V L. Nihil aliud: imò & ipsa quies est simillima mortis imago. P H I L. At quid potest in hac lachrymarum valle dulcius cōtingere, quàm somnus quietissimus? quo nox nulla insomnia noscat? A V L. Nihil omnino. P H I. Si anima & corpus vnà perirent (quod à Christiana mente absit) mors esset hīc quietissimus somnus, insomniis carens, quem rarò in hac vita miseriis plena assequimur: nam sensim sine sensu tempus elabitur.

N S Quisq



Quisque igitur sapiens sibi ipsi inquit, iam quiescendum est, & hæc laborum sarcina deponenda: iam dormire licet somno sine insomniis quietissimo. A V L. Hæ mihi videntur fabulæ, quas refers, indignæ etiam vt surdis cantentur. P H I L O. Putasne mortem expauescendam, si nihil sit? A V L I C. Minimé. P H I. At homine vita functo, superest anima, neque corpus dissoluitur: nam solum ab inuicem segregantur: quæ segregatio respectus quidam est, & accidēs, quod in re ipsa nihil addit. mors igitur nihil est. A V L I C. Nos verò hoc maximum esse existimamus, animam prohiberi, ne priori vinculo suo corpori copuletur. P H I L O. Vires Mineruæ pinguis anima est quæ refugit, & corpus ingredi renuit, ne fœtido illo carcere, id est, corpore obstricta, & veluti serua teneatur. Nam si corpus suum ingredi vellet, nihil est, quod eam impedire posset. A V L I C. Posset igitur corpus accipere, quando luberet? P H I L O S O. Posset. nam beatæ illæ animæ quæ in cœlis sunt, si ante terribilem Iudicij tubam sua corpora assumere vellēt, nihil eas impediret, quin illud assumerent, sed nulla est anima, quæ hoc cupiat: omnes enim nihil aliud volunt, nihil aliud cupiūt, quàm vt à Deo Optimo Maximo statutum est: is verò



verò omnipotens tunc recipienda corpora  
statuit, atque assumenda, cum viuos & mor-  
tuos in die illa tremenda iudicabit. A V L.  
Mirum est, quod audiui. P H I. Sed verum,  
audias præterea in Pymandro Trismegi-  
stum, qui mortem nihil esse censeret, & nihil  
in mundo mori: & Epicurei mortem nihil  
ad nos spectare voluerunt: quippe cum sumus,  
non est ipsa: nosque, dum est, non sumus.  
A V L. Quomodo inquit Epicurei, non  
accipio. P H I. L. En, quid ea curas? quæ non  
habes? nunc febre cares, quid febrem curas?  
A V L. Nihil curo, sed vereor ne in illam  
incidam. P H I. L. Tamen cum ea cares, il-  
lam non curas. A V L. Non curo. P H I. L. In  
morte idem contingere debet: cum viuis,  
ipsa nihil ad te: nam & viuis, & sensuum  
adminiculo fungeris: illa verò est sensuum  
priuatio. Cum mortuus eris, quid ad te,  
cum nihil senties? quauis Lactantius de-  
cimo septimo capite tertij libri, eos qui ita  
dicunt, reprehendat. A V L. I. Nunc Epicu-  
reorum sententiam accepi. P H I. L. In hac  
parte infinitas Philosophorum atque Poë-  
tarum sententias posthaberi decreuimus,  
quibus mortem ipsam optimam esse & ipsi  
suadent: & nos suadere possemus. Hanc  
Epicætetus veluti summum bonorum meditan-  
dam esse iubet, ut Plato philosophiam per



mortis meditationem definiuerit. Lege vetus instrumentum, & relege, nunquam vel raro inuenies eum qui naturali morte à vita decesserit, mortuum dictum esse: sed omnes cum patribus suis quiescere dicuntur. illi soli qui violenter interiêre, mortui à sacris literis in Pentateucho vocantur, & in tertio Regum libro, capite secundo, mors vniuersæ terræ via nuncupatur, ad quam omnes veluti peregrini accedimus: inestque nobis (vt philosophi inquirunt) ex materiæ primæ appetitu, quæ nouas formas semper desiderat & appetit. hic verò appetitus ex primi parentis Adæ inobedientia ortum habuit. imò & elementorum contrarietas, ex quibus constamus, ad corruptionem plurimum facit. sed de his hæcenus. Nunc ad id quod est huius rei caput redeamus. Num pulchrius est, illustriusque è summis miseriis, è summis anxietatibus, è summis curis atque laboribus quantò citius fieri possit, liberari? A V L. Equidem. P H I L. Sed quæ vitæ pars ab his incōmodis soluta est? quive homines qui hæc non patiantur, inueniri poterunt? A V L. Nonnulli certè inueniuntur, licet rari, qui diuites sunt, corpore validi, pulchri, quos sua fors contentos effecit. P H I L. Et qui sunt hi? quoque tempore, & quàm diu in hac felicitate commo



morantur? Legi Diuum Ambrosium hoc ferè modo scribentem: Etiam si quis in hoc mundo curis omnibus, & solitudinibus careat, mortē exoptare debet, vt summam felicitatem amplectatur: quantò magis eligenda erit, expetenda, atque inuocanda si tota sit discriminibus plena vita? hāc à principio & ferè à cunis examinare pergamus. Cum primum è matris aluo in lucem emergit infans, nudus, & in nuda homo (vt Plinius inquit) natali die abiicitur (quum cæteris animalibus natura varia tegumenta concesserit, testas, cortices, coria, spinas, villos, setas, pilos, plumam, pēnas, squammas, vellera) vagitus statim & ploratum auspicatur, vitam incipiens à mœrore, vel quia dolore vexatur, calorēve aut frigore. nihil nos scimus, vocem solū audimus, quæ est molestiæ signum, quam nescit verbis explicare quod patitur. infeliciter iacet manibus pedibūque deuinctis. Cætera autem animalia, quum primū orta sunt, roboris speciem habent, & munus, quando homini incessus? quando vox? quando firmum cibus os? quandiu palpitans vertex? Interim ad septimum ferè annum ineptus, & tanquā mortuus ætatem transigit: tunc pædagōgis datur, qui illum diuersis laboribus affligunt, & tanquā tyranni imperāt. sub-

M s seq.



sequeute ætate pædotribas despicit, & ea tunc puerilia esse censet, quæ prius expauescebat, sed vitam laboriosiore ingredi-  
tur: nempe artem quandam sectari incipit: & illi, si ingenuus vir sit, totis viribus incumbit. Si hæc sit armorum peritia qua delectetur, hinc iurgia surgunt, hinc, certamina, hinc vulnera patitur, hinc percussiones in nuda terra iacet, crebrò noctes insomnes ducit, victus deest, & denique ictu paruo perimtiur. Si verò præceps mercandi cupiditas illum teneat, terras omnes, omnia maria infinitis discriminibus peragrat, & nauigat, quòdque per vniuersam ætatem arte & labore acquisiuit, breui momento fortunæ impetu dissipatur. Sunt nonnulli mechanici, alij mercenarij, qui laboribus non dies modò, sed noctes etiam insomnes ducunt, vixque panem & vinum aqua dilutum pro victu sibi parare possunt. Aliqui scientiis incumbunt, qui solitarij in silentem locum sedentes marcescunt, deridentur à vulgo, exhibitanturque. Qui magistratus gerunt, quo tæcuris vexantur? in cōtinuo sunt mortis periculo, ne ab illis interficiantur (quod crebrò cōtigisse certū est) quos iuste vel iniuste iudicant. Nautæ quor pericula subeunt? Bias ille inter phisosophos sapientissimus, non parū dubitauit, an nau-  
ras



tas inter viuos, an inter mortuos enumerare oporteret. O' si altissimā (vt Lucianus inquit) speculam ascendere liceret, ē qua vniuersus orbis circumspecti posset, quot varia hominum discrimina, quot miseriae, quot ploratus intueremur? Hic dominus est, quē multi sequuntur: seruus ille, qui sequitur. Quot inde sunt animorum passiones? hūc inflatiabilis tenet auaritia: alius vino madet: alius torpet inertia: alius ambitione fatigatur, plures inconstantes quid sequantur ignorant: alij vitiis diuersis affecti consumuntur: quos in libello de Humana miseria à nobis edito ad vnguen vsque retulimus. Et quis caret pro sua sorte vitiis? Denique paucissimi senio conficiuntur, nedū attingunt: & qui senectutem assequuntur, quid lucrantur? Bis pueri fiunt, sensus labascunt, tremunt artus, hebescit visus, perditur gustus, auditus eripitur, odorant nihil, vt Xenocrates Platonius optimè monuerit, quos Deus amat, breui ex hac vita reuocare. & à Plinio capite primo vigesimi octauo libri Historiæ mundi scriptum est. Quapropter hoc primū quisq; in remediis animi sui habeat, ex omnibus bonis, quæ homini tribuit natura, nullum melius esse tēpestiua morte: in eaque id optimū, quod illam sibi quisque præstare potest. At hoc à  
relig



religione Christiana longè dissentit. Si omnia vitæ incommoda referare voluerim,

*Ante diem clauso componet vesper olympo.*

Ex his verò paucissimis nōne vides hominis vitam miserrimam esse? & mortem quæ ab his breui momento liberat, esse optandam? A V L. Multa ex his quæ dixisti, vera esse constat, tamen quicquid facis, quicquid conaris, irritum & incassum est: nam vita hæc mihi placet, & mortem abhorreo: ne tuis his argumentis vel pusillam ab hac sententia dimoueri possum. tamen in hac vita illud optarem, quod nonnullis in hac vrbe contingit, quos absque labore diuitias habentes (nam diuitum patrum hæredes fuere) hilares, quotidie conuiuentes, sibi viuentes, & de alienis parum curantes videmus. P H I L O S. O' vir, qui à pueritia in triualibus tripudiis versatus es, ignoras igitur eos, qui tali victus genere vtuntur, & qui talem vitam agunt, omnibus hominibus calamitosiores esse? qui numerum faciunt, & nati sunt (vt inquit Flaccus) consumere fruges: solos cibos, solas cupedias, solas potiones colunt, vt corpus fluidum atque perituum impleant fartiāntque casurum citius, molestiorem carcerem sibi ædificant, quos non erat operæ pret



pretium nasci, aliis & sibi ipsis inutiles: qui  
 tanquàm rapidi canes, nil aliud cogitant,  
 quàm si quid sit cœnandum delectabile: si  
 dulce vinum, Ponticùmque ea curant, quæ  
 popinarium, & dissolutissimum hominem  
 decent, nec edunt, bibuntne ut viuant, sed  
 potius viuunt, ut edant, ac bibant: imò ut  
 vorent atque ingurgitent. tu huius gene-  
 ris homines in hac vita felices esse putas?  
 A V L. Hactenus certè putabam: sed dein-  
 ceptis nunquàm. P H I L. Cede igitur, & vna  
 voce mecum fatearis, prudentis hominis  
 officium esse mortem apertis vlnis expe-  
 ctare: cùm nihil sit in terra miserabilius ho-  
 mine, summæ inter cuncta animalia imbe-  
 cillitatis fonte. Iugi mœrore torquetur, &  
 si quid habeat, vanum omne est, & vanitas  
 vniuersum, inquit Salomon. A V L I C. Vis  
 ut vno atque simplici verbo te expediam?  
 P H I L. Id facias, & bene. A V L. Mihi vide-  
 ris gerras nugas effundere, & surdis fabu-  
 lam cantare, nam quò plura dicis, eò ma-  
 gis in vitæ amorem, atque desiderium ducor,  
 & inflammor. Hæ nugæ sunt adolescenti-  
 bus referendæ: & nō ei, qui psittaci rostrum  
 nactus sit. nam & si exquisitoribus argu-  
 menti vsus esses, tibi quoq; non obtempe-  
 rassẽ: quantò minus his tuis fucatis ra-  
 tiunculis, ac sophisticis obtemperandum?

P H



P H I. Tamen ab eorum laqueo fugere ne-  
 scis, neq; scis eorum veritatem euitare. A V.  
 Dialecticę arti, aut sophisticę palęstrę nū-  
 quā operam dedi, vt sciam ego quę ne-  
 ganda sunt negare, & quę affirmanda affir-  
 mare, quę ve distinguēda distinguere. quic-  
 quid sit, per sentio animum meum, atq; in-  
 tima pręcordia morti repugnare: imò cū  
 id solum verbum audio M O R S, horresco,  
 & frigidus it per ossa tremor. tibi ergo tua  
 argumenta seruato, & mihi meis sensibus,  
 & meę menti assentiri permittito. P H I.  
 Ex his tuis verbis aliud coniectare nō pos-  
 sum, quā te delicias illas alterius vitę, &  
 Paradisi felicitates non credere: imò pu-  
 tas animam vnā cum corpore mori: & (vt  
 ille dixit) cum sanguine fundi. A V. Nōdum  
 rem accepisti, nam in animę immortalita-  
 te subdito, neminem ad hanc vsq; ætatem  
 regressum videre potui. P H. Rem arduam  
 commouisti, de qua nec tēpus, nec occasio  
 differendi datur, tamen ne te in hac tā pra-  
 ua sententia sinamus, nō nihil de hac re præ-  
 fari ab re non erit: aliās diffusius, commo-  
 diusq; hanc disputationē tractaturi. Dic igi-  
 tur, putāsne homines in tantā excellentiam  
 deuenisse, in tantam rerum omnium maie-  
 statem, nisi diuinum quendam spiritū habe-  
 rent, quo intelligant, quo naturę secreta  
 scrut.



scrutentur, & rerum causas pendant? quo  
 cœlum ordine metiantur, stellas dinume-  
 rent, astrorum motus diuidant, noscântque  
 & nomina imponant? quo syderum defe-  
 ctus, ortus, & occasus ostendant? quo in aëre  
 cometas, fulgura, grandines, fulmina, caden-  
 tes stellas penetrent? quo abdita sub terra,  
 serpentes, mineralia. croceum aurû, & pal-  
 lidum argentum peruestigent? quo supra  
 terram, herbas, arbores, & plantas omnes,  
 atq; animalia calleant, terrarum dimensio-  
 nes, urbium nomina (quas & condunt) mon-  
 tium situs, fluminum & fontium interual-  
 la teneant? res publicas inoderentur? quo in  
 aquis pisciû genera laboriosè superèt? quo  
 tandem in ardua diuinæ sapientiæ, in Deû,  
 & intelligentias eleuētur? Quid cunctaris?  
 ad hæc respōde. A V L. Ex his, & multis aliis  
 animam diuinum aliquid esse & immorta-  
 le non possum non credere, tamen neq; ex  
 hoc illuc duci possum, vt mortem optare  
 velim, aut possim. P H I. Nondum perfectè  
 credis ibi esse bonorum omnium posses-  
 sionem, ibi esse voluptates omni miseria  
 vacuas, ibi omnia esse quieta, & à senectute  
 remota, ibi esse sanctam exultationem, ibi  
 vitam malorum nesciam, & tranquilla pa-  
 ce nutritam, rerum naturam contemplan-  
 tem, & philosophiæ secreta: ibi profucatis  
 bonis



bonis vera accipi, pro incertis & fluxis, certa & æterna, pro tinctis & veneno aspersis, syncera & pura, pro solitudine & curis, fiduciam & honestum otium, pro turbulentia tranquillitatem, pro flagitiis integritatem. A V L. Si illuc corpore accedere possem omnino tot bonis irretirer. P H I L. O' rem arduam dixisti, quam puerum dixisse pudere deberet. sed cur debes fragili, caduco, & fœtenti corpore remorari? quòd nunquàm voluptates capit (si voluptates illæ sint) quin illas summi dolores concomitentur, hæc eleganter in sitiente Plato ostendit. num qui sitit dolet, id est, passione quadam vexatur? A V L. Maximé. P H I L. At qui bibit, num gaudet? A V L. Omnino. P H I L. Qui sitit, num bibit? (nisi pocula desint.) A V L. Certé. P H I L. Igitur qui dolet, gaudet: nam qui sitit, dolet: qui bibit, gaudet: & qui sitit, bibit: sùntque in vno apice innexa huius mundi dolor, & gaudium, & ab inuicem nunquàm dissoluentur. A V L. Tu poteris totam hanc diem orando consumere, tamen mori percupere non possum. P H I L. Putásne quandoq; vtile esse mori? A V L. Nunquàm. P H I L. Ergo vt aliquis immortale nomen sibi paret, vt proprium honorem tueatur, nō debet potius se ipsum  
neci



neci exponere, quàm in summo dedecore vitam ducere? A V L. Quid est hoc dedecus? satius est meretricia fronte & perfrita superuiuere, quàm breui cum honore mori. Damnaui semper Achillis fatuitatem, qui apud Homerum breuem vitam cum parua illa gloriola elegerit, quàm longiorem sine honore. P H I L. Nescio an ex propria sententia loquaris, imò non solum C H R I S T I populus pro fide, atque honore seruando mortem subire debet: sed antiquiores etiam Gentiles, quibus nullum nisi temporarium præmium promittebatur, pro seruando decore mortem subire non verebantur: quot sunt apud authores huius rei exempla? quin & ipsæ apes, quibus ratio deest, ut suum Regem tueantur, propriam vitam exponunt, de quibus Poëta quarto Georgicorum libro id canit:

*Pulchramq; petunt per funera mortem.*

Auerrois prætereà in omni fide infidelis, in præfatione primi de Physico auditu libri, inquit: Quum vita nostra punctum sit respectu vniuersi temporis, nullus sit adeò delirus, qui scelestissimum scelus perpetrare eligat magis, quàm mori. Plato in secundo de Legibus in bellis iubet moriendum potiùs, quàm fugiendum, & Arist. tertio Eth. capite primo secundi tractatus, mortem in

O bello



bello pulcherrimam esse asserit, quod à Virgilio secundo Aeneidos hoc modo exprimitur:

*Pulchrúmque mori succurrit in armis,*  
 Præsertim, si pro patria aut fide pugnatur.  
 & Sallustius in Catilinario quando sit pro virtute moriendum edocuit, Pliniusq; vigesimoquinto Historiæ mundi libro, capite tertio, inquit: Ea conditio vitæ est, ut mori plærunq; etiam optimi portus sit. nunc sexcentos authores referre omitto, qui mortis encomium ob virtutem scriptis dedere. Dic verò, nōne quandoq; pro virtute mori conuenit? A V L I. Conuenit quidem, sed optandum non est. P H I L O. Imò nulla esse debet maior voluptas, quàm commodam moriendi occasionem, & dignam præstari, putásne mortem illam bonam esse, quæ ex virtute paratur? A V L I. Certé. P H I. Bona nōne expetenda? A V L. Omnino. P H I. Igitur & hæc mors expetenda, hæc quærenda, illuc proficiscendum, quò illam inueniamus: nec perquirentes quicquam omittere debemus intactum, ut hanc ipsam inueniamus atque subeamus. A V L I. Non est opus tot dona polliceri: etenim nunquàm mortem desiderare potero, imò, ut Aristophanes inquit in Pluto: *ὅν γὰρ πέλωται, οὐδέ τι πρὸς πέλωται,*  
 id est



id est nec mihi persuadebis, etiam si persuaseris. **PHILOSOPH.** Oleum igitur & impensam perdo. **AVLIC.** Quis dubitat? **PHILOS.** Puto te nunquam mihi assensurum, ut præmium consequaris: tamen spero me brevi reperturum, quoniam aliis hominibus id suadere confido, cui tu tam obstinatè obstitisti. **AVLICVS.** Certus sum tuæ sententiæ neminem assensurum, sed en hic Baiulus, qui labore atque sudore quotidianum panem sibi parat, à vino abstinens, non uti Socraticus, sed quoniam illo caret, placetne ut illum vocem, in quo experiaris an tuam sententiam sequi velit? **PHILOS.** Placet, sed interim dum illum alloquar, digito compeſce labellum. **AVLI.** Cum inter vos dissertatio agetur, & de morte contentio, solas aures præstabo, os verò clausum erit, nisi sputa referre cogant: nunc ipsum voco, Baiule. **BAIVL.** Adsum: quid agendum imperas? **AVL.** Cognoscisne hunc virum? **BAIVL.** Cognosco. **AVLICVS.** Illum alloqui ne refugias, nam tempus non frustraberis, quoniam hic numas tuus est, ut doctum hunc virum alloquaris, quoad illi placuerit, ego interim aures solas accommodabo. **BAIVL.** Quicquid velit, iam percūctetur. **PHILO.** Dic mi Baiule, quid tibi melius



videtur, quidve pulchrius, citò mori, & ab hac misera vita liberari, an continuis laboribus insudare? & immensis curis connecti? B A. Insudare melius est, quàm mori, P H I L. Rides aulice? sed parum expectato; nam hunc rationibus cogam, ut nostræ sententiæ inhæreat. Dic mi Baiule, num tua vita calamitatibus referta est, & iugi labore? vixque secundarium panem emere potes, quo vescaris? B A. Certè. P H I L. Quid tibi melius videtur, quiescere, & nullo incommodo affici, an defatigari? B A. Quiescere. P H I L. Quando liberius atque diutius quietem enancisceris, quàm moriens? B A. Nunquàm. P H I L. Viuens autem non continuò insudabis, & nullus erit laborum modus? B A. Nullus. P H I L O S. Præclarius igitur est, magis commodum mori, quàm diutius viventem, tot intemperatis molestiis, tot immensis curis affici? B A. Si rem optimè considero, ego vitam potius, & miseram, & calamitosam vivere statui, quàm mori. P H I L. Nónne argumentum hoc fateri te cogit? B A. Quid sit argumentum, ignoro: logicam nunquàm didici, sed vivere didici, nondum mori. P H I L. Et hoc est, quod quisque discere deberet, bene mori, hic Baiulus vir indocilis est, qui cum ipso nutricis lacte errorem bibit, nam præmissis



missis consentit, postea ultimo in limine  
fugit. Hinc abeamus Aulice, ut alterum ad  
subeundas rationes non ita ineptum repē-  
riamus. AUL. Vocabōne illum cœnopho-  
rum, vini Portitorem? en quā faciei ru-  
bore enitescit, & viui succini color! PHIL.  
Voca, quid mali est, & in hoc experiri?  
AUL. Vini Portitor? PORTITOR. Quid  
inquis? adsum. AUL. Ni te pigeat hunc  
probū virum audias, & illi ad interro-  
gata respondeas, aliās debitum persoluam.  
POR. Illīne vinum sapit? AULIC. Sapit.  
POR. Est ergo vir probus: expecto quid  
velit, quidque petat. PHIL. Quos putas  
magis felices, viuos an mortuos? POR.  
Stupeo: stantque comæ: quæ obscura, &  
fatua percunctatio: absint defuncti, qui  
nihil generosi vini gustare possunt. PHIL.  
Tu ergo summum bonum in vino posuisti,  
& nihil putas excellentius esse, quā po-  
tum? POR. Nihil iucundius, nihilque sua-  
uius. Ante Noë tempora insensati erant  
viri illi, qui nondum hæc tam bona natu-  
ræ bona gustarant. PHIL. Hæc missa fa-  
ciam, & ex animo respondeas, quænam  
maior vitæ pars est, illa, quā curis anxietati-  
bus, & laboribus vexaris: an illa quā gau-  
des? POR. Quas curas refers? aut quas an-  
xietates? absunt hæc à viro probō: nam &  
O 3 si quan



si quandoque contingant, ocyus auertuntur, quàm impetrent in animo locum: hæc est mihi pestis, hæc est mihi calamitas, hæc summa cura, cùm vina optima & generosa reconduntur, & nullibi publicè venalia sunt: nam his veram vitam & integram duco, curis liberam, liberam omni dolore, quæ animum paratissimum aduersus res tristes, aduersus res trepidas præstant. an nescis tu, qui tot authores euoluisti, id quod à puerulo vicini mei cantari audiui?

*Vina parant animos, faciuntque caloribus aptos,*

P H I. Vir es profectò magni consilij, mihi iam ex tua ingenita humanitate satisfecisti, ab eas igitur, vt negotia tua expedire possis. P O R. Abeo, saluete. P H I. Homo est hic intemperatus, ebrietate perditus: malàsne vidisti? frontem, oculos, & nares vino madere, & guttatim ferè ex ebrio impuròque stillare? nunquàm fui grauiori incommodo circumseptus, quàm cùm suffitus illos ex eius ore, tanquàm camino effumantes naribus reciperem: nec vestibus pocula desunt, totus profluit, totus lactice madet. A V. En quomodo fortuna splendidam occasionem nobis parat: vide hunc mendicum ad nos proficiscentem, qui os adeò pallidum habet, vt plumbum imitari videat



videatur, & testudinem gressu imitetur, imò vix coæquat, miserrima, & infelici vita fruitur: hic tuis argumentis (si quis alter) cohærebit: hominem percunctare.

MENDICVS. Optimi viri Dei amore & immaculatæ eius matris obolum date, centuplum in alia vita relaturi. PHIL O. Bene

vales, an ægrotas? MENDICVS. Aegrotō: & quò minus sanitatem assequi possim, paupertas in causa est, maculæ vniuersum hoc corpusculum occupant, nec desunt vlcera crustæ, apud me ambiguum est, an famem precario pane sedare, vel saltem mitigare potero, Eleemosynam mihi date, frigesco obambulans, tremunt artus, vestibus careo. oh oh oh oh oh.

AVL. Hunc denarium argento couflatum accipito, postea ne hinc abeas prius, quàm hic vir te interrogare non desinat. MEND. Id fiet. PHIL O S. Dic paupercule, cum tot discriminibus plenus sis, tot malis, tot vlcera squammis, nōne melius esset citò mori, quàm his cōtinuis miseriis affligi, à quibus non nisi per mortem liberari potes? MEND. Certè ab hac misera vita decedere melius est, & quid aliud expeto, quàm animam istam Creatori suo concedere?

AVL. Verbis iocatur, & aliud in corde gerit. MENDICVS. Imò cor ipsum loquitur,

O 4 & ver



& veros exprimit affectus, non vanas nugas, aut præstigiatorum deliramenta, quid mihi immorandum? quid boni præstolor? imania solùm & atrocia expectanda, & nunc à Xenodochio recipiar, extrema miseria mihi paratur, & luctus extremus. videor videre abscessus, & odiosa vlcera, quæ totum corpus occupabunt. PHILOS. Hic est vnus, hic est, qui veritati constanter assentitur, quique sua bona noscit, & id sapienter optat, quod alij indignè fugiunt. A VL. Ne id dicas Philosophè, hoc genus hominum iam diu noui, insidiosum, & vafurum: permittas me illum alloqui: nam tibi sum ostensurus hunc ipsum vitam summopere amare, & mortem summo odio prosequi. PHIL. Experiaris & tu quid in hac re sentiat: puto illum ab ea, quam dixit, sententia, non esse discessurum. A VL. Mendice, caue quomodo loquaris, ne vitam tuam despicere velis. MEND. Et quis non despiceret hanc vitam, morte ipsa deteriore? A VLIC. Caue ne in te ipsum sententiam feras. MEND. Quam sententiam? A VLIC. Hanc, suppone hunc ensi collum, suppone, nunc nunc, ab his tam sæuis miseriis liber eris. MEN. Ha mi domine, in fontem ne percutito: ne sis adeò immittis obsecro: enssem in vagina repone. A VL. Ha



Ha fili mi, hoc facio, vt denique à tot laboribus, totque discriminibus liber sis, me tui miseret, tu mortem optas, nunc nunc, illam experieris. MEND. Ha parce huic vitæ: quid egregium tibi erit interfecisse mendicum? AVL. Humana quædam affectio cogit me, vt hoc munere te donem, nam si mori cupis, id efficiam vt breui votis tuis potiaris. MEND. Parce precor. AVLIC. Mori igitur recusas? MEND. Recuso per Iouem. AVL. Sed cur prius tam constanter mortem expectabas? MEND. Vt lubentius obolum daretis, seditiosè loquebar, imò vitam summo perè cupio, quam nullus est, qui non desideret, & summo nixu non defendat. AVLIC. Videntur tibi hic mori velle ò Philosophe? PHILOSOPH. O' omnium quos adhuc nouerim, infelicissimum, tot animæ atq; corporis angustias pateris, tot miseriis & calamitatibus premeris, & nondum iudicasti melius esse eligibiliusque vita hac tam morbosa, tamque graui priuari, id est à tot noxiis liberari, quàm diutius animam in hac morborum sentina remorari? MEND. Nihil esse adeò graue puto, aut adeò atrox, quod hominem fallere possit (modò spes adsit quandoque euadendi) vt mortem præ vita eligere velit aut debeat, vobiscum ingenuè locuturus sum.

O 5 Putatis



Putatis me esse turpissimum, inquinatissimum, imbecillissimum, & oculis videtis, sed eos præstigiis affeci. sum iuuenis, validus, neq; ineleganti forma præditus, neque ita mendicè viuo, vt hic aspectus præ se fert: hilarem vitam, atq; voluptuosam duco, per totum orbem alieno sumptu vagor: latrones non timeo, aut fures, sed plenus canto coram latrone, qui plærunque pecuniam mihi erogat, sumptus supra vitæ necessaria facio, & mihi ipsi non nihil placeo, quando indisertus ego sapientes viros decipio, & meis ieiunis verbis pecuniam erogare cogo: postquàm recesserint, in illos oppidò ridens, atque vnà submurmurans quomodo hic vir cordatus à nostro abiectissimo genere fallitur, putat me Dei amicum esse, & ferè illum cum beatis angelis alloqui, cùm nullum genus sit magis inuisum Deo nostro: nempe illum blasphemamus, iniuria afficimus (si in Deū iniuria cadere possit) numos precariòartos colludimus atq; consumimus. P H I. Stupeo, & horresco hæc audiens, mihi rotus videris asper, luteus, pallidus, rugosus, inquinatus, squalens, & denique malo totius corporis habitu, quem *κακοχράμιον* Medici dicūt, te vexari putabam, cui & febrem, & alia multa vitæ incommoda coniungi solent, imò vox ipsa  
nescio



nescio quid miserrimum sonare videtur.  
MEND. Audite viri probi: postquam cœpi  
artem nostram vobis aperire, omnia inge-  
nuè fatear, sed in hūc angulum fecedamus,  
vt vos soli mendicorum artem condiscatis.  
En hæ sunt duæ iuglandes, quas ore porto,  
vt tremulam vocem, & semi perfecta verba  
mihi faciant: has vt lubet muto, ac remuto,  
vt malæ crescant, & decrescant prout mihi  
opportunū videtur: variis coloribus faciem  
pingo, vt exigunt loca: imò vna vrbe semel  
expilata, operam do cōmutata facie iterum  
& tertiò expilare: Cymini puluis luteā pel-  
lem facit, pallidam atq; subnigram fumus.  
Cū vrbes aliquas Protei more in sexcen-  
tas mutatus formas defraudauerim, ficto  
vulnere, iocosa cicatrice, iocinoris aut lie-  
nis penula coxendici alligata, & maxillis  
iuglandiū gratia tumentibus: abeo ad alias  
vrbes eridendas, numos precariò receptos  
turpiter ludens, aleaque dilacerans, lau-  
tius conuiuor, quàm ipsi nobiles, nihil vo-  
luptati parcens, ne meus genius defraude-  
tur. PHI. Si verè, & non fictè (vt nunc fa-  
cis) ægrotares, non esses omnium mendi-  
corum miserrimus? tamen ad hunc vsum,  
ad hanc indigentiam, quæ tibi contingere  
posset, nihil reponis? MEND. Vos non in-  
telligitis mendicorū bona, tunc essem feli-  
cissimus



cissimus: nostrū genus ægritudinibus gaudet, quid nobis potest contingere melius, quàm crus diuinum? (ita enim nos vocare solemus crura vehemēter vlcerata.) P H I L. Quid aliud tunc superest, quàm summa indigentia, & in Xenodochio mori? M E N D. Imò quò magis ægrotant mēdici, eò magis pecuniam accumulānt, vos eorum mōrēs ignoratis: optimi huius artis viri nunquàm Xenodochia ingrediuntur, ignaui sunt, & desides, indignique vita illi, qui in tali loco se claudunt. verus enim mendicus nullo morbi genere affectus, suum lucrum extenuat, sed quò grauioribus morbis affligitur, magis redit alieno ære grauatus, per compita circuens, per angiportus, per templa. P H I L O S O P. Certum mihi est, si vehementiori quadā ægritudine caperetur, non solūm non circuiret templa, imò nec per lectum sese vertere posset. M E N D. Tunc domini efficiuntur, nobis inseruiunt famuli, magis fidi quàm vestri. nam & ipsi mendici sunt, trahuntque agrum, aut paruo curru, aut humeris gestant. nullus est tam vehemens morbus, tamque sæuus, qui possit verum mendicum remorari, aut domi claudere. P H I L O S. O Dij immortales, nunquàm huic obscuro generi, & sordido benefaciam. M E N D. Oro, ne mea ingenuitas  
m e



me defraudet. PHIL. Te omnino non defraudabit: nam volo, ut sis mecum frequenter in prandio. MEND. Nec illud prætermittere possum, quosdam esse nostri generis, qui tanquàm Principes multis imperant, quos domi alunt, hi indies precariò quærunt, & quæ recipiunt, ad Principis domum portant. si panes sint, & pro prandio, vel cœna supersint, eos baiulis vendit dominus: si vestes, aut aliud simile, omnia suis artificibus vendens, in numos vertit: imò & hi mendicorum magistri hos pueros emunt, prauâq; & turpis ipforum affectio pretium auget, & quò magis sunt tetra vlcera, eò citius emuntur. Si mendicorum mores excutere tentarem, nox priùs accederet, quàm sexcentessimam partem referre possem. PHIL. Hæc satis superque sint: at pro tua hac ingenua dicacitate, argenteam monetam accipito, abique, & interim alios fucato vultu, & trementibus verbis decipere pergas. MEND. Valete. AVL. Vides & hûc omnium, quos adhuc viderimus, mendicissimum mortem effugere. PHIL. Imò mendacissimum, cui an vera credi debeant suspicamur, nihil non fingit nouus hic Proteus. quod hominum genus ad vorandum, & ingurgitandum nascitur, quid frugis humanæ naturæ præstare potest? miror Deum  
hos



hos patientissimè ferre:& nisi esset summū  
 bonum,ferre non posset. A V L. Egregiè di-  
 xisti, sed en colonus meus huc accedit, vir  
 omni laborū genere implicitus hunc voco,  
 tenta an tuæ de morte sententiæ fauere ve-  
 lit:Thoma. T H O M A S. Heus patrone, non  
 te videram:quid hic agis? A V L I C. Tu verò  
 cur ad urbem accessisti? T H O M. Cū nunc  
 emendandæ sint vites atq; recidendæ,nihil  
 mihi agendum superest ruri, nam & vites,  
 & arbores omnes putavi, & sulcis semina  
 dedi, reliquum est naturam occultis fomi-  
 tibus alimentum & augmentum præstare:  
 interim dum ipsa die noctūque agit, in vr-  
 bem veni,vt supellectilia quædam meæ fa-  
 miliaæ necessaria emerem. P H I L. Sed hæc  
 missa faciamus:Thoma dic mihi, in toto  
 anni curriculo habēsne diem vnum vel al-  
 terum in quo corpore & animo quiescas?  
 T H O M. Nullum certè habeo:nam & si cor-  
 pore in die Resurrectionis C H R I S T I, &  
 eiusdem Natiuitatis quiescam, animo sum  
 agitatus:quippe familiaribus curis, aliisq;  
 mentis negotiis perturbor, vt nec per inte-  
 gram horam vera quiete frui possim. P H I.  
 Nōne melius esset integrè, quietè, sine  
 aliqua vel corporis,vel animæ perturbatio-  
 ne diutius viuere? T H O M. Quis dubitat?  
 P H I L O S. Dum hac vita, & hac vitali aura  
 fruēris



frueris, putásne quandoque quietem istam  
te inuenturum? THOM. Nunquàm. PHIL.  
Nónne in alia vita hæc quies habetur? THO.  
Si quis in Dei gratia bene obeat. PHILOS.  
Ergo expetenda est hæc alia vita tam bona,  
támq; omni malo priuata: & hæc deferen-  
da, quæ potiùs mors est, quàm vera vita?  
THOM. Ita est. PHIL. Tu igitur Thoma,  
quantò citius fieri posset, aliã vitam optare  
deberes: quæ cum haberi nõ possit, nisi per  
huius mortem, & huius mortem desiderare  
debes, vt vitam illam quàm optimã enan-  
ciscaris. THOM. Mortem optare non pos-  
sum imò quicquid facio, quicquid patior,  
quicquid vel molestum vel incommodum,  
fero, id omne vt superuiuam, ferro, & per-  
fero. PHIL. Sed quietem habere non potes  
in hac vita. THOM. Satis quiesco si vixero,  
qui me oderint illa vita quiescãt: illa oble-  
ſcentur, in illam ocysimè recipiantur.  
PHIL. Et hic ex eorum genere est, qui ne-  
sciunt sua bona: Vale mi Thoma. non est  
opus cum hoc rustico tempus conterere.  
AUL. Vides, mi Philosophe, in porticus fi-  
ne, quo loco vitrearius cucurbitas papyro  
munit, hominum cœtum? PHILOS. Video  
AUL. Hi omnes in sudore vultus suo pane  
vescuntur: illuc ne pigeat accedamus, fortè  
ex illis vnus tibi consentiet. PHIL. Non ab-  
re erit



reerit inter tot miseros vnà periculum facere, gressus acceleremus, ne quis inde recedat. Quum primùm ad hos mercenarios peruenêre. Philosophus omnes vna voce salutauit: illi versa vice resalutarunt. Tunc philosophus: Num, viri optimi, melius esset, atque fêlicius ab illis curis quæ animos vestros vexant, ab illis laboribus, quos perfertis, liberos esse, quàm eisdem iugiter occupari? Equidem, respondêre. Philosophus deinde: Non video quomodo liberi esse possitis, nisi hanc miseram vitam cum morte commutetis. Probauit Suicida sententiam, quin addit: Mors est calamitosus egregium munus. hoc æquo animo ferre non potuit fumarij mundator: sed indignatus, Suicidam loquentem pingui sermone impediuit, inquiens: Tu id sentis, at ego malletm doliis pro fulchro supponi, quàm vita hac excedere. P H I L O S. Nónne quisq; vestrũ miserrimè vitam ducit, cui desunt vestes, desunt cibi, desunt omnia vitæ commoda? S V I C I D A. Impudenter loqui vidêris ò philosophe: nam vitam ingloriè quidẽ, sed voluptuosè deducimus: nempe phasiani desunt, desunt perdices, & Cretica vina, sed vilioribus saturamur, cepis contenti, alliis, & sêcundario pane, quæ etiam nos sapidiùs comedimus, quàm vos phasianos



fianos, & capos. quot vestibus indigemus,  
tot ambimur: nam frigore parum affici-  
mur, quo vos tenelli, ac delicatuli exani-  
mamini. quoties sues interficio, offam, &  
salis pugillos in hanc peram latenter ab-  
scondo: & si mulieres adsint, iubeo ut cati-  
los, lancésque ferant, ut interim abeuntes,  
furta occultare possim. quisque nostrum lu-  
cello, & praeda commodè viuit: nemo non  
furatur. hic si fumarium purget, non nihil  
aufert, quòd mulieres in fumario condidè-  
re: & alij pro sua sorte atque arte idem face-  
re conantur. PHIL. Num continuo timore  
infestamini furta & si pusilla sint detegi?  
SVICID. Maxime. PHI. Ergo iugis est, &  
perpetua poena vita vestra. SVICID. Omni-  
no: tamen non est adeò pertinax, ut mortē  
optare debeamus, cum hæc omnia pro ser-  
uanda vita à nobis fiant. PHILOS. Quid si  
lictores vos caperent? SVICID. Pro re tam  
vili non capiunt: & si etiam caperēt, quisque  
pro ingenio suo, aut fugere, aut carcere sol-  
ui tentabit. Nullus hic est, qui mori velit.  
PHILOS. Valet omnes. AV. Nescio an  
quis alius miserabilior in hac vrbe inueni-  
ri possit: omnes enim in hunc angulum  
vnà conueniunt: tamen nullus est, qui mori  
velit, aut cupiat: vel latrinas, vel fumaria  
purget: vel sues, vel boues interficiat: vel

P

vitrea



vitrea vasa, vel herbas, & olera vendat, vel  
 enses, & cultros acuat: vel floreas papyro  
 confarciat: nec ipsi salsamentarij, macella-  
 rij, fructuarij huic vitæ concedere volunt:  
 nec lactarius, & qui veteres calceos refar-  
 cit: & si vno verbo dicere liceat, nullus ex  
 infimo hominum genere tuam sententiā  
 approbavit. Sed en mi philosophē, occasio  
 datur, qualem volebamus. Mulier quædam  
 Aethiopica ex earum genere, quas Cin-  
 ganas vocamus, tibi à tergo blanditur, vt  
 numos extorqueat. P H I L O S O. Scythica  
 est, non Aethiopica. A V L I C. Ipsa est tibi  
 bonam fortunam dictura, quæ illi parum  
 adulatur: sed permittas me illam alloqui.  
 P H I L O S. Vt lubet. A V L I C. Vis mihi for-  
 tunam meam referre, & quæ futura sunt  
 aperire? A E T H I O. Id efficiam, si deinceps  
 obolum numerabis. A V L I C. Duos etiam  
 numerabo: caue autem ne me fallas. A E T.  
 Extendē manum. A V L I C. En. A E T H I O.  
 Duas vxores duxisti, è quibus tres filios na-  
 ctus es: deinceps felicissimè viues, nisi duo  
 obstiterint, filij mors immatura, & capitis  
 vulnus. Auarus es, & immodica libidine  
 caperis. A V L I C. Ha impudica atque im-  
 proba mulier nihil veri refert: putabas me  
 defraudare, vt alios soles per Iouem post-  
 hac neminem defraudabis. Suppone colla,  
 vt cis



ut citius & minori ictu moriaris. **ÆTHI.**  
 Ha ha domine, quid operosum ages, mulie-  
 rem interficiens, & pauperculam? Parce pre-  
 cor, parce huic paruo nato. **AVLIC.** Mihi  
 videris fatua, & tibi inuida: nam si ab hac  
 inopia liberaberis, si tot laboribus finem  
 facies, si nihil amplius erit, quod optare  
 possis, si deinceps alienas vrbes visitare non  
 cogeris, ut viuas, nonne tibi continget res  
 gratissima, res quam potius quærere de-  
 beres, quàm inuentam reiicere? **ÆTHI.**  
 Nostrum genus assuetum est laboribus,  
 imò aliud viuendi genus consequi nesci-  
 remus, quàm istud: me igitur abire finito.  
**AV.** Cur igitur tam temerè dicebas, me aua-  
 rum esse, atque libidinosum? **ÆT.** Quoniã  
 rari sunt seniores, qui auari non efficiantur:  
 & rarissimi homines, quibus libidinis a-  
 ctus non placeant. In reliquis quid prædi-  
 ctura sim; quo ordine, & quibus signis, igno-  
 ro: nec aliqua est nostri generis, quæ quid  
 dicere velit, sciat. Vos estis; qui (nescio qua  
 persuasione ducti) putatis nos Scythicas  
 mulieres Chiromantiã, & vaticinandi artẽ  
 callere, cùm & ipsa præsentia nos fugiant.  
 Nos semper bona promittimus, ut mulier-  
 culis placeamus, & aliquam pecuniolam  
 extorqueamus. Tamen ne semper bene-  
 dicere videamur, aliquid incommodi addi-



mus: sed tale, vt non possit bona peruertere. Certus sis, nos futuras Cræso ditiores, si ventura prænoscere sciremus. A V L I C V S. Vitam tibi munere impartior, & simul hanc monetam addo: hinc citò habeas. A E T H I. Dij sint tibi faciles. A V L. Philosophè, nullus est qui in tuam sententiam descendere velit, quantumcunque mendicus, & ægrotus. P H I L O S O. Nondum claros homines allocuti sumus: sed ignaros solos, & qui veluti beluæ vitam ducunt. Nunc ad eamur artifices, hi forsan nostræ sententiæ inhærebunt. A V L I C. Et hi quoquæ cum aliis à te discedent. Sed en in pharmacopôlæ officina huius generis conuentus agglomeratur, nescio quid simul habeant commercij. Aediles fortè præstolantur, qui eos ob immunditias mulctarunt, quas ante officinas spargere non cessant. P H I L O S O. Comodè offeruntur. A V L I C. Properemus. P H I L O. Vt fert ætas, gressus accelero, ô viri probi, ne pigeat in hunc angulum secedere: nam vobiscum de re quadam graui verba facturum sum. Tunc artifices secedamus inquit, hoc enim nihil impedimento est. Hos philosophus in hunc modum alloqui cœpit. Viri fratres, putatisne summum aliquod bonum euenturum, quo in hac vita felices esse possitis? Nihil vnquàm tale euent



euenturum iudicarunt. PHILOS. Vos igitur in hac miseria vitam semper ducetis? At illis visum est hoc nomen, Miseria graue nimis. Quid inquit, miseria? nullus est ex his, qui adsunt, miser. PHILOS. Audite fratres, atque filij, nec indignemini, si verbum aliquod vobis asperum videatur, habetisne omnia quæ possunt haberi comoda? ARTIFICES. Imò potiùs omnia incommoda. PHILOSO. Estisne ab humanis curis liberi? à solitudinibus mentis? à corporis ægitudinibus? ARTIFIC. Non sumus, sed his plerunque nobis etiam nolentibus, afficimur. PHILOS. Res vestræ succeduntne secundum vota? ARTIFIC. Nihil vnquàm, aut certè rarò succedit, imò in dies res nostræ in peius labuntur, & mala figuli rotæ in morem, quotidie reciprocant. PHILOSO. Speratisne dum hac aura frui licebit, ab his quas retulistis curis, vos euasuros? ARTIFIC. Nunquam. PHILOS. At si vobis alia contingeret vita quietior, quæ ab omnibus his curis vos liberos efficeret, nōne illa protinus à vobis cupidè quærenda esset? ARTIFIC. Quam vitam nunc dicis, quæ nos ab his malis liberare possit? PHILO. Illam, quæ ab imprudentibus mors vocatur. ARTI. Nobis imprudentior ~~is~~ videtur, qui hac velit

P 3 priuar



priuari vita, vt aliam ignotam vitam ingrediatur, hic deridendus esset, vt Aesopus canem illum suum derisit, qui inspecta carnis vmbra, veram carnem dimisit, vt fictā vorare posset: nulla nobis videtur huic nostræ præferenda vita. **PHI.** Ergo nec Deum creditis omnibus præesse, & deliciarum locum habitare, ad quem beatorum anime perueniant, & in quem boni recipiantur vt felicissima & inenarrabili suauitate plena vita latentur, & viuant. **ARTIF.** Imò nos Deum esse credimus apud inferos malorū ultorem, & qui in cœlis omnium bonorū præmia rependat: tamen nos hîc habitare malumus, nempe hac vita nunquàm spoliati delicias illas, & iucundas paradisi voluptates nunquàm persensimus: quas si persensissemus, fortè illis allecti, hanc præsentem vitam despiceremus: interim verò conabimur, quantum in nobis erit, hîc manere. **PH.** Esto, amici, nulla sit alia vita, quàm ista, num melius est, à quotidianis curis tandem solui, & ab infinitis laboribus liberari, quàm in ipsis tanquàm in Prometheis scopulis consenescere? **ARTIF.** Equidem, **PHI.** Qui est qui in hac caduca & fragili vita continuis curis non affligatur? **ARTIF.** Nullus. **PHI.** Concessistis (nec dudum) melius esse à curis liberum esse, quàm ipsis affici



fici. ARTIF. Maximè. PHILOSOP. Ad-  
didistis præterea, neminem esse, qui dolo-  
res, qui curas, qui anxietates in hac vita ef-  
fugere possit. ARTIF. Certè. PHI. Igitur  
melius est hac vita, quæ est vera mors, pri-  
uari, etiam si nulla alia sit vita, quàm in il-  
la tot malis, tot discriminibus affectos im-  
morari: nam qui hac vita priuantur, nihil  
amplius sentiunt. ARTIF. Tuæ huic sen-  
tentiæ nunquàm subscribemus, imò totis  
viribus conabimur hanc vitam longius  
protrahere, quàm possibile fuerit, & cona-  
bimur, ut in nobis erit, calamitates, curas,  
dolores, si non in totum auferre, eas saltem  
leuare. PHILOSOP. O' bone Deus, video  
vos esse homines irracionales, qui singulas  
propositiones cōceditis, tamen conclusioni  
quæ necessario sequitur, non assentimini,  
quippe conceditis nemini in hoc mundo  
contingere posse, ut vitam habeat cala-  
mitatibus liberam. ARTIF. Et iterum  
annuimus, & re ipsa experimur. PHILOS.  
Concessistis deinde melius esse ab his la-  
boribus solui, quàm in ipsis diutius con-  
senescere. ARTIF. Illud etiam elargi-  
mur. PHILOSOP. Iudicatis præterea  
mortem solam eam esse, quæ ab his vin-  
culis vos soluat. ARTIFIC. Et nunc  
sponte iudicamus. PHILOS. Velitis igi-



rum aut nolitis, necessario inferre oportet  
à vobis, & omnibus nobis mortem esse o-  
ptandam, esse quærendam, & eò eundum  
quò ipsam inueniamus, vt ab huius mun-  
di curis, laboribus, & angoribus libere-  
mur. ARTIFIC. Nos è contrario dici-  
mus, nec optandam esse mortem, neque  
quærendam: sed vt fieri potest, fugiendam.  
PHILOS. Num facta ratio hoc infert? AR-  
TIFIC. Quid ad nos tuæ hæ ratiunculæ?  
nos viuere oblectat, & si curæ in dies in  
sexcentas formas transmutarentur. PHI-  
LOS. Estis ergo irracionales, qui rationem  
videtis, assentimini præmissis, tamen con-  
clusioni absque ratione, absque vlla appa-  
renti excusatione terga datis. ARTIFIC.  
Hoc est, quod nos sentimus: tibi tua optio  
contingat, posteaquàm tam ardentem mor-  
tem desideras: aut fortè hoc nobis persua-  
dere tentas, cum tuus animus longè dissen-  
tiant. Nunc opus est Aediles alloquamur: en  
accessere. Valete. AVL. In hoc cœtu nul-  
lum artificis genus deerrat, tamen omnes  
mortem euitare cupiunt: nescio an alter ho-  
mo inueniri poterit, qui magis laboribus  
insudet istis. In diuitibus, atque nobilibus  
tentandum non est, an illos in tuam sen-  
tentiam ducere possis: nam huius mundi  
illecebris affluunt, & summis deliciis abun-  
dant



dant:Paradisum putant mare hoc, quo in-  
 natamus:suas habent delicatulas concubi-  
 nas,& molles amatrices:nectareis poculis,  
 & condito ambrosia cibo vescuntur: pala-  
 tia habitant ex aromatibus myrrhæ & thu-  
 ris,& vniuersi pulueris pigmentarij suffita:  
 atria nunc omitto, & cubicula gemmis &  
 auro decorata: pensiles hortos irriguis flo-  
 ridiores,& terrenos gelida hyeme fœcun-  
 dos. P H I. Statueram diuites hos non ten-  
 tare: tamen ex his nonnullos noui, qui do-  
 lorificis ægitudinibus infestantur: vnum  
 præ omnibus tentandum elegi, qui vehe-  
 mentissimis podagricis doloribus crucia-  
 tur,ad huius domum vertamus iter. A V L.  
 I præ, sequar. Interim senes hi gressus vt  
 decebat ætatem,accelerabant,quoad poda-  
 grici ædes offenderunt: valuas reclusas in-  
 uenêre, vt nobilium Ferrariensium mos  
 est: ingrediuntur vestibulum, & per im-  
 pluuium in epistylum transeunt: scalas a-  
 scendunt, quas dextrorsum offendere: a-  
 trium ingrediuntur, & denique ad nobilis  
 ægrotantis cubiculum perueniunt:pulsant,  
 aperitur. Tunc Philosophus, Saluus sis, mi  
 patrone. N. O B. Vtinam Diis gratum esset:  
 sed à me lōgè abest sanitas:quid mihi pro-  
 sunt diuitiæ? quid seruorum chorus? quid  
 nati?quid generis nobilitas?nam hac ægri-  
 tud

P. §



tudine adeò præmor, ut vix respirare possim. P H. Hæc quæ pateris, constanti animo ferre debes. nam misericors Deus plærung; in hoc mūdo tristia quædam infert, ut vel in altero pœnas auferat, vel easdem saltem remittat: quicquid homo hîc patitur, omnia æquo animo ferre debet. N O B. Cùm nemo possit suo fato obfistere, illud eo animo, quo potest, ferre debet, & totis viribus conari toleranter ferre: tamen is equidem cæcus est, qui podagram non dico concupiscit, sed vel illi pusillum etiam blanditur: nescio an illi purgatorij luctus, & afflictiones extremæ podagricos dolores æquare possint: nempe pedibus meis clauos infigi persentio, & caro quæ ossibus inhæret, eodem modo reuelli videtur, ut suilla falsamentarij caro reuellitur, cùm ad conficienda tuceta ossa carnibus exuuntur. P H I. Certè vel Plinius, vel quis fuit ille Philosophus, non ab re scriptum reliquit. Satiùs esse nunquàm nasci, aut statim in primo lucis ortu aboleri. N O B. Hos procul dubio affirmare ausim satiùs esse non nasci, aut citius mori, quàm podagricis doloribus affici. P H I. Nónne etiam expedit eum qui hoc vehementissimo dolore afficitur, quantò citius fieri potest, liberari? N O B I. Certè. P H I. At cùm hoc fieri non possit



possit, nisi per mortem, huic ægro mors quoque optanda est, atque expetenda? veluti summum quoddam bonum, quod illum liberat à malis. NOB I. Id nunquàm dixerim mori melius esse: nam pristinae sanitati restitui optabilius est: tamen si quis inuitus totam suam vitam in his cruciatibus transigere cogeretur, is mortem potius cupere deberet, quàm tot angustiis, tot doloribus affectus diutius in vita commorari. PH I. Tamen fieri non potest, ut is, qui grandis natu sit, & ferè senio confectus, podagricos dolores euitare possit: propterea hinc præ vita mortem eligere debet. NOB I. Hic noster podagricus morbus intercalaris est, & in toto integro anno plures habet inducias. PH I. Interim dum vos inducias habere putatis, quia podagrici dolores absunt, nonne domesticis curis, & familiaribus laboribus occupamini? NOB I. Maximè. PH I. Nunquàm igitur est à malis vel corporis, vel animæ libera hæc vita? NOB I. Nunquàm. PH I. Eam igitur deferere potius præstat, quam modò corpore, modò animo vexari, & nunquàm ab his liberum fieri posse expectare. NOB I. Non sunt adeò graues hæc curæ, neque adeò laboriosæ, ut mortem implorare debeamus, qua media curas illas euitemus. PH I. Num



Num satius est curis vacare, quàm illis esse impeditum, vel graues sint, vel leues? **N O B I.** Omnino. **P H I L O S O.** Num id expectandum, quod ab his soluere potest? & ab ea præsertim calamitate podagrica, quate iterum vexari formidas? **N O B I.** Prorsus. **P H I L O S O.** Est'ne aliquid in hoc vitæ pelago, quo & familiares curas, & mentis affectiones, & podagricos labores emendare possis? **N O B I.** Nihil, quod sciam. **P H I.** Num omnia hæc incommoda vitæ exitu corriguntur? **N O B I.** Corriguntur quidem, vel potiùs auferuntur, sed alio non mediocri dispendio. **P H I.** Quo? **N O B I.** Lucis, id est vitæ priuatione. **P H I.** Vita humana nõne hæc omnia, quæ superius dicta sunt, præstat, in qua nemo sua sorte cõtentus est? **N O B I.** Prorsus. **P H I.** Nõne igitur id præ omnibus eligẽdum est, quod mali nihil, boni plurimum adfert. **N O B I.** Certe. **P H I.** Mors vitæ opposita est, & vita omnia mala affert, mors verò illa auferit: nam vitæ opposita est. & hæc est oppositorum conditio, opposita facere, Dic igitur, nõne id deterius est, quod mala facit, quàm id quod illa auferit? **N O B I.** Maxime. **P H I.** Est igitur vita morte deterior, & mors ipsa à verè sapientibus optanda. **N O B I.** Tua hæc argumenta aliquid momenti



menti omnino habere videntur, sed non tale, ut ad mortem me allicere possint, hac vita mirificè oblector, & hoc vnum est, quod in summis podagræ cruciatibus me præter modum angit, pavor mortis. P H I. Nónne mors tuo podagrico dolore melior est? N O B I. Et suavior, quia dolorem emendat, tamen dolores istos potius ferre volo, quàm mori: nam spe quadam pascor auferri dolores posse, & deinceps per temporis spatium absque dolore superuivere, nec frustror mea spe. P H I. Interim tamen variis curis afficeris, & continuò podagræ timore. N O B I. Nugæ sunt quas refers, cum semel euaserim, nihil mali amplius futurum cogito, & præteritum oblivioni trado. P H I. Si dimidium vitæ tempus curis, & doloribus afficereris, eligeresne in his consenescere? N O B I. Imò gratissimum mihi foret, & ad decrepitam usque ætatem peruenire. P H I. Quid si maior vitæ pars eodem modo affecta esset? N O B I. Adhuc consenescere optarem, imò cum nihil sit vita melius, nihilque suavius, etiam si toto vitæ tempore ita afficerer, vivere potius optarem, quàm mori: nempe ignoro, quò profecturus sim. P H I. Igitur fide cares? N O B I. In fide non dubito, sed res est dulcissima vita. P H I. Quare igitur



igitur cum primum huc accessi, & tu ipse dicebas, auferri ab hac vita melius esse, quàm his continuis miseriis immorari? NOBI. Tunc communi loquendi modo utebar, & non ex re, neque ex animo. Hæc est summarum summa, mortem summè abhorreo, & super omnia terribilia odio habeo. vidi multos etiam sæuissimis morbis cruciatos, qui tamen totis viribus mortem effugere tentabant, quam & deliri ipsi euitare conantur. PHILO. Num multi se ipsos suspendunt? NOBI. Hi non sunt fatui, neque deliri, sed maniaci, & furibundi, cacodæmone agitati. hos, & eos etiam qui se præcipites dant, non solum non puto homines esse, sed neque etiam animalia. PHILOSO. Tamen mortem cupiunt, & illam tanquàm bonum, pro scopo accipiunt. NOBI. Certè pro bono accipiunt: sed æquè est, vt is, qui meretriculas adit, quas morbo Gallico affectas esse nouit: hic enim morbum cognoscit, affectionem videt, tamen irretitus turpi illa tentigine, quam sub specie boni & delectabilis imaginatur, morbum spernit, quem plerunque magno præmio emit. Et parricida speciem boni accepit, vt hæres esset: tamen rem sceleratissimam perpetrat. Qui igitur seipsum necant, quod pessimum est, sub boni quadam



dam specie agunt. Imò ex hoc mortem omnium rerum pessimam esse inferre oportet. Dic igitur mi Philosophè (nunc & ego versa vice Philosophum interrogabo) si quid sit, quod alio melius sit, nòne omnia eiusdem generis his quæ sunt in alio genere, meliora erunt? PHILOSO. Profectò. NOBI. Si mors igitur vita præstantior sit, quælibet mors quacunque vita præstantior erit. PHI. Syllogismo concluditur. NOBI. Certus autem sum, te nunquam putaturum mortem illius, qui se ipsum perimit, esse meliorem vita etiam cuiuslibet miserrimi. PHI. Imò ratione, qua mors est vita melior, sed ex conditione agentis peior est: nam hæc est rerū conditio, hic mos: Quò res sunt præstantiores, eò peiores esse oportet, ut prava agentis cōditio expostulat: cuius rei exemplum habere potes in Eucharistia, quā nihil sanctius, nihil religiosius, si vir integer bono animo cōsecrauerit: è contrario, nihil deterius, nihil perfidius ratione agentis, si turpi animo cōsecratur. NOBI. Vno verbo te expediam, ò Philosophè: Quando ita tibi lubet, moriaris: ego vitā opto, vivere cupio, & nihil mihi atrocius videtur ipsa morte. Abite igitur, & cū mortuis de morte verba faciatis. Interim ego cum vivis de vita concertabo. PHI. Vale



Vale igitur mi, nobilis vir. Aulice, diues hic mediocri dolore infestatur, & si quis habeat humana commoda, hic vnus est. Alium quendam adeamus à teneris annis amicum, qui vesicæ calculo, & renum doloribus cruciatur, quibus (vt Plinius, & antiquorū Medici censuerunt) nulli alij sunt grauiorē dolores. A V L I C V S. Mihi abstinendum videretur ô Philosophē ab hoc labore. nam si hic, quem tam dirē cruciatum vidimus, mortem euitare studet. neminem puto tibi assensurum, & nos in præsentiārum frustrā lapidem loturos. P H I L O S O P. Tamen argumentis coactus est. A V L I C. Quid curat ipse argumenta? Interim ad ædes patientis calculū peruenēre. Valuæ reclusæ erant, & puer à paleis quibusdam & festucis vestibulum emundabat: huic dixit Philosophus: Quare in præsentiārum herus tuus occupatur? P V E R. Mœrore, & vehementi cruciatu: audistin' vocem illam magnam non mediocriter intonantem? P H I L O S O. Audiuius valde longē, & mirati sumus clamorem. P V E R. Is fuit, quem mox reliqui pudenda absque pudore ostendentem, & pecudum more (ex doloris vehementia) manibus ac pedibus ambulantem. P H I. Mihi summē placet, vt illum hac hora conueniamus. P V E R. Expectate parum  
per



per, quoad illi de vestro accessu nonnihil indicem. Quo nomine vocaris? PHILOS. Tam citò mei oblitus es, qui quotidie huc accedo? PVER. Parce mihi Philosophe, nescio quid mihi obumbraverat oculos. ingrediens puer horum aduentum domino indicavit, qui è lecto surgens, Philosopho occurrit in hunc ferè modum exclamans, Sæpè sapiùsque ad nos ingrederis ô Philosophe, tamen nulla præsidia tecum affers, nulla tuæ doctrinæ testimonia: affer, affer remedia, quæ tam diros cruciatus extinguant. PHILO. Aequo animo feras. nam Deus optimus sanitatem reddet, & nos nonnihil præsidij nobiscum attulimus: nam pulverem hunc, pusillum ex lithospermate, & aliis nonnullis, cum ibis hac nocte cubitum, degluties, qui maximo erit tibi leuamento. Sed dic, ô amice (ni tibi sit molestum loqui) cum lapidis incendio peruraris, & eius motu dolore angeris, num melius esset mori, quàm tam diris affectibus cruciari? CALCV. Quid inquis mi Philosophe? Mors oblectamentum esset delitiæ: quippè nunquàm spero ab hac efferata aegritudine liberari. PHI. Tu igitur ab hac vita solui cupis. CAL. Et vehementer cupio: imò & singulis diebus mortis auxilium imploro, & eam apertis & ob-

Q

uiis



uiis vlnis expecto. P H I L. Aulice hic suaflore non indiget: iam vici, & palmam referre debeo. A V L. Non sum tam leui testimonio contentus: permittas me illum alloqui, vt noscam an serio, vel ioco loquatur. Dic charissimè, èsne vnquàm vita functus? C A L. Nunquàm, tamen hoc percupio. Imò singulis diebus experior, & nunquàm mori finio. A V L I C. Sed mortis dolores in centuplo superant illos, quos in præsentiarum pateris ex calculo: nam Mors vltimum est terribilium: sed cras (vt arbitror) experieris. C A L. Vidésne mortis quædam indicia? A V L. Nulla profectò. C A L. Cur igitur tam præceps iudicasti me cras passurum esse dolores mortis? A V L I C. Ne cures hoc scire. C A L. Obsecro per Deos, si quid occultum vides, id mihi aperias. A V L. Non possum tuis precibus non satisfacere: Philosophus hic tibi à cunis amicus, vt vir est insignis & pius, tui misertus est, & puluerem illum venenosum emit, vt te ab his affectibus paucissimis horis liberaret. C A L. Hà improbè & scelestè Philosophè, non satis adhuc angor, tu tentas nostris miseriis vltimum luctum addere? A V L. Tu igitur non putas melius esse mori, quàm tam sæuis cruciatibus vexari? C A L. Non equidem. A V L I C V S. Igitur neque vita priuari cupis



cupis? C A L. Non per Deos. A V L I C V S.  
 Cur igitur tam cōstanter affirmabas hanc  
 vitam tibi fastidio esse, & mortem præ vita  
 eligebas? C A L. Dolor ipse in hac verba  
 me duxit, quo infestante quid loquar,  
 ignoro. At sedato dolore sententiam mu-  
 to, & cum filiis, vxore, atque amicis con-  
 senescere opto, quanuis & nunc grandis  
 sim natu. P H I L. Tu ergo vexari potius  
 elegisti, quàm liberari. C A L. Nequaquàm.  
 P H I L O S. Tamen mos id curabit, & ei  
 opem præstabit, cui nescit vita mederi.  
 C A L. Viuendum est, etiam dolore summe  
 infestante: nam reposita est quædam spes  
 in sinu meo, quâ spero adhuc sine calcu-  
 lo me superuicturum. P H I L O S. Tamen  
 vnum est, in quo videris mortem præ vita  
 elegisse. C A L. Quidnam est hoc? P H I L.  
 Optimos calculorum abscissores per to-  
 tam Italiam quærere non desinis, vt cal-  
 culum educant: num tunc morti planè ex-  
 poneris? C A L. O' quàm vanissimè loque-  
 ris: imò hos quæro vt viuam: vires pinguis  
 Mineruæ: video me hunc dolorem diu non  
 esse laturum, vt annos aliquot meæ vitæ  
 addam, hoc dispendium subire non vereor:  
 quot etsi periculosum sit, tamen multos  
 etiam euasisse nouimus. sed en dolores irri-  
 tantur, intenduntur, parcatis obsecro, si pu-

Q 2 . denda



denda detexi, nam cogor vbique mingere: hinc abeatis obsecro, quoniam & simul inter mingendum excerno. P H I L. Vale, & puluerem illum deglutito: nam venenosus non est, sed ita tibi dixit Aulicus, vt probaret an ex animo diceres, quando mortem vitæ præferebas. A V L I C V S. Vidisti n' quo cruciatu, quo acerbo & vehementi dolore teneretur pauperrimus hic vir: obriquit pœnis, stillabat sensim, vix oculi temporibus coërcebantur & sua orbita, eius facies tanquàm ignis exardescit, tamen diu viuere cupit, tot miseriis atque calamitatibus afflctus. P H I L. Ex his est, qui sensu, & non ratione ducuntur: sed Philosophos, atque Theologos adeamus, qui naturæ secreta cognoscunt, & qui huius vitæ indignitatem, & alterius vitæ præstantiam nouerunt: hi statim in nostram sententiam descendent. Interim religiosos omittere decreuimus, quos mortem odio habere nouimus, & vitam summoperè diligere, & qui Dei amore incommoda euitant: hos verò omittam, ne quis ex bonis offendatur. A V R I C. Ne hos viros posthabeas: nam si quis tibi assensurus sit, ex hoc genere erit: nam peccatis carent, esuriunt, sitiunt, vigilant, de nocte surgunt, vt Psalmos & orationes cantillent, in patriam festinant. P H I L O S. Nolo



Nolo huius generis viros irritare: intus & incute illos noui. Si quid verissimum depromerem, quod in eorum mores aliquid faceret, statim hæreticum me vocarent: adeò omnia, quicquid ea sint, ad fidei articulos deducunt. Nos verò quicquid de his sit, id reducamus in cumulum virtutis, & meritorum, & inscitiam fingentes vulgari mores imitemur, antiqua scilicet mulorum vestigia sequentes. A V L I. Suborta est mihi ambiguitas, ô Philosophie. P H I L. Quænam? A V L. Si mors desideranda est, quisque igitur seipsum perimere deberet, ut finem suum assequeretur. P H I L O S O P. Hoc fieri non debet: tu nonne putas homines esse sub Dei potestate, & ab ipso custodiri? neque aliquem ex eius custodia (ut Plato inquit) eo inuito aufugere debere? A V L I C. Ita reor. P H I L O S O P. Si quis ex tuis seruis seipsum, te inuito, interficeret, num illi irascereris, atque si posses, pœna afficeres? A V L I C V S. Omnino, si possem. P H I L O S O. Quum Deus homines possideat, nemo seipsum interficere debet, nisi Deus necessitudinem aliquam imposuerit, quam euitare non posset, aliter post mortem ab illo punietur, qui & animam ipsam punire potest. A V L. Diligenti ratione suassisti, neminem seipsum interficere debere:

Q 3 sed



sed mihi in hoc obtempera: Duo sunt in  
carceribus occlusi, senex & iuuenis, ambo  
plectendi capite, eos inuisamus obsecro. hi  
fortè priùs à religiosis irretiti, in tuam sen-  
tentiam deuenient. P H I L. Vt lubet. Tunc  
pedibus addidère alas, ad carcerem perue-  
niunt, & statim loci poenalis commenta-  
rientem magistrum inueniunt: cui dixit  
Aulicus, quid agis mi Philacista? hic re-  
spondit, Lictores exspecto, qui duos quos-  
dam misellos damnatos capite ad Præto-  
rem conducant. Hic subridens dixit, Cur  
huc accessistis? vultisne condi, & carceribus  
seruari? A V L I C. Dij auertant: sed hos mi-  
ferrimos (ni refugerint) lubenter alloque-  
remur: sùntne vno in loco? P H I L A C I-  
S T A. Non: sed in hac prima custodia iu-  
nior clauditur, satis bellè ad mortem præ-  
paratus. In illa verò, quæ dextrosam est,  
senex continetur, quem nullus vir probus  
solari potest, nullus illi suadere potest, vt  
mortem, quam promeritus est, libenter  
subeat. Hic igitur locus est, in quo iuuenis  
clauditur; si placet, ingredimini. Post hæc  
carcerem ingredienti, Aulicus in hæc ver-  
ba prorupit: Deus te liberet, vt Ionam fecit  
de ventre ceti. Tum iuuenis decollandus  
hoc audiens, dixit, Hac re indigeo: sed post-  
eaquàm huc accessimus, hæc eundum est.  
Tunc



Tunc Philosophus, Quàm felix es, & ipsa  
 iuuenta illustris, qui cras sub aurora mise-  
 rias humanas sub imperio habebis, immor-  
 tali vita donaberis, pro mortali & caduca:  
 quid aliud expecto ego præclarius, quàm  
 ab his miseriis auferri? IUVENIS DECA-  
 PITANDVS. Hac sorte contentus sum,  
 cum Diis ita placuerit, & mea coinquina-  
 ta scelera promereant. PHIL. Confide fili,  
 & hæc constanti animo feras: iam videq  
 tuæ constantiæ præmium apud Superos in  
 martyrum choris parari. AULIC. At si fie-  
 ri posset, non potius viuere malles? IUV.  
 Malim profectò. PHIL. Ne illum in vitæ  
 amorem reuocemus Aulice. AUL. Esto: ad  
 senem accedamus, nam hic iuuenis liben-  
 ter à vita decedit, quia mortis iudicium  
 rescindere non potest. Adde iuuenes ob ini-  
 peritiam vitam minoris facere, quàm se-  
 nes: propterea singulis diebus iuuenes in-  
 consideratè vitæ discrimina subeunt. Se-  
 nem verò decapitandum partim fatuum  
 existimo, partim sapientem: fatuum, qui  
 tam odiosè ferat, quod euitare non potest:  
 sapientem in diligenda vita. Sed en audi  
 ipsum senem eiulatibus cōquerentē. PHI.  
 Senē quidem audio, sed pueris cōparādum.  
 Iamq; senis custodiā ingrediebantur. Tunc  
 Philosophus altiori voce intonuit: Quid

Q 4 agitur



agitur? Vnus ex his qui senem solabantur, pro cunctis respondit, nos totis viribus huic seni suadere conamur, vt læto animo cum sanctis Angelis in beatorum choris cohabitare velit, & æterna visione frui: sed corpori, & sensibus nimis indulget, mortem effugere cupit, à qua dissolui nullus est nunc modus. Tunc Philosophus, Sinite me illum alloqui. Cur ita sæpè suspiras pater, ac suspiria multis cum lachrymis, inò de pectore trahis? vbi illa tua constantia, quæ tot viros impavidè trucidasti, tot in milites etiam solus grassatus es? SENE X. Hà hà, sum hinc ferè dolore exhaustus, vita priuare me parant, quam omnium rerum dulcissimam puto. PHIL O. Num audisti vulgatam Platonis sententiam, Humanam vitam peregrinationem esse? opus est peregrinum eò tãdem peruenire, quò à Superis destinatum est. huc accessisti, in cœlum vocaris, num lætus in patriam abibis? Quis peregrinus adeò fatuus propè patriam constitutus, regredi tentaret? iam occupas proprium solum, cur lætus non ingrederis? dimitte, dimitte tuam hanc mollitiem, quæ nec satis infantili ætati conuenit. SENE X. Certè vera sunt, quæ refers: tamen non possum non ægrè ferre mori, qui adhuc per aliquot annos superuiuere potuissem. PHIL.

Et per



Et per quot annos? octogenarius es, quam ætatem. paucissimi, quos æquus odit Iupiter, attingunt, & nondum es hac laboriosa vita satur? **SENE**. Id me vehementer angit, quòd mea morte non moriar. **PHILO**. O bone vir, nulla est alicuius mors, sed cuiuscunq; quælibet. Quid refert (inquit Seneca) mori cæsim, an punctim? Voluntariam mentem præpara bonorum optimo, id est morti consentientem. **SEN**. Mori necesse est, etiam si noluerim: tamen quòd sponte & lubenti animo id efficiam, nulla sunt argumenta, quæ id suadere possint. **PHIL**. Dic mi pater, necantne merentem, vel immerentem? **SEN**. Merentem, & eum, qui nec decem vitis satisfacere posset. **PHI**. Si igitur merentem necant, non solùm non ægre ferre debes, sed te ipsum sponte præstare debuisses, ut purgarent, & occiderent. **SEN**. Utinam aufugere potuissem. quæ animalia mortem non fugiunt? Ipsæ etiam aues clatris rostro perfractis extra caueam auolare nituntur. **PHILOSOPH**. Nihil merent, & sunt honorum ignaræ: si tibi gratum sit, ex Platone tibi ostendam, quòd non solùm non erat fugienda mors, sed abs te imploranda, & quærenda. **SEN**. Nugæ sunt, & puerorum deliramenta. **PHILOS**. Eia igitur incipiamus. Iustum omne, ut

Q s iustum



iustum est, nōne bonum, atq; pulchrum?  
SEN. Maximé. PHILOSOPH. Si quis agit,  
nōne opus est aliquid pati? SEN. Quomo-  
do hoc ais? PHILOSO. Si quem percutias,  
agis: nōne opus est illum qui percutitur  
pati? SEN. Prorsus. PHILOS. Imò opus est  
eadem ratione patiatur, quā percutitur.  
SEN. Non accipio. PHILOS. Si aliquo fine  
percutiatur, nōne opus est eodem fine pa-  
tiatur, quo percutitur? SEN. Equidem. PHI.  
Rursus dare pœnas, nōne est aliquid pati,  
& ab aliquo agente, scilicet puniente? SEN.  
Omnino. PHILOSOPH. Qui punit, num  
iustè punit? SEN. Iustè: sed & nonnunquàm  
iniustè. PHILOSOPH. Nemo iniustè pu-  
nit, cū is qui iniustè punit, non puniat,  
sed iniuria afficiat eum, cui sub falso puni-  
tionis nomine malum infert: post hæc qui  
punitur, num iustè patitur? SEN. Iustè.  
PHILOSO. P. Omne autem iustum bonum  
est atque pulchrum, vt superiùs concessisti.  
SEN. Concessi. PHILOS. At quod bonum  
est, & pulchrum, num honestum, vel vtile,  
vel delectabile? SEN. Ita arbitror. PHILO.  
Vnusquisq; igitur, qui malum aliquod per-  
petrauit, punitionem quærere debet, vt iu-  
stitiam subeat, quæ illi honesta erit, aut vti-  
lis, aut delectabilis. Cū ergo tu pessimè  
egeris, ne puniri ægrè feras: imò forti, atq;  
temper



temperanti animo fructuosam horam expecta, quâ purgaberis, & ab animæ prauitate liberaberis. *SEN.* Hæc omnia vera esse cognosco: tamē inops animi, concitari non possum. *PHILOSOPH.* En alia ratione utamur: Si corpus & anima (ut eorum exigunt naturæ) æqua passione tenerentur, cui citius remedium præstare deberes, animæ, an corpori? *SEN.* Animæ. *PHILOSOPH.* Qui morbus pollutior est, quive magis verendus (etsi æquè commaculent) animæ, an corporis? *SEN.* Animæ. *PHILOSOPH.* Et huius rei hæc est causa, quia anima est excellentior corpore, num istud ais? *SEN.* Maximé. *PHIL.* Quæ autem ars à corporis morbo nos liberat? *SENEX.* Medicina. *PHILOS.* Igitur cum corpus ægrum est, medicum vocas, & summè peritum, qui re sanitati restituat, ceterique ita faciunt? *SENEX.* Ita solent. *PHILOS.* Quid si medicus inurere cogatur, membra abscindere, amara potui dare, num hæc subeunt, vel refugiunt. *SEN.* Subeunt omnia, ut sanitati restituantur. *PHILOS.* Cum verò sanitati restituti sunt, à corporis morbo liberi euasere, nōne? *SEN.* Ab eodem. *PHILOS.* Donasti superiùs animam corpore præstantiorem esse, & animæ morbum corporis morbo longè peiorē, tótq; subimus incommoda



moda, vt corpus sanetur, nōne & maiora discrimina pro sananda anima subire conueniet? s E N. Ignoro quānam sint morbi animæ. P H I L. Iniusti, grassatores, parricidæ, fures, auari, fœneratores, nōne morbo animæ afficiuntur? s E N. Certè. P H I L. Sed quis ab his morbis liberare potest, si cui resipiscenti purgari placuerit? s E N E X. Neminem ex mortalibus scio. P H I L O S. Sūntne qui puniant, & homines meliores reddant? s E N. Prætores, vt arbitror. P H I L. Rectè sensisti: nam incipientes furta committere flagellis purgant: qui purgati deinceps res alienas vident, & intactas prætereunt: alij rursus perseuerantes auribus priuantur, atque naso: si altius ægritudo radices iecerit, hos acrius purgant, & longè amariori pharmaco vtuntur. Sūntne igitur Prætores, qui animam morbo liberant? s E N. Ratione infertur. P H I L O S. Erāsne æger anima, & prauè affectus, id est grassator, fur, homicida? s E N. Maximè omnium. P H I L O S. Hà hà pater, cur lictores expectasti, qui te caperent? te ipsum sponte Prætori offerre debuisti, & ab illo animæ sanitatem protinus petere: sicuti si corpore ægrotus fuisses, à medico petiisses. s E N. Nimius est hic dolor, quem Prætores inferunt. P H I L. Quid ais? delectatio est: num curari



curari à medico delectabile est? & ægri maxime gaudent cum actu curantur? nempe futuram sanitatem expectant? s E N. Certè. PHILoS. Non est igitur dolendum, esse in Medicorum animæ manibus, qui illam purgent: imò potius hinc anima æger delectatione affici debet. Quisquis igitur qui animam suam graui quadam ægritudine affectam habet, cuius iam iudici sponte se offerre deberet, & ab eo purgatoria medicamenta expetere, quibus purgatus in pristinam sanitatem anima restituatur, sitque sui ipsius accusator, & morbum (vt dicitur) obuia manu gerat, atque omnia ægritudinis incōmoda Prætori vti Medico referat: deinde purgatoria pharmaca subeat, quæcunque illa sint, vel mutiler, vel flagellis torqueat: imò si opus fuerit, capite mulceatur, suspēdatur, quoad anima medicamento reintegrata cōualescat. s E N. Tamen non paucos noui grassatores, homicidas, omni scelerum genere deturpatos, qui & Prætorem, & lictores summopere cauebant. PHILoSOPH. Insensati erant, & his sensuum imaginibus decepti, & omniū penitus insanissimi: his similes, qui morbo corporis affecti sese medico cōcredere nolunt, amara pharmaca reformidantes, vt pueri faciunt. s E N. Vir optime, his verbis ita animum



num meum instituisti, ut sedatè, ne dicam voluptuosè, mortis discrimina patiatur. PHIL. Iubilet igitur animus tuus, gestiat, oblectetur, qui capitis ablatione purgatus in cœlum aduolabit mūdus, immaculatus, & à sanctis angelis inter martyres coronabitur, quiescet absque dolore, absque vlla mœroris labe. Iam lictores instare video, ut Prætori præsenderis. Vale, & huius animæ pharmacum percupidè bibe: illa vitiis exonerata, atque purgata, ante summi Tonantis tribunal accedet. AULIC. Dedisti huic seni satis commodum medicamentum: certus sum, primos illos hortatores nunquam in mortis consensum hunc inducturos esse: imò nec tu ipse induxisses, nisi moriendi necessitas instaret. PHIL. Cùm hic senex argumentis coactus nostræ sententiæ inhæserit, dignus sum, ut præmia reportem. AULIC. Non acquiescit sponte, quod suspiria ostēdunt: sed nisi vi capite mulcetur, libenter tuum hoc pharmacum non biberet, imò nisi illum in vitæ amorem vel memoriam perducere vereretur, tibi ostenderem illum summoperè mortem abhorre. Sed nūc opportunius erit philosophos aliquos, atque theologos adire, qui si tuis argumētis subscribant, mihi ipsi conditiones imponam. PHIL. Nosti philosophum  
illum



illum antiquæ disciplinæ, grauem vnâ, & theologum consummatissimum, qui non rarò mecum domesticè obambulat? A V L. Noui. P H I L. Illum adeamus, qui vnus erit pro cunctis. A V L I C. Lubet. Tunc iter ad philosophum philosopho peramicum inchoarunt, sed affuit occasio, qualem non putarant: nam eius famulum inter eundum inuenêre, qui cursim, & anhelans gressus festinè trahebat. Quorsum, inquit philosophus, adeò raptim volas? Tunc famulus. Ad auditorem peccatorum accersendum, qui dominum meum visitet, & ad hâc peragendam viâ hortetur. P H I L. Quid ais? opprestisti me: nunc agitur tertius dies, quo simul de cœli natura, deque angelis in foro discebamus: ô vita nostra misera, & tanquàm vitrum fragilis, an ægrotaret ignorabam. F A M V L V S. Languet, spiritum ab imo pectore trahit, viaticum recepit, inunctus est, & is qui aliàs adeò sapiens fuit, nunc mortem abhorret, & summoperè in vitam anhelat. P H I L. Sine religiosum suis preculis vacare, ego eius vice fungar, & operam dabo, vt ab hac vita sponte recedat. Ad huius ædes peruenêre, & vestibulū ingressi imbecillem, & tristem ægri vocem audiêre. Tunc philosophus his verbis cubiculum ingreditur. Quid hoc amice? vbi tua illa  
animi



animi magnitudo? ubi philosophica cōstan-  
tia? ordinem naturæ considera: illuc ibis,  
vnde venisti. A E G E R. Iamdiu est, quod hæc  
mente reuoluo, nouique hanc esse omni-  
bus communem viam, quam nemo euita-  
re potest: sed pauore quodam, nescio an hu-  
mano, vel ferino extimulor, quem non pos-  
sum à cogitatione repellere. Videor vide-  
re corpus hoc, vita, gustu, tactu, & aliis  
sensibus priuatū putrescere, in vermes con-  
uerti, atque vorari. P H I L O S O P H. Nunc  
profectò mihi sine sensu esse videris, quo-  
ties vereris, ne illi corrumpantur, & ne ca-  
ro hæc putrida vermibus dometur: nōne  
putas animam ab hoc corporeo carcere so-  
lutam rerum naturas expeditius percipere,  
& ea etiam quæ sensu capiuntur, præstan-  
tius attingere, quàm cū est in ipso corpo-  
re clausa? A E G. Maximè. P H I L O S O P H.  
Quid perfectius, quidve excellentius, ali-  
quid rei flaccidæ, atque statim perituræ,  
gustu sentire, vel gustus rationē, & Ideam  
noscere, quā omnia gustui subiecta tene-  
bis? A E G. Ideam & rationem. P H I L. Hæc  
Idea nōne promptius ab anima, quæ sit  
corpore libera, quàm ab eodem impedita  
percipitur? A E G. Valde. P H I L O S O P.  
Imò corporei sensus plerunque impediunt,  
quoties ægritudo sensus obtundit, vt ne-  
queant



queant eorum sensuum, qui affecti sunt, sensilia tractari. A E C E R. De cæcis, atque surdis exemplum esse potest, qui de coloribus atque sono parùm iudicare possunt. P H I L O S. Es'ne vnquàm in Platonis operibus versatus? A E G E R. Sæpiùs. P H I. Quid inquit ille hominem esse? A E G. Animam claustro mortali clausam, corpùsque vmbra culum hoc ingēs, ne optimorum bono fruatur, scilicet ne Ideas rerum contempletur. Imò tam diu angitur, tam diu mœstitiis ac doloribus afficitur, quàm diu hoc carcere detinetur. P H I. Cur igitur times, cur tam pauidus contremiscis, si compedibus, & fæculenta custodia liberaberis? num illum desipientem putares, qui cæco carcere putrido & fæculento solui posset, tamen in ipso diutius immorari niteretur? A E G E. Hunc valde riderem, nouique has meas lachrymas esse vanas: sed non possum nō amare hanc vitam, in qua tam diu sum versatus, & dolere in discessu. P H I L O S O. Aegrè fero ego, & non possum non indignum putare tam prudētem Philosophum ac sapientem, tam egregium Theologum, atque consummatissimum, qui nihil non vestigatum reliquerit, mortem adeò timidè & pueriliter expauescere, quod Philosophum non decere constat. A E G E R. Sed

R      vtinam



utinam huic philosophico studio non nauassem : hoc est, hoc inquàm, quod me deterruit: nam sapiùs circa animæ naturam philosophatus sum, & apud me adhuc sub iudice lis est, quid de ea futurum sit. P H I L O S O. Hà vir egregie, quæ nunc audio? num putas animam per se à corpore liberam esse, & mortem nihil aliud esse, quàm corporis ab anima solutionem? A E G E R. Omnino. P H I L O S. Dic, estne Philosophi opus voluptates sequi, vel eas longius euitare? A E G E R. Quid inquis? P H I L O S O. Debentne Philosophi pocula ingurgitare. epulas vorare, venereis commaculari, egregiis vestibibus indui, vel his frui, vt necessitas compulit? A E G. Vt necessitudo expostulat. P H I L O S O P H V S. Verus ergo Philosophus debet animam ab his corporeis oblectamētis habere expeditam. A E G E R. Debet, si verus est, P H I L O S O. Num vulgus hos putat mortuos, qui voluptates deserunt? A E G. Ita putat. P H I L O S. Num Philosophi tunc maximè speculantur, tunc maximè contemplantur, & viuunt, cum animam in sese recipiunt, ac colligunt, nihil vident, nihil audiunt, nullo sensu fruuntur, sed penitus à corporeis rebus auelluntur? A E G. Maximè. P H I. Nónne est Philosophi officium speculari? A E G. Est. P H I L O. Nun



Num melius liberè atque expeditè speculari, quàm impediri? AEG. Melius. PHILOS. Num corpore impeditur? AEG. Et hoc impeditur. PHILOS. At Philosophi munus est optare liberum esse, & eò melius speculari posse, quò fieri possibile sit. AEG. Valde. PHILOSOPHVS. Si quis igitur verè Philosophus est, & Philosophiæ muneribus gaudet, mortem ipsam, quò citius fieri potest, optare debet, vt sit speculationibus liber, & agilius in omnes Ideas penetrare possit. Deique similis fiat. Imò si verus est Philosophus, dum hac vita fruitur, id est hoc caduco corpore circumcingitur, à vulgo mortuus existimatur, qui omnes illorum voluptates deseruit, omnes cupidias atque libidines spreuit. Edit, bibit, induiturque vt viuat, posteaquàm ita Deo placuit: non viuit, vt his curiosè fruatur. AEG. Audio nouum Socratem vera hac inferentem, & referentem. Ea ratio, quam nuper adduxisti, suadet Philosophum corporis mole oppressum eius finem attingere non posse, imò quàm maximè à corpore secedit, tam altius scientiarum abdita penetrat. Sed vnum est, quo vehementer extimulor, quod nuper tanquàm verum asserēbā. PHI. Quidnam hoc est? AEG. ER. An anima huius corporis vinculum exeat, vel potius cum



*Eccles.* eo simul intereat & vnus sit hominum &  
 3.19. iumentorum ( iuxta Solomonis senten-  
 tiam) interitus: nam ante horam in syn-  
 copin incidi, & eâ non paruo spatio affe-  
 ctus sum. Interim nihil intelligebat ani-  
 ma, nihil speculabatur, nihil sensu cogno-  
 uit: quid tunc agebat? quid feriabatur?  
 P H I. Hoc ignoras? Ipsa obesis corporeis  
 clatris ligabatur, cuius mores dum in ipso  
 est corpore, pati necesse est. Putabam te hu-  
 mana quadam fragilitate, & consuetudine  
 mortem expauescere: sed hoc multò dete-  
 rius est, quo illam expauescis: nempe hæ-  
 resin sapit: & quam hæresim? eam, quæ  
 non solùm Christianam religionem, sed  
 omnes etiam bonos mores aufert. Sed ô  
 præclare frater, ne hoc animo hinc recedas.  
 nam si tibi gratum sit, argumenta parabo,  
 quibus animam immortalem esse & tibi  
 & aliis suadere possim. A E G. Nihil mihi  
 gratius contingere poterit. P H I. His igi-  
 tur omiſſis, quæ ex præcedenti disertatio-  
 ne colligi possent, alia quædam sequamur  
 indicia, & paulò altius maiora argumenta  
 exordiamur, vt mentem hanc inanem, quæ  
 à religione Christiana discedit, in suam or-  
 bitâ reducamus, Eia igitur. Quid esset mi-  
 serius homine, quidve infelicius inter cun-  
 cta huius mundi animantia, si corpus &  
 anim



anima vno interitu morerentur? qui semper corporis imbecillitate, animi inquietudine perturbatur, quid inquam infelicius? Cùm cætera animantia, etsi corpore afficiantur, nihil mentē suā, nisi quod præsens est, percipiant: cùm homines & præteritorum malorum memoriam habeant, & ea quæ futura sunt, prænoscant, & prædoleāt? AEG. Certè nullum animal homine miserius esset. PHILO. Tamen animal est Deo proximum, quod illum colit, honorat: tamē habet vitæ terminum beluis vel æqualem, vel parum differentem, & est ad plurā minus idoneum: nudum ab utero venit: cum aliis secum vestimēta nascantur. Ideò non est credendum hoc animal nihil habere, quò cæteris animantibus præstet. AEG. Habet omnino, & id est, intelligere. PHI. Nihil homini contingere potest deterius, quàm Intelligere, si animus cum corpore perit: nam passiones, & misérias intelligere, atque meminisse miseriis cumulum præbet: propterea aliud esse oportet, quo homines bruta excedant: sed hoc nihil aliud esse potest, quàm animæ immortalitas: quæ quoties est soluta corpore, præmiis afficitur, si Dei mandatis paruerit: & poenis, si eisdem obstiterit. AEG. Hæc tua ratio probabilitatem quidem dialecticam sapit,

R 3 sed



sed à demonstrationis natura longè distat.  
 PHI. Quid opus est in his rebus demōstra-  
 tionem quæramus? nempe quod probabile  
 est, sufficit necessitati coniunctum, cui  
 Christiana fides adiiciatur, & plurium phi-  
 losophorum opinio, & in suscitandis mor-  
 tuis miracula à Sanctis facta. A E G. Et mi-  
 raculis fidem non præsto, & num mortui  
 in lucem redierint ambigo. PHILOSOP.  
 Ea'ne credis quæ à dignis fide viris prodi-  
 ta sunt memoriæ. A E G. Maximè. PHI.  
 Hæc à sanctis viris, quorum fides scientia  
 est, maximisque philosophis scripta sunt:  
 quatuor inquàm Euangelistis primò, dein-  
 de Hieronymo, Augustino, Gregorio, Am-  
 brosio, Hilario, Chrysostomo, & reliquis  
 Christiani dogmatis proceribus: his nisi af-  
 sentiri volueris, cur historiographis tam  
 facilè fidem præstas? A E G. Scripsère histo-  
 rici, quæ nihil ad illos. PHILO. Hi quoq;  
 celebratissimi viri nunquàm miracula de-  
 scripsissent, literisque mandassent, nisi illa  
 propriis oculis vidissent: hac eadē ratione  
 nullis historicis, nullis monumentis credē-  
 dum esset: sed hæc aliàs. Nunc ad animam  
 ipsam redeamus, cōmunibúsque argumētis,  
 & tibi notis, sed fortè ægritudinis vi obli-  
 tis, animam immortalem ostendamus. A E.  
 Huic nodo summoperè incumbendum est,  
 vt amb



ut ambiguitas à nostra mente recedat. P H.  
Esto bono animo, Deique implorato au-  
xilium, qui tibi in hac vltima calamitate  
opem ferat. A E. Sit mihi præsto Deus, men-  
temque dirigat, & ipsius misericordiæ lu-  
mine illustret. P H I. Ita igitur incipiamus.  
Anima seipsam mouet, & primò, an ab alio  
mouetur. A E. Seipsam primò mouet: sed  
per accidens, ut inquiunt. P H I. Seipsam mo-  
uet, & primò mouet: sed hic motus est vi-  
ta, ergo sibi ipsi vitam præstat. assentirisne?  
A E. Assentior. P H I. Cum verò in qualibet  
natura sit perpetuus sui ipsius amor, & idē  
nunquàm deferat seipsum, nunquàm viue-  
re desinet: imò quia ipse est motor, & mo-  
tus est vita, nunquàm mouere cessabit,  
ne seipsam perdat. Imò si mori dixeris,  
aut prius esse, quàm moueri, auferetur:  
aut prius moueri quàm esse, aut vnà  
moueri, & esse subtrahentur. Non pri-  
mum, quia motus non potest esse seor-  
sum ab essentia: nec secundum, etenim  
spontaneus motus id concomitatur, quod  
semper motum facit: nec tertium, quip-  
pe nulla mutatio potest illi ab intrinseco  
vel extrinseco aduenire. Non ab intrinseco  
quando ex ipsa motus vitalis atque viui-  
ficus aduenit: nec ab extrinseco, quia fons  
motus aliundè moueri nō potest. Est igitur

R 4 imm



immortalis & æterna. A E G E R. Hæc ratio nonnihil habet maioris efficacix, quàm præcedens. Perge obsecro: nam gestit animus propriæ naturæ, & æternæ consentiēs. P H I L O. Argumenta hæc (vt nosti) demonstrationis argutiam non sapiunt, sed verisimilia sunt necessitati propinqua, quibus Christianæ fidei lumē addere oportet. Eia, scito te Aristoteli multum incubuisse: nōne ille tertio de Anima libro dicit, Sensituum non sine corpore esse: Intellectuum verò separatum esse posse? A E G E R. Ita ferè scribit. P H I L O. Intellectus nōne anima? A E G E. Certè. P H I L O. Anima igitur separata à corpore subsistit. A E G E R. Sed alibi eodem in libro de Anima oppositum refert. P H I. Esto, sed vbi citatam propositionem describit, proprium dogma aperit. alibi verò conditionatè oppositum recensuit. Prætereà formæ vnitæ materiæ nōne per motum, & mutationem materiæ in actum reducuntur? A E G E. Prorsus. P H I. Idem Aristoteles libro de Animalibus, intellectiuam animam ab extrinseco aduenire dicit: non est igitur materiæ cōmixta: imò ab eadem remoueri potest, & per se esse. A E G E R. Satis constant hæ rationes, sed obsecro Aristotelem, & Ethnicos philosophos posthabeamus: nam ego, vt sectator



tor CHRISTI, illis minimè fido. PHIL.  
Non despicio hæc tua vota, sed illis maxi-  
mè parendum censeo. Dic igitur, si quid  
corrumpitur, nōne in contraria corrum-  
pitur, habetque contrarium, & est ex con-  
trariis constitutum? AEGER. Ita est. PHI.  
Quæ contraria habet anima, ex quibus  
constituta sit? AEGE. Nulla, nisi contrario-  
rum rationes, quas tenet dixeris esse, con-  
trarias. PHILLO. Hæc verò rationes contra-  
riæ non sunt, aliōqui in vno essent duo con-  
traria. AEG. Certum est. PHIL. Humanus  
igitur animus incorruptibilis est. AEGE.  
Ex prædictis optimè infertur. PHILLOS.  
Cœlestia etiam corruptione carent, quia  
eorum materia ab his corruptibilibus alie-  
na est. AEGER. Ob id æternè mouentur.  
PHILLOS. Sed anima, quæ materia  
concreta est? nam omnes rerum species (vt  
inquiunt) immaterialiter recipit. AEG.  
Nulla. PHILLOS. Ex te igitur inferas im-  
mortalem esse hominis animam. AEGER.  
Sexcenta noui huius generis argumenta,  
quæ passim in omni commentariolo di-  
uulgantur: nunc res ex postulat, vt altiores  
quasdam rationes adducas, quibus mens  
mea vehementius irritetur. PHILLOS. Vt  
lubet. Dic igitur, putasne vnā esse omniū  
materiam omnibus communem, an hæc

R 5 ration



tatione suadebo? A E G. Fateor sine pugna.  
 A V L I C. Sed ita sermones temperes o Phi-  
 losophe, ne mens mea vagè discurrat. P H I.  
 Cur id ais? A V L I C. Ego, qui Philosophi-  
 cis decretis operam non dedi, ut vos dedi-  
 stis, illa ignoro, quæ æger tanquàm vera  
 sua sponte elargitur, & nisi interpretaberis,  
 horas molestè feram. P H I L O. Tu ergo  
 respondebis, & ægrum hoc fasce leuabis.  
 Vidisti Solem vapores quosdam ab aqua  
 eleuare, quos in aërem transformat? A V L I.  
 Vidi. P H I L O. Hi vapores suntne aqua,  
 an aër? A V L I C V S. Aqua erant, postea in  
 aërem versi. P H I L O. Est igitur aquæ pars  
 quæ fit aër? A V L. Ita arbitror. P H I. Dic  
 postea, manet aqua cum fit aër, an in nihi-  
 lum corrumpitur, priusquam fiat aër? A V L.  
 Quid sit respondendum ignoro. P H I L O. S.  
 Putasne naturam ipsam aliquarum rerum  
 perniciem velle? A V L I C. Minimè. P H I L.  
 Optimè inquis. At si aqua quoties fit aër, in  
 nihilum euanesceret, tunc natura in rerum  
 perniciem exultaret: propterea opus est ali-  
 quid aquæ seruari: imò si vniuersa euane-  
 scât, nonne opus esset solem ex nihilo præ-  
 dictum aërem facere? A V L I C. Maximè.  
 P H I L O. Philosophis autem & ipsi naturæ  
 non consentit, Ex nihilo fieri aliquid: nem-  
 pe id est diuinum munus, nec restat sub  
 aëre



aëre aqua, quia inuicē aër & aqua, calore,  
& frigore opponuntur. A V L I C. Accepi.  
P H I L O S O. Aqua frigida est atque humi-  
da: calidus & humidus aër: igitur nonni-  
hil est, in quo conueniunt, & nonnihil, in  
quo differunt. A V L I C. Hoc noui: calido  
& frigido dissentiant, conueniunt humi-  
do. P H I L O. Si ergo ex aqua fiat aër, num  
opus est humiditatem retineri? A V L I C.  
Certè, quia hac in natura conueniunt, fri-  
giditatem verò abesse oportet. P H I L O S.  
Quàm optimè inferis, vires Minerua di-  
gnus. Sed si humiditas superest, num alte-  
ri inhæret? A V L I C. Quomodo ais? P H I.  
Illa humiditas æquè est qualitas, sicuti al-  
bedo, at semper chartæ, ligno, aut lapidi  
inhæret albedo: num & humiditas ipsa  
cuiuspiam inhærebit? A V L I. Experiar ante  
acceperim: illud intelligis, corpus subesse  
humiditati. P H I. Intellexisti. Cùm igitur  
ex aqua fiat aër, humiditas & materia su-  
persunt, frigiditas abest. Prætereà si ex aëre  
fiat ignis, nū eadē ratione opus est maneat  
aëris materia, & caliditas ipsa? A V L. Cōmu-  
nis est utriq; pedi calceus. P H. Eadē est in  
omni re dispositio: opus est superesse mate-  
riam nulli corruptioni subiectam, quā Phi-  
losophi primam nūcuparunt. A V L. De hac  
re certior fieri cuperem. P H. Cognoscitur  
hæc



hæc materia per analogiam quandam ad res artificiales, quia ars imitatur naturam: nam figulus vasa & pateras argilla conficit, quæ si frangantur, adhuc superest argilla, ex qua & alia eiusdem generis, vel diuersi generis fingi possunt: nosti hæc? A V L I C V S. Noui, sed quò tendunt? P H I L O S O P H V S. Scis materiam non posse ex eo, quod est, mutari? A V L I C V S. Scio: quippe natura non finit res in nihilum euanescere. P H I L O S O. Est'ne aliquid supra materiam? A V L I C. Quomodo ais? P H I L O S. Corpus hoc nostrum materia est. habetne aliquid quod illi dominetur, & imperet? A V L I C. Certé. P H I L O S. Hoc nōne est rationalis anima, quæ est cuius materiæ domina, regina, & præses? A V L I C. Est, ut opinor. P H I L O S. Nōne dignius est, atque conuenientius, Regem & dominum esse magis incorruptibilem seruo & subiecto? A V L I C. Quid inquis? seruos noui validissimos, & dominos imbecillissimos, & ægros. P H I L O S. Hoc nihil ad rem facit: si dominus in suo Esse & valetudine seruū gubernaret, & à domini sanitate serui sanitas dependeret: nōne opus esset dominum sanitate frui, si seruus sanus esse debeat? A V L. Maximé. P H I L O S. Eandem conditionem habet anima respectu materiæ



riæ, quam habet dominus respectu serui.  
 AVLIC. Nunc accepi. PHI. Iam concessisti  
 materiam incorruptibilem esse. AVL. Con-  
 cessi. PHI. Quanto igitur magis rationalis  
 anima, à qua omnis materia dependet, in-  
 corruptibilis erit? AVL. Perpulchrè infer-  
 sed nescio, an ægrotanti satisfacias. AEG.  
 Iam vana illa à nostra mente coërcetur opi-  
 nio: prosequaris obsecro: nam in patriam  
 vocari desidero: nihil hîc stabile, nihil fir-  
 mum. Mors instat, quâ vobis etiam præsen-  
 tibus, & non prænoscentibus eripiar. PHI.  
 Dic Aulice: Quod alicui per se conuenit,  
 potestne ab eo, quandoque separari? AVL.  
 Dicam illud Aristophanis, ἀμαθίστητον πᾶσι  
 εἶναι ἐν τῇ σαφίστητον, Dic aliquantò inerudi-  
 tius, & apertius. PHILOS. En circulus su-  
 apte naturâ rotundus est, eritne circulus,  
 qui non sit rotundus? AVLIC. Nunquàm.  
 PHI. Id est, quod per illam propositionem  
 intelligebam: Quod inest alicui per suam  
 naturam nunquàm ab eo separari potest.  
 AVLIC. Concinnè declarasti. PHILOS.  
 Omne quod est, num est per suâ formam?  
 AVLIC. Certè. PHILOSO. Forma igitur  
 illa est, quæ esse impendit? AVL. Omni-  
 no. PHI. At anima nonne est forma; cōtra-  
 riis, & materia carens? quæ esse tribuit?  
 AVLIC. Maximè. PHIL. Imò tali ratio-  
 ne



ne dat anima esse corpori, vt illi nihil vicissim corpus rependat: nam si corpus aliquid animæ daret, vel esset eius forma, vel materia: non materia, qui materia recipit, non dat: nec forma, quoniam illa forma, quæ animæ daret esse, fuisset forma: & non hæc quæ anima dicitur: propterea nihil est, quod animæ hoc elargiatur, vt esse tribuat. Igitur à seipsa hoc habet. A V L I C. Planè. P H I L O S O. Si à se ipsa hoc habet, & aliis vt sint impertitur: igitur & sibi ipsi hoc idem impertiri debet. A V L I C. Maximè. P H I L O S O P. Nihil autem inueniri potest quod seipsum perimat, vel natura sui ipsius interitum tentet. A V. Ita puto. P H I. Quum igitur anima sit sui ipsius esse, & reliqua omnia, quæ sunt animata propter ipsam sint, anima semper erit, aliter sibi ipsi non esse præstaret, ac vellet. A V L I C. Optimè accepi, sed nescio an æger assentiat. P H I. Nisi assenserit, rursus ipse dicat: Animæ natura num est sibi ipsi hæere? A E G E R. Est. P H I L O S O P H V S. Igitur eius esse illam sequitur, ratione qua sibi hæret. Prætereà nõne constat nihil à seipso dissidere? A E G E R. Maximè, quia inter se, & ipsummet nihil intercedit, quod ipsum à seipso separare possit. P H I L O S O. Si ergo quatenus hæret sibi, eatenus est: semper hæret ergo.



ergo semper est: anima verò est eiusmodi  
 forma: igitur anima est immortalis. AEG.  
 Non possum non resilire ab impia illa opi-  
 nione, quæ animam meam in hoc disces-  
 su perturbabat. Id prorsus nunc teneo ni-  
 hil tam verum esse, nihil tam certum, at-  
 que indubitatum eorum, quæ auribus hau-  
 rio, oculis coram intueor, & manibus te-  
 neo, quàm illud, quod argumentis prodi-  
 disti, Animam scilicet esse immortalem: hoc  
 veritas inspiravit, Philosophi plures com-  
 probarunt, huic omnium hominum cōsen-  
 sus subscripsit, Martyres sanguine testati  
 sunt, sancti verbis & moribus expressere,  
 tradidit CHRISTVS, Dæmones confi-  
 tentur. Quid amplius curo mortem? quam  
 nuper asperam, & inhumanam iudicavi:  
 nunc illam placidam, nunc benignam vo-  
 co, atque inuoco, ut citius me expediat, ci-  
 tius ab his malorum involucris liberet.  
 PHI. Cur tibi prius videbatur inhumana  
 privatio hæc, quæ mors dicitur? AEG. Quo-  
 niam antiquiores historias mēte volutanti  
 nullus occurrebat, præter vnum Socratem,  
 qui hanc nō fugeret, & qui illi non maledi-  
 xerit: Animal nō est, quod mortem evitare  
 non tentat. Postea in mentē veniebat Pau-  
 lus electionis vas, qui ardore viuendi captus  
 mortem aufugit, è fenestra per sportam  
 demis



demissus. Alter Paulus primus Eremita, ne diem vltimum clauderet, præsidum tormenta fugiens solitudinem furtiuè petiit: & ipse C H R I S T V S sudauit vñà, & ingemuit morte illi ab Angelo prænūtiata: tamen eius vestigia sequi debeamus. Quot Sanctos legimus, mortis conditione impeditos, fugam attentasse? Mos est hominum atque brutorum vitam cōmendare, diligere, obseruare: è cōtrario mortem detestari, odio habere, & quò longiùs fieri possit, auferere. Hunc nostrum mentis discursum Aesopi Phrygij fabulatoris Apologus sequebatur: hic senē fingit è monte abscissa ligna deferentē, qui longa via defatigatus, lignis depositis, mortem vocitabat. Astitit Mors. Quid vis, inquit, cur tam crebrò me vocas? Senex præsentem mortem exterritus, quam absentem vocabat, subitam excusationem inuenit, inquiens: Magno hoc lignorum pōdere ferè detritus, te vocabam, vt opem ferres. Nihil aliud hac fabella docuit vir ille fabulis veritatem tegens, quàm omnes homines esse vitæ amatores: & si sexcenta incōmoda, sexcenti labores, sexcēta rerum discrimina subeant, nunquàm tamen naturæ satisfacere cupiunt. Nonnulli lingua solùm, & summis (vt dicitur) labris mortē ipsam, dum abest, inconsultè vocare solent



solent : cū verò præsens est , ægrè ferunt ,  
& eam magno nixu pèllere conantur. A V L.  
Perbellè Aesopus. A E G. Auicenna præter-  
eà in libro de Viribus cordis , non solum  
non esse optandam mortem , sed neque ab  
hominibus cogitandam docet. A V L I C. Et  
optimè. A E G. In præsentiæ verò tuis  
argumentis optimè Philosophè illustratus ,  
vanas illas cogitationes effugavi , quæ nihil  
aliud erant , quàm antiqui hostis deceptio-  
nes , mens mea desciuit ab illis. At benigne  
Philosophè , & mea salus , obsecro te ne  
amplius me audiendo , & te dicendo de-  
lasses , felici omine abeas : nam sentio ani-  
mum istum in primo mortis limine esse ,  
nunc nunc naturæ satisfaciet , atque in cœ-  
lum ( vt spero ) euolabit. P H I L. Vale igitur ,  
amice charissimè , vale felix : hodie vi-  
sitaris sanctam Hierusalem , in Angelo-  
rum atque Sanctorum consortio omni-  
potentis Dei visione frueris. I præ , nos ad te  
ocysimè aduolare speramus. Proinde crea-  
torem deprecæris , qui nobis admissa remit-  
tat , atque eius lumine illustret. Vale rursus.  
A V L I C V S. Quàm miserrimum est huma-  
num genus ? tot labores patitur , tot subit  
incommoda , denique brutorum more oc-  
cumbit : hic vir diu studiis , atque discipli-  
nis insudauit ? quid nunc illi profunt hæ ar-

S.

169



tes? P H I. Quid profunt? non parum profunt, si plurimis Theologis credendum est, qui censent peritos homines indoctos in cœlo glôria superare. Rursus non est res misera mori, nec miseri sunt, qui disciplinis vacant. Adde probos, atque doctos viros ab hac vita perpolitos abire, indoctos verò, & improbos rubigine confectos, iuxta illius Philosophi sententiâ, quisquis fuerit, qui humanam vitam ferro comparauit: hoc si nimis exercueris, conteritur: si non exercueris, rubigine consumitur. Ita homini moriendum est, qui si in disciplinis versetur, conteritur: si nihil agat, marcore, & desidia consumitur. At pulchrius est nitidè, & perpolitè mori, quàm rubigine & mala desidia consumi. Propterea pulchrius est ardentè vigilare, insudare, & ob disciplinas algere, quàm turpiter vino, Venere, atque pluma sepultum obdormire, & tam dignis laboribus abstinere. A V L I C V S. Egregiè Philosophus ille percensuit. Nunc verò quo eundum? Num satis expertus es neminem velle mori? P H I L O S. Nobiles supersunt, Principes, Reges, qui sunt magis aduersantes hostes, quàm in hac mea sententia comprobâda habere possim. hos deferamus, ne fabulam cantemus surdis, & Aethiopem inalbemus aqua: quin (si fieri posset



posset) vitam infinitis diuitiis emerent.  
A V L I. Propter quid non solum homines,  
sed & bruta mortem totis viribus effugere  
conantur? P H I L O. In brutis est quidam  
naturæ impetus: in hominibus verò, in  
nonnullis est humana fragilitas, vel sti-  
mulus peccati, vel modica & ferè sopita  
fides: vel habitus, nescio quo flagitio men-  
te receptus: nemo hanc fugere debet, vel  
præsentem timere, cum nullum sit illi re-  
medium: nam illam timere, nihil aliud  
est, quàm sapientem videri eum, qui nō est  
sapiens, vt Plato inquit in Apologia. Quip-  
pè cum id sit videri scire, quæ nesciat: ne-  
mo enim scit, vtrum mors summum bono-  
rum sit: metuunt autem proinde ac si esset  
summum malorum, quod tamen nesciunt.  
Idem in Gorgia scribit, Mori nullus for-  
midat, nisi omnino rationis expers, atque  
ignarus. Quin & si verum scripsit Aristo-  
teles primo Ethicorum, capite secundo  
tertij tractatus, Mortuo nec bonum, nec  
malum esse, ocysimè moriendum est: quip-  
pè à malis soluimur, & in non malum pro-  
ficiscimur. A V L. Esto, mori præclarius sit,  
quàm viuere, quod genus mortis tibi vide-  
tur eligendum, & à Deo optimo maximo  
impetrandum? P H I. Inquiunt Senecæ mor-  
tem generosam fuisse, & aliis minus mole-



stam, cui omnes venas in balneo secuerunt,  
& naturalis mors infecta non est, qua ex  
longa ætate humores sensim absumuntur,  
& tunc homo subducitur, quò vires robu-  
stiores euadant, vt lucerna facit olei con-  
sumpto alimento: tunc enim lux extingui-  
tur, quum splendor increscit, & in micans  
quoddam splendoris lumen euanescit. Ve-  
runtamen, & id genus mortis ab homine  
desiderandum puto, quod Iulius Cæsar  
optabat, repentinè inquàm à vita submo-  
ueri: nam homo eripitur nescius an tolla-  
tur, omnium malorum expers, quæ ante  
mortem cruciare solent, & illam terribi-  
lem reddunt. Est summa felicitas (inquit  
Plinius libro septimo, capite quinquage-  
simotertio) repentinè mori: infinitosque  
hac morte defunctos cùm nobiles, tum  
principes recenset. O' felicissima mors,  
quam vulgus insanum execratur, nihilque  
putat esse atrocius. Imò nihil instantius à  
Deo impetrant, quàm à subitanea morte  
liberari, habentque suas quasdam preculas  
ad hunc finem, vt Pater noster, sancte Iulia-  
ne, & ô Intemerata. O' vanissimū vulgus,  
deberes non genus mortis petere, sed con-  
tritionem. At, inquiunt, petimus hoc, vt  
confiteri possimus. O' bestia insensata, nō  
id quærendum, sed deprecandus omni-  
potens



rens ut det antequàm sint ultimi dies, sui recordationem. Deprecantur ferè in hunc modum, Volo vitam prauam ducere, tu da bonam mortem (ita enim vocare solent mortem non repētīnam.) Id non est à Deo petendum, sed bona conscientia, quā sit semper paratus, cūm venerit hora, nec curare an repentina sit, an retardans mors. Imò ne ægritudinis vi distorqueamur, corporis languoribus afficiamur, repentina mors potius optāda, & eligenda: cūm multiplex sit doloris genus in morte, quæ ad longam ægritudinem sequitur: nam opus est hominem prauis affectibus, & diuersis angoribus vexari, amara pharmaca deglutire hominibus valde molesta, inungi, ob-scœna membra detegere, & ægrum maxime vrget molestia eorum, qui assistunt inferuientes ægro. Vulgus iterum clamat hunc esse infeliciſſimum, qui nec testamentum condiderit, nec fuerit extrema vnctio-ne perunctus, & aqua exorcizata aspersus: desunt qui plorent in recessu. O' rursus vaniſſimum vulgus. si hic verus homo fuit, & non belua humana pelle contexta, nō adeò expectauit in condendo testamēto, ut hora indigeat, vel ita se gessit, ut nihil eo indigeret. Illas verò inunctiones, & aquæ asperſiones maxime laudo. At si quis vir probus

S 3 sit



sit, Dei amicus, quid si cum his, vel sine his  
 ab hac vita decedat? Imò (vt quisq; nouit)  
 mortis dolorem conduplicant, & triplicant  
 deinde fatuarum mulierum atq; puerorum  
 luctus. O' quantum Thraces, Italos, & reli-  
 quos orbis populos sapientiâ excedunt, qui  
 in amicorum, parentum, atq; filiorum mor-  
 te iocantur, saltant, choreas agunt, cõuiuia  
 atque tripudia, veluti de eo, qui vitæ mise-  
 rias effugerit. In ortu plorant, incerent, de  
 eo, qui vitæ labores ingreditur, quique tot  
 incommoda subiit. Epicurei prætereâ mor-  
 tuos non esse plorandos censent, & in x i i.  
 Tabulas de hac re lex habetur. Quin & Pla-  
 to suis in Legibus, libro x i i. sancit nemi-  
 nem mortuos plorare debere, quorum ani-  
 mæ ierint ad meliorem vitam. At si quis  
 vel infans plorare voluerit, extra domum  
 prohibeatur, agat domi suæ quid velit.  
 Optarem sospitatore nostrum C H R I-  
 S T V M omnibus Christianis id indulgisse,  
 vt nemo ploraretur, & omnes diem suum  
 in eius gratia repentina morte obirent.  
 Massagetæ populi sunt hac in re valde pru-  
 dentes (vt Diuus Hieronymus secundo in  
 Iouinianum libro refert) qui ex ægritudi-  
 ne morientes infelicissimos putant. Sed  
 vnum est quod agunt à Christiano dogma-  
 te abhorrens: nam debiles & senes inter-  
 ficiunt



ficiunt, eorum miserati conditionem, ne  
ex ægritudine moriantur. Hæc est summa,  
& totius rei nodus. Si quis sapiat, & men-  
tis ratione constet, cum æternæ vitæ feli-  
citem nouerit, & animæ immortalita-  
tem, ut ab his miseriis, ab his labyrinthis  
inuolutis seipsum liberet, quanto citius  
fieri possit, mortem optare debet: verum  
non adeo concupiscere, non adeo ardentem  
efflagitare, ut fiat alter Cleombrotus Am-  
braciota, qui se præcipitem dedit. A V L I C.  
Quid dicendum sit nescimus: id verò sci-  
mus, Neminem adhuc in tuam senten-  
tiam descendisse: nullus est, qui libenter  
& totis viribus mortem non effugiat.  
P H I L O S. Omnes ratione carent. A V L I C.  
Nullus igitur apud te rationem habet.  
Sed hoc nihil ad me. Neminem ad hanc  
usque horam tuis argumentis cogere po-  
tuisti, ut tecum esset: herbam igitur por-  
rige, & tibi met conditiones impone. Eia  
& tu ingenuè fatearis, vellēsne mori? P H I-  
L O S O P. Absit in præsentiarum mors: ta-  
men si me mori contingeret, non adeo  
ægrè ferrem, ut vulgus insanum facit.  
Cæterum victor es, fateor, dedo me tibi:  
Nemini mors placet. Sed hodie vnà pran-  
debimus, post prandium meum librarium  
cubiculum ingredienti, præmiū reporta-



bis, quod in angulo propè fenestram later.  
 A V. Quidnam est? P H I. Videbis: nunc  
 domum properemus. A V. I tu, sunt mihi  
 negotia quædam peragenda, statim sequar.  
 P H I. Hora appetit. A V. Appetit? I præ,  
 hunc vtrum breuibus alloquar. P H I. Ego  
 hîc interim sedebo. A V L I C V S. Ne se-  
 deas, eamus.

S E N E X. Arbitror ad Dialogi finem iam  
 peruentum esse. B R A S. Et iam ad ægri  
 limen peruenimus. S E N E X. Hîc sedendo  
 tamdiu immorabor, quoad ægrum visita-  
 ueris, & dulcioribus verbis solatus fueris.  
 B R A S S A. Sedeto: nam ego ad illum iu-  
 grediar. S E N E X. Cur tam citò rediisti? an-  
 ne est spes vlla salutis? B R A S S A. De cor-  
 poris salute nulla prorsus, sed de animæ sa-  
 lute, maxima: quoniam adest reuerendus  
 & consummatissimus Hieronymus Papi-  
 nus, qui illi apertū cœlum sua incredibili  
 facundia demonstrauit, vt nihil aliud optet  
 ægrotus, quàm illuc ascenderi, & suam  
 illam beatam animam in Abrahæ sinum  
 collocare: iam iâmque in locum in quem  
 peruenire cupit, euolabit. S E N E X. Dij fa-  
 xint. At in recessu si tibi molestus non ero,  
 Emplastrum quæ in pharmacopôlis sunt, per-  
 pendemus. B R A S. Quomodo molestus esse  
 poteris, si itineris laborem auferes?

S E N



## S E N E X. I.

Cum ergo tibi lubeat, ut de Emplastris verba faciamus, à nominis ratione exordiri conueniet. vnde deducitur nomen hoc Emplastrum? **BRASSAV.** A verbo Græco, quod est ἑκπλατῶ, id est formo, & fingere, vnde ἀπὸ τοῦ ἑκπλατῆρ, quod est fingere, & formare, emplastrum deriuatur. **SEN.** Videbitur ergo potius nominandum esse emplatton, quàm emplastrum. **BRASS.** Ita profectò est, & Galenus in primo de Compositione medicamentorum per genera, utitur vocabulo ἑκπλαστον, classe quinta, pag. 210. F cum ait: Simili modo nec herbæ solæ emplaston pharmacum efficere possunt. Quare primi emplastrorum aucthores non temerè ex oleo quoque metallica coquere excogitarunt, quæ liquefieri possint, liquefacere, ac siccas herbas contusas, cribratasque eis adiicere. **SEN.** Cur postea dictum est emplastrum, si vel emplatton, vel emplaston nominari deberet? **BRASSAV.** Fuit additum ꝑ dictioni inter σ & ς & deinde in vsum celsit, ut emplastrum diceretur, & ab antiquis etiam fuit nomen hoc emplastrum usurpatum, & Galenus plerunque hoc nomine emplastrum utitur. **SEN.** Quicquid sit, à formando nomen habet. **BRASSAV.** A forman-

S 5 do



do, inquam, & fingendo, licet & alia fingantur ac formentur medicamenta. Paulus libro septimo, capite decimo septimo, simplicia quæ emplastra ingrediuntur, in metallica partitur, & in lapides, in terram, in feces, in cineres, & in conchyliis: hæc omnia sub metallicis contineri possunt. Diuidit & in oleosa, inter quæ alia sunt lachrymæ, alia liquida, alia liquores, alia succi, semina, radices, & herbas rarò recipiunt emplastra. *SEN.* Imò maior pars hæc nostro tempore recipere videtur. *BRASS.* Illa recipiunt, quia verè emplastra nō sunt, sed potius cataplasmata. at cuiuscemodi nominum distinctio haud magnificienda est: sed ad rem ipsam redeamus, & tu secundum illum quem seruasti ordinem emplastra reserato. *SENE X.* Aliàs à me dictum est, hæc absque vllō ordine esse descripta. *BRASS.* Ordinem in præsentiarum voco, si id primum referas, quod primò in tua scheda scriptum est.

*SENE X. II.*

Ita efficiam, sed è crumena schedam prius educere oportet: en iam adest: emplastrū de Crusta panis primum occurrit examinandum. *BRASSAV.* Non habet auctorem vt arbitror, hoc emplastrum. *SENE X.* Non quòd sciuerim. *BRASSAVOL.* Imò habet



habet authorem, Montagnanam scilicet. Verum intelligo authorem non habere antiquum, & inter medicinæ procures numeratum. SENE X. Quid ad me facit antiquitas, modò affectui proſit, pro quo confectum eſt. BRASSA V. Imò non mediocriter prodeſt vomitui, cùm vehemens eſt, & homo, vel puer cibum continere non poſſit, breuique tempore ſuo munere fungitur. SENE X. Audiui munus ſuum in ſemihoræ ſpatio efficere. BRASSA VOL. Fortè nondum in ſemihora emplatri viſ ad ventriculum penetravit, ſat eſt quòd id breuè efficiat, tu vero interim emplastrum de cruſta panis, quod paratum ſeruas, referto. SEN. Hoc parari iubeo, & ſeruo.

℞. Maſtiches

Mentæ

Spodij

Corallorum rubrorum

Singulorum ʒ j.

Cruſtæ panis infuſæ in aceto per ſemihoram ʒ ij.

Olei maſtichini

Cotoneorum

Singulorum ʒ j.

Farinæ hordei quantum ſufficit.

Miſce, & fiat emplastrum. BRAS. Alii ſunt pharmacopôlæ, qui idem proſectò ſeruant pondus



pondus, sed plura recipiunt simplicia, quàm id habeat quod seruas, nam ita conficiuntur

**R.** Mastiches

Mentæ ficcæ

Spodij

Corallorum rubrorum

Sandalorum alborum

Rubrorum

Singulorum ʒ j.

Crustæ panis infusæ in aceto ʒ ij.

Olei mastichini

Cotoneorum

Singulorum ʒ j.

Farinæ hordei ʒ j. & β.

Misce, & fiat emplastrum secundum artem.

**SEN.** A' meo nō differt, præterquàm quòd sandalos recipit albos, & rubeos, qui in cōpositione mea haud recipiuntur. **BRASS.** Nota omnia esse probè miscenda, vt ad minima commistio fiat. Nonnulli sunt idiotæ, qui in hoc casu panis buccellam accipiunt in acetum intinctam, quando fuerit vstulata, alij intingūt in Creticum vinum, postea sequenti puluere aspergunt.

**R.** Cinnamomi

Mastiches

Gingiberis

Cariophyllorum

Singulorum ʒ j.

Misce



Misce, & fiat pulvis subtilissimus. postea panis buccella supra ventriculum extendatur, nam vomitus ipsa sedatur, & profecto optimum est praesidium licet vulgare sit, & ab idiotis ac mulieribus paretur, breuique à vomitu liberat, & concoctricem ventriculi vim roborat: & licet gingiber ac cariophylla calida sint: tamen vim quandam habent adstringentem, hocq; emplastrum absque igne fieri debet, panem probè conterendo & reliqua in puluerem redigendo, scitòq; panis crustam prius debere esse probè vstulatam, antequam in acetum infundatur. **SEN.** Quænam est crustæ panis vis? **BRASSAV.** Cum supra scintillas vstulatur, vim habet adstrictoriam, quæ illi maior inest, cum fuerit aceto imbibita, acetum verò reliqua quæ simul sunt mista penetrare ad amussim facit.

**SENE X. III.**

Emplastron Diaphœnicon vocatum sequitur. **BRASSAV.** Compositio est apud Mesuen, à palmulis quæ ingrediuntur nomen fortita. **SEN.** Haud inscius sum. **BRASS.** Nōne conficis tu, vt à Mesue conficitur. **SEN.** Mesue compositionem referto, & tūc an ita conficiam, respondebo. **BRASSAV.** Ita parat Mesue.

**R.** Cerae ℥ ij.

Olei



Olei rosacei

Nardini

Singulorum ʒ iiij.

Misce, & fiat cerotum. Deinde

℞. Dactylorum siccorum numero xl.

Tortellarum de sceni ʒ v.

Posteà per biduum in odoratum vinum infunde, & cotoneorum carnem in vino decoctorum ad drachmas septem accipito, & terantur cum dactylis contritione exquisita, cerotòque misceantur, & in mortario adeò contundantur, vt vnà iuncta videantur ac sint, posteà adiiice:

Mastiches

Olibani

Absynthij romani ficci

Singulorum ʒ ij. & β.

Ligni aloës

Macis

Myrrhæ

Aloës

Spicæ

Acatix

Galliæ

Ramich

Calami aromatici

Singulorum ʒ j.

Laudani ʒ ij.

Misce, & iterum conterantur donec simul  
mista



mista sint. Deinde ex eo super laminā line,  
& ex xylo aloë suffumigato, & supra sto-  
machum pone iecur, & viscera.eius autem  
vis amplior est, si mastiche & laudanū cum  
cera & oleo misceantur, & ita cum cæteris  
emplastrum conficiatur. s e n. Emplastrum  
diaphœnicon, quod seruo hoc præcisè est,  
quod retulisti. B R A s. Omnes eodem mo-  
do conficiunt, nonnullis demptis, qui de-  
cem tortellorum de scœni drachmas appo-  
nunt. s e n. Quid verè intelligēdum est per  
tortellos de scœni? B R A s s. Diuersi diuersa  
imaginantur, alij etenim inquiunt esse pa-  
nem azimum biscoctum, alij dicūt esse pa-  
nem ex lacte confectum, nos biscoctum pa-  
nem intelligimus, qualis ille est, qui Vene-  
tiis passim venditur & vocatur *biscoctelli*,  
fit etiam Ferrariæ, sed non passim vendi-  
tur vt Venetiis, illi verò amplè decipiunt,  
qui panem elixum accipere volūt. nonnulli  
sunt, qui in hac compositione apponūt car-  
nis cotoneorū vncias octo. At mihi potius  
aridet vt sint drachmæ octo. Nota præter-  
eā id, quod dicitur galliæ, ab aliquibus ex-  
poni, id est, gallas quercuū, & ab aliis gallas  
omphacitides. gallæ profectò vim habent  
adstringendi maiorem quàm gallia, tamen  
gallia potius intelligēda est, quia membra  
magis roborat, & si gallia sit quòd suspi-  
cari



cari oportet, nam & ramich apposuit, quæ est Mesue cõpositio, propterea tu moschatam Mesue gallam subintelligito, notaq; hoc emplastrum à recentibus vocari emplastron diaphœnicon calidum, cùm tamen multa recipiat quæ calida non sunt, sicut & aliud vocatur frigidum, licet multa recipiat quæ frigida non sunt. **S E N.** Ad quos competit eiusmodi emplastrum affectus? **B R A S S.** Ad stomachum roborandum & iecur, cùm in vehementem inciderint imbecillitatem, & mollificationem, ventrisque profluuiis aduersatur, & iecorario præ omnibus. **S E N.** Quid facit biscoctus ille panis in hac compositione? **B R A S.** Præter id, quod adstringit, valet etiam ad compositionem, & ad omnium aliarum rerum miscellam. **S E N.** Per ramich quid verè intelligendum est? **B R A S.** Compositionem semper intelligendam suadeo, quæ apud Mesuen constat inter trochiscos numeratam, quam ramich vocat. Est verò compositio, quæ multas alias ingreditur. Cùm ergo apud Mesuē leges vocabulum ramich, compositionē quæ sequitur intellige, quia apud alios sunt diuersa ramich, at illud, quod à Mesue conficitur hoc est:

℞. Succī herbæ acetosæ ℥ xvj.  
 bulliatebulitione vnà cū rosarum. ℥ j.  
 Gran



Granorum myrti ℥ ij.  
percolentur & cum eo misce.

Gallarum recentium ℥ iiij.  
& adhuc coquantur, deinde puluerizen  
tur supra ea

Foliorum rosarum ℥ j.

Sandalorum macazari ℥ j. & pars iiij.

Gummi arabici ℥ j. & β.

Carnium summach

Spodij

Singulorum ℥ viij.

Succi agrestæ ℥ vij.

Succi granorum myrti ℥ iiij.

Ligni aloës

Cariophyllorum

Macis

Nucis moschatæ

Singulorum ℥ iiij.

Omnia simul inuoluantur, & extendan-  
tur in scutella lapidea donec siccentur: de-  
inde tere sicut alchool, & cum camphoræ  
aur. j. & aqua rosacea factrochiscos subti-  
les, & exicca in vmbra. Nonnulli loco suc-  
ci acetosæ coroneorum succum acetofo-  
rum immaturorum tantundem ponunt. Et  
sunt aliqui, qui aromatizant ex quarta par-  
te drachmæ moschi. s e. Hæc videtur ma-  
gna compositio. B R A S S A. Magna profe-  
ctio est, sed est Mesue ramich, quo in cōposi-  
tion



tionibus Mesue vti debemus, quando iubet accipiendum ramich. nam & apud Serapionem, sunt sua ramich, sed Mesue compositionem ingredi non debent, quoniam Mesue ramich in his recipiendum est. s. e. Reperiturne apud antiquos emplastrum hoc diaphœnicon? BRASSA. Non quod sciuerim, tamen Auicenna in quinto Canone eadem ferè conficit compositionem, sed illam vnguentum vocat, non emplastrum, dicit verò Vnguentum, quod confert ad vehementiam debilitatis hepatis, & stomachi, & ventrem lenit, & retinet asselationem epithimatum.

℞. Tortellorum de scœni pondus ʒ iiij.

Alchena

Abfynthij

Olibani

Singulorum pondus ʒ ij.

Myrrhæ

Aloës

Aderirati

Xylo aloës

Acatix

Singulorum pondus ʒ j.

Laudani pondus ʒ ij.

Coroneorū mūdatorū decoctorum ʒ vj.

Dactylorum numero ʒ 50.

Ceræ

Olci



Olei nardini

Rosaci

Quantitas cum qua fiat vnguentum.

Infunde dactylos & tortellos in vinum, & accipe cotonea, & illa munda corticibus, & granis suis, deinde ea coque in vino, donec mollia sint, & cum decocta sunt tere ea bene, & permisce illa cum dactylis, & tortellis, deinde cōmisce ea cum tortellis, donec misceantur, & ceram cum oleo liquefacito, & tere reliquas medicinas, & cribella eas, & pulveriza eas super ceram liquefactam cum oleo, deinde aggrega ea simul in mortario, & permisce ea in eo, donec bene permisceantur: deinde extēdito super lanam, idest, super pannum, & pone ipsum supra iecur & stomachum. Hæc Auicenna. s e n. Diuersum est hoc emplastrum à præcedēte & in ponderibus, & in conficiēdi modo: at in simplicibus non est magna differentia, tamen vidi etiam nonnullos, qui secūdam apud Mesuen, Emplastrum quod diaphœnicō dicūt, descriptione Alexādri conficiebant, quod membra nutritionis roborat, & ad ventris profluuium, ac vomitum confert, & ad collicicam passionem, & dysenteriam valet, & ad epaticum profluuium, & ad malitiam alistiubræ, & ad stomachum recipientem superfluitatem à mem-

T 2      bris



bris allis. BRAS. Compositionem refer-  
to. s. e. Hæc est quæ sequitur:

℞. Dactylorum vicinorum maturitati  
fine olsibus ℥ v.

Tortellorum de scœni ℥ j.

Carnium cotoneorum coctorum in vi-  
no styptico ℥ j. & β.

Styracis

Mastiches

Laudani

Singulorum ℥ iiij.

Acatix

Succi agrestæ

Florum vuarum agrestarum

Sandalorum citrinorum

Ramich

Myrrhæ

Xylo aloës

Singulorum ℥ iiij.

Ceræ ℥ iiij.

Olei rosacei ℥ xv.

Vini Pontici quantum sufficit ad infun-  
dendum infundenda, & confice secundum  
artem. BRAS. Hoc est Diaphinicon em-  
plastrum vocatū, frigidum, scito efficacius  
esse præcedente ad dysenteriam, & ad bi-  
liosum profluuium. SEN. In quo loco descri-  
bit ipsum Alexander? BRAS. Apud Alexan-  
drum illum nunquam inuenire potui, imò  
nec



nec potest esse Alexandri compositio, quia Alexander in compositione sua Ramich non reciperet, quod est Arabica cōpositio, non Græca, neque etiam in sua compositione posuisset tortellos de scœni, qui fiunt apud Mauritanos, & non apud Græcos, quāquā apud Græcos fieret etiam biscoctus panis, fortè Mesue alium habuit authorē Alexandrum nomine, à quo emplastrum istud accepit. Verūm apud Alexandrum Trallianum libro quarto capite primo, vbi de Podagra agit, phenicœum emplastrum reperitur: quod ex palmulis confectum est, & dicit huic morbo medendo mirificam potestatem obtinere, si eo cū oxyrhodino diluto vtare. **S E N E X.** Nil aliud, quā palmulas recipit? **B R A S S A.** Recipit & oleum rosaceum. per agrestem succum, omphacium vinum itellige: & per vuæ agrestis flores, labruscæ flores intelligito. Nota denique Galenum mentionem facere emplastri thinicini, quod palmæ succum recipit, in primo de Compositione medicamentorum per genera.

#### **S E N E X I I I I.**

Emplastrum de Meliloto sequitur. **B R A S.** Et hoc est apud Mesuen, at quomodo illud conficis. **S E N E X.** Vt Mesue conficit.

**B R A S S A.** Quomodo agas referto, nam  
T 3 plar



plarunque compositiones alio modo conficis, quàm ab ipso authore referantur. s. e.  
Ego hanc ita conficio.

℞. Meliloti ℥ vj.

Florum chamæmeli

Fœnu græci

Baccarum lauri

Radicum althææ

Abſynthij

Singulorum ℥ ix.

Seminum apij

Cordumeni

Iridis

Cyperij

Ameos Spicæ

Cassia lignæ

Singul. ℥ iiij. & β.

Sampſuchi ℥ viij.

Ammoniaci ℥ xxx.

Styracis

Bdellij

Singulorum ℥ v.

Terebynthinæ ℥ iiij.

Ficuum pinguium nume. xxxvj.

Sepi caprini

Resinæ pini

Singulorum ℥ vij. & β.

Ceræ citrinæ lb j. & β.

Olei de spica

Samp



Sampſuchini

Singulorum lb iij.

Cum decoctione facta ex

Fœnu græco

Chamæmelo

Meliloto

Singulorum quantum ſufficit.

Misce, & fiat emplaſtrum. BRASSA. En  
quomodo non ab re fuit te tuam prodere  
compositionem, quia in ponderibus, à Me  
ſue compositione longè diuerſa eſt. SEN.  
Tu modò illam Meſue referto. BRASS.  
En refero.

℞. Meliloti ℥ vj.

Florum chamæmeli

Fœnu græci

Baccarum lauri

Radicum althææ

Absynthij

Singulorum ℥ iij.

Seminum apij

Cordumeni

Iridis

Cyperij

Ami

Aniſorum

Spicæ

Cafîæ

Singulorum ℥ j. & β.

T 4

Samp



Sampfuchi ʒ iiij.

Ammoniacy ʒ x.

Styracis

Bdellij

Singulorum ʒ v.

Terebynthinae ʒ j. & β.

Ficuum pinguium nume. xij.

Sepi caprini

Resinae

Singulorum ʒ ij. & β.

Cerae ʒ vj.

Olei sampfucini

de Spica

Singulorum quantum sufficit.

Aquae decoctionis fenugraeci

Chamaemeli

Meliloti

quantum sufficit ad infundendum in-  
fusione diligenti.

Misceantur & conficiantur. s. e. n. Magna  
profectò est in pōderibus differentia, inter  
id quod facio, & hoc Mesue, tamen ad hanc  
vsque diem Mesue compositionem confice-  
re arbitratus sum. B. R. Quando cōficiebas,  
à quo authore desumebas? s. B. A' quodam  
libello manu scripto in quo omnia compo-  
sita seruo medicamenta eo modo, quo prae-  
ceptor meus vir diligentissimus ne confice-  
re docuit. B. R. A. Et in hoc malè docuit. At  
sunt



sunt alij pharmacopôlæ, qui & Mesue pondera, & tua euariant, s. n. Quomodo hi conficiunt? B. R. A. Ita ut sequitur.

℞, Meliloti ℥ vj.

Florum chamæmeli

Fœnu græci

Baccarum lauri

Radicum althææ

Absynthij

Singulorum ℥ iiij.

Seminum Apij

Cordumeni

Iridis

Cyperij

Ami

Anisforum

Spicæ

Cassia

Singulorum ℥ β.

Sampfuchi ℥ iiij.

Ammoniacy ℥ x.

Styracis

Bdellij

Singulorum ℥ v.

Terebynthinae ℥ j. & β.

Ficuum siccarum numero xij.

Serapini

Resinae

Singulorum ℥ ij. & β.

T 5 Cera



Cerae ℥ vj.

Olei sampsuchini  
de Spica

Singulorum ℥ vj.

Aquæ decoctionis chamæmeli fœnu-  
graci & meliloti, quantum sufficit ad in-  
fundendum infusione diligenti, miscean-  
tur, & conficiatur. s e n. Reperiturne apud  
antiquos Arabes eiusmodi descriptio?  
BRASSA. Cur non petis, an sit apud anti-  
quos Græcos? s e n. Quia hæ compositio-  
nes apud Arabes pro maiori parte inue-  
niuntur. BRASSAVO. Serapio duas habet  
compositiones de meliloto, quas vocat di-  
madh de Meliloto. s e. Ne pigeat, obsecro.  
illas referto. BRASSA. Non piget, hæ sunt  
quæ sequuntur.

℞. Meliloti ℥ 50.

Ammoniacy

Gelculicubat

Singulorum ℥ x. aliter

Ammoniacy

Galliæ

Singulorum ℥ c.

Cerae ℥ cc. aliter xij.

Spicæ ℥ xx.

Cypery

Cordumeny

Myrrhæ

Radic



Radicis lilij

Singulorum ʒ xvij.

Croci ʒ viij.

Olei de spica odorati

Vini

quantum necesse est

SEN. Eiuscemodi compositio nihil habet cum illa Mesue commune. BRASSA. At aliam audito compositionem ab eodem authore descriptam.

℞. Meliloti

Fœnu græci

Chamæmeli

Baccarum lauri

Althææ

Eupatorii

Singulorum ʒ iiij.

Absynthij ʒ iij.

Ammoniaci

Bdellij

Singulorum ʒ ij.

Ficus & fœnu græcum decoquantur. & in alia descriptione habetur, ficus cum aceto decoquantur. & quæ resolui debent in decocto resoluantur, & misceantur, & probè congregentur, & fundatur supra illud non nihil butyri recentis. SENEX. Neque compositio hæc cum illa Mesue aliquid habet commune, veruntamen apud Græcos



cos reperiturne eiusmodi compositio?

**BRAS.** Illam Mesue apud nullum authorem Græcum inueni, tamen apud Galenum reperitur ex meliloto malagma, imò duo ex meliloto malagmata refert, vnum Asclepiadæ, aliud Andromachi. **s. z.** Nunquam ero satur, nisi duas has antiquas compositiones audiuerim. **BRAS.** Vt sis satur illas tibi referam, sunt in octauo de Compositione medicamentorum secundum locos, classe quinta 193. B. primo dicit: Malagma Asclepiadæ ex meliloto Hieraticôn, hoc est Pontificum inscriptum, stomachicis, hepaticis, & ad viscerum dolores. **s. z.** Ad eandem intentionem vacet & Mesue emplastrum.

**BRAS.** Ita verò illud conficit:

**℞.** Nardi 3 x.

Cyperi 3 x.

Myrrhæ 3 x.

Cardamomi 3 viij.

Meliloti 3 xl.

Croci 3 viij.

Ammoniacy 3 viij.

Cypheos hieratici, hoc est Sacrificulorum 3 xvj.

Ammoniacy thymiamatis 3 xl.

Resinæ terebynthinæ 3 lxxx.

Ceræ minam vnam.

Olei cyprini minam vnam.

Vini



Vini odorati Italici heminam vnam.

Misce secundum artem.

Alia verò compositio ex meliloto paulò  
pòst à Galeno scribitur, vbi ait malagma  
Andromachi ex meliloto.

℞. Nardi Celticæ ʒ viij.

Cyperi ʒ viij. alias x,

Iridis Illyricæ ʒ viij.

Myrrhæ ʒ viij.

Croci ʒ iiij.

Meliloti ʒ xxv.

Ammoniacy thymiamatis ʒ ʒo.

Terebynthinæ ʒ ʒo.

Ceræ ʒ c.

Cyprini heminæ dimidium.

Aceti quod satis est.

Quidam Ammoniacy ʒ c. coniiciunt.  
Facit ad omnia interna. s e n. Cum Mesue  
emplastro nullo modo conueniunt. b r a.  
Habetur & apud Paulum Aeginetam libro  
septimo, capite decimo octauo, malagma  
ex Meliloto ita confectum.

℞. Croci

Nardi Gallicæ

Cyperi

Cardamomi

Ireos

Myrrhæ

Singulorum ʒ ij.

Melli



Meliloti libram vnam.

Guttæ ammoniaci thymiamatis lb̄ j.

Ceræ lb̄ iiij.

Resinæ terebynthinæ lb̄ j.

Cyprini lb̄ iiij.

Glucini lb̄ ij.

Bdelij ℥̄ vj.

quidam admiscunt etiam

Cypheos ℥̄ ij.

Vini quantum sufficit.

SENEX. Multum differt hæc Pauli compositio, à Galeni compositionibus in simplicium ponderibus, & in ipsis etiam simplicibus. BRASSAVOLVS. Ita profectò est, quanquàm nonnulli dixerint primam Galeni compositionem, & hanc Pauli eadem esse, cum tamen apprimè differant. Apud Trallianum verò compositio adest ab his omnibus longè semota, quam emplastrum de Meliloto vocant. SENEX. Illam referto, ni pigeat. BRASSA. Hæc est quæ sequitur.

℞. Lixiui saponariorum ℥̄ vj.

Nucum auellandarum ℥̄ ij.

Saponis gallici ℥̄ iiij.

Spumæ nitri candidæ ℥̄ vj.

Albugines ouorum numero v.

Mellis

Sertullæ regię

Sing



Singulorum quadrans.

Olei antiqui lb j.

Ceræ ℥ x.

Resinæ terebynthinæ ℥ vij.

Conficiantur in emplastrum.

SEN. Debet esse vehementissimum malagma hoc? BRASSA. Est prorsus vehementissimū, sed non erit ad eisdem vsus, ad quos est emplastrum Mesue de meliloto vel Galeni. SEN. Ad quos igitur erit, vsus? BRASSA. Tophos discutit, calculos, ossifragæ, & spinas euellit, tamen Trallianus notat nos eo uti non debere in inflammatione, neque in leuiusculis doloribus, neque in ardoribus intēsis; sed cū tumores rumpendi sunt eo uti debemus. SEN. Quodnam igitur in tot diuersitatibus emplastrum de meliloto seruare debeo? BRASSA. Pro aliis medicis Mesue compositionem seruato, sed cū pro meis agris emplastrum siue malagma de meliloto indixero, primam Galeni compositionem ex Asclepiade seruato, quanquā & in vsu cōmuni repererim Mesue cōpositionem egregiè perficere, quādo illā applicari iussi, nam agri in affectibus ad quos cōfert mirè profecerunt.

SENE X V.

Emplastrum de Lauri baccis sequitur. BR.  
Et hoc emplastrum apud Mesuen est, & in  
maxim



maximo est usu, nam doloribus conuenit  
ex frigidityte, & flatu factis, & propriè ad  
ventris dolorem, & stomachi, & renū, & ve-  
ficæ, & matricum, & aliorum viscerum, ac  
quomodo, & ex quibus illud conficias ape-  
rito. s E N. Non sum deinceps dicturus me  
compositionē parare, quam scribit Mesue,  
sed cōpositionem quā seruo adducam, & an  
ita à Mesue conficiatur, experiar, hæc est  
quam fieri iubeo compositio:

℞. Mastiches

Olibani

Myrrhæ

Singulorum ʒ v. & ʒ j.

Granorum lauri ʒ x. & ʒ ij.

Cyperi

Costi

Singulorum ʒ j.

Misce cum melle quantum sufficit. B R A.  
Omnia quæ adduxisti simplicia eadē qui-  
quidem sunt cum Mesue simplicibus, neq;  
plura neque pauciora sunt, sed in ponderi-  
bus differunt. s E. Quo nam modo? B R A S.  
Isto, quia Mesue inquit.

℞. Olibani

Masticis

Myrrhæ

Singulorum ʒ j.

Granorum lauri ʒ ij.

Cype



Cyperi

Costi

Singulorum  $\mathfrak{z}$   $\beta$ .

Mellis colati, quantum sufficit ad aggregandum & extendatur supra pannum, & calidum superponatur, ubi oportet. Si autem triplicetur in eo cyperus, & commisceatur non nihil stercoris caprarum aut vaccarum ad pondus omnium inuenitur mirabile ad hydropem. Hæc Mesue. SEN. Omnino in ponderibus differt. BRAS. Tamen si dixisses Cyperi, Costi Singulorum  $\mathfrak{z}$  ij.  $\mathfrak{z}$  ij. &  $\beta$ . eadem fuissent pondera, sed in minori copia reperiuntur in tua compositione, quam in illa Mesue, tamen ponderum proportio eadem esset, veruntamen ad quantam quantitatem mel apponis? SE. Ut ars exigit, videlicet pro singulis quatuor palmularum unciiis, unam mellis libram adicere, & mel etiam sit crudum, ne emplastrum nimis durum euadat. BRASSA. Et ob hanc causam legi non debet mellis collati, ut in Mesue exemplaribus scriptum est, sed potius mellis calidi, ut in antiquo adest exemplari quod legi. SENEX. Suntne aliqui antiquiores, qui de hoc emplastro loquantur? BRASSA. Apud Arabes neminem legi, qui hanc compositionem pararet præter Mesuen, quanuis Serapio duas referat

V comp



compositiones, quæ lauri baccas recipiunt, quarum alteram vocat Dimadh ad hepar, alteram Dimadh ad Gibbositatem, at cum hac compositione nihil habet commune, imò ab ista longè diuersæ sunt, verumtamen compositio eiusmodi apud Græcos authores reperitur, nam Paulus libro septimo, capite decimo, ex baccis lauri vnum malagma, sed ab isto longè differens describit. s e n. Optarem Pauli compositionem audire, ni tibi molestum sit. B R A S. Audies statim si aures accommodabis. nam ita Paulus dicit: *καλάγμα δὲ ἀκρινίδων*, id est ex baccis.

℞. Ceræ

Refinæ

Picis

Baccarum lauri

Adipis taurini

Nitri

Guttæ ammoniaci thymiamatis

Singulorum ℥ vj.

Aceti quantum res ipsa postulat, Adest & apud Galenum in nono de Compositione medicamentorum secundum locos, malagma ex baccis lauri. s e n. Nihil ardentius opto, quam istud audire. B R A S. S A V O L. Audias igitur quod tibi concessum est, Galenus ita dicit: Ad splenicis, hydrop



hydropicósque facere, & omnem duritiem  
dissolvere : abscessus in profundo absor-  
bet. SENEX. Hoc est præcisè, quod qua-  
rit ab hoc de baccis lauri malagmate.  
BRASSAVOL. Iam finiuissem, nisi mihi  
impedimento fuisses, tamen hæc est apud  
Galenum præcitato loco compositio:

℞. Cerae ℥ j.

Resinae pinus ℥ j.

Picis brutiæ

Aridæ ℥ j.

Baccarum lauri siccarum ℥ j.

Nitri rubri ℥ j.

Ammoniæ thymiamatis ℥ j.

Adipis vitulini subacti ℥ j.

Arida tundito & cribrato per angustissi-  
mum cribrum, liquecibilia liquantur, &  
frigefacta aridis addiiciuntur, atque ita  
contusis simul & repositis vtemur, sed sta-  
tim Galenus ponit & aliud malagma ex  
baccis lauri confectum hoc modo:

℞. Baccarum lauri ℥ j.

Picis ℥ j.

Mannæ ℥ j.

Adipis taurini ℥ j.

Ammoniæ thymiamatis ℥ j.

Cerae ℥ j.

Misce, & præparato. Galenus & aliud ma-  
V 2 lagma



lagma ex baccis lauri describit, cuius compositio hæc est:

℞. Baccarum lauri ℥ j.

Picis ℥ j.

Mannæ ℥ j.

Adipis taurini ℥ j.

Ammoniacy thymiamatis ℥ j.

Ceræ ℥ j.

Misce, & præparato, vt prædictum est. s. e.

Deest in hac compositione nitrum, & resinæ loco adest manna, sed modica est in viribus differentia, tamen nonnulla adest.

s. e. n. e. x. Quódnam seruaturus sum? an illud Mesue? B. R. A. S. Pro aliis Mesue compositionem seruare poteris. Cùm verò ego pro meis ægris emplastrum de baccis lauri indixero, illud Galeni quod primo adductum est, præbeto. s. e. n. e. x. A. Pauli compositione non multum differt. B. R. A. S. S. Imò Paulus à Galeno accepit, idcirco modica est inter ipsos differentia.

s. e. n. e. x. VI.

Emplastrum de Synapi huc accedit. B. R. A. S. Fuit antiquissima compositio synapismus, ad materias è profundo corporis in superficiem educendas. at tu quónam modo conficis hoc emplastrum? s. e. n. Hoc modo.

℞. Ficuum pinguium partem vnā.

Incidantur, & infundantur in aquam tepidam



dam per diem & noctem, deinde exprimantur, & in mortario pisentur, & cum synapi partibus duabus, & aceto fortissimo fiat Emplastrum secundum artem. **B R A S S I** Ita præcise conficit Mesue, sed æquales ponit synapi partes, & ficuum. Nam dicit, & ficuum siccarum pinguium partem vuam, & infunde in aquam tepidam per diem & noctem, tunc exprime vehementer, ut nullus humor in eis remaneat: deinde synapi tritum cum aceto his misceas, diu diligenter commiscendo, & sit synapis pars vna, & ficuum altera. Si autem vehementioris virtutis facere volueris, pone de synapi partes duas. Si autem minùs vehementis, pone de ficibus partes tres, & de synapi duas: quando autem alicui loco applicatur, in eo dimittatur, & auferatur antequàm exulceret, & propriè quando solum calefacere oportet: & quandoque dimittitur quoad exulceret, & propriè quando profundarum materierum extrusionem quæris. In synapis verò defectu fæces caprinæ ponantur pridie in aceto, & est ad hydropem, & durtiem, & splenis dolorem efficax, & quâdoq; additur eis fimus columbarum agrestium, & radix enulæ, & semen nasturtij, & grana lauri, & confert ad frigidas, & ventosas viscerū agritudines, & splenis, & hydropem,

V 3 & sim



& similia expertum ab antiquis Medicis.  
 Hæc Mesue. s e n. Ferunt fuisse Democriti  
 compositionem. B R A S. Et ita refert Me-  
 sue, additque valere ad ischiam, & poda-  
 gram, & ad ossariam lassitudinem, & ar-  
 thritim, & ad frigidas omnes affectiones,  
 & ad hemicraneam, & obliuionem, & le-  
 thargum. Nota verò authorem, quem sub  
 nomine Democriti citat Mesue, esse Pau-  
 lum Aegynetam: nam ipse Paulus libro se-  
 ptimo, capite decimo, ostendit planè ab eo  
 ,, accepisse Mesuen, cum ait: Ante diē vnum  
 ,, ischiades aqua tepida irrigandæ sunt, &  
 ,, sequenti die egregiè & prauialidè expri-  
 ,, mendo strenuè leuigandæ: deinde acre sy-  
 ,, napi cuius modi Syrianum, & Aegyptium  
 ,, est, priuatim conterito, affundens dilutum,  
 ,, quod Græcè ἀπόβυσμα appellant, & mas-  
 ,, sam, placentāmve conficiens misceto. Si  
 ,, quidem violentius voluerimus exulcerare,  
 ,, duas partes synapis ad vnā ischiadum mi-  
 ,, sceto: Si verò obscurius atque mitius, con-  
 ,, trarium facito, sin medio quodam modo,  
 ,, & mediocriter, ex æquo vtraque confun-  
 ,, dito. Cæterum synapi ante contritionem  
 ,, aceto dilutum, quemadmodum aliqui fa-  
 ,, ciunt, inefficacius redditur. æquè à synapis  
 ,, purgatione, & lauacri usu, si dolor intēsus,  
 ,, & rubore suffunditur locus, bullæque obo-  
 riunt



tiuntur, linteum succo maluæ cum rosaceo  
immergentes applicemus: deinde rosaceo  
ceroto addita cerussa utamur. In flaccidis  
verò ac dissolutis, in quibus sensus læsus  
est, ac periit, multum diùq; advertere oportet  
animum detegendo, & speculando: non  
sentientes: etenim sæpenumerò supra mo-  
dum inflammati sunt, & combusti, & capra-  
rum baccae cum aceto cataplasmatibus instar  
illitæ expeditiores, quàm synapi sunt, po-  
tissimùm in his qui laborant coxendice.  
s E. Non solum posuit conficiendi modum  
Paulus, sed & quid agendum, cum bullæ  
sunt excitatæ, & cutis exulcerata. B R A S.  
Ita prorsus est, ego plæruncq; expertus sum  
supra thoracem synapismum extendere, &  
orthopneæ valde contulit, asthmatis, & tussi  
antiquæ, id exiccando quod in thorace cõ-  
tinebatur, & id ad se trahendo, quod illuc  
percurrere debebat, & ita quod ad intrin-  
secas partes proficiscebatur, ad extrinse-  
cas conuersum homines ab intrinseco af-  
fectu liberauit. Prætermitto quoties in  
lethargo, & in vehementissimis capitis do-  
loribus hominem ab his affectibus libera-  
rim. s E N. Videtur Paulum non addidisse  
synapismo acetum? B R A S. Imò neq; addi  
debet, nisi velimus synapismum inefficatio-  
rem reddere. notâq; cum inflammationem

V 4 fecer



fecerit si molesta sit, ab re non esse oleum rosatum omphacinum linteo madefacto supraponere. Nota prætereà Galenum in secundo de Compositione medicamentorum secundum locos, capite secundo in inueteratis vehementer capitis doloribus synapi, ut moris est, capiti adhibere & vrere, arbitrandum est hoc esse synapismū, quem adhibet: quanquā & synapi solum absq; caricis idem efficiat, & etiam facilius quā cum caricis, tamen ad emplastrum conficiendum ponūtur, ut synapi recipiat. Scitō prætereà in multis Mesue Codicibus hanc legi compositionem relatam ad Democritum, tamen in aliis exemplaribus refertur ad Archigenem, quod non ab re est, quia Galenus in loco statim citato Archigenis medicamēta ad capitis dolorem referebat, & synapis mentionem facit caput vrentis.

S E N E X. VII.

Emplastrum de Hyrundinis nido medium accedit. BRASS. Non erant satis infinita simplicia, nisi & hyrundinum nidi cæteris admiscerentur, neque erant pharmacopolia satis confirmata, nisi & hyrundinum nidos habuissent. At tu quomodo emplastrum hoc conficias referto, ut deinde contemplemur, si omnes tuo modo conficient.

S E N



SENE X. Ita conficio.

℞. Nidi hyrundinis numero j. ponatur  
in aqua, & aliquantisper bulliat. postea co-  
lato, & in colatura addito

Radicum liliorum alborum

Althææ

Violarum

Parietariæ

Singulorum M. j.

Misce, & bulliant secundum artem. Postea  
pistentur, & addantur

Fermenti

Farinæ seminum lini

Singulorum ʒ j.

Olei communis veteris

Axungię suillæ

Singulorum quantum sufficit.

Misce, & fiat emplastrum secundum artem.

BRASSAV. Author ille qui Lanfrancus vo-  
catur, à quo omnes ferè pharmacopôlæ cõ-  
positionem hanc accipiunt, ait, hyrundinis  
nidum esse diu ebulliendum, & non ali-  
quantisper. SENE X. Ego semper ita feci.

BRASSAV. At alij alio modo conficiunt,  
& bryoniam addunt. SEN. Quónam mo-  
do parant alij? BRASSAVOL. Isto, qui  
sequitur.

℞. Nidum vnum hyrundinis integrum,  
& bulliat diu in aqua sufficiente, postea per

V s crib



cribrum colato, in hoc verò quod percola-  
tum erit, adde

Radicum liliorum alborum

Althææ

Bryoniæ

Maluæ

Violarum

Parietariæ

Singulorum M. β.

Fermenti acris

Farinæ semi lini

Singulorum quantum sufficit.

Misce, & bulliant, & in fine addatur

Olei veteris

Axungię porcine

Singulorum modicum.

Misce, & fiat emplastrum secundum artem,  
quod mirum in modum dissolvit, ac matura-  
rat, vnumquodq; anginae genus, & omnem  
abscessum qui in gula sit, & collo: verunta-  
men antiqui potius hyrundinum pullos ac-  
cipiunt ad hos vsus: vnde in sexto de Com-  
positione medicamentorum secundum lo-  
cos, capite tertio, vbi Galenus refert quæ  
Archigenes scripsit ad gurguliones inflam-  
matos, & dicit, vbi ait hytundines integras  
vnà cum pennis vstas, & tritas cum melle  
illinito. nonnulli inquiunt etiam summe  
facere hyrundinum pullos teneros valde.  
sue



siue recentes, siue inueteratos, & in cibo exhibitos: statim enim suffocationem leuant, tamen & de hyrundinibus, & de nido ita differit Galenus in sexto de Compositione medicamentorum secundum locos, vbi inscriptio est Stomatica illitio ex besafa, hoc est semine rutæ syluestris, inquit hoc loco. De hyrūdīnibus autem ambo (scilicet Andromachus & Heras) obscure tradiderunt, quanquā alij clarē scripserint, nisi quod inter ipsos non conuenit. Alij enim nidum vrere iubent, ex stercoreibus hyrundinum maximē compositum. Alij ipsas hyrundines. Alij ipsarum pullos. Hi verō obscurius scripserunt, & Andromachus quidem cineris hyrundinum recentis: oportebat autem ipsum apponere vstarum. Tale enim quidam cineris vox significat, nisi nidū ipsum terere, ac leuigare iubet. Heras autem hyrundinum recrementi non apponens. Fortē igitur neuter vult comburi debere hyrundinum recrementum, quemadmodum alij. In quibusdam tamen exemplaribus sic scriptum est. Hyrundinum tenerarum vnciam vnā, quemadmodum in alijs hyrundinum à trabibus. Palām est autem, quod acre & discussorium est hyrundinum excrementum. Quemadmodum etiam alia omnia omniū animalium stercorea aliqua magis



magis, aliqua minùs: velut etiam ipsorum animalium vstarum cinis. Galenus potius hyrundinum stercus, quàm nidum acceptare videtur: nam nidos suos non ex suo stercore, sed ex limo conficiunt hyrundines: tamen & ipsum animal vstum eandem habet vim. SEN. Quòdnam pharmacum illud est quod hyrundinum stercus recipit, de quo facit mentionem Galenus. BRASSA. Est Andromacht pharmacum ad anginas, quo ille utebatur, & valet ad desperata. SENEX. Ni tibi molestum sit, illud affer-to. BRASSA V. Est hoc:

℞. Seminis Anisi

Apij

Ammij

Floris iunci odorati rotundi

Aluminis scissi

Iridis Illyricæ

Besasa quod aliqui harmala vocant

Cinnamomi

Myrrhæ troglodyticæ

Aristolochiæ longæ

Cassia

Rosarum siccarum

Singulorum ʒ j.

Crocomagmatis ʒ j.

Costi

Cineris hyrundinum recentis

Singul



EMPLASTR. EXAMEN.

685

Singulorum quadrantem.

Croci sexquunciam

Nardi Indicæ

Ammoni

Singulorum vnciæ dimidium.

Gallas octo.

Tritis cum melle vttere. Verùm vsus tem-  
pore tandem mel adde. *SEN.* Hæc maxi-  
ma videtur compositio. *BRASSAV.* Ma-  
xima profecto est, sed paulò pòst compo-  
sitionem refert, cuius inscriptio est. Aliud  
stomathicum ex hyrundinibus absque Besa-  
fa Asclepiade, quod valet ad anginas. *SEN.*  
Hoc quomodo conficitur. *BRASSAVOL.*  
Hoc modo.

℞. Hyrundinum syluestrium vstarum ci-  
neris 3 iiii.

Croci 3 j.

Nardi Indicæ 3 j.

Misce, & melle excipiantur.

*SEN.* Hyrundines quomodo ab antiquis  
vrebantur. *BRAS.* Galenus hoc statim do-  
cet, inquiens: Pullos fale cōspersos vnā cum  
pennis in fictile conicimus, obstratūque  
prunis imponimus, ita vti docuit Asclepia-  
des, cui ob hoc gratias agit Galenus, &  
etiam quia docuit summandos esse pullos,  
& non pullorum recrementa, pòst hæc Ga-  
lenus ponit aliud stomathicum ex hyrun-  
dinibus



dinibus ad anginas vt Arpocras, cuius compositio hæc est:

℞. Pullorum hyrundinum vstorum numero xj.

Mellis cyathum vnum, aliter ij.

Succi myrti viridis cyathum vnum,  
aliter ij.

Myrrhæ obolos tres.

Pullos vrito omnibusque mistis ac tritis vtitor. s e n. Vtuntur hyrundinum pullis hi authores, & non nidis. B R A S S A V O L. Tamen superius audiuiſti, & vſos etiam eſſe nidis, & paulò poſt vbi inſcriptio eſt ab Aſclepiade prodita, adeſt compositio ad laxatas columellas, quæ hyrundinum nidum recipit. s e n. Quomodo? B R A S S A V O L. Audias Galeni verba qui ita dicit.

℞. Rosarum ſiccarum ſextarium j.

Nardi celticæ vnà cum radicibus & in-  
hærente terra faſciculum j.

Nidi hyrundinum ſylueſtrium aridi  
3 iij.

Myrrhæ 3 viij.

Gallas omphacithides numero xv.

Contuſa & trita inſuffla, & digitis adhi-  
be. s e n. Hoc non eſt emplaſtrum. B R A S.  
Eſt puluis, ſed vt oſtenderem tibi quod an-  
tiqui hyrundinum nido vtebantur, id re-  
ferre volui, imò per os ſupra columellam  
puluerem



puluerem ipsum ponit, vel insufflat. Paulus libro septimo de hyrundine ipsa dicit, Hyrundinum crematorum cinis cum melle illitus anginosis inflammationibus succurrit, & oculorum claritatem adiuuat.

## SENE X. VII I.

Denique Archigenis emplastrum sequitur. BRASSAV. Quódnam est hoc, & à quo authore sumptum. SENE X. Emplastrum hoc semper seruavi, sed rarò vèdidi, posteaquàm medicus ille obiit, qui me hoc conficere iussit. BRASSAVOL. Compositionem afferto, vt contemplari possim an sit emplastrum seruandum. SENE X. Hæc est compositio.

℞. Succu agrestæ

Myrrhæ

Singulorum partem j.

Fæcis atramenti scriptorum partes ij.

Aluminis iameni

Croci

Singulorum partem j. & <sup>4</sup> i

Confice terendo cum aceto vini contritione multa, & liniatur ex eo super tempora, & stringatur. BRASSA. Vnde accepisti hoc emplastrum, quod potiùs linimentum dici deberet? SENE X. Accepi à probo Medico, tamen ipse dicebat esse Mesue compositionem. BRASSA. Omnino in Mesue reperitur



reperitur, vbi de Capitis ægritudinibus loquitur, & inscriptio est, de Hemicranea calida, nam ad calidam hemicraneam pulsatilem, & ad vehementem sodam conuenit, veruntamen nullus est præter te ipsum, qui Ferrariæ compositionem hanc faciat, neque in alia totius Italiæ vrbe ab aliquo fit pharmacopôla. Tu ergo illud serua, & cum ab aliquo indicitur Medico, id præbe. **SEN.** Postquàm obiit Medicus ille, qui mihi compositionem tradidit, ne semel quidem vendidi. **BRAS.** Neq; vt arbitror posthac vendas, nisi mutato nomine illud sub alia vnguenti specie vendas, nam vbi adest hemicranea calida, illa applicare opus est, quæ tunc curanti Medico idonea videbuntur, & oxyrhodina parare ac similia. **SEN.** Tu dicis à nullo fieri præterquàm à me hoc emplastrum, tamē sunt alij, qui in ponderibus diuersi à nobis sint. **BRAS.** Necessarium est, vt & à Mesue differant, nam illa quam adduxisti compositio ex Mesue verbis propriè deprompta est. sed dic quot sunt illi qui ita parant? **SENEX.** Vnus solus. **BRASSAVOL.** Tamen illum non cognosco, hoc est, nescio qui Ferrariæ compositionem hanc parat, cum tamen omnes ad vnguem cognouerim pharmacopôlas, & per illorū pixides ac labella frequēter inspexerim.



tim, verum quicquid sit, quónam modo illi  
agant, qui in ponderibus diuersi sunt, refer-  
to. SEN. Ita ipsi conficiunt.

℞. Succu agrestæ

Myrrhæ

Singulorum 3 ij.

Facis atramenti 3 ilij.

Aluminis iameni 3 ij. & β.

Croci 3 j.

Aceti fortissimi 3 iiij.

Misce, & fiat emplastrū secundum artem.

BRASSA. Non est magna inter vos distan-  
tia. SEN. Tamen aliqua adest, refertur ne  
hoc emplastrum à Galeno vel ab alio au-  
thore egregio? BRASSA VOLVS. Gale-  
num quæsiui in secundo de Compositione  
medicamentorum secundum locos, vbi o-  
mnia refert Archigenis medicamenta ad  
capitis dolorem à quacunque causa, & hoc  
nunquàm inuenire potui. Mesue plærūque  
authorem vnum pro alio refert, tamen si  
lubebit, aliàs quæremus. SENEX. Cum da-  
bitur otium, quia vel sit Archigenes vel  
quisque alter ad rem ipsam conficiendam  
nihil facit. BRASSA. At pulchrum est res in  
fonte vidisse, quoniam ita facilè multi er-  
rores, qui in illis sunt authoribus, qui re-  
feruntur, euitari possunt, qui aliò qui nisi  
res in fonte haberentur, corrigi haud pos-  
sent

X



fent, sed ad alia emplastrorum generate conferas. s e n. Nulla aliis in pharmacopoliis seruantur emplastra à prædictis.

BRASSA. Ergo tam pauca in vsu sunt?

s e n. Non plura, at medici diuersa indicant genera, vt illis videtur, secundum ægritudinis intentionem quam curant, ex his verò infinita propemodum singulis annis conficimus, vt indicantur. BRASSA VOL.

Neque ambigo, quoniam ego singulis annis plus quàm sexcenta confici iubeo, at si genus quoddam emplastri inuenero, quod in vsu est, tamen de eo nullam mentionem fecisti quid dices? s e. Dicam me fuisse obliuiosum.

BRASSA VOLVS IX.

Nonne conficitis emplastrum de Capillis vstis? s e. Conficimus quidem, sed arbitrabar me de illo sermonem habuisse. BRASSA VO. Non habuisti. s e n. Satis est si de illo impræsentiarum loquamur, at quomodo conficitur? BRASSA. Ita docet Mesue secundum Alexandrum in capite de Lethargia. Capilli hominis adusti sumantur. s e n. Ergo debet esse melancholicus ille, & adustus, cuius capilli recipiuntur? BRASSA VO. Non sumuntur ex adusto homine, sed



sed sunt ipsi capilli, qui aduri debent, & ipsorum cinis accipiendus, multumque cum aceto miscendus, quousque totum fiat sicuti unguentum. Mesue ait esse medicinam mirabilem ad lethargiam, & subeth, nam breui excitat à somni profunditate, notatque Mesue quandoque addi huic compositioni castoreum. SENE X. Inuenit utne compositio hæc apud Alexandrum? BRASSAVOLVS. Putasne Mesuen mentiri? SENE X. Non puto, sed nonnunquam auctorem vnum pro alio citat. BRASSAVOLVS. At audias Alexandrum Trallianum capite vigesimo primi libri dicentem, Maximeque proficit ad excitandum hominem, fronti vnctione admotum castoreum, vel capilli humani cremati, & cum aceto liquefacti pari modo illiti, est enim (inquit) hoc quadam naturæ aptitudine huic morbo factum antipharma. SENE X. Vidi nonnullos qui huic emplastro crocum miscuerint. BRASSAVOLVS. Misceri potest, tamen & sine eo fieri melius arbitror. SENE X. Nonne dixit Alexander, quod castoreum simul misceatur? BRASSAVOLVS. Non profecto, sed ipse per se castoreum ponit, quod & si illi misceretur, nihil

X 2 refer



referret, neque magnificandum est, si cro-  
cum nonnulli addiderint. Hic igitur erit  
emplastrorum finis? SENEX. Prorsus erit  
nisi tu vnum vel alterum genus in me-  
dium adduxeris. BRASSA. Iam  
in foro sumus. tu ad pharma-  
copolium, ego ad alios  
inuisendos aegros  
proficiscar.

★








ANTONII MV<sup>x</sup>  
SAE BRASSAVOLI  
MEDICI FER-  
RARIENSIS,

Examen omnium *sief*, id est COLLY-  
RIORVM, quorum apud Ferrarienses,  
pharmacopôlas vsus est.

AD ILLVSTRISSIMVM  
ET EXCELLENTISSIMVM  
HERCVLEM II. FER-  
RARIAE DV-  
CEM IIII.

Hieronymus Brassauolus felicitatem.



*U*lta sanè me commouerunt, imò  
potius impulerunt, inuictissime  
Princeps, vt hunc patris mei  
pbellum amplitudini tua conse-  
crarem, inter quæ in primis ob-  
seruantia quadam mea à Deo summo optimo  
mihi erga antiquam, ac fulgentissimam Esten-  
sum

X 3




sium profapiam condonata vnum ex his fuit,  
 quæ me commouerunt: impulit verò tua in pa-  
 trem meum beneuolentia, nam (vt audiui) illum  
 non vt triuialem quempiam amas, sed diligis,  
 colis: ac vt patrem obseruas, at me etiam sum-  
 moperè incitauit, ac calcar addidit, tua erga vir-  
 tutū studioso humanitas, cū audiuerim Ex-  
 cellentiam tuam illos benignè excipere, eidēque  
 plurima polliceri præmia, & denique impertiri,  
 modo virtutis vestigia impensè sequantur. De  
 his autem quibus polles virtutibus, nihil agere  
 ad me attinet, quoniam in vnaquaque earum  
 nemini es nostra hac ætate secundus, hisque  
 Deus optimus te munire voluit: vt non solum  
 huius temporis Principes excelleres, sed etiam  
 antiquissimos Romanos longè superares. At ne  
 tibi videar assentatione quadam blandiri velle,  
 ad rem ipsam redeo, & libellum hunc Excellen-  
 tiæ tuæ deuoueo, quem hilari fronte accepturum  
 non dubito, cū ab innata humanitate tua  
 ne latum quidem vnguem dimoueri  
 possis, ita vero regali illa huma-  
 nitate illectus, ad maio-  
 ra excitabor,  
 Vale.

★



695  
ANTONII MUSAE  
BRASSAVOLI ME-  
dici Ferrariensis


SENEX, BRASSAVOLVS.



Vid hîc tam tardè moraris.  
vixenim in foro canem re-  
peries, qui ad prandendum  
profectus non sit. BRASS.  
Puerum expecto, qui libel-  
lum quendam de Iure in Republica dicen-  
do, ac administrand ad me ferat. S E. Quid  
de eo libello acturus es? B R A. Sum ad Illu-  
strissimum Ducem nostrum portaturus, vt  
hac in re sententia nostra illi sit palàm. S E.  
Verùm cùm hora hac non expetat vt diu  
vnà loquamur, optarem vt Sies genera quæ  
à pharmacopôlis conficiuntur ac seruântur,  
contemplaremur. B R. Si multæ sunt com-  
positiones, tempus non suppeteret ad illas  
in examen ducendas, sed in aliud tēpus ma-  
gis commodum pertractandas seruarem.  
S E. Non sunt multæ, nam tres sunt ad sum-  
mum aut quatuor compositiones. B R A. At  
puer iam libellum attulit, in aulam profi-  
cisci cogor. S E. Et ego te comitabor, quo-  
niam & magno desiderio afficio, quid de  
iure dicendo scripsisti, audire. B R. Audies  
nunc, libelli inscriptio est.

X 4 DE





DE ORDINE AC MODO  
IURIS DICENDI,

INTERLOCUTORES.

*Magnificus aques Federicus Quainus,  
Antonius Musa Brassavolus.*



V'M pransus essem cum  
illustrissimo Duce, ita me  
allocutus est magnificus  
Quainus. Q V A I N V S.  
Cornicem albam me vide-  
re visum est, cum hic te vidi ô Antoni, &  
hæc præsertim hora. B R A S S A V O L V S.  
Prius ergo me non videras, & tamen cum  
Illustrissimo Principe pransus sum?  
Q V A I N V S. Me deludit: nōne & ego  
cum aliis simul discumbebam? B R A S S A.  
Et te vidimus cum aliis nobilibus discum-  
bentem: veruntamen ego omnium mini-  
mus C H R I S T I Sospitatoris nostri con-  
siliū sequens, in ultimo mensæ loco di-  
scubui, ne fortè nobiliore adueniente ab  
Architrachino, diceretur, Surge temerarie,  
hic



hîc non est tuus locus, quæ verba si audirem, timerem præterea ne id mihi contineret, quod conuiuæ contigit in sacris literis vestem nuptialem non habenti, ne scilicet ligatis pedibus & manibus, quæ eicerent in tenebras exteriores, vos autem qui ambitiosiores estis, quàm ego sim, in nobilioribus locis discumbitis, ut illustissimi Ducis faciem intueamini, à qua pendetis, & ea fruimini, ut beati in cœlesti patria diuina visione fruuntur, & ferè indignamini nos abiectos & pauperculos respicere, & qui in obscuro & infimo manemus loco. *QVAINVS.* Vereor, ne aliud mente tua voluas ac iactes, quàm id, quod his verbis expressisti, nam cum is locus infimus sit, & indignus, nihil gloriæ acquirere poterat, nihil dignitatis, nisi tu illum occupares, & cum dignus sis ac præstans dignitatem, & præstantiam, loco condonares. *BRASSAVO.* O' quàm bellè ad illud Aristippi alludis, qui Alexãdri Magni sodalis ac conuiua fuit! *QVAINVS.* Id referas, obsecro. *BRASSA.* Aristippus philosophus quidem præstantissimus, sed vnà & ambitiosissimus in Alexandrini triclinio nobiliora loca semper quærebat, & occupabat, quod non rarò ab Alexandro notatum est. Aristippo non unquàm accessum

X s ad



ad mensam retardante, & omnibus sodalibus iam discumbentibus, iussit Alexander consuetum Aristippi locum ab alio occupari, & ultimum solum mensæ locum vacuum relinqui, Aristippo adueniente ac vidente non esse sibi locum aliū derelictum, quàm ignobiliorē, sedit philosophus, & simul alta voce dixit, Alexandro in mentem non venit alio modo hunc infimū locū honestare, & præstantiorem reddere, quàm dimittere ut ab Aristippo honestaretur, quippe vir locum, non locus virum magni facit. Q V A I N V S. Pulchrè quidem Aristippus, sed qui Demones, & boni Genij huc te duxère, & hac hora præter solitum? R A. Integra ac recta Illustrissimi Principis nostri mēs, & conscientia, ab omni labe depurata, quæ à dextera, & benigna omnipotentis Dei manu ducta, egregium illud & semper memorādum facinus peregit, cū in Manfronum centum mortis dignum, pietate ac clementia usus est, Nūc aliud mēte volutat Illustrissimus Dux ac Sāctissimus, quod non minus erat memoria dignū, quā fuerit in Mēfronū pietas, quippe tūc vnū tantū hominē à morte liberauit, nunc ab omnibus suis populis seuissimam pestem, & plus quàm fuerit lernæa hydra teterrimam arcere excogitat. Q V A I N. Quā pestē dicis, &



cis, & quam hydram? **BRASS.** Iniustitiam intelligo, & perennem litium successum.

**QVAINVS.** Si hæc ab egerit, Diuinus erit.

**BRASSA.** Imò erit maiori laude dignus, quàm Saturnus, qui inter Deos in Cœlum relatus est, ob id tantum quòd homines in vnũ cõgregauerit, arbitramurq; neq; dubitamus hæc esse abacturum, & institutiones in melius reformaturum. **QVAINVS.**

Cur autem tu, qui iuris peritus non es, in hanc arenam veluti certaturus descendisti?

**BRASSA VOL.** Ita Principi placuit, qui vt in omni re iudicio alios excedit, ita nouit, Philosophos de Rerum publicarum ordinibus, de bonis moribus reformandis, de legum administratione, de vniuersæ huius mundi compaginis iustitia multa & appositè, & doctè differere scire, & ad vnguem pertractare. & præterea qui alij leges condidèrunt, & approbauèrunt, quàm Philosophi? Legitur & Solonem, & Lycurgum, & ceteros antiquos legislatores fuisse Philosophos, & à Platone in suis Legibus Philosophi munus esse leges condere comprobatur, nam aliud nihil est legalis iustitia, quàm similitudo quædam illius iustitiæ, quæ in vniuerso mundo videtur.

**QVAINVS.** Hæc missa faciamus, & (si fieri potest ac liceat) illa mihi enarrato, quæ



quæ in Ducali cubiculo acta sunt. BRASSAVO. Cur non licebit? QVAINVS. Quoniam arcana esse solent, & intimo corde seruanda, quæ in his secretis colloquiis dici consueuerunt. BRASSA. At hæc huius generis sunt, vt vulgus, & sellularij ipsi interesse potuissent, & huius generis, quæ publicè communi edicto promulgari æquum fuisset. QVAINVS. Ni igitur laborem subterfugas charissime compater, omnia singulatim enarrato. BRASSAVOLS. Quis vnquàm posset compatri tam amantissimo non parère? profectò tibi rem gratam facere labor non est, aures igitur nostris verbis admoueto. QVAINVS. Et libenter. BRASSA. Primo Augusti die præsentis anni M. D. XLVI. cum illustrissimum Ducem manè de more visitassem, mihi dixit, quòd sequenti die post prandium multos Doctores in concionē vocaturus erat, & de ordine administrandæ iustitiæ sermonem habiturus, iussitque vt cum his simul interesssem, at ne hora illa meridianaper solem incederem, vt etiam Illustrissimi Ducis admonitu apud ipsum pransus sum, post prandium Illustrissimus Dux parumper quieuit, vt cibus ventriculo insideret faciliùs, post semihoræ spatium à mensa discessit, & in cubiculum iuit in  
quo



quo hominum dissidia, & preces, & querelas audire consuetus est, & iura reddere, iusserat verò ut viri in concionem vocarentur, de quibus statim mentionem faciam, & Magnus & Excellentissimus Cæsar de Nobilibus Lucensis, Magnus & Excellentissimus Lanfrancus Gyphus Lugiensis, Magnus & Excellentissimus Ludouicus Catus, Magnus & Excellentissimus Pretor, Magnus & Excellentissimus Philippus Rodus, Magnus & Excellentissimus Alphonsus Rossetus, Aderant & hi egregij causidici Dominus Petrus de Betinis, & Dominus Christoforus Rossetus, aderant & simul Magnus & Doctissimus Alexander Guarinus, & Magnus ac nobilissimus Bartolomeus Prosper, nulliq; alij præter Illustrissimum Principem. QVAINVS. Tu ergo non aderas? BR. Aderam quidem, sed me ipsum numerare non est opus, qui hæc referre nescirem, nisi huic sanctissimo negotio interfuissem, & tu me exeuntem vidisti, imò & his vlnis Magnificum Ludouicum Catum ferentem. QVAINVS. Prosequaris igitur: nam gestio audiens. BRASSA. Sedit Illustrissimus Dux, nos alij veluti in corona, circa ipsum constituti silebamus, quid dicturus esset auidè expectantes. QVAINVS. Quo ordine? BRASSA. Non



Non datur in hoc loco ordo, sed ut quisque sibi locum atripuit, in eo sine delectu fuit, solus Catus sedebat, cui (& si voluisset) stare ob podagras datum non erat. Q V A I N.

Quid deinceps actum? B R A S. Illustrissimus Princeps loculentissimam habuit orationem, breuem quidem atque Laconicam sed & ornatam, & sententis ac succo plenā.

Q V A I N V S. Nihil esset mihi gratius, quā verba illa quæ ab Illustrissimo Duce fuere deprompta, audire. B R A S S. Verba prorsus referre nescirem, sed verborum sensum tibi referre posse non dubitamus. Q V A I N V S.

Et hunc audire non minùs gratum mihi erit. B R A S. Illustrissimus & facundissimus Dux ita exorsus est, nos verò omnes conticuimus, & attentiora tenebamus:

» Cùm humeris meis multa infideant one-  
 » ra, & graua quidem illa, id tamen gra-  
 » uissimum mihi semper visum est, quo  
 » de Iustitia administranda agitur, nam  
 » sapiùs commordet me conscientia mea,  
 » cùm viduæ, pupilli, & pauperes apud  
 » me conqueruntur, & delitium proroga-  
 » tione, & de tam amplis expensis, quas  
 » ferre non possunt, & de iniquis causidi-  
 » corum cautelis: quippe hinc euenit ut  
 » ditiores, homines pauperes per annos in  
 » vnaquaque minima etiam lite magno eo-  
 rum



rum incommodo, ac detrimento perducāt, “  
conscientia igitur, quam in me ipso com- “  
moueri sentio, ab omnipotentis Dei beni- “  
gua manu ducta, & eiusdem Dei optimi “  
timor, qui me, licet indignum, ad tot Re- “  
spublicas moderandas elegit, suaserē, & co- “  
gēre, vt vos vnā huc accirē, quos oratos ve- “  
lim vt mihi collegæ sitis ad ordinē quendā “  
& modum inueniendum, quo & rectē, & “  
facilē, & breui, & in Dei honorem ac decus “  
possit administrari iustitia. Nam ego solus “  
id efficere non confido, cū potius ad ar- “  
ma capellenda, & exercenda sim assuetus. “  
cū verò diuersi sint in diuersis vrbibus or- “  
dines (nam in aliquibus exercentur vocatæ “  
Rotæ, quæ nō nunquā mobiles sunt, non “  
nūquā immobiles. in aliis adfunt Sena- “  
tus consulta, in aliis triū Viratum digni- “  
tas, in aliis vnius iuris dicentis authori- “  
tas) vos hīc estis sex iuris periti, vnus philo- “  
sophus, & duo causidici, quisq; vestrū suis “  
rationibus innixus, modum illum mihi in “  
scriptis tradat, qui sibi commodior vi- “  
debitur, ad iustitiam rectē seruandam, & “  
in quo iudices minimē decipere possint, & “  
decipi. Addatis præterea quo ordine lites “  
breuiiores redigi possint, & causidicorum “  
aduocatorūque tot caillationes aufer- “  
ri, vos igitur oro atq; hortor, vt negotium “  
hoc



,, hoc benignis animi subeatis, & recta con-  
,, scientiæ trutina perpendatis. vt in Dei ho-  
,, norem ac decus tot respublicas à tam gra-  
,, uissimis oneribus liberemus, quippe & vos  
,, eritis huius meriti apud Deum participes,  
,, meq; onere maximo leuabitis, nam mens  
,, mea & conscientia, quæ plerunq; me com-  
,, mordet, & iudicat, quiete deinceps viuet,  
,, cui tantum illud oneris relictum erit, vt  
,, omnipotenti Deo gratias agat, qui & vos  
,, & illam simul dirigere dignatus sit, & per-  
,, petua apud posteros de hoc egregio faci-  
,, nore nobis relinquetur gloria, & post obi-  
,, tum in Angelorum choris versabimini.

Hæc fuit Illustrissimi Principis oratio.

Q V A I N V S. Ego à lachrymis tempera-  
re non potuissem, si his auribus loquen-  
tem Ducem audiuissem, pulcherrima fuit  
eiuscemodi oratio. B R A S S A. Et sanctis-  
sima, videbam ego ex benedicta illa Illu-  
strissimi Ducis anima hæc verba tam affe-  
ctatè, tam ex intimo corde scaturire, vt to-  
tus animi affectus appareret in verbis,  
Deus erat, qui per sanctum illud os veluti  
per Prophetã loquebatur, & qui benedicti  
illam animam illustrauerat, vt ambigo, si  
hæc efficiantur, & executioni mandentur,  
Illustrissimum Ducem longo tēpore & feli-  
cissimè superuicturum, & post mortē, beata

ac



ac diuina regna possessurum. QVAIN.  
Quid deinceps actum est? BRAS. De li-  
tium prolixitate haud pauca disputata sunt.  
QVAINVS. Et quæ? BRASS. Nonnulli  
arbitrabantur causarum prolixitatem ex  
causidicorum cauillationibus prodire, alij  
ex instantiarum prorogationibus, alij ex  
capitulorum citiò vltroque abnegationi-  
bus, alij ex fictis causidicorum ægritudi-  
nibus, alij ex iudicibus, qui in fine litis su-  
specti iureiurando affirmantur. QVAIN-  
VS. Tu (vt arbitror) nihil penitus loque-  
baris. BRAS. Imò & nonnihil in medium  
attuli, & omnes benignè audiùere de sen-  
tentiis scilicet non integris, sed conditio-  
natis, & de paucissimis diebus, quibus in  
integrali anno de iure responderetur, & de iu-  
dicibus, qui vix extremis processurum par-  
tibus visis, sententiam ferunt. post hæc ver-  
ba, illustrissimus Dux iussit, vt vnusquisq;  
in quindecim dierum spatio suam senten-  
tiam in promptu haberet, & scriptam affer-  
ret, non verbis prolatâ, nam ipse ex omni-  
bus his sententiis illam seliget, quæ cæte-  
ris commodior & aptior videbitur, vel ipse  
qui perspicacioris est ingenij, ex omnibus  
vnâ eliciet cōmodissimam. QVAINVS.  
Quid ages tu qui Iurisconsultus non es?  
BRAS. Iuris quidem consultus non sum,  
Y sed



sed tamē iuris sum capax. Quid verò acturus sum tibi explicare non grauabor, in primis Deum optimum totis viribus, toto corde, tota anima mea implorabo, qui mentem meam Spiritus sancti rore foecundet, ac illustret, ut à nobis modus ille deprocuratur, qui ad Dei laudem sit, & ad omnium hominum vtilitatem. Q V A I N. Quid pulchri ad hanc vsque horam excogitasti? scio te in disquirendis rebus solertem esse. B R. An id turpe, an iustum sit ignoramus, tamē & iustum & conueniens esse arbitramur. Illustrissimus Dux A L P H O N S V S primo vno solo ius dicente vsus est, qui de iure responderet, At mos ille proculdubio probandus non erat, praesertim cū is Ferrariensis esset, qui & filios & agnatos, & domesticos in vrbe habebat, imò & ipse illustrissimus A L P H O N S V S hunc ordinem ac morem coarguit, & trium virorum ordinem delegit, qui vnà de iure responderunt, hūcque ordinem Consilium iustitiæ nuncupauit, & hi viri nisi morte praeueniantur, nunquā à iudicandi munere ablegari consueti sunt, hic autem modus iudicio nostro reprehensione dignus est, & illustrissimo Principi nostro prorsus arridere non videtur, cū ordinē alium quærat, cur verò à nobis arguatur hic mos, est



est quia in tam paucorum virorum numero facile conuenire possunt, & in vnum conspirare, & illa agere, quæ suis & amicorum votis commoda videbuntur, at cum nullis unquam subiiciatur iudicibus ac syndicis, hoc triumvirorum ordo quis unquam poterit, si iniuste mulcentur, refarciri? at si plures sint, non est tam facile in vnam sententiam conspirare, & præsertim cum non sit perennis dignitas. Adde cum triumvirorum ordo, in hoc iudicandi munere perpetuo maneat, & si aduenæ sint, tamen amicos indies acquirunt, & affines, imò & ipsimet Ferrarienses euadunt, cogunturque ex amicitie iure & affinitatis multa perpetrari, quæ à probis viris perpetranda non essent, à diuitibusque muneribus capiuntur, cum sciant in hoc iudicandi munere perpetuo hos esse permansuros, idque in hoc ordine deterius est, quod opima rapiunt spolia. nam vocatas sportulas accipiunt, & magnifica munera. cum is, qui de iure responsurus est nulla prece, nulloque præmio ad iudicandum moueri debeat, at homines sunt, munerisque & homines placant atque Deos.

QVAIN. Quid ergo faciendum censes tu?

BRASSA. Optarim multos probos ad hoc negotium demandandos esse viros non minus septem, neque plures nouem, qui &

Y 2 essent



essent aduenæ, & quantò fieri posset seniores, vel saltem qui aliis in locis de iure responderint. Q V A I N V S. Cur illos impares eligis? B R A S S A V. Quoniam in casibus dubiis in quibus vtrunque trutina recta esse videtur, si ad vtranque partem paria essent vota, & pares consensus, nō posset ferri sententia. at cū inæquales sint, necessarium est vt ex vna parte plures sint, quā ex alia, tunc sententia feretur, vt maiori parti visum erit. Q V A I N V S. Quomodo in iudiciis ferendis tot capita se gerent? B R A S S. Singulis hebdomadibus vel singulis mensibus horum vnus prior vocabitur vel antesignanus, qui sententias illas feret, quæ mēse illo promulgandæ erant. Q V A I N V S. Igitur vnus erit solus, qui hoc aget. B R A S. Vnus quidem solus ius dicet, sed sententia, quam feret, ex omnium erit consensu, vel ex maioris partis consensu, imò contingere posset, vt his qui pro tribunali sententiam feret, alterius sit sententiæ, quā maior collegarum pars, & hi qui ab aliis dissident, dissentienti rationes in medium afferre debent, quas alij dissolvere teneantur, postea sententia feratur. si nouem sint, Prætoris officium cessare poterit, & iudicis appellationem, ac malefici, vnusque ex his eligendus erit, qui mensium quatuor spatio



tio Prætoris officio fungatur, & alius ap-  
pellationem iudex sit, ac tertius malefi-  
ciorum, mihi tamen potius arridet ut se-  
ptem sint, & in Prætorio sint iudices con-  
sueti ab his distincti, qui tamen in eo ri-  
gore seruentur, ut ab institutionibus Fer-  
rariensibus edocemur, neque diutius im-  
morentur in officiis, quàm illis ab institu-  
tionibus præfixum sit. Q V A I N V S. Ex  
qua pecunia his soluetur? B R A S S A. Duo  
mihi subière menti, cùm penitus nolue-  
rim hos accipere vocatas sportulas, neque  
vile munusculum, imò sancendum est, si  
horum quis vel acetarium vel simplicem  
fructum munere accipiat, decem aurei scu-  
tis mulctetur, si bis receperit, ab officio  
expellatur. mihi verò primò id subiit, ut  
vniuersa illustrissimi Principis ditio his  
stipendia persoluat, nam tam minimum  
accipietur ex vnaquaque vrbe, & ex vno-  
quoque oppido, ut nullus conqueri possit,  
idque emolumentum enanciscuntur populi,  
quòd nulla deponent stipendia, quæ salaria  
vocantur, in sententiis, quæ ab his iudici-  
bus ferentur. Idque præcipuè optarem om-  
nium externorum lites ad hoc tribunal an-  
te omnes esse agitandas, & quàm breui fie-  
ri poterit expediendas. nam audiuius ex-  
ternos multos, qui & de patria nostra, &



de illustrissimo Duce conquerebantur, & his maledicebant: quoniam per plures menses, & per annum magno illorum dispendio lites protrahebantur, quæ quindecim dierum spatio, & breviori etiam expediri poterant. Ad hocque tribunal lites fisci voluerim esse ducendas, quæ cum exteris habentur, ut citius expedirentur, quæ exigunt citam expeditionem, & secundo loco viduarum lites & pupillorum: nec illud ab re esset, si una hebdomada dies decerneretur, qua de incarceratis intelligerent, ob quam causam clauderentur. Alter modus est, quo solui possent, si stipendia quæ pro ferendis sententiis ab uno quoque litigante deponuntur, ut nunc fit colligantur, & ab uno illustrissimi Ducis actore seruentur, ex hisque nummis illis qui in hoc collegio assumpti erunt, stipendium solvatur.

Q V A I N V S. At si non sufficerent? B R A S. Non dubitamus suffecturos esse, & aliquid etiam superfuturum, tamen probarem potius, ut primo modo iis satisfaceret, ne homines viderentur iustitiam emere, & illud est magis regium absque præmio iustitiam administrare.

Q V A I N V S. Quanto præmio hos conduci posse arbitraris. B R A S. Vnicuique horum singulis mensibus vigin-  
tiquinq; scuti numerari debebunt, ut unusquisq;



quisque singulis annis trecentis scutis donaretur. QVAINVS. Ergo vniuersa summa esset duum millium & centum scutorum. BRAS. Verum est, si tantum sint septem, quod magis probo, at si hæc pecuniarum summa ex tota illustrissimi Ducis nostri ditione redimatur, vir vnus quadrantem vnum non persoluet, & multi magnas euitabunt impensas, nam pro sententiarum salariis, nemo vel iota deponet, & pupillorum ac viduarum dispensationes absq; expensis fient, quod Deo gratissimum erit, nempe cogebatur vidua ac pupillus aliquid rei immobilis vendere, ne inedia moreretur, verum non dispensabant iudices, nisi salaria persoluerentur, in qua solutione nunquam dimidium totius pretij rei venditæ continebatur. QVAINVS. Si numi deficerent (vt quandoque contingere potest) quid tunc agendum esset? BRAS. Illustrissimus Dux pecuniam erogabit, vt hi persoluantur. nam ipse tot habet à Deo bona, & tot ab hominibus commoda, vt opus sit, & illum pro administranda iustitia aliquid erogare, vt suo fungatur officio, tamen non dubitamus potius superfuturam pecuniam, quam defecturam. QVAINVS. Iubésne viros hos in hoc albo constitutos ad mortem vsque munus hoc obire? BRASSA. Mini-



mè omnium, sed potius iuberem, vt ad tem-  
pus officio hoc fungi deberent. Q V A I N.  
Quamdiu? B R A S. Ad Triennium, quo-  
niam si diutius perseuerarent, amicitias  
contraherent, quas vt etiam in hoc tem-  
pore summè caueant obseruandum est, spe-  
ramúsque illustrissimum Ducem id esse  
effecturum, neque quempiam post trien-  
nium in hoc iudicandi munere esse reli-  
cturum, non enim ( si ita fiet ) id contin-  
gere poterit ( vt speramus ) quod aliàs in  
Prætoribus contigisse nemo ignorat, nem-  
pè Ferrarienses institutiones prohibent ne  
vltra decem & octo menses quispiã Prætor  
esse possit, tamen quispiam per decē annos  
Prætoris officio functus est, qui multorum  
malorum causa extitit, vt deniq; aufugere  
coactus sit, tamē alibi ob sua demerita gra-  
uissimè mulctatus fuit. Q V A I N V S. Quo  
ordine erunt agitandæ ante hos viros cau-  
sæ? B R A S. Vt consuetum est. actor reum  
citabit, reus ante hos viros excusationem  
afferret. tamen optarem vnum vel duos ex  
his iudicibus alternatis vicibus munus ha-  
bere actorē, & reum conuocandi antequàm  
de iure altercarētur, illisq; suauioribus ver-  
bis suadere, vt cōcordes euadant, & eisdem  
ostendere numorum ac temporis iacturam  
in litibus, & quòd ex lite infamiam porius,  
quàm



quàm laudem consequentur, si intentum  
assequi poterunt, erunt apud Deum & apud  
homines laude digni, si verò iudices inten-  
tum non assequantur, litigare sinant hos cer-  
uicosiores viros, ipsi verò benigna aure il-  
los audiant, & deniq; vt decens erit senten-  
tiam ferant, à qua neminem appellari pos-  
se volumus. Q V A I N V S. Si quis sit, qui  
apud Ducem de lata sententia conqueratur,  
quam iniustam esse dicat, & iniustos vocet  
iudices. B R A S S A V. Hic ad syndicatum  
vsque expectet, at si Illustrissimi Ducis au-  
ribus molestus sit, vt nonnulli esse consue-  
uerunt, qui & iurisperitos habent, qui hoc  
illis suadent, sententiam scilicet esse ini-  
quam, optarem vt Illustrissimus Dux, qui-  
nam esset hic Doctor interrogaret, & iuri-  
speritus, qui illi suadet sententiam esse ini-  
quam, postea ab hoc iurisperito petat, an  
clientulum suum defendere velit, & iudicet  
sententiam iniquam fuisse, si annuat, opta-  
rem vt Dux statim tres alios iurisperitos  
eligeret, quibus sub eius indignatione im-  
poneret, vt iuste hanc causam reuicerent, &  
iuste sententiã ferrent, si hic, qui à collegio  
horum virorum sententiã cōtra se habuit,  
iterum ab his tribus sententiam aduersus  
haberet, illum in integris mulctarem ex-  
pensis, & iurisperitum illum, qui sententiã

Y S iniq



iniquam iudicabat, quinquaginta scutis mulctarem, & reum præter expensas, quinquaginta mulctare scutis, & hac de re particulares institutiones fieri iuberem: tamen voluerim, ut hic prius de infligenda poena adinoneretur, & simul etiam admoneretur iurisperitus ille, qui iniustam esse illorum proborum virorum sententiam iudicabat, at si sententia lata tot viris esset indigna, illos in totius litis expensis mulctarem, & prætereà ab vnoquoque illorum vigintiquinque scutos pro poena exigendos voluerim, vel secundum litis onus maiorem pecuniarum copiam. **Q V A I N V S.** Debentne hi, qui in hoc recipiuntur collegium, vno recipi tempore, & postea eodem tempore simul omnes abire? **B R A S S A V.** Non profectò, sed si Illustrissimo Duci hic ordo placuerit, fama per Italiam vulgabitur, statim doctores confluere incipient, vnus erit omnium primus, qui ab Illustrissimo Duce eligeretur, postea alius eligeretur, deinde ad aliquot dies tertius, & ita progrediendo quoad omnes iusto numero sint congregati, quòd in vnus anni curriculo fiet. Primus, qui fuerat receptus, primus post triennium recedet, in cuius locum succedet alius, ut aliqui semper sint noui, aliqui antiqui, aliqui medij, itaque nunquam vna vice om-

mnes



omnes recedent. Q V A I N V S. Quo modo, quibúsve modis lites breuiores fieri posse arbitraris? B R A S S A V O L. Hoc est, hoc inquàm illud, cui Illustrissimus Dux maximè incumbit, & de quo conscientiam suam onustam esse arbitratur. nam & ipse audiuit, & agnoscit nullū esse modum, & nullum imponi finem litibus, idcirco Dei nutu ductus, qui vt illum supra tot populos in Ducem elegit, ita gressus eius in semitas suas dirigit, nihil aliud exoptat Illustrissimus Dux, nihil ardentius inquiri, quàm viam quandam inuenire, quâ lites breuiores reddantur. Q V A I N V S. O' gloriosissime Dux si hoc efficiet.

B R A S S A V O L. Adde & ô sanctissime, nam immortalem gloriam in hoc mundo sibi parabit, & in altera vita æternam possessionem, quæ nec ferro, nec igne deleri poterit, aut vel minimū maculari. Q V A I N V S. Eia igitur, quo medio id efficere posse arbitraris? B R A S S A V O L. Et si munus hoc ad illos potius spectare videretur, qui ius ciuile exercent, tamen cū ad hoc negotium ab excellētia sua sum vocatus, & iusserit vt sentētiā meā in hac re depromerem, nō possum tanto Duci non parēre, neque excusatione aliqua vti volo, sed mihi fatiserit, vel probè vel malè dicam



dicam illi obtemperasse, & prætereà in hac  
re discutienda nullum ordinem alicuius vr-  
bis legere volui, sed illa tantum scribere  
proposui, quæ mens mea à Deo (vt arbi-  
tror) recta dictabit, nam Deus ipse pecca-  
torum preces non despicit. Q V A I N V S.  
Quid igitur faciendum censes? B R A S S A.  
Primò tot instantias, totque instantiarum  
productiones remouere, nempe mira sunt  
de dissidiis, quæ in his instantiis vidimus  
& audiuius. Q V A I. Quænam illa sunt?  
B R A S S A v. Vidimus causidicum, iudicem  
& notarium inter se de his instantiis dissi-  
dentes, quippe nonnulli dicebāt adhuc ali-  
quot superesse dies instantiarū in vna cau-  
sa, alij hoc negabant, ac si illis ignotum  
esset, quando cœperit, & quantum perdu-  
rare deberet, vt necessarium mihi videre-  
tur nonnullos ex his in clientuli causa fuis-  
se negligentissimos. aliud in causis submo-  
uendum mihi videtur scilicet iudicum su-  
spitio, præsertim cū legitima causa non  
ad sit, at in hoc virorum collegio, nulla erit  
suspicionis causa, quoniam erunt omnes  
externi, neque Ferrariæ affines habebunt,  
neque amicos si fieri poterit. Imò & in aliis  
Ferrariensibus iudicibus tres solum suspi-  
cionis causas recipiendas esse iudicariū sci-  
licet affinitatem, intrinsecam amicitiam,  
& mun



& munerum receptionem, quæ palàm confet, neque apud aduersarium clientulum solùm imaginaria sit. Ego huius generis sum, si iudex esset vir probus, & cum eius fratris, aut patre causam agerem, illum iudicem accipere non vererer. Nam vir probus à veritate potius cogitur, quàm vel à fraterno aut paterno amore, tamen, pro dolor, rarissimi sunt, aut nulli nostra hac ætate huius generis viri. Q V A I N V S. Quid deinceps agendum? B R A S S A V O L. Institutiones ferendæ erunt, & per causarum nomina distinguendæ: sunt verò eiusmodi, & nomina, & genera ignota, ut ita lanciantur: Causæ quæ in hoc genere sunt, in vno mense finiantur: quæ in illo genere, in tribus mensibus: quæ in alio genere, in integro anno: nempe nō dubitamus nullam esse tam arduam causam, quæ in integro anno finem habere non possit. verum tamen si causæ statuta hæc transigerēt tempora, iudices mulctandi erunt, si ex iudicum causa prorogatio facta sit: si verò clientulorum causa vel causidicorum prorogatio hæc ortum habuerit, hi mulctentur, qui dilationis litis sunt causa. Q V A I N V S. Videtur & mihi id quod dicitur, respondere capitulis, lites multum prorogare. B R A S. Imò maximè, nam improbi causidici suis suadent



suadent clientulis, ut vnaqueque vera abne-  
gent, idque iureiurando faciunt, se probè  
iurare asserentes: cùm tamen sciant id esse  
verum, quod negant, ô rem iniquam, ô ne-  
fandum scelus & impunitum. si pauper-  
culus quispiam periurus, qui semel tantùm  
peierauerit capiatur, extorquetur, multa-  
tur, ab eo vsque ad minimum quadrantem  
exigitur, manus truncatur, & per totam  
urbem digito mōstratur infamis. at hi, qui  
toties iureiurando affirmarunt, quod fal-  
sum est, & in vna tantùm causa, laudantur  
& veluti dextero ingenio prēditi extollun-  
tur. quisque igitur toties mulctetur, quot  
vocata capitula negabit, quæ vera sint atq;  
palàm nota. **Q V A I N V S.** Audiui de hac re  
institutiones adesse, sed minimè seruari.

**B R A S S A V.** Adsunt quidem, sed Illustris-  
simus Dux illas remisit. nam primi legum  
latores iussêre ut pro quolibet manifesto  
capitulo negato viginti quinque libræ ad  
Ferrariensium rationem persoluerentur, Il-  
lustrissimus verò Dux remisit hanc mul-  
ctam, & sanxit ut tantùm essent libræ de-  
cem, nam animo concipiebat, ut penitus  
absque vlla exceptione soluerentur, at qui  
ius administrant probum ac integrum Du-  
cis animum nō animaduertêre: sed eius be-  
nignitate abusi sunt, idcirco cùm viderim  
neque



neque hos secundæ institutioni paruisse,  
optarim ut prima institutio servaretur, ut  
pro quocūq; manifesto capitulo abnegato  
viginti quinque libræ soluerentur, nec vlla  
penitus haberetur remissio: hos verò nu-  
mos ad pios vsus conuerti voluerim, & si  
causidicus clientulo suafisset, ut hæc capitu-  
la abnegaret, causidicum simul mulctan-  
dum censerem. De hacq; mulcta noluerim,  
ut à iurisperitis iudicaretur, quoniam inter  
se concordēs sunt, sed potius theologum  
quendam eligerem, aut philosophum vi-  
ros fide dignos, aut simul cum his & iuri-  
speritum, qui de his capitulis abnegatis,  
quæ negari non debebant, decernerent.  
Q V A I N V S. Fortè & tu cū de philosopho  
mentionem facias, huic negotio interesse  
optares. R R A S. Imò mens mea ab hoc ne-  
gotio, quàm maximè abest, quippe Deus  
testis est, quātum ab ambitione absim, neq;  
opus est me hæc ambire, ut qui (absit ia-  
ctantia) ex me ipso gloriosus sim, & per to-  
tam Europam notus, ut alias præterea orbis  
partes, addēque me summopere ægrè latu-  
rum esse, si Illustrissimus Dux iuberet me  
huic, vel simili negotio interesse. Id igitur  
primò optarem, ut capitula iudicibus osten-  
derentur, in quibus si non nulla adessent,  
quæ ad causam nihil facere viderentur,  
cū



cùm causidicus sit horum capitulorum author, statim pro singulo proposito capitulo ad causam non spectante, vel spectante, sed manifesto, causidicum mulctarem decem libris quoniam nondum iureiurando falsa affirmarunt. hoc admirabile est, hi abnegare solent Ioannem esse Petri filium, & Petrum Iacobi, vt litem prorogent, & multiplicent expensas, cùm tamen hæc vniuerso populo palàm sint, imò & nonnunquàm negare solent Ioannem fuisse in rerum natura, quem tamen & ipsi periuri in rerum natura fuisse nouerunt, & illum propriis oculis inspexêre. **Q V A I.** Abeant in malam crucem hæ peruersæ rabulæ, quid dices de testium examine? **B R A S S A V.** Quòd breui & fiat, & quocunque die, vel etiam Dominico, quando testibus examinari commodum est, & sancendum esse statutum tempus & breue, in quo testes examinarentur, qui in vrbe sunt: quibus verò extra urbem sunt, secundum loci distantiam, prolixius tempus decerneretur, transacto tempore, si testes examinati non sint, clientulis imputetur, & sentētia feratur. **Q V A I N.** De falsis testibus, qui reprobantur, & eorum falsitas ostenditur, quid agendum est? **B R A S S A V.** Contra hos hostiliter agendum est, ac dirè, tum quia peierarunt, tum quia



quia ab alio rapiunt clientulo, quicquid in lite continetur, si diues esset, illū in tota litis quantitate mulctarem, si pauper, illum torqueri iuberem, & malè tractari. Q V A I. Videris supra modū crudelis contra hos falsos testes. B R A S S A V O. His nebulonibus adhuc peius facerem, quā dixerim, adeò mihi displicent falsi & mendaces testes: nam hæ malæ bestię possunt vnicuique probo viro derogare. Q V A I N V S. Quas lites ad hoc collegium deuoluendas putares? B R A S S A V O. Omnes post primam appellationem, & omnes pupillorum ac viduarum lites, & omnes aduenarum mercatorum, & aliorum. Audiui frequēter mercatores, qui & Ferrariæ, & Illustrissimo Duci derogabant ob lites quasdam circa mercaturas, quæ prorogabantur: cū tamen alibi breuissimè expediri consueuerint: affirmabant hi iureiurando, optare potius contra se sententiam ferri, & breui expedire, quā ita protrahi, & numos, ac tempus amittere, Q V A I N V S. Reliquæ lites in quo erunt agitandæ loco? B R A S S A V O. Vniuscuiusque generis lites erunt ad hoc collegium ducendæ modò partes consentiant: vnde in diplomatibus quando collegium hoc petetur, omnes erunt ob signāde, etiam absente Duce, modò partes consentiant

Z

tiant



riant: si partes non consentirent, lis in foro,  
& in prætorio, vt consuetum est, agitetur:  
sed cauillationes omnes breuiiores reddan-  
tur prædicto modo: postea si is cōtra quem  
sententia lata est: ad appellationum iudicē  
se appellet, concedatur: denique ad hoc col-  
legium deducatur, quod quàm breuius fie-  
ri possit, re egregiè præpensa iudicium  
ferat. Q V A I N V S. Dux quandoque exora-  
tus, vt causam aliquam ad hoc collegium  
releget, etiam parte nolente, poteritne id  
efficere, & iuste. B R A. Quid impediet? sed  
Illustrissimus Dux considerabit virum il-  
lum, qui hæc petet, & causam ob quam  
fugiat publicum forum, & ita liber erit hoc  
gratis elargiri, & non elargiri, nam & Il-  
lustrissimus Dux liber esse debet in his re-  
bus, quæ iuri non derogant, sed tantum  
longitudini derogant aliqua nonnullis  
impertiri, quæ aliis concedere noluerit.  
Q V A I N V S. Eruntne horum virorum  
diffinitivæ sententiæ? B R A S S. Erunt, vt  
superius dictum est, cū erit lata sentētia,  
ab his viris nemo appellari potest, nisi in  
fine officij horum virorum, quando in  
syndicatu iudicabuntur. quando ad hoc  
tempus peruenient, is, qui conqueritur, ra-  
tiones suas afferat, quæ si probæ sint, iudex  
mulctetur, & quisquis alter ex hoc nume-  
ro in



ro in fine mulctetur: è contrario, si is qui de  
iudicibus conqueritur aberret, & iniuste  
conqueratur in expensis mulctetur: & præ-  
tereà secundum quantitatem rei, de qua, lis  
fiebat, etiam mulctetur: multa verò nun-  
quàm minor sit vigintiquinque ducatis  
aureis ad pias causas exponendis, & quibus  
etiam viro illo, vel illis satisfiat, qui iniuste  
acculabantur. Q V A I N V S. Nónne possent  
inexcogitatae causae contingere, quæ nouo  
indigerent consilio? B R A S S A V O L. Pos-  
sent prorsus, nam Aristoteles summus  
Philosophus ostendit rhetoras non uti Syl-  
logismo, neque demonstratione, sed solum  
Enthimemate & exëplo, quia circa singu-  
laria versantur, singularia verò infinita  
sunt, de quibus non potest haberi scientia,  
idcirco cum & causae infinitae esse possent,  
vel infinitas habere facies: nam hominum  
facies diuersae sunt, ita & litiū facies diuer-  
sas esse nemo ambigere debet, & necessariū  
est legislatorē semper noua videre, & noua  
rimari, ut in dies noua etiā emergūt: idcir-  
co si quispiā inopinatus casus cōtigerit, ad  
Legislatorē recurrere semper opus erit, qui  
est legis anima atq; mens, & qui legis intel-  
lectum explicare poterit. Q V A I N. Audi-  
uimus quācunque lege condita & sancita  
statim ab his causidicis cauillationes cir-



ca ipsam inueniri. **BRASS.** Ob hoc necessarium erit Illustrissimum Ducem semper prouidere, qui ad hoc natus est, ut iustitiam seruari faciat, & insontes à sontibus liberet, bonosq; à prauis defendat, ac tueatur.

**QVAINVS.** Audiuimus de Ferrariensibus institutionibus corrigendis interfuisse sermonem. **BRASSAVOLVS.** Interfuit quidem, at iudicio meo correctione non indigent: sed potius obseruatione, eo tamen solo indigere videntur, & multa superflua auferantur, & sola legis anima describatur.

**QVAINVS.** Quid tibi videtur de his, qui publicis instrumentis oppugnare solent? **BRASSAVOL.** Id videtur iniquum facinus, & à Republica probè ordinata penitus ablegandum: quippe multi sunt qui publico instrumento neſtuntur: tamen per sex, octo, & viginti menses lites prorogant, hocque causidicorum, & iudicum malitia, atq; improbitate cōtingit. Cū ergo quispiam publico instrumento nexus fuerit, viginti quinque dierū spatio soluere cogatur, et lites omnes de mutuatis pecuniis, quando vel scripta extant, vel testes in hoc dierum spatio terminentur, imò & in breuiori tempore, sola rei veritate inspecta, & iudex reum verbis etiam admoneat, & corripiat, hoc modo: Te pudere deberet hæc propalām



lām manifestissima tam impudenter inficias ire: quis Dæmon, aut prauus genius ad hæc te suaserit. si causidicum afferat (nam hæc malæ bestię sunt infinitarum litium causę, vt lucrentur) & causidicus ipse verbis saltem à iudice corrigendus erit, & admonendus, ne clientulos suos ad tam prauum facinus excercendum suadeat, quod & hominibus displicet, atq; Deo omnipotenti. At de horis redendi iuris iterum verba facturus sum. cū puer essem, bis in die ius in prætorio reddebatur. nunc verò semel redditur, iurisperiti id fieri non posse dicunt (tameu aliàs factum esse non inficiantur) ob allegationes, & ob processuum magnitudinem, quos iudex legere cogitur, & considerare. At hoc fateamur, sed tot auferantur feriæ: & cū diuersa sint causarum genera, cur de mercede ius non redditur? de locationibus? de litibus à decem libris, infra, & de aliis similibus, in quibus nō sunt lōgi processus, neq; allegationes fieri cōsueuerūt? Prætereà, feriæ ob vindemias illis nīhil deseruiunt, qui in vrbe manēt, & qui ad vina cōficiēda rus nō petunt. Nullus est doctor, qui ob vindemias rus petat, nullus nobilis: sunt tātū ciues quidā, quibus facultas non adest nutriendi quæstorem. his hoc munus harū feriarū cōdonetur. Petūt & hī

Z

3

caus



causidici ferias ob calorem, his concedantur, sed hac conditione, ut interim à cibo & potu arceantur: nam hi victu digni non sunt, qui labores fugiunt, calor non est conueniens causa ut ius prorogetur, nisi fortè concederem, ut semel in die ob calorem ius redderetur. **Q V A I N V S.** Audiui & quosdam esse, qui litis finem expectant: postea cum sententia ferenda est, causidicū excitāt: ut lis prorogetur, qui (ac. si nuper in castra proficiscatur) processus copiam petit. **B R.** Hi non solum hoc tempore audiri non debent, sed puniendus est causidicus, velati is, qui accipit quidem à clientulo mercedem, sed liti mentem non adhibuit, si processus copia indiget: nam prius hanc copiam quesuisse debuit, & non expectasse litem esse sententiæ proximam. **Q V A I N V S.** Ergo processus copia his præbenda non est? **B R A S S A V O L V S.** Minimè omnium, cum sunt in litis calce, sed iudex hoc etiam inuito sententiam ferat: qui nec tunc possit etiam iureiurando affirmari suspectus. **Q V A I N V S.** Id quod dicitur porrigere dubia, & dissoluere, lites etiam prorogare videtur. **B R A S S A.** Prorogat quidem, sed id maximè necessarium est: tamen instituendum est, ut vna vice omnia præbeantur dubia, aut saltem non possent eiusc



eiuscemodi dubia præberi dissoluenda, præterquàm bis, quoniam in hac dubiorum ultro citròque dissolutione multi expendantur numi cùm dubia multiplicantur.

Q V A I N V S. Tu diuersarum urbium ordines interim legere poteris, vt commodius sententiam tuam proferas. B R A S S A V O L V S. Imò hoc statui nullum alicuius urbis ordinem legere, sed id solùm scriptis mandare, quod menti meæ gloriosissimus Deus instillabit, quem ex corde orauì, vt & patrem patriæ Ducem nostrum Illustrissimum, & patriam ipsam piè, benignè, & dextero oculo respiceret, mentemque ita dirigeret, vt illa proponerem, quæ & in honorem eius essent, & gratiam, & vniuersis populis utilitatem afferrent.

*Epitome ordinis reddendi iuris.*

Septem (nec minus) eligantur aduentæ Iurisperiti, quibus stipendium exhibeatur ex tota Illustrissimi Ducis ditione, vnicuique verò pro stipendio tercenti præbeatur scuti.

Hi sint per triennium solùm iudices. Singulis quinque mensibus vnus sit antesignamus, vel prior, vel quocunque alio nomine vocetur, qui sententias ferat, ex aliorum tamen consensu.

In officij calce ipsorū quisq; syndicetur.



SENEX. Mihi non displicet hic iuris dicendi modus, quem scriptis tradidisti, at superpetet adhuc tempus brevissimè omnia Sief genera cum paucissima sint explicare.

BR A. A' primo incipito: nam (ut arbitror) breui illa explicabimus, & fortè citius, quàm Illustrissimum Ducem alloqui potuerim. SE. Inuistine tuos omnes ægrotos. BR ASS A. Inuisti, nam paucissimi sunt qui in præsentiarum Ferrariæ ægrotent.

SENEX I.

Primum Sief genus illud est, quod Sief album vocatur. BR ASS. Scito vocabulum hoc Sief arabicum esse, & idem significare, quod collyrium, collyria verò medicamenta ad oculos spectant, verùm à quo autore accipis istud vocatum album collyrium? SE. A' Rasi in tertio ad Almanforem libro, ubi de Ophthalmia sermonem habet, BR ASS. In pharmacopoliis duplex seruatur album collyrium, alterum cum opio, alterum sine opio. SE. Et ego vtrunque paro ad vsus quæ seruo, at Rasis ita nos conficere docet.

℞. Cerussæ lotæ ʒ x.

Sarcocollæ crassæ ʒ iij.

Tragacanthi ʒ j.

Opij ʒ β.

Misce, & conficiantur in formam lenti similem



milem. B R A S S A. Aliqui in parui piri formam componunt, at quo liquore eiusce-  
modi simplicia simul misces? s E. Aqua ro-  
facea, nam ita fieri oportere intentio ad  
ophthalmiam ostendit. B R A S. Cùm sine  
opio paras, immutá s ne simplicia enarrata?  
s E. Neque simplicia neque illorum pondus  
muto. B R A S. Nonnulli ex albumine oui  
conficiunt, & rosaceæ modico, verùm utrū-  
que conuenit, & simul, & seorsum acceptū,  
at compositio quam adduxisti à Mesue re-  
fertur in capite de Ophthalmia, & illa est,  
quam vocat Sief album filij Zachariæ ad  
ophthalmiam conferens & oculorum do-  
lores, in vno tantum simplici ab hoc dif-  
fert. s E. Vt hoc facilius percipiam, compo-  
sitionem (ni pigeat) referto. B R A. Hæc est,  
quæ sequitur:

℞. Cerussæ ablutæ ʒ iiij.  
Sarcocollæ grossæ ʒ iiij.  
Amyli ʒ ij.  
Tragacanthi ʒ j.  
Opij ʒ β,

Misce, & fiant trochisci parui. s E. Ego duas  
inspicio differētias, alteram in cerussæ pon-  
dere, alteram in amylo, quod à Rasi in sua  
compositione positum non est. B R A S. Ita  
esse constat, verùm scire oportet in huius  
collyrij confectione multum esse diuersos

Z s phar



pharmacopólas, nam aliqui ita conficiunt, ut Rasim conficere adduxisti, alij ut Mesue refert secundum Zachariam, imò ut illis placet, opium addunt, & non addunt, & cum opio faciunt, ac sine opio, nonnulli ex aqua rosacea conficiunt, alij ex oui albumine, alij ex utroque, quidam Gummi arabicum adiiciunt, ita conficientes:

**Rx.** Cerussæ lotæ 3 x.

Gummi Arabici

Amyli

Singulorum 3 vj.

Sarcocollæ 3 x.

Tragacanthi albi 3 iiij.

Misce, & cum aqua rosacea conficiantur.

**SENE X.** Hæc sunt absq; opio collyria. **BR.**

Nota verò collyria ex opio non conficere ex hac compositione addito opio, sed sequenti modo parare:

**Rx.** Gummi Arabici

Tragacanthi

Amyli

Singulorum 3 iiij.

Cerussæ lotæ 3 vj.

Opij 3 j.

Confici cum albumine oui. **SENE X.** Ma-

gnæ sunt in hoc Sief diuersitates. **BRAS-**

**S A.** Nondum diuersitatum finem attingisti,

nam aliqui faciunt vnū album collyrium

ex



ex his, quæ in capite de Ophthalmia à Mesue referuntur, alij aliud, nonnulli etenim sunt, qui collyrium album efficiunt à Mesue relatum sub filij Zesar sententia, & hoc est, quod superius retulimus, alij verò ita conficiunt:

**R.** Sarcocollæ nutritæ in lacte asinæ ʒ β.

Amyli ʒ iiij.

Tragacanthi ʒ iiij,

Opij ʒ j.

Olibani ʒ j. β.

Cerussæ ablutæ ʒ vj.

Misce, & conficiantur cum aqua pluuiali.

**SE NEX.** Cur potius cum aqua pluuiali, quàm cum alia? **B R A S S A V O L.** Quia pluuialis aqua percutiendi vim habet, quod in initio ophthalmiæ fieri conuenit, ac debet, ne multa materia ad oculos fluat, sed illa potius, quæ iam adest ad alias partes repellatur. nam in nullo loco deterius esse potest, quàm in oculo. alij collyrium aliud seruant vocatum albū, quod Mesue ad Aboalim refert, & dicit ophthalmiæ conferre, in principio, & augmento. **S E.** Quòdnam est.

**B R A S S A.** Hoc, quod refero:

**R.** Cerussæ ʒ x.

Gummi Arabici

Amyli

Singulorum ʒ v.

Sarc



Sarcocollæ nutritæ in lactæ asinæ aut  
mulieris 3 x.

Tragacanthi 3 iij.

Opij 3 j.ß.

Misce, & cum aqua conficito. s e. Non vi-  
deo in his collyriis magnam esse differen-  
tiam. BRASSAVOLVS. Magna prorsus  
non est, sed aliqua tamen. s e. Sûntne alij  
qui & alio modo à prædictis euarient?  
BRASS. Imò adsunt, nam nonnulli colly-  
rium illud seruant, quod Mesue refert sub  
Alexandri compositione. s e. Hanc Alexan-  
dri compositionem ignoro, nisi illam refe-  
ras. BRASS. Hæc sunt Mesue verba. Sief  
album descriptione Alexandri expertum  
ad ophthalmiam calidam cum nimio do-  
lore, & est mirabile.

℞. Climia, prius tamen lotæ, deinde adu-  
stæ & extinctæ in lacte mulieris 3 x,

Cerussæ lotæ 3 viij.

Scoriæ ferri 3 iiij.

Opij 3 ij.

Tragacanthi

Gummi Arabici

Singulorum 3 iiij.

Misce, & cum aqua pluuiali conficito.

s e. Collyrium hoc éstne cæteris vehemen-  
tius? BRASSA. Multis vehementius est,  
sed nota non esse exquisitè album, licet ad  
albed



albedinem quandam inclinare videatur.  
s. a. Iam dubitationi occurristi, quam pro-  
positurus eram, petere etenim volebam,  
cū climiam recipiat, ferri scoriā, & gum-  
mi Arabicum, quomodo album esse possit,  
at dixisti ad aliquam tendere albedinem,  
veruntamen quōdnam genus seruaturus  
sum? B R A S S A. Illud, quod & prius ser-  
uabas, & cum opio, & sine opio. B R A S S.  
Potēstne oculus ab opio offendi? B R A S-  
S A V O. Nihil profectō oculo prodest opiū,  
tamen in magnis doloribus necessarium  
est & opio vti, & recipientibus opium me-  
dicamentis. s. e. n. Reperitūrne apud anti-  
quos eiusmodi collyrium album voca-  
tum? B R A S. Galenus in quarto de Com-  
positione medicamentorum secundum lo-  
cos, albi collyrij mentionem facit ad epi-  
phoras & affectiones, inscribitur triphe-  
rum, id est, delicatum. s. e. n. Ni pigeat hoc  
Galenī album collyrium adducito. B R A.  
Et adducam & suadebo, vt deinceps illud  
serues cum opio, & sine opio. s. e. Quomo-  
do illud parat Galenus? B R A S S A. Cum  
opio, at ipso remoto, cum opio ampliū  
esse non poterit. s. e. Compositionem hanc  
iam audire flagro. B R A S. Ne flagres ob-  
secro, nam illam nunc refero:

℞. Cadmiæ lotæ ʒ xvj.

Ceruf



Cerussæ ʒ viij.

Amyli ʒ iiij.

Gummi ʒ iiij.

Tragacanthæ ʒ iiij.

Opij ʒ ij.

Excipe aqua pluuiali. Vfus est cum ouo, intellige ex oui albumine. **SENE**. Cadmia abluta à prædictis distingui non videtur. **BRASSAV**. Imò & in illo Alexandri cadmia posita est. **SEN**. Deinceps igitur album hoc Galeni collyrium & cum opio, & sine opio seruaturus sum, & cum à Medicis sief album indicetur, hoc præbebo. **BRASSAVOL**. Si ita feceris, nullo errore detineberis, & antiquas compositiones in lucem reuocabis, quod vnusquisque quātum in se ipso est. facere deberet, ab Aetio libro septimo, capite c vii. duo collyria referuntur, quæ alba vocat, tamen alba non esse constat, si illa quæ ingrediuntur, contemplantur. **SENE**. At quæ ingrediuntur? **BRAS**. Ne tempus conteratur, referre non est opus. **SE**. Cur non est opus? imò duas has compositiones libenter audirem, vt statim an alba essent, deprehendere possem. **BRASS**. Vt tibi morem geram, hæc est prima Aetij compositio, de qua dicit, Diarrhodon album nostrū, inquit Oribasius, in vigore morbi adhibendum ad vlcera, ad hy-

pop



Popia. inustiones, crustas, & vlcera sordida.

℞. Cadmiæ vstæ lotæ

Stibij vsti lori

Rosarum recentium exectis vnguibus

Singulorum ʒ viij.

Opij

Croci

Amyli

Singulorum ʒ iiij.

Aloës ʒ ij.

Tragacanthæ ʒ iiij.

Confice cum aqua, quidam addunt

Samiaæ stellæ ʒ ij.

s e. Hoc nunquam erit album, nā opium, crocum, & aloë præter alia collyrium hoc album sinere non possunt. B R A S S A. Idcirco admiratus sum cur album nuncupauerit. s e. At aliud referto, vt contemplari possim num ita album sit, vt primum. B R. Ita dicit Aëtius Diarrhodon album ex succo hyoschyami, confectum.

℞. Cerussæ ʒ xxv.

Croci ʒ v.

Opij ʒ xij.

Myrrhæ ʒ v.

Rosarū viridiū exectis vnguibus ʒ xvij.

Gummi ʒ c.

Rosas ex aqua terito, deinde cerussam cōmifce, liquores verò & gūmi succo hyoschiami  
mad



ma defacito, & confice, vteréque ad tenuissimos, & acres defluxus, & ad eos qui simul sunt cum vlceribus generosè enim repellit. SEN. Neque istud mihi album videtur. RASSAVO. Neque album esse potest, de albis verò in eodem libro multa dicit capite CIII. SEN. Illa referas. BRASSA. Non referam, etiam si me diutius orares, & impensè efflagitares, tu ipse domi tuæ in authore legere poteris. SENEX. Aetij libro careo. BRAS. Ad te librum mittam, ne me hoc referendi onere premas. at cùm de hoc collyrio nihil aliud dicendum videatur, ad alia te conuertito.

## SENEX II.

Collyrium de Thure secūdo loco scriptum est. BRASSA. A quo authore illud accipis? SE. A meo quodam libello manu scripto, tamē refertur ad Rasim in nono ad Almanforem in capitulo de Oculorum vlceribus. BRAS. Quomodo illud conficis. SE. Vt ab authore scriptum est, videlicet:

℞. Ammoniacy

Sarcocollæ

Singulorum 3 β.

Thuris 3 x.

Croci 3 ij.

Misce cū mucilagine fœnu græci, & collyriū fiat. BR. At alij sunt, qui ita conficiunt.

℞. Amm



R. Ammoniaci

Sarcocollæ

Singulorum ʒ v.

Thuris ʒ x.

Crocī ʒ ij.

Confice cum mucilagine fœnugraci.  
SENEX. A meo tantum differt in simpli-  
cium primorum pondere. BRASSA. Et  
maximè differt. SEN. At, quam compositio-  
nem potius probas? BRASSA. Illam, quam  
nunc adduxi, nam sumi debent ammoniaci  
& sarcocollæ drachmæ quinq; & nō drach-  
semis; error fuit in tuo libello, qui te erra-  
re fecit, quoniam litera hæc. ʒ. hoc modo  
scripta significat semis apud pharmacopô-  
las, sed apud arithmeticos significat quin-  
que, fortè libelli scriptor. secutus est arith-  
meticos & non pharmacopôlas, cum verò  
pharmacopôlæ ita scriptum inuenerint, a-  
rithmetico more videlicet. ʒ. legere semis,  
cum quinque legere debuissent. SEN. Quâ  
cōiectura hoc assecutus es, quòd potius legi  
debeat quinque, quàm semis. BRASSA V.  
His coniecturis in hanc sententiam ductus  
sum, primò quia nimis parua quantitas ho-  
rum duorum simplicium esset in hac com-  
positione. quæ tamen simplicia ad collyrij  
intentionem multum proficiunt. Præterea  
Mesue in capitulo de Oculorum vulneri-  
bus

Aa bus



bus atque vlceribus hoc collyrium integrè refert secundum Zachariam, & ait, de vnoquoque horum (scilicet ammoniaci & sarcocollæ) quinq; recipit drachmas, & inquit vlcera maturare. s e. Reperitur ne apud antiquos eiusmodi de thure collyrium? B R. Hoc iam relatam ad vnguem non reperitur, sed apud Galenum in quarto de Compositione medicamentorum secundem locos, collyrium de thure reperitur, quod vocat Diaolibanon hoc est, de thure, fluxionibus & chemosis accommodum. s e n. Gale. in compositionem referto. B R A s. Hæc est, quam refero:

℞. Cadmiæ ʒ xx.

Thuris ʒ xx.

Cerussæ ʒ xl. Opij ʒ vj.

Gummi ʒ vj.

Aqua pluuiali excipito. s e. Mihi potius vocandum videretur de cerussa, quàm de thure. B R A s. Fortè Galenus hoc noscens addidit, nos autem sic præparauimus:

℞. Cadmiæ

Pompholigis

Thuris

Singulorum ʒ x.

Cerussæ ʒ xl. Opij ʒ vj.

Gummi tantundem.

Aqua pluuiæ excepta admoue cum ouo.

S E N



SEN. Et in hoc etiam thus à cerussa longè  
superatur. **B R A S.** Hoc nihil refert, imò &  
apud Aetium, libro vij. cap. 105. duo è thure  
collyria referuntur, quorum vnum non ha-  
bet plus thuris, quàm aliorum simplicium,  
& in vtriisq; cerussa alia simplicia multùm  
excedit. **S E.** Libenter audirem eiusmodi  
Aetij de thure collyria. **B R A S.** Audito igi-  
tur. hoc primum est, quod dicit valere ad  
defluxus, chemosas, & concauitates.

℞. Cadmiæ 3 viij.

Thuris 3 xx.

Cerussæ 3 xl.

Stellæ Samiæ Gummi

Singulorum 3 vj.

Confice cum aqua, vsus tēpore cum ouo  
diluito. **S E.** Hoc audiui, aliud iam referto.  
**B R A S.** Inquit hoc secundum triphorum  
inscribi ad inuisiones phlyctænas, chemo-  
sas, & præsertim in iis qui nullam prorsus  
mordicationem sufferre possunt.

℞. Cadmiæ lotæ

Thuris, Amyli

Singulorum 3 xx.

Cerussæ lotæ 3 xlvij.

Opij 3 vj. Gummi 3 xvj.

Vsus tempore cum ouo diluitur. **S E.** Quo-  
modo potest ouo dilui?

**B R A S S A.** Sumitur pars illa oui in albu-  
mine

Aa 2



mine liquidior, quæ vti aqua ferè videtur, illa enim diluere potest, & in vsum venire, reliqua verò prosequaris. *SEN.* Cùm genus vnum in medium adduxero, tunc sermo iste finem accipiet. *BRASSAVO.* Hoc igitur vnum referto.

*SENEX. III.*

In meo pharmacopolio seruo etiam Sief de Plumbo. *BRAS.* Et alij etiam Ferrariæ seruant, at ne tibi graue sit compositionem quam paras, referre. *SEN.* Ita illud conficio.

*Rx.* Plumbi adusti

Antimonij

Tutiæ ablutæ

Calceumenon

Gummi Arabici

Tragacanthi

Singulorum 3 viij.

Opij 3 β.

Confice ex aqua pluuiali. *BRAS.* Nullum aliud adhibes huic collyrio artificium? *SE.* Nullum. *BRAS.* At alij hæc in puluerem redigunt, & per pannum sericum tenuem eliquant, postea aqua pluuiali aspergunt, & in globulos conficiunt. *SEN.* Ego pulueres optimè tero, at per sericum non eliquo. *BRAS.* A quo authore accipitur? *SE.* A Rasi in loco superius citato: Dic tu, reperitur ne apud alios authores? *BRAS.* Apud Græc



Gracos nusquā inuenire sciui, at apud Mesuen reperitur in capite de Vulneribus & vlceribus oculorum, cū ait: Confectio Sief filij Zachariæ Arafī, quam compositionem oculorum vulnera replere, & consolidare dicit. **SEN.** Illam referto. **BRASSA.** Quid opus est referre, cū eadem præcisē sit cum illa, quam adduxisti? **SE.** Eliquātne Mesue per sericum pulueres? **BRAS.** Minime, sed cōficat ut tu dixisti, ex aqua pluuiali. **SEN.** Fortē hic Zachariæ filius est Rafis. **BRAS.** Id fieri potest, scito autem & nonnullos ex aqua rosacea conficere, & non ex pluuiali, **SEN.** Cur Medici sief album aqua rosacea supra cotem eliquāt, postea eliquatum succū, qui albus est in oculū iniiciunt? **BRAS.** Galenus in quarto de Compositione medicamentorum secūdum locos, in eliquādis collyriis cotem magnificat, nempē ait lenitiuos autem liquores dixi oui candidum, & scēnugrēci decoctum, & ad hęc amplius ipsum lac in quo prouidum esse cōuenit, ut iuueculæ simūlq; boni succi scēminæ existat, vberibus ipsius in cotem in qua collyrium teritur, expressis, quò calidū adhuc oculis infundatur. En quomodo iubet teri collyria supra cotē, tamen non omnia sunt supra cotem terenda. **SEN.** Quæ autem illa sunt, quæ in cote terenda veniunt. **BRAS.**

Aa 3 Illa



Illa, quæ ad reperiendum adhibentur, nam à cote aliquid enanciscitur depellentis medicamentum. *SEN.* De his generibus iam finitum est. *BRAS.* Igitur tria tantum collyriorum genera in pharmacopoliis seruatis? *SE.* Tria tantum, & non plura, sed Medici in dies sua quædam parant collyriorum genera. *BRAS.* Hoc perspicuum est. nam & ego his etiam rarò vtor, sed cum reperiens sum, & calorem inflammationis, & dolorem in ophthalmia sedaturus, si non acceperim album collyrium vel cum opio, vel sine opio, ita indicare soleo:

*Rx.* Antimonij ʒ j.

Tutix præparatæ ʒ β.

Aquæ rosacæ ʒ iiij.

Misce, & *q̄s opio*, vel lana, vel re alia in oculos imponatur. cum affectum prorogari video, tutiam augeo, & quandoque addo oui albumen, id est partem illam tenellam, & aqueam, quæ in albumine est, nonnunquam verò in mulieris lac antimonium ac tutiam impono. affectu adhuc perseverante, sed inflammatione remissa his, quæ sequuntur vtor:

*Rx.* Tutix præparatæ ʒ j.

Sarcocollæ lacte nutritæ ʒ β.

Aquæ rosacæ ʒ iiij.

Misce, & postea nonnihil lotæ aloës addo,  
& den



& denique ad resoluentia me conféro, &  
nonnunquã somentum hoc supra oculos  
fieri iubeo, quod dolores mirũ in modum  
aufert, materiãsque resoluit,

℞. Fœnugræci

Meliloti

Singulorum manip. ꝑ.

Rosarum rubrarum manip. β.

Misce, & bulliant in aqua fœniculi secun-  
dum artem, postea oculi spongia fouean-  
tur. SEN. Nõne tibi dixi, quod breuibus  
ab hoc collyriorum negotio essemus expe-  
diti? BRAS. Neq; diutius immorari opus  
erat, nam aliò vocor. Vale igitur in præsen-  
tiarum, quoad iterum conueniamus. SEN.

Obsecro quantò citius fieri poterit conue-  
niamus, nam summo gaudio euehor,  
cũ video vniuersum meum phar-  
macopolium in examen venire,

& considerari. BRASSA.

Hoc (Deo duce) tan-  
dem perficie-  
tur.

F I N I S.



# INDEX RERVM

ET CAPITVM INSIG-  
NIORVM, QVAE

HOCCE OPERE CON-  
tinentur, ordine alphi-  
betico, Digestus.

## A

**A**ffectus quina plenitudinem nō pa-  
tiatur. pagina. 45

Agaricū vigoratū quomodo accipiendū. 89

Agarici vis & natura. 91. & 94

Anima an seipsam moueat, an verò ab alio  
moueatur. 631

Anima incorruptibilis. 637

Anima nulla materia concreta: 633

Αἶμας quid. 207

Aqua & aër in quo conueniant. 635

Arteriae quid à venis, quid à stomacho &  
corde trahant. 34

Artes quid prosint & conferant generi hu-  
mano. 641. & 642

## B

Batheca. 68

## C

Callimachus cur Veneri vnguētum & spe-  
culum Mineruae oleum tribuat. 248

Cerata, quid: & vnde dicta. 469

Cerata



# INDEX.

Cerata Capitalia	505
Ceratum stomachale	471.& 472
Ceratum de Betonia	545
Ceratum Isis	545
Ceratum contra pestem	483
Ceratum gratia Dei	496
Ceratum pro Splene	511
Ceratum diuinum	514
Ceratum Ceronium	516
Ceratum Apostolicum	518
Ceratum oxycroceum	521
Ceratum hyssopi	538
Cibus valentior dupliciter esse potest	18
Chimæra quid	202
Collyriorum examen, vide Sief	728
Concoctio quando probè fiat	23.24.& 25
Cœna qualis cōueniat iis, qui laborant ca- pitis affectibus	40
Cœna quæ commendetur in sene	52.& 53
Cœna plenior esse debet prandio in simpli- citer sanis	17.& 19
Cœnæ brevis commendatio	42
Cœnæ & prandij modum pro cuiusque na- tura dimetiri oportet	56
Colores extremi duo	230
Colores quānam animos mortalium pluri- mū afficiant	235
Consuetudines longæ haud mutandæ, præ- sertim in victus ratione	27
Aa 5 Contig	



# I N D E X.

Contiguum quid	210
Corpus tetragonum	218
Corpus magis calefit in vigilia, quàm in somno	39

## D.

<b>D</b> emetrius Phalereus diuitias cæcas dicebat	447
Diachylon magnum	534
Diachylon album	523
Diachylon nigrum	325
Dies quomodo antiquitus diuidebatur	14
Dormire hora vna à prædio, quid adferat	48
Duella, quid	68

## E.

<b>E</b> dere semel in die, quid adferat	13
Emplastrum vnde dictum	649
Emplastrum de crusta panis	650
Emplastrum Diaphœnicum	653
Emplastrum de Meliloto	661
Emplastrum de lauri bacis	672
Emplastrum de Synapi	676
Emplastrum de nidis hyrundinum	680
Emplastrum de Archigenis	687
Emplastrum de capillis vllis	690
Exercitatio repletis noxia	48

## F.

<b>F</b> umi quânam per sudores exeant	39
Fumi per arterias in caput ascēdunt	32
& 33. Et quomodo	34. 36. 37. & 38
	Homo



# I N D E X.

## H.

- H**omo, animal Deo proximum 629  
 Hominis motus atque impetus, item  
 brutorum 643  
 Horatiani loci explicatio. Omne tulit pun-  
 ctum &c. 212. & 215  
 humana oīa caduca, ridicula, & ludibria 453  
 Hyeme in quibus fiat probè concoctio 22  
 Hyrundinum nidi ex Galeno 682. & 683

## I.

- I**eiuniū an noxiū corporibus humanis 11  
 Intellectus an anima 632  
 Iris lunonis nuntia 235  
 Iridis calores in his inferioribus rebus 238  
 Iulius Cēsar vitā sibi maturatā optabat 644  
 Iuris dicendi ratio ac ordo 696

## L.

- L**abores cibum præcedant 29  
 Laus solida à virtute, non à diuitiis pe-  
 rendā 447. & 448  
 Linea quid 205  
 Lucretiæ commendatio insignis apud ma-  
 tronas Romanas 197

## M.

- Malagmata 58  
 Mathematici corpus tribus dimensionibus  
 constituunt 208  
 Mathematicæ pars duplex 200  
 Messagetarū opinio de his, qui moriētes ex  
 ægritud



# INDEX.

egritudine infelicitissimos putat	646. & 647
Mors nemini placet	554
Mortuos quomodo vulgus dimetiatur	626
Murex	217
Murex quid, & quotuplex, eiusque usus	241
Murina vasa	242

## N.

Naturam omnes sumus æquales	468
-----------------------------	-----

## O.

Opinionibus falsis à pueritia imbui, prauum & periculosum	42
--	----

## P.

Pastilli	58. & 60
Prandere plenius & liberalius, quam cenare assuetum, quid agendum	26
Ptissana an tenuior cibis, quam melicratum	44
Punctum quid	200
Pulsus cur initio somni imbecilliores sint, inde robustiores	20. & 21

## R.

Ramich verbo, quid accipiendum	656
Rhabarbarum, & Rhaued Seni, quid differant	70
Rectificare, quid	87
Reipublicæ gubernandæ ratio	702
Rheumatis curandi ratio	46

## S.

Saturnus cur inter Deos relatus	699
Sensus corporei plerumque impediunt sen- silia	



# INDEX

filia iactari	
Sexquiseptula, quid	625
Siciliquium, quid	68
Sief album	68
Sief de Thure	728
Sief de plumbo	737
Solis calor concoctionem impedit magis, quàm adiuuet	339
Τριτόν:	45
. T.	210
<b>T</b> esseris tribus, in lusibus Antiquitas vtebatur	
Item tesseriis vndique non inscriptis	213
Tetragoni in trigonum particio	214
Τετραγωνίου puri mouendo aptum	224
Thraces, Itali, & Epicurei amicorū, paren- tum & filiorum morte gaudent	417
Triangulus quid: & quot eius species	646
Trochisci, quid: & vnde dicti	216
Trochisci de Rosis	58
Trochisci de Agarico	76
Trochisci de Aluaniengi	87
Trochisci de Absynthio	95. & seq.
Trochisci de Capparibus	111
Trochisci de Spodio	121
Trochisci de Rhabarbaro eorum confectio	132
67. & seq.	
Trochisci de Rhaued	72
Trochisci de Camphora	147
Troch	



# INDEX.

Trochisci de Terra sigillata	150
Trochisci Stellæ	156
Trochisci de Thure	166
Trochisci de violis	167
Trochisci de Berberis	172
Trochisci de Lacca	176
Trochisci Alandaal	181
Trochisci de Myrrha	184
Trochisci de Eupatorio	185
Trochisci constrictiui	189
Trochisci de Armeno	193
Et eorum omnium confectio & vsus, late tè per discursum suo cuiusque loco.	
Trochiscorum tria genera	60
Trochiscos sigillare quid	61
Trochiscus Diaphisalidos Alexandri	68
Trochiscus Dialicacabus	102
Trochisci de Charabe	129

## V.

Vapores an intensiores erumpant ob prandium, an ob cœnam	31
Vapores an in vigilia magis, quàm in so- mno ascendant	33. & 35
Venæ quomodo caput ingrediantur: quo modo arteriæ cerebrum	37
Venæ quid trahant ab arteriis, & quid ar- teriæ à venis	34
Ventris temperatura in hyeme	49
Victus ratio in ægris	54
Victus	



# INDEX.

Victus ratio in epilepsia	42. & 43
Victus ratio commoda ei, qui noctu vigilat, & diu dormit	30
Victus ratio apud Romanos, Gallos, Italos Carthagenenses, Tunetanos, & Afros	11. 12. & 15
Victus ratio quomodo instituenda	9. & seq.
vsque ad nume. 1	
Viuerè medicè, q	9
Vnguenta apud quos qualia	244
Vnguenta quæ medicantur	248
Vnguentum vsus ad caput, caniciem parit	249
Vnguentorum de Muccilaginibus	524
Vnguentum Rosaceum	250
Vnguentum infrigidans Galeni	256
Vnguentum de Nuphare citrino	262
Vnguentum Sandalinum	267. & 268
Vnguentum de Semperuiua	272
Vnguentum de Plumbo	276
Vnguentum de Minio	280
Vnguentum Apostolorum	282
Vnguentum Pectorale	294
Vnguentum Digestiuum	301
Vnguentum Mundificatiuum	304
Vnguentum Subtile	307
Vnguentum Mollitiuum	310
Vnguentum de Calce	315
Vnguentum de Gummi helemi	318
Vngu	



# INDEX.

Vnguentum Defensiuum	321
Vnguentum de Cornu cerui	325
Vnguentum de Comitissa	327
Vnguentum Aegyptiacum	337
Vnguentum Expertum	341
Vnguentum de Dialthæa	342
Vnguentum pro scabie	347
Vnguentum Constrictum	360
Vnguentum pro pueri morbis.	362
Vnguentum Capelli	373
Vnguentum Aragon	377. & 378
Vnguentum Agrippæ	385
Vnguentum pro Splene	388
Vnguentum ad Combustos	395
Vnguentum Marciaton	399
Vnguentum Resinum	409
Vnguentum Basilicon	410
Vnguentum de Cerussa	418
Vnguentum de Arthanita	4
Vnguentum stomachale	428
Vnguentum de Betonica	434
Vnguentum Populeonis	435
Vnguentum pro Gallica scabie	441

Finis Indici

LVGDVNI.

EXCVDEBAT IACOBVS

PAVRE.







Stridit  
o pueri  
capelli  
Aragon  
in Agrippa  
um pro Splene  
atum ad Combust  
tum Marciator  
tum Ref  
tum

entui  
entu  
en  
en  
ent  
ent



